


O'ZBEKISTON RESPUBLIKASI OLIY VA O'RTA  
MAXSUS TA'LIM VAZIRLIGI

O'QUV ADABIYOTLARI, BYULLETEN VA JURNALLARNI  
NASHRGA TAYYORLASH MARKAZI

*K. B. USMONOV*

# METALL KESISH ASOSLARI

*Oliy va o'rta maxsus ta'limgazalariga qo'llanma sifatida tasdiqlagan*



TOSHKENT „O'QITUVCHI“ 2004

T a q rizchilar:

**D.E.Aliqulov** – Beruniy nomidagi Toshkent davlat texnika universiteti, „Mashinasozlik texnologiyasi“ kafedrasи mudiri, t.f.d., prof.,  
**S.M.Hasanov** – „Fuqaro aviatsiyasi“ fakulteti dekani, t.f.n.

Mazkur o'quv qo'llanma o'n bir bobdan iborat bo'lib, unda asboblar tayyorlanadigan materiallarning xususiyatlari, geometrik parametrlari, kesilayotgan qatlaming o'lcham va shakllari, metall kesish sohasida yuz beradigan o'zaro bog'liq jarayon va hodisalarining asosiy qonuniyatları, metall kesish jarayoni bilan bog'liq bo'lgan asosiy fizik masalalar yoritilgan.

Qo'llanma mashinasozlik oliy o'quv yurtlarining bakalavr va magistr talabalari uchun mo'ljallangan.

U 1804060200-71 Qat'iy buyurtma-2004  
353(04)-2004

ISBN 5-645-04158-5

© „O'qituvchi“ nashriyoti, T., 2004

## KIRISH

Metallarga kesish yo'li bilan ishlov berish detallarga shakl berishning eng keng tarqalgan usullaridan biridir. Qirindi chiqarmasdan shakl berish usullarining taraqqiy etganiga qaramasdan, metallarni kesib ishlov berish — mashina va uning mexanizmlarini ishlab chiqarishda yetakchi jarayon bo'lib qolmoqda.

Issiqla chidamli, o'ta mustahkam, qiyin suyuqlanadigan po'lat va qotishmalar singari yangi konstruksion materiallarning paydo bo'lishi, ishlov berishning aniqligi va silatiga bo'lgan talabning to'xtovsiz o'sib borishi mutaxassislar oldiga yangi vazifalarni qo'yemoqda.

Materiallarga mexanik ishlov berishning amaliy masalalarini muvaffaqiyatli hal etish ko'p jihatdan kesish jarayonida yuz beradigan hodisalarning fizik mohiyatini tushunishga bog'liq.

O'zbekiston mustaqillikka erishgandan so'ng mashinasozlikda ham ijobiy o'zgarishlar yuz berdi. Hozirgi paytda metallarga kesib ishlov berishning sahoatdagi salmog'i katta. Xususan, mashinasozlik, avtomobilsozlik, energetika, temiryo'l, kemasozlik kabi tarmoqlarda mexanik ishlov berishning salmog'i yuqori. Detal va mexanizmlar konstruksiyalarining murakkablashuvi hamda ishlov berish qiyin bo'lgan metallar va qotishmalardan foydalanish hisobiga aviatsiya va kosmos sohalarida ham mexanik ishlov berishning ulushi ortdi.

Metallarni kesish bo'yicha birinchi jiddiy ilmiy tadqiqotlar XIX asrda amalga oshirilgan. Bu sohadagi dastlabki tadqiqotni 1870-yilda Peterburg tog' institutining professori I.A. Time bajargan edi. 1893-yilda professor K.A. Zvorikin o'z tadqiqotlarini e'lon qildi. Ularda olim kesish kuchining qirqilayotgan metall qatlamining qalinligi va kengligiga bog'liqligini ko'rsatdi hamda qirindi ajralish yassiligini nazariy jihatdan aniqladi. 1915-yilda kesish haqidagi san issiqlik hodisalari va kesish jarayonida qirindi hosil bo'lishi borasidagi tadqiqotlar bilan boyidi. Mazkur tadqiqotlarda Y.G. Usachev birmchi marta metallografik usuldan foydalandi, termojustlik qo'lladi va keskichdagi o'simtalar nazariyasini taqdim etdi.

1936-yilda E.P. Nadeinskaya raisligidagi V.A. Krivousov, I.A. Kashirin, I.M. Besprozvanniy, S.D. Tishinlardan iborat metall kesish bo'yicha hay'at tuzildi. Metallarga kesib ishlov berish sohasida yetakchi mutaxassislar G.I. Granovskiy, P.P. Grudov, M.N. Larin, A.M. Rozenberg, E.K. Zverev, S.S. Rudnik, A.M. Daniyelan, N.I. Reznikov va boshqalar ayrim ilmiy ishlarning rahbarlari sifatida

ishtirok etdilar. Tadqiqot ishlari natijasida metallarga ishlov berishning barcha asosiy turlari uchun kesish rejimining hisob-kitobiga doir materiallar, yetuk me'yorda ishlab chiqildi.

Yillar davomida to'plangan katta tajriba materiallarni kesish jarayonining umumiy nazariyasini ishlab chiqishga imkon berdi.

G.I. Granovskiy, V.A. Shishkov, S.S. Petruxin va boshqalar kesish kinematikasini ishlab chiqdilar. V.A. Krivouxov, A.M. Rozenberg, N.N. Zorev, A.I. Isayev, M.I. Klushin, M.F. Peletika va boshqalar kesish jarayoni mexanikasini rivojlantirdilar. A.I. Reznikov, A.M. Daniyelan, A.L. Malkin, D.T. Vasilyev, P.I. Bobrik va boshqalarning ilmiy asarlariда kesish jarayonining issiqlik fizikasi o'r ganilgan va rivojlantirilgan.

G.I. Granovskiy, T.N. Loladze, A.D. Makarov va boshqalarning ishlari kesish asbobining yeyilishi va chidamliligining eng qiyin masalalariga bag'ishlangan. A.I. Kashirin, N.A. Drozdov, A.G. Sokolskiy, L.K. Kuchma, V.A. Kudinov, V.N. Podurayevlarning tadqiqotlari tusayli kesish paytidagi tebranishlar nazariyasi yaratildi.

V.A. Krivouxov, G.I. Granovskiy, N.N. Zorev, A.I. Isayev, T.N. Loladze, A.M. Rozenberg, M.I. Klushin, A.N. Reznikov, V.F. Bobrov, M.F. Peletika, A.D. Makarov, S.S. Silin, V.N. Podurayev, N.A. Talantov va boshqalarning tadqiqotlari natijalariga ko'ra kesish jarayonining nazariy asoslari ishlab chiqildi. Amerikalik olim Teylorning ilmiy ishlari haim katta amaliy ahamiyatga ega.

O'zbekistonda mashinasozlikning rivojlanishi vatanimizda metall kesish matabining yaratilishi uchun asos bo'ldi. Uning asoschisi G.I. Yakunin bo'lib, bu olim rahbarligida kesish jarayoni bilan bog'liq xilma-xil fizik hodisalar tadqiq etildi. Bu tadqiqotlarga V.A. Mirboboyev, M.T. Balabekov, F.Y. Yakubov, E.O. Umarov, A.S. Assaturov, A.A. Ansupov, A.A. Abdurahmonov, N.S. Abdulla-xonov, A.N. Hoshimov, V.A. Yumatov, G.K. Kamoliddinov, N.G. Molchanova va boshqa qator olimlar o'z hissalarini qo'shdilar.

Ilmiy tadqiqotlarning to'xtovsiz olib borilishi, olingan natijalar va nazariy ishlanmalarni yig'ish va umumlashtirish ishi rivojlanib borgan sari ulardan o'quv kursida foydalanish ham amalga osha boshladи. I.M. Besprozvanniy tomonidan yozilgan „Metallarni kesish“ kursi bo'yicha birinchi darslik 1933-yilda chiqqan edi. Shundan beri turli yillarda bir qator darsliklar va o'quv qo'llanmalar nashr etildi. Ular malakali mutaxassislar tayyorlashda katta ahamiyatga ega bo'ldi va bundan keyin ham ahamiyatini yo'qotmaydi.

# 1-BOB | Metallarga kesib mexanik ishlov berish asoslari

## 1.1. Asosiy ta’riflar

*Metallarga kesib (qirqib) ishlov berish* – zagotovka yuzasidan zarur geometrik shakl, o’lcham va sifatli yuza hosil qilish maqsadida ma’lum qatlarni qirqib olib tashlashdan iborat.


Zagotovkaning ishlov berish uchun mo’ljallangan qatlami *qo’ym* deb ataladi. Kesish jarayonida zagotovkadan olib tashlangan metall plastik deformatsiyaga uchraydi va shaklini o’zgartiradi. Qirqib tashlangan qatlarni o’ziga xos shaklga ega bo’ladi va u *qirindi* deb ataladi.

Metallarga ishlov berish jarayonida zagotovkada qoldirilgan qo’ymni kesish va qirindi holda olib tashlashga asoslangan barcha usullar „metallarni kesish“ deb ataladigan jarayonning turli ko’rinishlaridir.

Kesish jarayoni amalga oshishi uchun zagotovka va kesuvchi asbob bir-biriga nisbatan muvofiq holatda harakatlanishi lozim. Metall kesish dastgohlari qismlarining harakatlari kesish harakati va yordamchi harakatlarga bo’linadi. Kesuvchi asbob yoki zagotovkaga beriladigan kesish harakati *asosiy harakat* hisoblanadi. Asbob tig’ining metallning yangi qatlamlarini uzlusiz kesib borishini ta’minlaydigan harakat *uzatish (surish)* harakati deyiladi. Kesish harakatinining tezligi surish harakatinining tezligiga nisbatan ancha ortiq bo’lib, oddiyigina qilib *kesish tezligi* deyiladi va v harfi bilan belginaladi. Surish harakatinining tezligini esa *surish* deyiladi va S harfi bilan belginaladi.

Uzlusiz (yo’nish, parmalash) va bo’lib-bo’lib qilinadigan (randalash, o’yish) asosiy harakatlar mavjud. Xarakteriga ko’ra aylanma (yo’nish), ilgarilama (sidiresh) yoki ilgarilama-qaytma (randalash) harakatlari bo’lishi mumkin.

Surish harakati ham o’z navbatida uzlusiz (yo’nish, parmalash) va bo’lib-bo’lib qilinadigan (randalash, o’yish), xarakteriga ko’ra esa ilgarilama (yo’nish, parmalash) yoki aylanma (sillqlash, tishlarini kesish) harakatlar bo’lishi mumkin. Chizmalarda surishga surish xarakterini ko’rsatuvchi indekslar qo’yladi:  $S_{bo'y}$  – bo’ylama surish,  $S_k$  – ko’ndalang surish,  $S_t$  – tik surish,  $S_g$  – gorizontal surish,  $S_{ayl}$  – aylanma surish va hokazo.



**1.1-rasm.** Kesish jarayonida zagotovkadagi yuzalar:

- 1 –ishlov berilayotgan yuza;
- 2 –ishlov berilgan yuza;
- 3 –keskich yuzasi.


Ishlov berish u yoki bu usulining mohiyati faqat tezliklar nisbati bilan aniqlanib, kesish yoki surish harakatlari asbobga yoki zagotovkaga uzatilishiga bog'liq emas. Masalan, agar randalash paytida kesish harakatini keskich bajarsa, bu ko'ndalang-bo'ylama randalash dastgohida ishlov berishga mos keladi, agar ishlov berilayotgan zagotovka harakatlantirilsa, bo'ylama-randalash dastgohiga mos tushadi. Parmaksh dastgohida parma aylanma harakat qilib zagotovkani teshadi, revolver dastgohida ishlov berishda asosiy harakatni zagotovka bajaradi. Shunga muvosiq ravishda surish harakatini kesuvchi asbob ham, zagotovka ham bajarishi mumkin.

Kesish jarayonida zagotovkada quyidagi xarakterli yuzalar hosil bo'ladi (1.1-rasm). Kesuvchi asbob bir o'tishda qirqilgan yuza *ishlov berilayotgan yuza* 1, qo'yim olib tashlangandan keyin hosil bo'lgan yuza *ishlov berilgan yuza* 2, kesish jarayonida asbob tig'i bilan bevosita hosil qilingan yuza *kesish yuzasi* 3 deb aytildi. Bu yuza ishlov berilayotgan va ishlov berilgan yuzalar o'rtaqidagi oraliq yuza hisoblanib, faqat kesish paytida mavjud bo'ladi, ishlov berilgandan keyin yo'qoladi.

Kesish yuzasi geometrik nuqtayi nazardan qaraganda asbobning nisbiy ish harakatlari trayektoriyalarining yig'indisidan hosil bo'ladi. Shuning uchun uning shakli asbob tig'ining shakliga va kesish jarayonida asbob va kesilayotgan zagotovka harakatlarining qo'shilib ketishiga bog'liq. Randalash paytida kesish yuzasi tekislik, bo'yamasiga yo'nish paytida esa konvolyut vintsimon yuza bo'ladi.

## 1.2. Asbobning kesuvchi qismi

Kesish jarayoni amalga oshishi uchun kesuvchi asbob kesuvchi qismi muayyan geometrik parametrlarga ega bo'lishi kerak. Bu parametrlarni keng tarqalgan asbob—keskich misolida ko'rib chiqamiz (1.2-rasm).



### 1.2-rasm. Keskich:

1 –old yuza; 2 –asosiy orqa yuza;  
3 –yordamechi orqa yuza; 4 –asosiy  
kesuvchi tig'; 5 –yordamechi  
kesuvchi tig'; 6 –keskich uchi.

Yuza 1 asbobning old yuzasi deyilib, kesish jarayonida undan qirindi sirpanib chiqadi. Yuza 2 asosiy orqa yuza deyiladi, u zagotovkaning kesilish yuzasiga qaragan bo‘ladi. Yuza 3 yordamchi orqa yuza deb atalib, u ishlov berilgan yuzaga qaragan bo‘ladi.


Old va asosiy orqa yuzalarning kesishuvi asosiy kesuvchi tig' 4 ni, old va yordamechi orqa yuzalarning kesishuvi esa yordamchi kesuvchi tig' 5 ni hosil qiladi. Asosiy va yordamchi kesuvchi tig'larining kesishgan nuqtasi keskichning cho‘qqisi 6 ni hosil qiladi. Asbob turiga qarab yordamechi orqa yuzalar bitta va undan ko‘p bo‘lishi (masalan, kesib tushiruvechi keskich) yoki umuman bo‘imasligi mumkin (masalan, o‘qiy silindrik freza). Ayrim keskichlar va boshqa asboblarda asosiy hamda yordamchi tig'lar orasida oraliq kesuvchi tig' mayjud bo‘lib, u old yuzaning orqa oraliq yuzasi bilan kesishuvi natijasida hosil bo‘ladi. Asbob yasash paytida, qulay bo‘lishi uchun, oraliq kesuvchi tig' aylanma yoy yoki to‘g‘ri chiziq shaklida ishlanadi.

Oraliq kesuvchi tig'da asbobning cho‘qqisi deb, asbob dastgohga o‘rnatilganda tig'ning ishlov berilgan yuzaga tegib turadigan nuqtasiga aytildi. Agar kesish jarayonida bitta asosiy kesuvchi tig' ishtirok etsa, *erkin kesish*, asosiy kesuvchi tig'dan tashqari oraliq va yordamechi tig'lar ham ishtirok etsa, *erkin bo‘lgan kesish* deyiladi.

### 1.3. Asbob kesuvchi qismining geometrik parametrlari

Old va orqa yuzalar, asosiy va yordamchi tig'larining asbob tanasiga nisbatan holati asbobning geometrik parametrlari deb atalib, bu parametrlar turli burchak o‘lchamlari bilan belgilanadi.

Asbob kesuvchi qismi tig'ini charxlash va yuzalarini nazorat qilishda koordinata tekisliklaridan foydalilaniladi. Bo‘ylama va ko‘ndalang surilishlarning yo‘nalishiga parallel bo‘lgan tekistik *asosiy tekistik* deyiladi (1.3-rasm, a ). Parallelepiped shakliga ega bo‘lgan




**1.3-rasm.** Asosiy (*a*) va yordamchi (*b*) kesuvchi tekisliklar:  
TYU –tayanch yuzasi; KT –kesish tekisligi; NN, N<sub>1</sub>, N<sub>r</sub> –asosiy va  
yordamchi kesuvchi tekisliklar.

tokarlik keskichlarida quyi *tayanch yuzasi* (TYU) asosiy tekislik sifatida qabul qilinadi. Kesichning asosiy kesuvchi tig'i orqali o'tib kesish yuzasiga tegib turadigan yuzasi *kesish tekisligi* (KT) deyiladi.

Old va orqa yuzalar holatini tasvirlash uchun kesich asosiy kesuvchi tekislik deb ataluvchi *NN* va yordamchi kesuvchi tekislik deb ataluvchi *N, N<sub>1</sub>*, tekisliklar bilan kesiladi (1.3-rasm, *b*). Asosiy kesuvchi tekislik asosiy tekislikdagi asosiy kesuvchi tig' proyeksiyasiga, yordamchi kesuvchi tekislik asosiy tekislikdagi yordamechi kesuvchi tig' proyeksiyasiga perpendikulardir.

Axbobning geometrik parametrlarini asbob tayyorlashda kerak bo'ladigan (statik burchaklar yoki charxlash burchaklari) kesish jarayonining borish sharoitlarini belgilovchi va asbob kesish jarayonidagi parametrlar (ish burchaklar yoki harakat burchaklari) ga bo'lish qabul qilingan. Ba'zi asboblarning ish burchaklari, kattaligiga ko'ra, ma'lum ishlov berish sharoitlarida charxlash burchaklaridan keskin farq qilishi mumkin. Asbob ishlayotgan paytda unga u yoki bu harakatlarni berib yoki bu harakatlarning tezlik nisbatini o'zgartirish orqali charxlashning o'zgarmas burchaklarida har xil kattalidagi ish burchaklari hosil qilish mumkin.

Keskich burchaklarini statikada ko'rib chiqib, kesishda quyidagi xulosalarga asoslaniladi: geometrik jism sifatida qaralganda kesich o'qi tokarlik dastgohi markazlari chiziqlariga perpendikulardir; kesich cho'qqisi dastgoh markazlari chiziqlarida joylashgan; faqat asosiy kesish harakati bajariladi, surish harakati mavjud emas. Kesichning statikadagi burchaklari 1.4-rasmda tasvirlangan.



**1.4-rasm.** Keskichning geometrik parametrlari.

Old burchak  $\gamma$  asosiy kesuvchi tekislikda old yuza izi bilan kesish tekisligi iziga perpendikular bo'lgan tekislik izi oralig'ida o'lchanadi. Old burchak kattalashgan sari kesilayotgan qatlamning deformatsiyasi, kesish kuchi va quvvati pasayadi. Biroq old burchakning kattalashuvi asosiy kesuvchi tig'ning zaiflashuviga sabab bo'ladi, ya'ni uning mustahkamligi pasayadi, kesuvchi tig'ning issiqlikni o'tkazishi yomonlashadi.

Asosiy orqa burchak  $\alpha$  asosiy kesuvchi tekislikda kesish tekisligi izi bilan keskich asosiy orqa yuzasi izi orasida o'lchanadi. Burchak  $\alpha$  keskichning asosiy orqa yuzasi bilan zagotovkaning kesish yuzasi orasidagi ishqalanishni, shuningdek keskichning orqa yuza bo'ylab yedirilishini kamaytirish uchun xizmat qiladi.

$90 - (\alpha + \gamma) = \beta$  burchaklar farqiga teng bo'lgan burchak keskichning o'tkirlilik burchagi deyiladi.  $90 - \gamma = \delta$  burchaklar farqiga teng burchak *kesish (qirqish) burchagi* deyiladi.

Yordamchi orqa burchak  $\alpha_1$  yordamchi kesuvchi tekislikda keskich yordamchi orqa yuzasi izi bilan asosiy tekislikka perpendikular bo'lgan yordamchi kesuvchi tig' orqali o'tadigan tekislik izi orasida o'lchanadi. Yordamchi orqa burchak  $\alpha_1$  ning asosiy vazifikasi keskichning yordamchi orqa yuzasi bilan zagotovkaning ishlov berilgan yuzasi orasidagi ishqalanishni kamaytirishdan iborat. Asosiy kesuvchi tig'ning holati plandagi asosiy burchak  $\phi$  bilan belgilanadi. Keskichning plandagi asosiy burchagi asosiy tekislikka tushayotgan


asosiy tig' proyeksiyasi bilan surilish yo'nalishi orasidagi burchakdir. Burchak  $\phi$  ishlov berilgan yuzaning g'adir-budurligiga ancha ta'sir ko'rsatadi.  $\phi$  burchak kichrayishi bilan ishlov berilgan yuzaning g'adir-budurligi kamayadi. Shu bilan birga bu asosiy kesuvchi tig' uzunligi faol qismining kattalashuviga olib keladi. Bu esa tig' uzunligi birligiga to'g'ri keladigan kesish kuchi va harakatining kamayishiga sabab bo'ladi. Biroq  $\phi$  burchak kichrayishi bilan kesish kuchini tashkil etuvchi radial kuch keskin o'sib boradi, bu esa zagotovkaning egilish va tebranish ehtimolini oshiradi.

Asosiy tekislikka tushadigan yordamehi kesuvchi tig' proyeksiyasi bilan surilish yo'nalishi orasidagi burchak yordamchi burchak  $\phi_1$  deyiladi. Yordamchi burchak  $\phi_1$  kichrayishi bilan ishlov berilayotgan yuzaning g'adir-budurligi kamayadi, keskich cho'qqisining mustahkamligi ortadi, yeylimshi esa kamayadi.

Burchaklar ayirmasiga teng bo'lgan burchak  $180 - (\phi + \phi_1) = \varepsilon$  keskich cho'qqisining plandagi burchagi deb ataladi.

Asosiy kesuvchi tig'ning asosiy yuzaga nisbatan holati, keskich cho'qqisidan asosiy tekislikka parallel o'tgan chiziq bilan asosiy kesuvchi tig' orqali o'tadigan tekislikda joylashgan burchak  $\lambda$  orqali aniqlanadi. Bu burchak asosiy kesuvchi tig'ning *qiyalik burchagi* deyiladi. Qiyalik burchagi  $\lambda$  asosiy kesuvchi tig' bilan asosiy yuzaga parallel bo'lgan tekislik o'rtaidagi yoki asosiy tig'ga bevosita tegib turuvchi burchakdir. Agar keskich cho'qqisi bosh kesuvchi tig'ning eng yuqori nuqtasi bo'lsa, u holda  $\lambda$  burchakni manfiy deb hisoblash kelishilgan (1.5-rasm). Agar keskich cho'qqisi asosiy kesuvchi tig'ning eng pastki nuqtasi bo'lsa, unda  $\lambda$  burchak musbat bo'ladi. Agar asosiy kesuvchi tig' asosiy tekislikka parallel bo'lsa, u holda  $\lambda = 0$ . Burchak  $\lambda$  qirindi chiqish yo'nalishiga ta'sir ko'rsatadi.

Keskich cho'qqisini zagotovkaning aylanish o'qidan balandroq yoki pastroq o'rnatish, jismning geometrik o'qini vertikal o'q atrofida aylantirgandek keskich kesuvchi qismi amaldagi geometriyasining o'zgarishiga olib keladi. Silindrik sirtga o'tuvchi tokarlik




**1.5-rasm.** Keskich asosiy kesuvchi tig'ining qiyalik burchagi.

keskichi bilan ishlov berilganda (1.6-rasm, *a*), keskichni zagotovkaning aylanish o'qidan  $h$  kattalikka balandroq o'rnatganda, γ burchak kattalashadi, α burchak esa kichrayadi. Keskich zagotovkaning aylanish o'qidan  $h$  kattalikka pastroq o'rnatilganda esa, γ kichrayadi, α burchak esa kattalashadi. 1.6-rasm, *b* da  $\varphi$  va  $\varphi_1$  burchaklarning keskich o'qining zagotovka aylanish o'qiga nisbatan o'zgarishi ko'rsatilgan 1.6-rasm, *b* da tasvirlangan chizmalar asosida quyidagilarga ega bo'lamiz:


$$\varphi_{\pm} = \varphi \pm \mu, \quad \varphi_{1\pm} = \varphi_1 \pm \mu.$$

Bu yerda  $\mu$  – keskich o'qining zagotovka o'qi perpendikulariga nisbatan burligan burchagi. Yuqoridagi belgililar keskichning soat miliga qarshi, pastkilari esa soat miliga mos keladi.

1.6-rasm, *a* dan keltirib chiqarilgan tenglamalar old burchakning  $\Delta \gamma = \gamma_k - \gamma$  va orqa burchakning  $\Delta \alpha = \alpha_k - \alpha$  og'ishi burchaklarning o'lchamlariga unchalik bog'liq emasligini ko'rsatadi va ularning odatdagagi qabul qilingan qiymatlaridan ( $\gamma = -15\dots +25^\circ$ ;  $\alpha = 5\dots 15^\circ$ )  $1\dots 2^\circ$  ortmaydi.



**1.6-rasm.** O'tuvchi keskichni dastgohga o'rnatganda γ va α (*a*). φ va  $\varphi_1$  (*b*) burchaklarning o'zgarishi.



**1.7-rasm.** Kesish jarayonida o'tuvchi tokarlik keskichi  $\gamma$  va  $\alpha$  burchaklarining o'zgarishi.

Kesish jarayonida  $\gamma$  va  $\alpha$  burchaklar ham o'zgaradi. Bu hol shunday izohlanadi: zagotovkaning aylanma va keskichning ilgarilanma harakati natijasida asosiy kesuvchi tig' istalgan nuqtasining amaldagi trayektoriyasi vint chizig'i bo'ylab bo'ladi, kesish yuzasi esa vint yuzasidir. 1.7-rasmida tasvirlangan chizmani ko'rib chiqamiz. Vint yuzasiga tegib turadigan va kesishning nazariy tekisligi  $BB$  bilan  $\mu$  burchakni hosil qilgan.  $AA$  chizig'i haqiqiy kesish yuzasining izi bo'ladi. Buning oqibatida  $\alpha$  burchak kichrayadi,  $\gamma$  burchak esa kattalashadi:  $\alpha_u = \alpha - \mu$  va  $\gamma_u = \gamma + \mu$ .

Vint chizig'ining ko'tarilish burchagi  $\mu$  kesish va surilish tezligiga bog'liq va quyidagi bog'liqlik bilan ifodalanadi:

$$\operatorname{tg} \mu = \frac{\pi S_b}{1000 v} = \frac{S_b}{\pi D}.$$

Katta surilishlar bilan ishlashda, shuningdek, rezba kesishda burchaklarning o'zgarishi salmoqli bo'ladi, shuning uchun, surilish qancha katta bo'lsa,  $\mu$  burchak ham shuncha katta bo'ladi.

## 2-BOB | Asbobsozlik materiallari

### 2.1. Asbobsozlik materiallariga qo'yiladigan talablar

Mehnat quroli sifatida inson keskichni, keyin dastgohni yaratdi. Tarixiy taraqqiyot shuni ko'rsatdiki, bulardan birining takomillashuvi boshqasining takomillashuviga sabab bo'ladi. Yangi asbobsozlik materiallarining yaratilishi, yuqori saimarali, katta quvvatli metall kesish dastgohlarining yaratilishiga turtki bo'ladi.

Asbobsozlik materiallari asbobning kesish xususiyatlarini yaxshilash va mehnat unumini ko'tarishda, ishlov berilayotgan detallarning sifat tavsiflari va aniqlik parametrlarini shakllantirishda hal qiluvchi ahamiyatga egadir. Qirquvchi asbobning ishchonchli ishlashi, asbobsozlik materiallariga qo'yiladigan muayyan talablarga bog'liq. Asbob materiallariga qo'yiladigan asosiy talablar:

### *1. O'ta mustahkamlik va qattiqlik*


Asbobning kesuvchi tig'i qayrilmasdan ishlov berilayotgan material qatlamini kesa olishi va uni qirindiga aylantirishi uchun asbobsozlik materialining qattiqligi ishlov berilayotgan material qattiqligidan ancha yuqori bo'lishi kerak.

Kesilayotgan qatlam qirindi orqali asbobning old yuzasiga katta kuch bilan ta'sir qildi. Natijada kesuvchi ponaning kontakt yuzalarida katta kuchlanish paydo bo'ladi. Bu kuchlanish asbobning ish qismini buzmasligi uchun asbobsozlik materiallari yuqori mustahkamlikka ega bo'lishi kerak. Bundan tashqari kesuvchi asboblar ko'pincha uzlukli kesish sharoitlarida yoki ishlov berish uchun qoldirilgan qo'yimning bir xilda emasligi, shuningdek ishlov berilayotgan materialning ko'ndalanggiga va bo'ylanmasiga qattiqligining har xilligi tufayli turlicha kuch sarflab ishlashga to'g'ri keladi. Shuning uchun asbobsozlik materiali o'ta qattiq bo'lish bilan birga siqilish va egilish deformatsiyasiga qarshilik ko'rsata olishi, yuqori chidamlilik va zarbiy qovushqoqlikka ega bo'lishi lozim.

### *2. Issiqqa chidamlilikning yuqoriligi*

Kesish jarayonida mexanik energiyaning issiqlik energiyasiga aylanishi tufayli asbobga kuchli issiqlik oqimi ta'sir etadi. Jadal qizib borish natijasida asbobning kontakt yuzalari o'zining dastlabki qattiqligini yo'qotadi, yumshab qoladi va tez yeyiladi. 2.1-rasmda turli asbobsozlik materiallari qattiqligining qizish paytida pasayishi ko'rsatilgan. Undan ko'rinish turibdiki, 300°C haroratda U10 uglerodli po'lat o'z qattiqligini keskin kamaytiradi, SM-332 markali mineral-keramika esa bu haroratda o'z qattiqligini saqlab qoladi [1].

Asbobsozlik materiallarining issiqqa chidamliligi deganda materialning qizigan paytda kesish jarayonini amalga oshirish uchun yetarli darajada qattiqligini saqlay olish xususiyati tushuniladi. Asbobsozlik materialining kesish paytidagi issiqqa chidamliligi *kritik harorat* deb ataluvchi tushuncha bilan tavsiflanadi. Qizish paytida kritik haroratdan yuqori harorat yuzaga kelganda asbobsozlik materialida qattiqligining pasayishi bilan bog'liq struktura o'zga-



**2.1-rasm.** Asbobsozlik materiallari qattiqligiga haroratning ta'siri (Vickers bo'yicha):

1—SM-332 mineral keramikasi; 2—T15K6 qattiq qotishmasi; 3—VK8 qattiq qotishmasi; 4—R18 tezkesar po'lati; 5—U10 uglerodli po'lati.

rishlar yuz beradi. Ba'zan kritik harorat haroratga chidamlilik, qizishga chidamlilik deb ham ataladi. Kesuvchi asbob uzlukli kesish sharoitida ishlashi mumkin. Bunda uning kesuvchi tig'i ish paytida davriy ravishda qiziydi, salt yurishda esa soviydi. Issiqlik yuklamasining davriy ravishda o'zgarib turishi asbob materialining issiqlik — mexanik toliqishiga sabab bo'ladi va toliqish darzlarini vujudga keltiradi. Shu sababli, asbobsozlik materiali issiqa yuqori darajada chidamli bo'lishi bilan birga davriy harorat o'zgarishlari ta'siriga ham chidamli bo'lishi kerak.

### *3. Yeyilishga chidamlilikning yuqoriligi*

Kesish jarayonida qirindining old yuza va kesuvchi yuza, kesuvchi tig'ning orqa yuzasi bo'ylab katta tezlikda siljishi, bir-biriga tegib turgandagi kontakt yuqori kuchlanish va yuqori harorat natijasida asbobning ish yuzalari yeyiladi. Yeyilishga chidamlilik deganda, asbobsozlik materialining kesish paytida asbobning ishqalanish yuzasida metall zarrachalarining yeyilishga qarshilik ko'rsatish xususiyati tushuniladi. Kontakt yuzalarning yeyilishi asbobning ishlov berilayotgan material bilan butun harakati davomida yuz beradi. Natijada tig' o'zining muayyan hajmini yo'-qotadi va bu yeyilishning izlari unda ish yuzasining shakli o'zgarishidan yaqqol ko'rniib turadi. Materialning yeyilishga chidamliligi uning mexanik xususiyatlari (qattiqligi, mustahkamligi, issiqa chidamliligi)ga bog'liq.

#### *4. Issiqlik o'tkazuvchanlikning yuqoriligi*

Asbobsozlik materialining sifatini yaxshilashda uning issiqlik o'tkazuvchanligining yuqori bo'lishi katta ahamiyatga ega. Xususan, issiqliga o'ta chidamli materiallarga ishlov berishda bu juda muhim. Materialning issiqlik o'tkazuvchanligi qancha yuqori bo'lsa, charxlash paytida asbob tig'larida darz va kuyindilar hosil bo'lish ehtimoli shuncha kam bo'ladi. Bundan tashqari issiqlik o'tkazuvchanlik o'sib borganda, kesish sohasidan issiqlikni qaytarish sharoiti yaxshilanadi, bu kesish haroratini pasaytiradi va asbobning yeyilishga chidamliligin oshiradi. Issiqlik o'tkazuvchanlikning yuqoriligi asbobsozlik materialining muhim ko'rsatkichi hisoblanadi va kesuvchi asbobning ishda ishonchliligin ta'minlaydi.

#### *5. Yuqori tejamlilik*

Hozirgi paytda mashinasozlik sanoatida ko'plab metall kesish dastgohlari ishlataladi va ularning aksariyati bir nechta asbob bilan jihozlangan. Metall kesish parklarida tez sur'atlar bilan tatbiq etilayotgan ishlov berish markazlari o'nlab, hatto yuzlab kesuvchi asboblari bor magazinlar bilan jihozlangan. Sanoatda foydalilanilayotgan katta miqdordagi asboblar uchun tegishli miqdorda asbobsozlik materiali talab qilinadi. Shuning uchun asbobsozlik materiali iloji boricha arzon bo'lishi va tarkibida kamyob materiallarni bo'limasligi lozim. Yuqorida sanab o'tilgan talablardan tashqari asbobsozlik materiallariga sovuqlayin va issiqlayin ishlov berish mumkin bo'lishi, issiqlik ishlovi berishda, payvandlashda, charxlashda, kavsharkashda muayyan xususiyatlarga ega bo'lishi kerak.

Asbobsozlik materiallarining hozirgi paytgacha ishlab chiqarilgan quyidagi guruhlari aytib o'tilgan talablarga u yoki bu darajada javob beradi: 1) uglerodli asbobsozlik po'latlari; 2) legirlangan asbobsozlik po'latlari; 3) tezkesar po'latlar; 4) qattiq qotishmalar; 5) mineral-keramika; 6) tabiiy va sintetik olmoslar; 7) o'ta qattiq materiallar; 8) abraziv materiallar.

### **2.2. Uglerodli asbobsozlik po'latlari**

Uglerodli asbobsozlik po'latlarining quyidagi markalaridan foydalilanadi: U7A, U8A, U9A, U10A, U11A, U12A va U13A. Bu po'latlarning markirovkasidagi A harfi ularni yuqori sifatli qilib quyish mumkinligini ko'rsatadi. Yuqori darajada qattiqlikni hosil qilish uchun uglerodli po'latlar qoldiq kuchlanishni yo'qotish,

mustahkamligi va qayishqoqligini oshirish maqsadida keyinchalik bo'shatib toblanadi. Asbobning o'chamlari va po'lat tarkibidagi uglerod miqdoriga bog'liq ravishda toplash harorati 760...820 °C atrofida bo'ldi.

## 2. I-jadval

### **Uglerodli asbobsozlik po'latlarining fizik-mexanikaviy xususiyatlari va tarkibidagi legirlovchi elementlar (% hisobida) miqdori**

Po'-lat mar-kasi	C	Mn	Si	Cho'zi- lishdagi mustah- kamlik chega- rasi, $\sigma_{ch}$ , GPa	Egilish- dagi mustah- kamlik chega- rasi, $\sigma_e$ , GPa	Qat- tiqligi, HRC	Issiqqa chi- dam- liligi, °C	Siqi- lishga chi- dam- lilik chega- rasi, $\sigma_s$ , GPa
U10A	0,95... 1,04	0,15... 0,30	0,15... 0,30	1,8	2,8	61	220	3,5
U12A	1,15... 1,24	0,15... 0,30	0,15... 0,30					

Termik (issiqlik bilan) ishlov berish natijasida uglerodli po'latlar HRC 61....63 qattiqlikka ega bo'ladi, bu esa ular bilan barcha asosiy konstruksion po'latlar va cho'yanlarga yumshatilgan va normalashgan holatlarda ishlov berish imkoniyatini beradi. Uglerodli po'latning tob berish va bo'shatishdan keyingi tuzilishi tarkibida oz miqdordagi qoldiq austeniti bor yashirin kristalli martensit va karbid (sementit) lardan iborat bo'ladi. Uglerodli po'latlar yetarli darajada yuqori mexanik mustahkamlikka ega (2.1-jadval) va asbob tig'larining shakliy mustahkamligini yaxshi ta'minlaydi.

Tarkibida legirlovchi kimyoviy elementlarning yo'qligi sababli uglerodli po'latlar yaxshi silliqlanadi va arzon asbobsozlik materiali hisoblanadi.

Past toblab keyin sovuq suvda sovitish uglerodli po'latlarning kamchiligi hisoblanadi. Shunday qilinganda toblangan asbobning kuchlanishi va deformatsiyasi ortadi va darz ketishiga sabab bo'ladi. Ammo uglerodli po'latlarning asosiy kamchiligi ularning issiqqa chidamliligining pastligi hisoblanadi (kritik harorati  $\theta_{kr} = 200...250°C$ ).

Kesish jarayonida yuqori darajada qiziganda strukturaviy o'zgarishlar hisobiga uglerodli po'latlarning qattiqligi keskin pasayadi va asboblarning tig'lari tez yeyilib, ishlov berilayotgan materialni kesmay qo'yadi. Issiqla chidamlilik darajasining pastligi uglerodli asbobsozlik po'latlarini yuqori samarali asboblar ishlab chiqarish sohasini cheklab qo'yadi. Uglerodli po'latlardan dastaki asboblar (chilangarlik) va past kesish tezligida (10...15 m/min) ishlaydigan mashina asboblari yasaladi. Masalan, U12A po'latidan dastaki razvyortkalar, metchiklar va plashkalar, U9A po'latidan esa iskanalar tayyorlanadi. Mashina asboblari (metchik, razvyortka, parma, zenker va frezalar) U12A po'latidan yasaladi.

### **2.3. Legirlangan asbobsozlik po'latlari**

Uglerodli asbobsozlik po'latlarining yeyilishga chidamliliginini, ayniqsa, past kesish tezliklarida ishlaganda, ularga oz miqdorda xrom, marganes, volfram, kremniy qo'shish yo'li bilan ancha ortirish mumkin. Bunday asbobsozlik po'latlari *legirlangan* po'latlar deb ataladi. XV5, XVG, 9XS markali po'latlar ko'p tarqalgan.

*2.2-jadval*

**Legirlangan asbobsozlik po'latlarining kimyoiy tarkibi(% da)  
va qattiqligi**

Po'lat mar- kasi	C	Mn	Si	Cr	V	Mo	W	Qattiq- ligi, HRC, kamida
XV5	1,25... 1,5	< 0,3	< 0,3	0,4...0,7	0,15... 0,3	—	4,5... 5,5	65
XVG	0,9... 1,05	0,8 ...1,1	0,15... 0,35	0,9...1,2	—	—	1,2 ... 1,6	62
9XS	0,85... 0,95	0,3...0,6	1,2... 1,6	0,95... 1,25	—	—	—	62

XV5 po'lati 820...840 °C haroratda suvda toblanadi, so'ngra 150...180°C da bo'shatiladi. Martensitda uglerod konentratsiyasi yuqori bo'lqanda po'lat tarkibida ko'p miqdorda murakkab karbidlarning bo'lishi juda qattiq po'lat olish imkonini beradi (HRC 65...67). XV5 po'lati yomon qiziydi va mustahkamligi jihatidan U12A po'latidan qolishmaydi. Ammo o'ta qattiqligi tufayli kichik

plastik deformatsiyalarga ham qarshiligi yuqori bo'lib, undan tayyorlangan asboblar tig'larining shakli barqarordir. Bu po'latdan razvyortkalar va past kesish tezligida ishlaydigan shakldor kes-kechilar tayyorlanadi.

XVG po'lati 830–850 °C da moyda toblanadi va 150–180°C da bo'shatiladi. Tob berilgandan va bo'shatilgandan keyin HRC 63...65 qattiqlikka va yetarli darajada qovushqoqlikka ega bo'ladi. Po'lat uning tarkibida marganes bo'lganda ham yaxshi toblanadi, qoldiq austenit miqdorini ko'paytirib beradi. Po'lat toplash paytida yuz beradigan hajm o'zgarishlarga kam uchraydi. Shu sababli, bu po'latdan tayyorlangan asboblar oz deformatsiyalananadi va uni to'g'rilash oson. Qoldiq austenitning ko'pligi tufayli kichik plastik deformatsiyalarga qarshiligining kichikligi, karbid miqdorining turli-tumanligi va jilvirlashda darzlar hosil bo'lismiga moyilligi XVG po'latinining kamchiliklari hisoblanadi. XVG po'lati, asosan, yirik o'lehamdag'i protyajkalar tayyorlash uchun ishlatiladi.

9XS po'lati 865...875 °C da moyda toblanadi, so'ngri 150...180°C da bo'shatiladi. Bunda u HRC 63...64 qattiqlikka ega bo'ladi. Po'lat yaxshi qizish va toblanish xususiyatlariiga ega. Moyda tob berilishi tufayli 9XC po'latidan tayyorlangan asbobning deformatsiyasi kamayadi. Tarkibidagi kreminiy po'latni o'ta qizib ketishga chidamli qiladi, mayda donlarning saqlanishiga imkon beradi va karbidlarning asbob ko'ndalang kesimi bo'ylab bir tekis taqsimlanishini ta'minlaydi. Mazkur po'latning kamchiligi uning uglerodsizlanishga moyilligi, ishlov berilgan yuza g'adir-budurligini tekislash uchun kesib ishlov berish qulay emasligi hisoblanadi. 9XS po'lati karbidining yuqori darajada bir jimslligi sababli undan juda yupqa kesuvchi qisimi bo'lgan asboblar yasash (kichik diametrli pormalar, metchiklar, razvyortkalar, rezba kesuvchi asboblar, frezalar) imkonini beradi.

Ko'rib o'tilgan barcha legirlangan po'latlar issiqlikka chidamlilik darajasiga ko'ra U12A ( $0_{\text{н}} = 250^{\circ}\text{C}$ ) uglerodli po'latidan kam farq qiladi. Shu sababli, ulardan tayyorlangan asboblar past kesish tezliklarida ishlay oladi (20...25 m/min).

## 2.4. Tezkesar asbobsozlik po'latlari

Tezkesar asbobsozlik po'latlari legirlangan po'latlardan tarkibida karbid hosil qiluvechi elementlarning (volfram, vanadiy, molibden va xrom) katta miqdorda mavjudligi bilan farq qiladi va bu hol mazkur po'latlarni issiqliqqa chidamliliginini ancha oshiradi.

**Tezkesar asbobsozlik po'latlarining kimyoviy tarkibi**

Po'lat markasi	Kimiyoviy tarkibi ( % da)					
	W	Mo	V	Co	C	Cr
P9	8,5...10,0	1,0	2,0...2,5	—	0,85...0,95	3,8...4,4
P18	17,0...18,5	1,0	1,0...1,4	—	0,70...0,80	3,8...4,4
P9F5	9,0...10,5	1,0	4,3...5,1	—	1,4...1,5	3,8...4,4
P6M5	5,5...6,5	5,0...5,5	1,0...2,1	—	0,8...0,88	3,8...4,4
P6K5	5,5...6,5	1,0	2,0...2,6	5,0...6,0	0,9...1,0	3,8...4,4
P9K10	9,0...10,5	1,0	2,0...2,6	9,0...10,5	0,9...1,0	3,8...4,4

Uglerodli asbobsozlik po'latining 200..250°C dan yuqori haroratda qiziganda qattiqligining yo'qotishi martensitdan ajralib chiquvchi temir karbidining jadal koagulyatsiyasiga bog'liq. Po'lat tarkibiga volfram, vanadiy, molibden va xromni ma'lum miqdorda va birikmalar holida kiritilishi barcha uglerodni bog'lab turuvchi murakkab karbidlar hosil qilinishiga olib keladi. Natijada karidlarning koagulyatsiya jarayoni ancha yuqori haroratda sodir bo'ladi va po'latning issiqliqa chidamliligi ortadi. Bu hodisada volfram, vanadiy va molibden asosiy ro'l o'yнaydi. Tezkesar po'latlarning issiqliqa chidamliligining yuqoriligi ularni yuqori haroratda (1300°C) qizdirib toplash va moyda sovitish, so'ngra uch marta 550–580°C da bo'shatish orqali ta'minlanadi.

**Tezkesar asbobsozlik po'latlarining fizik-mexanikaviy xossalari**

Po'lat markasi	Cho'zi- lishdagi mustah- kamlik cheгараси, $s_{ch}$ , GPa	Egilishdagi mustah- kamlik cheгараси, $\sigma_e$ , GPa	Siqilish- dagi mustah- kamlik cheгараси, $\sigma_s$ , GPa	Qattiqligi, HRC	Issiqliqa chidam- liligi, °C
P9	2,5	3,35	4,0	62...63	620
P18	2,5	2,9...3,1	4,0	62...63	620
P6M5	2,5	3,3...3,4	4,0	63...64	620
P9F5	2,5	2,6...2,9	4,0	64...65	620
P6K5	2,5	2,5	4,0	63...64	640
P9K10	2,5	2,05...2,1	4,0	63...64	640

Yuqori toblanish harorati yetarli miqdordagi murakkab karbid-larning ko‘p miqdorda erishini va austenitning uglerod hamda legirlovchi elementlar bilan o‘ta to‘yinishiga imkon beradi. Toblangandan keyin tezkesar po‘latning strukturasi yuqori legirlangan martensit, karbid va austenitdan iborat bo‘ladi. Bo‘shatish paytida qattiq eritmaning qisman parchalanishi yuz beradi, qoldiq austenit martensitga aylanadi, karbidlarning dispers zarralari ajralib chiqadi va bu qattiqlikni oshirishga xizmat qiladi.

Uglerodli va legirlangan asbobsozlik po‘latlariga nisbatan tezkesar po‘latlar qattiqligi, mustahkamligi, issiqqa chidamliligi, yeyilishga chidamliligi, kichik plastik deformatsiyalarga qarshilik ko‘rsata olishi, yaxshi toblanishi bilan ajralib turadi. Tezkesar po‘latlarning issiqqa chidamliligi ulardan yasalgan asboblarning uglerodli asboblarga qaraganda 2,5...3,0 marta yuqori tezlikda kesish imkonini beradi.

Tezkesar po‘latning yaxshi kesishi hamda texnologik xususiyatlarining yuqoriligi ulardan turli asboblar yasashda keng foydalanish imkonini beradi. Qattiq qotishmalardan asboblar yasash katta texnologik qiyinchiliklar tug‘dirgan va qimmatga tushgan hollarda (masalan, shakldor asboblar, murakkab konstruktiv shaklga ega asboblar) asboblar tezkesar po‘latlardan yasaladi. Bundan tashqari qattiq qotishmalardan tayyorlangan asboblarning mexanik mustahkamligi kesish paytida yetarli bo‘lmaydi va bu hol asbobning ishdan chiqishiga olib kelishi mumkin. Bu ko‘proq odamsiz ishlaydigan texnologiyada yuz beradi (masalan, o‘ta mustahkam materiallarni qalin qatlam bilan kesishda, juda qiyin dinamik rejimli uzlukli kesishda, DMAD texnologik tizimining bikrili kichik paytida kesishda).

Tezkesar po‘latlardan shakldor keskichlar, parmalar, zenerlar, razvyortkalar, metchiklar va plashkalar, vint kesuvchi kallaklar, silindrik, o‘qiy va tugalma (chekka) frezalar, shakldor va rezba frezalari, chervyak-modulli va chervyak-shlitsali frezalar, tish kesuvechi o‘ygichlar, sheverlar, protyajkalar tayyorlanadi.

## 2.5. Qattiq qotishmalar

XX asrning 30-yillari boshida qattiq qotishmalarning tatbiq etilishi metallga ishlov berish sanoatida mehnat unumdonligining keskin oshishiga olib keldi. Asbobning yeyilishga chidamliligi va kesish tezligi o‘n martagacha oshdi, ishlov berilgan yuzaning sisati yaxshilandi, tayyorlash aniqligi ortdi. Asboblarning kesuvchi

qismlarini tayyorlash uchun metall-keramika deb ataluvchi qattiq qotishmalar qo'llaniladi. Metall-keramika qattiq qotishmalarini karbid kukuni va sementlovehi metall aralashmasini berk atmosferada pishirish orqali tayyorlanadi. Bu qattiq qotishmalarni tayyorlash texnologiyasi sopol ishlab chiqarish jarayoniga o'xshashligi tufayli ular *metall-keramika qattiq qotishmalar* deb atalgan.

Qattiq qotishmalar tayyorlash uchun birlamchi xomashyo sisatida volfram, titan, tantal kabi qiyin suyuqlanadigan metallar karbidlarining kukunlari va karbidlar hosil qilmaydigan kobalt kukunidan foydalaniladi. Kukunlar muayyan miqdorda aralash-tiriladi, qoliplarda presslanadi va 1500...2000°C haroratda pishiriladi. Pishirilganda qattiq qotishmalar o'ta yuqori qattiqlikka ega bo'ladi va issiqlik bilan qo'shimeha ishllov berishga hojat qolmaydi. Kesuvchi asboblar tayyorlash uchun qattiq qotishmalar muayyan

### 2.5-jadval

#### Ayrim qattiq qotishmalarning fizik-mexanik xossalari va kimyoviy tarkibi

Markasi	Kimiyoiviy tarkibi, %				Zichligi, g/sm <sup>3</sup>	Mustah-kamlik chegarasi		Qattiqligi, HRS	Issiqligida chidamlili- ligi θ <sub>kr</sub> , °C
	WC	TiC	TaC	Co		egi-fishda $\sigma_e$ , GPa	siqil-ganda $\sigma_{sq}$ , GPa		
VK3	97	—	—	3	14,8...	1,0	5	89	800...850
VK6	94	—	—	6	15,3	1,2	5	88	
VK8	92	—	—	8	14,5... 15,0	1,3	5	87,5	
T30K4	66	30	—	4	9,5...9,8	0,9	4	91	850...900
T15K6	79	15	—	6	11,0...	1,1	4	90	
T5K10	85	6	—	9	11,7 12,2... 13,2	1,15	4	88,5	
TT7K12	81	4	3	12	13,0... 13,3	1,65	—	—	750

shakl va o'chamdag'i plastinkalar ko'rinishida yetkazib beriladi. Qattiq qotishmalar plastinkalari asbob korpusiga kavsharlab yoki turli xil mexanik qotirish yo'li bilan mahkamlanadi.

Qotishma tarkibida volfram, titan, tantal karbidlari qancha ko'p bo'lsa, uning qattiqligi shuncha yuqori, lekin mexanik mustahkamligi past bo'ladi. Kobalt miqdori ortganda esa aksincha, qotishmaning qattiqligi va issiqqa chidamliligi pasayadi, ammo mustahkamligi ortadi.

Qattiq qotishmalar 3 guruhga bo'linadi:

1. Volframli (bir karbidli) qotishmalar; ular volfram karbidi va kobaltdan iborat bo'ladi. Bu guruhga mansub qotishmalar VK harllari bilan belginaladi. K harlidan keyin kobalt necha foizligini ko'rsatuvchi raqam qo'yiladi. Masalan, VK6 tarzidagi belgilanish tarkibi 6% Co va 94% W dan iborat qotishmani taysiflaydi. Shu guruhning yirik donli qotishmalarini belgilashda qo'shimcha V harfidan (masalan, VK8V), mayda donli qotishmalar uchun M harfidan foydalaniadi (masalan, VK6M).

2. Titan-volframli (ikki karbidli) qotishmalar. Bular volfram karbidi, titan karbidi va kobaltdan tashkil topgan. Bu guruh qotishmali TK harllari bilan belginaladi. T va K harflaridan keyin qo'yilgan raqamlar titan karbidi va kobaltning qotishma tarkibidagi miqdorining foizlarini bildiradi.

3. Titan-tantali volframli (uch karbidli) qotishmalar. Ular volfram karbidi, titan karbidi, tantal karbidi va kobaltdan tashkil topgan. Bu guruhga kiruvechi qotishmalar titan-volframli qotishmalarga o'xshash va aynan o'sha harflar bilan belgilanadi, faqat yana T harfi qo'shiladi (masalan, TT7K12). TT harflari va ularidan keyin qo'yiladigan raqam titan va tantal karbidlarining taxminan necha foiz ekanligini ko'rsatadi. K harfidan keyingi raqam esa qotishma tarkibida kobaltning foiz miqdorini bildiradi.

Titan-volframli qotishmalarning qattiqligi va issiqqa chidamliligi volframli qotishmalarga qaraganda yuqori. Titan-volframli qotishmalarning qattiqligi va issiqqa chidamliligining ortib borishi bilan ularning egilishga mustahkamligi va zarbiy qovushqoqligi pasayadi. Qotishmalar tarkibida volfram va titan karbidlari ko'-paygan, kobalt esa kamaygan sari ularning egilishga mustahkamligi pasayib boradi. Titan-volframli qotishmalarning issiqlik o'tkazuvchanligi, volframli qotishmalarnikidan ancha past bo'lib, tezkesar po'latlarning issiqlik o'tkazuvchanligiga yaqinlashadi. Qattiq qotishmalarning mustahkamligi faqat ularning tarkibi bilangina

emas, volfram karbidlari donlarining o'lehami bilan ham belgilanadi. Katta o'lehamli karbid donlari bo'lgan qotishmalar mustahkamroq bo'ladi, bu esa sementlovechi faza qatlami qalinligining nisbatan ortishi bilan bog'liq. Volfram karbidlari donlari o'lehamlarining kichrayishi aksincha, mustahkamlikni kamaytiradi, lekin bunda qotishmaning qattiqligi va eyilishga chidamliligi ortadi.

Asboblardan foydalanish va ularni loyihalashda volframli qotishmalarining, ayniqsa, titan-volframli qotishmalarining juda mo'rtligini hisobga olish kerak. Qattiq qotishmalar egilishga mustahkamligi jihatdan, tezkesar po'latdan ancha past tursa-da, ularning siqilishga mustahkamligi yuqori, hattoki, po'latnikidan ortiq bo'ladi. Shunga ko'ra, qattiq qotishmadan yasalgan asbobning kesuvchi tig'i shunday bo'lishi kerakki, asbobga ta'sir qiluvechi yuklanish tig'da egilishga zo'riqishni emas, siqilishga zo'riqishni hosil qilsin, chunki barcha mo'rt materiallar singari qattiq qotishma bunga yaxshi dosh beradi.

Uch karbidli titan-tantal-volframli qotishmalar xususiyatlariiga ko'ra issiqqa chidamliliq qotishmalar bilan titan-volframli qattiq qotishmalar o'rtaida oraliq o'rinni egallaydi. TK qotishmalardan issiqqa chidamliligi jihatdan past tursa-da, mustahkamligi jihatidan ulardan ustun turadi. Qirqiluvechi qatlam kichik bo'lganda TT7K12 qotishmasi bilan yo'l qo'yiladigan kesish tezligi R18 po'lati bilan yo'l qo'yiladigan kesish tezligidan 2...3 marta ortiq, T5K10 qotishmasi uchun yo'l qo'yiladigan kesish tezligidan 1,5 baravar kamdir.

Asboblarni loyihalashda, qattiq qotishma guruhlari ishlov berilayotgan xomashyo materialining mexanik xususiyatlari va turidan kelib chiqib tanlanadi. Mo'rt materiallarga plastik materiallarga qaraganda past kesish haroratida ishlov beriladi. Shu sababli, cho'yanga ishlov berishda issiqqa uncha chidamli bo'ligan, ammo arzon VK guruhiiga mansub qotishmalardan foydalaniлади. Volframli qotishmalar o'ta mustahkamligi tufayli bunday holatda ulardan foydalanish maqsadga muvosiqdir, chunki cho'yanga ishlov berishda kontakt maydonchasi kichik bo'lganligi uchun old yuzadagi yuklanish bevosita tig'ning yaqinida to'planadi. VK guruhiiga kiruvchi qotishmalardan ishlov berishda issiglik kam ajraladigan yumshoq, rangli metallarni kesishda ham foydalaniлади.

Uglerodli va legirlangan konstruksion po'latlarni kesishda harorat yuqori bo'ladi, bunday holda volframli qotishmalar bilan ishlov berish samarali emas, shuning uchun TK guruhiiga mansub issiqqa va yeyilishga chidamliroq bo'lgan qotishmalardan foydalangan

ma'qul. Biroq ayrim hollarda mazkur materialarga ishlov berishda titan-volframli qotishmalarning mustahkamligi yetarli bo'lmaydi va VK guruhiga mansub issiqliq uncha chidamli bo'lmagan, lekin ancha mustahkam qotishmalardan soydalaniladi. O'ta qattiq va qovushqoq bo'lgan ba'zi po'lat va qotishmalar, mustahkamligi yuqori bo'lgan titanli qotishmalar, shuningdek, toblangan uglerodli va legirlangan po'latlarga qalin qatlamlari qilib uzlukli kesish yo'li bilan ishlov berish shular jumlasidandir.

TTK guruhi qotishmalar universal bo'lib, ularni po'latlarga, cho'yanlarga ishlov berishda ham qo'llash mumkin. Uch karbidli qotishmalar, asosan, juda qalin qatlamlari kesishda, og'ir zarblar bilan ishlov berishda qo'llanadi. Bunday hollarda titan-volframli qotishmalarning o'ta mustahkamligi, ularning issiqliq chidamlikining pastligini qoplanib ketadi.

Qattiq qotishma markasini tanlashda har bir guruh doirasida quyidagilarni e'tiborga olish kerak: asbobning ish sharoiti zo'riqish jihatdan qancha og'ir bo'lsa, qotishma tarkibida shuncha ko'p kobalt bo'lishi kerak, zo'riqish rejimi qancha yengil bo'lsa, qotishmada titan va volfram karbidlari shuncha ko'p bo'lishi lozim.

Qattiq qotishmalardan turli-tuman kesuvchi asboblar tayyorlanadi. Asbob ishlab chiqarish texnologiyasining takomillashib borishi bilan qattiq qotishmadan yasalgan asboblarning qo'llanish chegaralari to'xtovsiz kengayib bormoqda.

## 2.6. Mineral keramika

Mineral keramika metall keramika singari aluminiy  $\text{Al}_2\text{O}_3$  ning kristall oksidlari bo'lgan mineral keramikani pishirish yo'li bilan olinadi. Bular orasida eng ko'p tarqalgani SM-332 markali mineral keramikadir.

Mineral keramika tayyorlash uchun dastlabki xomashyo bo'lib texnik glinozemni  $1500-1700^{\circ}\text{C}$  da qizdirib hosil qilinadigan maydalangan korund kukuni – aluminiyning sun'iy oksidi xizmat qiladi. Korund kristallari o'sishining oldini olish uchun pishirish paytida keramikaga  $0,5\ldots 1\%$  magniy aralashmasi qo'shiladi. Ana shu aralashma aluminiy aralashmasi bilan reaksiyaga kirishib, ancha mustahkam cementlovi moddani hosil qiladi. Keramika plastinkalarini presslash paytida birlamchi shixtaga plastifikator, ya'ni kauchukning benzindagi  $5\%$  li eritmasi qo'shiladi. Plastinkalar ikki bosqichda pishiriladi. Birinchi bosqichda 2 soat davomida  $1100^{\circ}\text{C}$  haroratda, ikkinchisida  $10\ldots 15$  minut davomida  $1720\ldots 1760^{\circ}\text{C}$  haroratda pishiriladi.

Pishirish natijasida mineral keramika o'ta mayda korund kristallari va shishasimon kristallararo amorf qatlardan iborat polikristal jismiga aylanadi. Mineral keramika plastinka ko'rinishida yetkazib beriladi, ularning shakl hamda o'chamlari qattiq qotishmalar plastinkalariniki kabi bo'ladi. Mineral keramika plastinkalari asbob korpusiga payvandlash, yopishtirish yoki mexanik yo'l bilan mahkamlanadi. Mineral keramikalar nisbatan arzon asbobsozlik materiali hisoblanadi, chunki ular tarkibida qimmatbaho va kamyob kimyoviy elementlar yo'q. Mineral keramika juda qattiq (HRA 91...93), issiqliqa o'ta chidamli (kritik harorati  $\theta_{kr} = 1200^{\circ}\text{C}$ ) materialdir. Issiqliqa chidamliligi jihatdan metall keramikalar barcha keng tarqalgan asbobsozlik materiallaridan ustun turadi, shu jumladan, olmosdan ham. Bu esa mineral keramikadan yasalgan asbobning qattiq qotishmali asboblar tezligidan ham ortiq kesish tezligida (300...600 m/min) ishlay olishiga imkon beradi. Bu mineral keramikaning asosiy ustunlik jihatidir. Boshqa asbobsozlik materiallariga qaraganda mineral keramika ishlov berilayotgan materialga yopishib qolmaydi. Mineral keramikaning asosiy kamchiligi uning egilishga chidamliligi va zarbiy qovushqoqligi pastdir. Bu hol ulardan foydalanishni bir qadar cheklab qo'yadi. SM-332 markali plastinkalarning egilishga mustahkamlik chegarasi  $\sigma_c = 0,37 \text{ GPa}$  bo'lib, bu uncha mustahkam bo'Imagan titan-volframli qattiq qotishmalarnidan ham ancha pastdir. Mineral keramikaning yana bir kamchiligi issiqliknинг davriy ravishda o'zgarib turishga qarshiligning pastligidir. Bunda uzlukli kesish paytida, asbobning kontakt yuzasida haroratdan toliqish darzları paydo bo'ladi va asbob muddatidan ilgari ishdan chiqadi. Egilishga mustahkamligining pastligi, juda mo'rtligi tusayli mineral keramikadan rangli yumshoq metallarga ishlov berishda foydalanish maqsadga muvosfiqdir. Po'lat va cho'yanga ishlov berishda mineral keramikaning qo'llanish doirasi zarblar va turki kuchlar bo'Imaganda yupqa qatlarni uzliksiz yo'nib kesish bilan cheklaniladi.

Mineral keramikaning mustahkamligini oshirish maqsadida uning tarkibiga volfram, titan, molibden yoki shu metallarning murakkab karbidlaridan iborat qo'shilimalar kiritila boshlandi. Korund kristallari va qiyin suyuqlanadigan metallarning karbidlaridan iborat tarkiblar *kermetlar* deb ataladi. Kermetlarning egilishga mustahkamlik chegarasi  $\sigma_c = 0,6...0,7 \text{ GPa}$  bo'lib, bu SM-332 markali plastinkalarnikidan deyarli ikki baravar yuqoridir. Biroq, qiyin suyuqlanadigan va murakkab karbidlarning qo'shilimalari kermetlarning issiqliqa va yoyilishga chidamliligini pasaytirib yubordi.

Kermetlar plastinkalari ko'p qirrali va dumaloq plastina shakllarida tayyorlanadi. Ular VOK-60, VOK-63 va VZ markalarda ishlab chiqariladi. Kermet plastinkalar va mineral keramikaning qattiqligi deyarli bir xil. Kermetlar metallarga uzil-kesil kesib ishlov berishda qo'llanadi.

## 2.7. Tabiiy va sun'iy olmoslar

Olmos o'z tabiatiga ko'ra uglerodning allotropik modifikatsiyalaridan biridir. Texnik olmoslarning asosiy turlari *bort*, *ballas* va *karbonado* hisoblanadi. Bort oktaedr shaklidagi nuqsonli kristalldir; ballas-mayda donli tuzilishga ega shar ko'rinishidagi agregat; karbonado – mayin donli g'ovak qora rangli agregat. Olmos kristallari katta anizotropiyasi bilan ajralib turadi va „qattiq“, „yumshoq“ deb ataluvchi yo'nalishlarga ega, ularning qattiqligi va mustahkamligi bir xil emas. Olmos kristallaridan asboblar tayyorlanganda ularga „yumshoq“ yo'nalishda ishlov berish kerak, kristallarni asbobga shunday mahkamlash kerakki, ularning „qattiq“ yo'nalishi yeyilishga qarshilik ko'rsatsin.

Kesuvchi asboblarda 0,31 karatdan 0,75 karatgacha og'irlikdagи olmos kristallar qo'llaniladi (1 karat=0,2 g.). Kristallar asbobga payvandlash yo'li bilan yoki mexanik yo'l bilan mahkamlanadi.

Olmos kesuvchi asboblarda qo'llanilganda juda foydali xossalarga, birinchi navbatda o'ta yuqori qattiqlikka ega (100 GPa). Olmosning issiqlik o'tkazuvchanligi ham juda yuqori bo'lib (issiqlik o'tkazuvchanlik koefitsiyenti  $\lambda = 140 \text{Vt}/(\text{mK})$ ), bu jihatdan u bizga ma'lum bo'lgan bareha asbobsozlik materiallaridan ustun turadi. Olmosning chiziqli kengayish koefitsiyentining kichikligi  $| (0.73...1.45) \cdot 10^{-6} |$  tusayli olmos asbob bilan aniq o'lehamda ishlov berish mumkin. Po'lat bo'ylab ishqalanish koefitsiyentining pastligi ( $\mu = 0.17...0.05$ ) va adgeziyaga moyilligining kamligi, olmos asboblар bilan kesishda ishlov berilgan yuzaning juda kam g'adir-budur bo'lishini ta'minlaydi. Ammo, bu sanab o'tilgan asfallikklardan tashqari, olmos qator jiddiy kamehiliklarga ham ega. Ulardan asosiysi mustahkamligining pastligidir. Olmosning egilishga mustahkamlik chegarasi 300 MPa, siqilishga mustahkamlik chegarasi esa 2000 MPa bo'lib, bu qattiq qotishmalarnikiga qaraganda ancha kamdir. Olmosni temir bilan tutashgan holda qizdirilganda u temirda jadal eriy boshlaydi. Shu sababli kesish paytida kritik harorat 700...750 °C dan oshmasligi kerak.

Olmosning o'ta mo'rtligi va issiqqa chidamliligining pastligi undan po'lat va cho'yanlarga ishlov berishda foydalanish imkonini bermaydi. Olmos asboblardan hozirgi paytda rangli metallar, mustahkam plastmassalar va yarimo'tkazgichlarga ishlov berishda muvaffaqiyatli foydalanilmoqda.

Sun'iy olmoslar olish texnologiyasining takomillashuvni, katta o'lehamli ko'p kristalli hosililar olish imkonini berdi. Bu hosilalardan kesuvechi asboblarga qo'yiladigan tig'lar yasaladi. Qattiqligi jihatdan sun'iy olmoslar tabiiy olmoslarga nisbatan biroz past turadi, xolos. Sun'iy olmoslar «AS» harflari bilan markalanadi, 1000...1200 m/min kesish tezligida toza ishlov berishda foydalaniladi.

## 2.8. O'ta qattiq materiallar

Hozirgi paytda asbobsozlik sanoati bor nitrid – kompozitlar asosida o'ta qattiq materiallar ishlab chiqarmoqda. Borning kub nitridi 43,6% bor va 56,4% azot birikmasidan iborat bo'lib, xuddi grafit singari geksagonal kristall panjaraga ega. Yuqori bosim va haroratda geksagonal panjara kub panjaraga aylanadi. Borning kub nitridi (BKN) juda qattiq, issiqqa chidamlili va kimyoviy barqaror materialdir. Qattiqligiga ko'ra, BKN (90 GPa) olmosga yaqin turadi, issiqqa chidamliligi jihatidan esa ( $1300^{\circ}\text{C}$ ) undan ustundir. BKN temir uglerodli qotishmalarga nisbatan inertdir. Kesuvechi asboblar tayyorlash uchun BKNning polikristali va uning asosida yaratilgan kompozitsion materiallar („kompozitlar“)dan foydalaniladi. Kompozitlar (2.6-jadval) elbor-R (kompozit 1), geksanit (kompozit 10), kompozit 05, kompozit 10D, silinitga bo'linadi. Bularning barchasi 4...8 mm diametrali va balandligi 3...6 mm bo'lgan silindrлar ko'rinishida ishlab chiqariladi.

O'ta qattiq materialarning kesuvechi asboblar sisatida keng qo'llanilishi mashinasozlikda qiyin ishlov beriladigan materiallarning yanada kengroq tatbiq etilayotganligi, mexanik ishlov berishga kichik qo'yimni aniq qo'yish jarayonlarining joriy etilishi hamda samarali kesuvechi asboblar bilan bir majmuani tashkil etuvchi yangi, yuqori unumli avtomatlashgan jihozlarning variatilishi bilan bog'liqdir.

O'ta qattiq materiallardan yasalgan asboblardan ogilona foydalanish, xususan, raqamni dasturli boshqarish dastgohlarida, ko'p maqsadli dastgohlarda, moslashuvchan ishlab chiqarish modullari va tizimlarida metallarga ishlov berishni jadallashtirishning istiqbolli yo'llaridan biridir.

**Borning kub nitridi asosida yaratilgan asbobsozlik materiallarining  
asosiy xarakteristikalari va qo'llanish sohalari**

Markasi	Tarkibi	Qattiqligi HV, GPa	Qo'llanish sohasi
Elbor-R (K 01)	KNB	90 gacha	HRC 40...63 li toblangan po'lat va cho'yanlarga toza ishlov berish
Geksanit K01, K10, K108	KNB	60	Qattiqligi HRC 40...68 li toblangan po'lat va cho'yanlarga toza ishlov berish
Kompozit 05	KNB+A10	45	Cho'yanlarga qisman toza ishlov berish, shu jumladan, uvoq-qirindilar chiqaruvchi materialarga ishlov berish
Silinit	Si <sub>3</sub> N <sub>4</sub> , Al <sub>2</sub> O <sub>3</sub> va boshqa qo'shimchalar	96 HRA gacha	
BN 100 (Yaponiya)	KNB+ qo'shimchalar	45	Qattiqligi HRC 68 li toblangan po'latlarga toza ishlov berish
BN230 (Yaponiya)	KNB+TiC	45	Qattiqligi HRC 45 dan ortiq bo'lgan uglerodli, asbobsozlik, podshipnik po'latlariga qisman toza va toza ishlov berish
Sialon (Angliya)	Si <sub>3</sub> N <sub>4</sub> +Al <sub>2</sub> - O <sub>3</sub> +AlN	—	Yemirilishga chidamli, qo'yimi 12 mm gacha bo'lgan po'latlar va cho'yanlarga ishlov berish
Kion 2000 (AQSH)	Si <sub>3</sub> N <sub>4</sub> +Al <sub>2</sub> - O <sub>3</sub> +AlN	—	Cho'yanga va yemirilishga chidamli, qo'yimi 12 mm gacha bo'lgan po'latlarga ishlov berish

## 2.9. Abraziv materiallar

Kelib chiqishiga ko'ra tabiiy yoki sun'iy bo'lgan, tarkibida don va kukunlari boshqa qattiq jismlar yuzasiga tirmash, qirish, sidirish yo'li bilan ishlov bera oladigan, qattiqligi va mustahkamligi yuqori

bo'lgan minerallari mavjud moddalar *abraziv materiallar* deyiladi. Ular jilvirlash va charxlash kallaklari, bruschalar, xonlar hamda o'lchamiga yetkazib ishlov berish va jilolash pasta hamda kukunlari tayyorlashda ishlataladi.

Abraziv materiallar tabiiy va sun'iy materialarga bo'linadi. Tabiiy abraziv materialarga kvars ( $\text{SiO}_2$ ), najdak va korund kiradi. Bular barchasining kesish xususiyati nisbatan past, shu sababli, ishlov berish sanoatida kam qo'llaniladi. Abraziv asboblar uchun asosan, sun'iy abraziv materiallar: elektrokorund, kremniy karbidi, bor karbidi, bor silikokarbidi va sun'iy olmoslardan foydalilanildi.

Elektrokorund aluminiy oksidiga (boksitlar, glinozem) boy bo'lgan materialarni yoysimon elektr pechlarda 2000...2050°C haroratda suyuqlantirib olinadi. Elektrokorund – juda qattiq, zinch va issiqqa chidamlı material. Tarkibidagi  $\text{Al}_2\text{O}_3$  miqdorining foiz nisbatiga ko'ra u normal, oq, legirlangan va monokorund bo'lishi mumkin.

Normal elektrokorund tarkibida 95% gacha  $\text{Al}_2\text{O}_3$  bo'ladi. U 12A, 13A, 14A, 15A va 16A markalarda ishlab chiqariladi. Normal elektrokorund po'lat, cho'yan va qattiq bronzalarni jilvirlashda uncha mas'ulyatlari bo'lmagan charxlarda foydalaniлади.

Oq elektrokorund tarkibida 97% dan ortiq  $\text{Al}_2\text{O}_3$  bo'ladi. Uning 22A, 23A, 24A, 25A markalari ishlab chiqariladi. Rangi oq, kulrang-oq yoki och pushti bo'lishi mumkin. Oq elektrokorund normal elektrokorundga nisbatan qattiqroq. Oq elektrokorund aniq ishlarni bajarishda rezba silliqlovchi, charxlovchi charxtoshlarda xoninglash va superfinish kallaklarida foydalaniлади.

Legirlangan elektrokorund xromlangan, titanlangan va sirkoniysi bo'ladi. Xromli elektrokorund (texnik qizil yoqut) glinozomga 0,4 dan 2% gacha  $\text{Cr}_2\text{O}_3$  qo'shish yo'li bilan olinadi. Oq elektrokorundga qaraganda xromli elektrokorundning fizik-mekanikaviy xususiyatlari ancha barqaror va qattiqdir. U 32A, 33A, 34A markalarda ishlab chiqariladi. Titanli elektrokorund (texnik saplir) glinozomga 2...3% titan oksidi qo'shib suyuqlantirish yo'li bilan olinadi. Uning donlarining kesish xususiyati yuqori va u xromli elektrokorundga nisbatan qattiqroq, u 37A markada ishlab chiqariladi. Sirkoniysi elektrokorund glinozom, sirkoniy ikki oksidi (10...40%) va titan oksidlaridan olinadi. Sirkoniysi elektrokorund titanli elektrokorundga nisbatan ancha qattiq (21 GPa) va yeyilishga chidamliroq, u 38A markada ishlab chiqariladi.

Monokorund – elektrokorundning bir turi. Uning donlari juda kichik o'chamli to'g'ri kristallar yoki ularning uchqunlari shaklida bo'ladi. Uning o'ziga xos xususiyati donining ko'p qirraliligidir, demak, kesuvchi qirralari ham ko'p bo'ladi. Monokorund jadal ishlaydigan va charxlaydigan charxtoshlar hamda mikrokukunlar ishlab chiqarishda qo'llanadi. U 43A, 44A va 45A markalarda ishlab chiqariladi.

Kremniy karbidi ( $\text{SiC}$ ) elektr pechlarda  $1800\ldots1850^{\circ}\text{C}$  da kremnezom va uglerodga boy bo'lgan materialardan olinadi. Kremniy karbidi elektrokorundga nisbatdan juda qattiq (32...35 GPa) hamda mo'rtdir, uning kesuvchi qirralari ham ancha o'tkir. Qora va yashil kremniy karbidi bo'ladi. Qora kremniy karbidi 5S marka bilan belgilanadi, tarkibida 95...98%  $\text{SiC}$  mavjud va qora yoki to'q ko'k rangda bo'ladi, u 52S, 53S, 54S va 55S markalarda ishlab chiqariladi. Qora kremniy karbidi asboblarni qayrash, qattiq qotishmalar va mo'rt materiallarni silliqlash uchun ishlatiladi. Yashil kremniy karbidi 62S, 63S, 64S markalarda ishlab chiqariladi. Qattiqligi va kesuvchi qirralarining o'tkirligiga ko'ra yashil kremniy karbidi qora kremniy karbididan ustun turadi. Yashil kremniy karbidi tezkesar va qattiq qotishmali asboblarni qayrashda, silliqlovchi charxlarni to'g'rilashda qo'llaniladi.

Bor karbidi ( $\text{B}_4\text{C}$ ) bor kislotasi  $\text{B}_2\text{O}_3$  va neft koksini elektr-pechlarda suyuqlantirib olinadi. U kulrang-qora tusda bo'lib, tarkibida 93% gacha  $\text{B}_4\text{C}$  va 1,5% erkin uglerod mavjud. Bor karbidi kremniy karbidiga nisbatan ancha qattiq (39...44 GPa), ammo issiqqa chidamliligi pastroq. Shuning uchun mikrokukunlar yoki pasta ko'rinishida qattiq qotishmadan ishlangan asboblarga uzil-kesil ishlov berishda qo'llanadi.

Bor silikokarbidi yoysimon pechda bor kislotasi, neft koksi va kvars qumlarini qaytariluvchi suyuqlanish usulida olinadi. Uning kesish xususiyati bor karbidinikidan ancha yuqori. Yuqori sifatlari mikrokukunlar tarzida texnik yoqtular, qattiq qotishmalar va boshqa shunga o'xshash juda qattiq materiallarga ishlov berishda foydalaniadi.

Sun'iy olmoslar donlarining o'chamlari, olinishi va ularni nazorat qilish usullariga qarab ikki guruhg'a bo'linadi: donlarining o'chami 630...50 mkm bo'lgan silliqlovchi kukunlar va donlarining o'chami 40...3 mkm bo'lgan mikrokukunlar.

Silliqlovchi kukunlar besh xil markada ishlab chiqariladi: ASO – odatdag'i mustahkamlikka ega, organik bog'lovchisi bo'lgan asboblar tayyorlash uchun; ASR – mustahkamligi oshirilgan

keramik va metall bog'lovchisi bo'lgan asboblar uchun; ASV – yuqori solishtirma yuklamalarda ishlaydigan metall bog'lovchili asboblar uchun; ASK–ASV ga qaraganda ancha mustahkam o'ta og'ir sharoitlarda (masalan, toblangan cho'yanlarni xoninglash va b.) ishlashga mo'ljallangan metall bog'lovchili asboblar uchun; ASS – barcha markalari orasida eng mustahkam kukun, abraziv charxlarni to'g'rilash jarayonida qo'llaniladigan asboblar uchun tavsiya etiladi.

Mikrokukunlar ikkita markada ishlab chiqariladi: ASM – normal abrazivlik xususiyatga ega; qattiq qotishmalar, po'lat, cho'yan, shisha va boshqa materiallarga ishlov berish uchun; ASN – abrazivlik xususiyati yuqori; olmoslar, korundlar va boshqa o'ta qattiq materiallarga ishlov berish uchun.

## **2.10. Kesuvchi asboblarning sifatini oshirishning asosiy usullari va yo'llari**

Zamonaviy baquvvat va katta tezlikda ishlaydigan metall kesiah dastgohlari, PDB (raqamli dasturli boshqarish)li dastgohlari, ishlov beruvchi markazlar, moslashuvehan ishlab chiqarish modullari va tizimlaridan yuqori unum bilan foydalananish, odam ishtirokisiz ishlaydigan texnologiyaning yaratilishi kesish asboblarning sifatini uzluksiz oshirib borishni, ulardan optimal va ishonechli foydalananish yo'llarini izlab topishni taqozo qiladi.

Tezkesar po'latdan kesuvchi asboblar tayyorlashda kimyoviy-termik ishlov berishning turli usullari qo'llana boshlandi. Bu usullar asbobning qattiqligi, yeyilishga chidamliligi, yemirilishi va korroziyabardoshliligi singari qator sifat ko'rsatkichlarini ancha yaxshilash imkonini berdi. Kimyoviy-termik ishlov berishning quyidagi turlari ko'p tarqalgan [2,13,6].

*Azotlash, nitratlash* – asbob sirtqi yuzasini 500...650°C da ammiakda yoki karbamid asosidagi tuzlar eritmasida 0,2...0,8 mm qalinlikda diffuzion to'yintirish. Natijada asbobning qattiqligi, yeyilishga chidamliligi, emirilshga chidamliligi va toliqishga qarshilik ko'rsatishi ortadi.

*Borlash* – qattiqligi, issiqliga chidamliligi, yeyilishga va korroziyaga chidamliligini oshirish uchun metall sirtini bor bilan to'yintirish.

*Sianlash* – metall sirtini ayni paytda uglerod va azot bilan to'yintirish. Sianlash asbobga termik ishlov berilib, uzil-kesil charxlangandan keyin amalga oshiriladi. Sianlashdan keyin yuqori

qattiqlik (70 HRC gacha) hamda issiq va yeyilishga chidamli bo'lgan 20...30 mm qalinlikdagi qatlari hosil bo'ladi. Sianlashdan keyin asbobning bardoshliligi 1,5...2 baravar ortadi.

*Alitirlash* – asbob sirtqi qatlarni, issiqbardoshliligini oshirish uchun aluminiy bilan 0,02...1,2 mm qalinlikda to'yintirish.

Hozirgi vaqtida asboblarning kesuvchi elementlari yuzasini plastik deformatsiya qilish yo'li bilan mustahkamlash ham qo'llana boshlandi. Tezkesar po'latlardan yasalgan asboblар tob berilgandan so'ng olmos bilan tekishlash, soqqa g'ildiratish va ultratovush yordamida ta'sir etish yo'li bilan mustahkamlanadi. Masalan, protajka tishlarini olmos bilan tekishlash ularning chidamliligini jilvirlashga qaraganda 2...3, jilolashga qaraganda 20...40% baravar oshiradi.

Qattiq qotishmali plastinkalar sirtini deformatsiya qilish usullaridan biri vibroabraziv va pitralar oqimi bilan ishlov berishdir. Vibroabraziv ishlov berish frezerlashda plastinkalar chidamliligini 1,2...2 marta, yo'nib ishlashda 1,5...2 marta oshiradi.

Kesuvchi asboblarni yelimlash texnologiyasining joriy etilishi darz hosil bo'lishiga yo'l qo'ymadи va asboblар yasash tannarxini 20% ga kamaytiradi. Kavsharlangan va payvandlangan konstruksiyalarni yelimlashga o'tkazilganda asbobning chidamliligi 1,3...1,5 marta ortadi.

Qoplamlar hosil qilishning kimyoviy-termik usuli, jarayonning texnologik parametrlarini o'zgartirish hisobiga, yuza xususiyatlarini cheklangan tarzda orttiradi, shu sababli, bu usulning samaradorligi nisbatan yuqori emas. Mazkur usulga qaraganda, qoplamni bug'-gaz fazalaridan *kimyoviy cho'ktirish* usuli ko'proq qo'llanilmоqda (QKCH – qoplamni kimyoviy cho'ktirish). QKCH usullari qattiq qotishmali, qayta charxlab bo'lmaydigan ko'p qirrali plastinkalarga karbidlar, nitridlar, titan karbonitridlari hamda aluminiy oksidlari asosida yuzalarni qoplashdan keng foydalanilmoqda.

QKCH usullari yordamida hosil qilingan qoplamlarning o'ziga xos xususiyati, qattiq qotishma bilan qoplam orasida o'tish zonasini shakllanishidir. O'tish zonasining shakllanishi bug'-gaz aralashmasidan iborat qiyin suyuqlanadigan to'yintiruvchi metall bilan qattiq qotishmaning tashkil etuvchilari orasidagi interdiffuzion reaksiyalarga bog'liq. QKCH usullari, odatda, 1000...1100°C haroratda amalga oshiriladi. Shuning uchun bu usulni to'liq termik ishlov berilgan tezkesar po'latlardan yasalgan asboblarga qoplashda foydalanishda qo'llab bo'lmaydi.

Qoplamlarni *fizikaviy cho'ktirish* usullari keng qo'llanilmoqda. Bu jarayon, odatda, qoplam birikmasini tashkil etuvechi qiyin suyuqlanadigan metallning vakuumda bug'lanishini, uning qisman yoki to'liq ionlashuvini, reaksiya gazining uzatilishini, kimyoviy va plazmokimyoviy reaksiyalarni, kesuvchi asbob ish sirtidagi qoplam kondensatsiyasini o'z ichiga oladi.

Bu usullar orasida qoplamni vakuumda plazma fazasidan asbob sirtiga ionlar bilan bombardimon qilish kondensatsiyasi (KIB usuli) hamda vakuumda bug'-plazma fazalaridan reaktiv elektron-nur plazma yordamida qoplamlar cho'ktirish usullari (REP) keng tar-qalgan.

Qoplam hosil qilish hududida haroratni o'zgartirish imkoniyatlarining kengligi, qattiq qotishmalar va tezkesar po'latlardan yasalgan asboblarda qoplamlar hosil qilish uchun vakuum-plazma usullari universal usul sifatida foydalanish imkonini beradi.

2.7-jadvalda keng qo'llanuvchi qattiq qotishmali plastinkalar uchun qoplam qalinligining eng muvosiq qiymatlari haqida umum-lashtirilgan ma'lumotlar berilgan.

2.7-jadval

KIB usulida olingan qoplam	Qoplam qalinligi, mkm					
	BK6	T5K10	TT10 K8B	BK6	TT10 K8B	TT7K12
	Yo'nish		Frezalash			
	Cho'yan	Po'lat				Po'lat
TiN, ZrN, (Ti-Cr), MoN, CzN	6...8		6...8			3...5

Vakuum-plazma usullari elementlar davriy sistemasining IV–VI gruppasiga mansub qiyin suyuqlanadigan metallarning nitridli, karbidli, karbonitridli, oksidli va boridli birikmalari asosida bir qatlamlili, ko'p qatlamlili va kompozitsion qoplamlarning turli xillarini olish mumkinligi nuqtayi nazaridan ham universaldir. Bu usullar kerakli xossalarga ega bo'lgan qoplamlar olish jarayonini yanada samarali boshqarish hamda asbobsozlik materialining yuza qatlamlarida geometrik, kristall-kimyoviy va fizik, mexanik nuqsonlar hosil bo'lishining oldini olish imkonini beradi.

Qoplarning kesuvchi asbob ishlash xususiyatiga kuchli ta'sir ko'rsatuvchi parametrlaridan biri uning qalinligidir. Qoplarning eng muvosiq qalinligini tanlash ko'p jihatdan asbobsuzlik matriksasi bilan belgilanadi.

Tadqiqotlar natijasida [2] qoplamlarning KIB usulida olingan optimal qalinliklari aniqlangan. Kesish sharoitlari keng miqyosda o'zgarib turishi uchun tezkesar po'latlardan yasalgan asboblar qoplamlarining qalinligi o'simta hosil bo'lish sharoitida ishlaganda 3...5 mkm gacha kamayadi, o'simta bo'limganda bu qiymat 5...7 gacha ko'payishi mumkin. Qattiq qotishmali VK6, T5K10, TT10K8B plastinkalari uchun, konstruksion po'latlarni yo'nishda surish qiymatlari 0,01...0,6 mm/ayl bo'lganda, qoplamlar qalinligining eng muvosiq qiymati 6...10 mkm atrofida bo'ladi.


Kuch va issiqlik ta'siridan cho'zuvchi va siquvchi zo'riqishlar qiymatlari o'zgarib turganda, kesishning uzlukli jarayonlari uchun, tezkesar po'latlar va qattiq qotishmalardan yasalgan asboblarning eng optimal qalinligini 3...5 mkm gacha kamaytirish lozim. Yeyilishga chidamli qoplamlar qoplangan asboblardan foydalanish tajribasi, ular kesish jarayonida ishonchli va barqaror ekanligini, bardoshliligi 2...3 marta ortganini, kesish kuchi va harorat 20...25% ga kamayganligini ko'rsatdi.

## 3-BOB | Metall kesishning fizik asoslari

### 3.1. Kesish elementlari va kesilayotgan qatlamning o'lchamlari

Metall kesish jarayonining qabul qilingan umumiy sxemasi juda oddiy. Asbobning kesuvchi tig'i siljib ishlov berilayotgan metallga kirib boradi va ishlov berilgan yuza hamda qirindi hosil qiladi.

Ammo bir qarashda oddiy bo'lib ko'ringan kesish jarayonida turli fizik-kimyoiy hodisalarining murakkab majmuasi o'rinn olgan. Bo'ylama yo'nishda prinsipial kinematik sxema ikki: zagotovkaning bir maromdagagi aylanma harakati va keskichning bir maromdagagi zagotovka o'qi bo'ylab ilgarilanma harakatining qo'shilishi bilan aniqlanadi. 3.1-rasmda bo'ylama yo'nish sxemasi ko'rsatilgan.



**3.1-rasm.** Bo'ylama yo'nishda kesilayotgan qatlarning o'lchamlari.

Zagotovka o'z o'qi atrosida kesish harakatini amalga oshirib minutiga  $n$  martta aylanadi. Kesish tezligi son jihatidan zagotovkaning ishlov berilayotgan  $D$  diametrli yuzasida joylashgan nuqtaning aylanma tezligiga teng va quyidagi formula bilan aniqlanadi:

$$v = \frac{\pi D n}{1000}, \text{ m / min.} \quad (3.1)$$

Keskich zagotovka o'qi bo'ylab  $S_m$  (mm/min) tezlikda harakatlaniib suriladi.  $S_m$  tezlik keskichning minutlik surilishi deyiladi. Keskichning zagotovka o'qi bo'ylab bir marta to'liq aylanishda bosib o'tgan yo'li *bir aylanishga to'g'ri kelgan surilish* deyiladi va quyidagi formula bilan aniqlanadi:

$$S = \frac{S_m}{\pi}, \text{ m / min.} \quad (3.2)$$

Bir paytda sodir bo'ladigan zagotovkaning aylanma va keskichning zagotovka o'qi bo'ylab ilgarilanma harakati natijasida zagotovka yuzasidan  $t$  o'lchamdag'i material qatlami olib tashlanadi, bu *kesish chuqurligi* deb atadali. Kesish chuqurligi deganda, ishlov berilayotgan va ishlov berilgan yuza orasidagi masofa tushuniladi. Bu masofa ishlov berilgan yuzaga nisbatan perpendikular o'lchanadi. Kesish chuqurligi ishlov berilayotgan yuzaga nisbatan asbob bir marta o'tgandagi masofadir. Bo'ylama yo'nishda kesish chuqurligi quyidagi ifoda bilan aniqlanadi:

$$t = \frac{D - d}{2}, \text{ mm.} \quad (3.3)$$

Zagotovka bir marta aylanganda keskich o'q bo'ylab  $S$  masofaga siljiydi va kesish yuzasi holat 1 dan holat 2 ga siljiydi (3.1-rasm, a). Kesish yuzasining oldinma-ketin keluvechi 1 va 2 holatlari o'rtasida joylashgan material qatlami kesib tashlanadi va qirindiga aylanadi. Kesish yuzasidan kesib olingan material qatlami istalgan ishlov berish usullarida uning fizik o'lchamlari: qalinligi va kengligi bilan tavsiflanadi. Kesilayotgan qatlam qalinligi  $a$  (3.1-rasm, b) kesuvchi tig'ga nisbatan normal yo'nalishda (kesish yuzalarining oldinma-ketin keluvechi 1 va 2 holatlari o'rtasida (3.1-rasm, a) zagotovkaning bir marta aylanishiha o'lchanadi.

$$a = S \sin \varphi. \quad (3.4)$$

Kesilayotgan qatlam kengligi  $b$  bu ishlov berilayotgan va ishlov berilgan yuzalar o'rtasidagi kesish yuzasi bo'ylab o'lchanagan masofadir:

$$b = \frac{\ell}{\sin \varphi}. \quad (3.5)$$

Agar old burchak  $\gamma \neq 0$  va kesuvchi tig'ning qiyalik burchagi  $\lambda \neq 0$  bo'lsa, u holda 4 va 5-formulalar quyidagi ko'rinishga ega bo'ladi.

$$a = \frac{S \sin \varphi}{\cos \gamma}; \quad b = \frac{\ell}{\sin \varphi \cos \lambda}. \quad (3.6)$$

Keltirilgan formulalardan va 3.1-rasm, b dan ko'rinish turibdiki, aynan bir xil kesish chuqurligi ( $t$ ) va surishda ( $S$ ) kesilayotgan qatlamning fizik o'lchamlari va shakli  $\varphi$  burchakning kattaligi va kesuvchi tig'ning shakliga bog'liq ravishda turlicha bo'lishi mumkin ekan. Plandagi asosiy burchak  $\varphi$  ning kattalashuvi bilan kesilayotgan qatlam  $a$  qalinligi ham kattalashadi, kesimning kengligi  $b$  esa kichrayadi. Agar kesuvchi tig' egri chiziqli shaklga ega bo'lsa, u holda kesilayotgan qatlamning  $a$  qalinligi kesuvchi tig'ning turli nuqtalarida turlicha bo'ladi.

Zagotovka to'liq bir marta aylanganda keskich metall yuzasining kesilayotgan qatlam ko'ndalang kesimining nominal yuzasi deb ataluvchi qismini kesadi. To'g'ri chiziqli kesuvchi tig'ga ega bo'lgan keskichlar uchun kesilayotgan qatlamning ko'ndalang kesim yuzini quyidagi formuladan aniqlanadi:

$$f_n = ab = \tau S, \text{ mm}^2. \quad (3.7)$$

Kesilayotgan qatlarning haqiqiy kesimi nominal kesimdan ishlov berilgan yuzada qolgan taroqlar o'qiy kesishuvi miqdoriga kichik bo'ladi. Shunday qilib, kesilgandan keyin ishlov berilgan yuzada keskich cho'qqisining izlari shaklida mikronotekisliklar qoladi. Surilish, kesish chuqurligi,  $\phi$  va  $\phi_1$  burchaklar qiymatlari ortishi bilan notekistliklar balandligi, ya'ni ishlov berilgan yuzaning dag'alligi ham ortadi.


### 3.2. Qirindi hosil bo'lish jarayoni

Kesish jarayoniga keskich bilan metallni siqish, keyin siljitim va qirindi hosil qilish natijasi deb, qarash mumkin. Kesiladigan metall qatlami murakkab deformatsiyaga uchragan holatda bo'ladi. Keskichning oldida va tagida joylashgan metall ham murakkab deformatsiyaga uchraydi.

Rus olimi professor I.A.Time tavsifiga ko'ra turli metallarga kesish yo'li bilan ishlov berishda, asosan, quyidagi qirindi turlari hosil bo'ladi: *elementli, bo'g'insimon, tutash* va *uvoq* qirindi. Elementli, bo'g'insimon va tutash qirindilar *siljish qirindilari* deyiladi, chunki ularning hosil bo'lishi siljish zo'riqishlari bilan bog'liq. Uvoq qirindi ba'zan *buzilish qirindisi* deb ham ataladi, chunki mazkur qirindining hosil bo'lishi cho'zuvechi zo'riqishlar bilan bog'liqidir.

Elementli qirindi (3.2-rasm, a) taxminan bir xil shakldagi, bir-biri bilan bog'lanmagan yoki bo'sh bog'tangan ayrim elementlardan I tashkil topadi. Hosil bo'lgan qirindi elementlarini kesilayotgan qatlardan ajratib turuvchi OА chegara *qirindi ajralish tekisligi* deyiladi. Fizik jihatdan u kesish jarayonida kesilayotgan qatlarning buzilishi davriy ravishda sodir bo'ladi dan yuzadan iborat. Bo'g'in qirindi (3.2-rasm, b) ayrim qismlarga bo'linmaydi. Ajralish tekisligi paydo bo'la boshlaydi, lekin u qirindining butun qalinligi bo'ylab o'tmaydi. Shu sababli, qirindi ayrim bo'g'inlardan I iborat-dek bo'ladi va ular orasidagi bog'lanish ham saqlanadi.

Tutash qirindining asosiy belgisi (3.2-rasm, d) uning yaxlitligidadir. Agar uning harakati yo'lida hech qanday to'siq bo'lmasa, u uzluksiz tasma shaklida buralib yassi yoki vintsimon spiral shaklida ajralib chiqaveradi va bu hol qirindining o'z og'irligi ta'siri ostida sinib uzilmaguncha davom etaveradi. Qirindining asbobning old yuzasiga tegib turgan yuzasi I kontakt (tutash) yuzasi deb ataladi. U nisbatan tekis, kesish tezligi yuqori bo'lganda esa asbobning old



**3.2-rasm.** Plastik va mo'rt materiallarni kesishda hosil bo'ladigan qirindi turlari.

yuzasiga ishqalanib jilolangan bo'ladi. Unga qarama-qarshi bo'lgan yuza 2 qirindining *erkin tomoni* deyiladi. U juda mayda tishchalar bilan qoplangan va katta tezlikda kesganda baxmal ko'rinishini oladi. Qirindi asbobning old yuzasiga kontakt maydoncha chegarasida tegib turadi. Ishlov berilayotgan materialning turi, xossalari va kesish tezligiga qarab kontakt maydonchaning kengligi kesib olinayotgan qatlam qalinligidan 1,5...6 baravar ko'p bo'ladi. Uvoq qirindisi (3.2-rasm, e) bir-biri bilan bog'lanmangan, turli shakl va o'leham-dagi ayrim bo'lakdan iborat. Uvoq qirindisi bilan birga mayin metall changi ham hosil bo'ladi.

Qirindi turi ko'p jihatdan ishlov berilayotgan material xili va mexanik xossalariiga bog'liq. Plastik materiallarni kesishda qirindilarning birinchi uch turi hosil bo'lishi mumkin. Ishlov berilayotgan material qattiqligi va mustahkamligi oshib borishi bilan tutash qirindi bo'g'insimon qirindiga, keyin esa elementli qirindiga aylanadi. Mo'rt materiallarga ishlov berishda elementli yoki uvoq qirindilar hosil bo'ladi.


Asbobning geometrik parametrlaridan old burchak va asosiy tig'ning qiyalik burchagi qirindi turiga kuchliroq ta'sir ko'rsatadi. Plastik materiallarga ishlov berishda  $\gamma$  va  $\lambda$  burchaklarning ta'siri tubdan bir xil. Mazkur burchaklar kattaligi oshgan sayin elementli qirindi bo'g'insimon qirindiga, so'ngra tutash qirindiga aylanadi. Mo'rt materiallarni kesishda old burchaklar katta bo'lganda uvoq qirindi hosil bo'lishi mumkin va u old burchaklarning kichrayishi bilan elementli qirindiga aylanadi.

Qirindi turiga kesish va surilish tezligi ta'sir qiladi. Kesish chuqurligi qirindi turiga deyarli ta'sir ko'rsatmaydi. Plastik materiallarni kesishda surilish tezligining oshishi tutash qirindining izhil ravishda bo'g'insimon va elementli qirindiga aylanishiga olib keladi. Mo'rt materiallarni kesishda surilish tezligi kattalashishi bilan elementli qirindi uvoq qirindiga aylanadi.

Kesish tezligi qirindi turiga murakkab ta'sir qiladi. Plastik materiallarni kesishda, o'simta hosil qiluvechi kesish tezligi hududi e'tiborga olinmasa, kesish tezligi ortib borishi bilan elementli qirindi bo'g'insimonga, keyin esa tutash qirindiga aylanadi. Biroq ayrim isiqqa chidamlpo'lat va qotishmalarga, shuningdek, titanli qotishmalarga ishlov berishda, aksincha, kesish tezligining ortishi tutash qirindini elementli qirindiga aylantiradi. Bu hodisaning fizik sababi hali aniqlanmagan. Mo'rt materiallarga ishlov berishda kesish tezligining ortishi bilan uvoq qirindi elementli qirindiga aylanadi va bunda ayrim elementlar o'lehami kichrayadi, ular orasidagi bog'lanish mustahkamlanadi.

Kesuvchi tig' ishga solinganda ishlov berilayotgan material bilan old va ketingi yuzalar orqali tutashadi (3.3-rasm).

Asbobning kesuvchi ponasi  $G$  kenglikdagi kontakt maydoncha orqali  $a$  qalinlikdagi kesilayotgan qatlamga ta'sir etadi. Asbobning old qismiga to'plangan  $R$  kuch bilan kesilayotgan qatlamga ta'sir qiladi va bu kuch *qirindi hosil qiluvechi kuch deb atakadi*. Ishlov berilayotgan materialda kesish yuzasidan quyiroqdagi siquvchi va cho'zuvchi kuchlanishlar sohalarini bir-biridan ajratib turuvchi neytral chiziq  $OK$  chizig'i bilan belgilangan. Neytral chiziqdandan pastroqda siquvchi kuchlanishlar sohasi, o'ngroqda esa cho'zuvchi kuchlar sohasi joylashgan.



**3.3-rasm.** Kesilayotgan qatlam qirindiga aylanayotgan paytda birlamchi va ikkilamchi deformatsiyalar sohalari.

Asbobning old yuzasi oldida birlamchi deformatsiya hududi I jaylashgan. Birlamchi deformatsiyaning OAVGO hududi asbob tig'ida cho'qqili pona shakliga ega. Uning pastki chegarasi *OA* egilgan va kesish yuzasi davomini kesib o'tadi. Hududning yuqori *OB* chegarasi bo'rtib chiqqan va uning uzunligi *OA* chizig'i uzunligidan 2...4 marta kam. *AB* chizig'i kesishning old yuzasi bilan qirindining erkin tomonini ohista qo'shadi. *OA* chizig'idan chaproqda kesilayotgan qatlamining hali deformatsiyaga uchramagan zarralari, *OB* chizig'idan o'ngroqda qirindiga tegishli material zarralari jaylashgan. Kesilayotgan qatlam zarrasi asbobga nisbatan V kesish tezligida siljib, *F* nuqtada deformatsiyaga uchraydi va o'z harakati trayektoriyasi bo'ylab o'tib yanada kuchliroq deformatsiyalanadi. Zarra deformatsiyasi *Q* nuqtada tugaydi va zarra qirindi tezligiga teng bo'lgan  $\tau_s$  tezlikka ega bo'ladi.

O'tkazilgan ko'plab tajribalar shuni ko'rsatadiki, qirindi eni kesilayotgan qatlam eniga nisbatan, hatto erkin kesishda ham, arzimagan darajaga kattalashadi, erkin bo'Imagan kesishda esa qirindi yanada kam kengayadi. Shu sababli, qirindi hosil bo'lish hududida deformatsiyalangan holat yassi bo'ladi va kesib tashlanayotgan qatlam kesish jarayonida siljish deformatsiyasiga uchraydi. Shunga ko'ra *OA* chizig'i fizik jihatdan siljish yuzasini namoyon etadi. Bu yuzada siljituvchi kuchlanishlar  $\tau$  materialning siljishidagi oquvchanligining oxirgi chegarasiga teng:  $\tau = \tau_s$ .

Butun I hudud mana shunday yuzalardan tashkil topgan bo'lib, ularning har birida siljituvchi kuchlanishlar oldingi deformatsiya natijasida muayyan mustahkamlikdagi materialning oquvchanlik chegarasiga ega. *OB* chizigi so'ngi siljish deformatsiyasi amalgaloshadigan yuza bo'lib, unda siljish kuchlanishi  $\tau$  kesilayotgan materialning qirindiga aylanishi natijasida surilishda uzil-kesil mustahkamlangan oquvchanlik chegarasi  $\tau_s$  ga teng:  $\tau = \tau_s$ .

Asbobning old yuzasi bilan qirindining kontakt yuzasi o'rtasida ishqalanish borligi sababli qirindi kontakt yuzasining bevosita oldida jaylashgan metall zarralari ular birlamchi deformatsiya hududidan chiqqandan keyin ham deformatsiyalanishda davom etadi. Shu tarzda old yuza va *GD* chizig'i bilan chegaralangan ikkilamchi deformatsiya hududi II paydo bo'ladi. Ikkilamchi deformatsiya hududining *OD* kengligi taxminan kontakt maydoncha kengligining yarmiga g/2 teng bo'ladi, eng yuqori balandligi esa o'rta hisobda qirindi qalinligining 0,1 ini tashkil etadi. II hududdagi deformatsiya darajasi qirindining o'rtacha deformatsiyasidan 20 va undan ko'proq marta ortiq bo'lishi

mumkin. Ikkilamehi deformatsiya hududining mayjudligi qirindi qalinligi bo'ylab uning so'nggi deformatsiyasining har xil bo'lishiga olib keladi. Qirindi qalinligining katta qismida zarralarning deformatsiya darajasi bir xil, ammo  $\Delta_1$  qalinlikdagi qatlama deformatsiya darajasining keskin ortishi kuzatiladi. Ikkilamehi deformatsiya hududining o'lehamlari va bu hududdagi material zarralarining deformatsiya darajasi old yuzadagi ishqalanish jadalligiga bog'liq.

Old yuzadagi ishqalanish kuchi qancha kam bo'lsa, ikkilamehi deformatsiya hududining o'lehamlari va deformatsiya jadalligi shuncha kichik bo'ladi. Kesilayotgan qatlama qalinligi kamayganda, old burchak kattalashganda va yaxshi moylovchi suyuqliklardan foydalanihganda II hudud o'lehamlari kichrayadi va u yo'q bo'lib ketish darajasiga keladi. Bu holda qirindi zarralarining deformatsiya darajasi uning butun qalinligi bo'ylab bir xil bo'ladi.

Birlamchi va ikkilamehi deformatsiya hududlarida yuz beruvchi fizik jarayonlarning murakkabligi sababli, ular miqdoriy taysisining sodda matematik usullarini ko'rsatishning iloji yo'q. Shuning uchun injenerlik hisob-kitoblarida qirindi hosil bo'lishning real jarayonlari uning soddalashtirilgan modeli bilan almashtiriladi. Soddalashtirilgan modelning qo'llanishi quyidagi holatlar bilan bog'liq. Birlamchi deformatsiya hududini o'z qalinligiga ko'ra kesilayotgan qatlama qalinligi bilan faqat asbobning old burchaklari kichik bo'lgandagina qiyoslash mumkin. Kesilayotgan qatlama qalinligi va kesish tezligi katta bo'lganda, odatda, ishlab chiqarish jarayonida shunday bo'ladi, birlamchi deformatsiya hududining  $FQ$  uzunligi qisqaradi, uning  $OA$  va  $OB$  chegaralari siljiydi va kesish yuzasiga  $\beta$  burchak ostida og'uvchi  $OE$  chizig'iga yaqinlashadi. Bu hol siljish deformatsiyalari juda yupqa  $\Delta_x$  qatlama joylashadi deb hisoblashga asos bo'ladi, siljish yuzalari oilasini esa siljishning shartli yuzasi deb ataluvechi birdan-bir  $OE$  yuza bilan almashtirish mumkin. Bunday ideallashtirishda kesilayotgan qatlarning qirindiga aylanish jarayonini ishlov berilayotgan material yupqa qatlamarining shartli siljish yassiligi bo'ylab izchil siljishi jarayoni sifatida tasavvur qilish mumkin. Deformatsiyalangan holat amalda yassi bo'ladi, shunga ko'ra qirindi hosil bo'lish jarayoni oddiy siljish qonuniyatlariga bo'ysunishi lozim.

Tajribalar bu fikrning to'g'riligini asosladi. Kvadrat bo'lish to'rlari uyachalarini kesish natijasida yuzaga kelgan buzilishlar o'lehamlарini o'lehash asosida hisoblab chiqilgan deformatsiyaning o'rtacha so'nggi jadalligi kesish o'lehamlari asosida aniqlangan oddiy siljish deformatsiyasi jadalligidan kam farq qiladi.

### **3.3. Kesish jarayonining dislokatsion mexanizmi**

Plastik deformatsiya va buzilishning dislokatsion mexanizmi dislokatsiyalar kristall tuzilishidagi chiziqli nuqsonlarning ta'siriga—materialning yuklama ostidagi holati dislokatsiyasiga asoslangan.

Deformatsiyalanayotgan material qarshiligidagi yengishdagi ish — plastik deformatsiya ishi kesishda takab qilinadigan energiya sarfining 90% va undan ortiqrog'ini tashkil qiladi. Plastik deformatsiya jarayoni katta miqdorda dislokatsiyalar, vakansiyalar, dislokatsiya qilingan atomlar va kristall tuzilishli boshqa nuqsonlarni yuzaga keltiradi, asbob ishlov berilayotgan materialga tutashib diffuziya va adgeziya jarayonlarini jadallashtiradi. Plastik deformatsiya ishlov berilayotgan hududda ajralib chiqayotgan va yo'ldosh fizikkimyoviy hodisalarga ta'sir ko'rsatayotgan qo'shimcha issiqlikning asosiy manbaidir.

Plastik deformatsiya va buzilishlar jarayonida dislokatsiyalar rivojlanib borishining turli bosqichlari yangi dislokatsiyalarning paydo bo'lishi, ularning harakati, o'zaro ta'siri va to'siqlarda to'xtalib qolishi bilan bevosita bog'liq. Dislokatsion strukturaning tabiatini ko'plab omillar bilan belgilanadi: harorat, usul, plastik deformatsiya darajasi, kristall panjara turi, o'rash nuqsonlari energiyasining kattaligi, aralashmalarning mavjudligi va boshqalar. Shuning uchun kesishning dislokatsion tahilili yuqorida ko'rsatib o'tilgan ishlov berishning real sharoitlarida baholash qiyin bo'lgan omillarni hisobga olishi lozim.

Hozirgi paytda dislokatsiyalarni to'g'ridan to'g'ri kuzatishning turli usullari ishlab chiqilgan va qo'llanilmoqda. Materiallarni kesishda dislokatsiyani o'rganish uchun qo'llanadigan usullardan keng tarqalgani bu — saylanma xurushlash, dekorlash (dekorirlash), rentgen usullari va elektron mikroskopiyadir.

*Saylanma xurushlash.* Dislokatsiyalar yadrosidagi atomlar katta erkin energiyaga ega. Shuning uchun dislokatsion chiziqlarning kristall yuzasiga chiqish joyida maxsus olingen xurushlagich yordamida chuqurchalar yoki o'yma shakllar hosil qilinadi. Saylanma xurushlash usuli yordamida dislokatsiyalar turini aniqlash, ularning zinchligini hisoblash, dislokatsiyalarning yuzaga chiqish tabiatini o'rganish mumkin.

*Dislokatsiyalarni dekorlash.* Dislokatsiyalar dekorlanganda saylanma xurushlash usulining samarasi sezilarli darajada ortadi. Dekorlash usuli shundan iboratki, metallni qizdirish jarayonida va muayyan haroratda tutib turilganda dislokatsiya chiziqlari bo'ylib

kichik lekin ko'zga ko'tinadigan zarrachalar ajralib chiqadi. Termik ishlov berish, asosan, dekorlangan agentlarning dislokatsiyaga ko'chib o'tishini ta'minlash uchun zarur. Masalan, temir asosli qotishmalarda uglerod va azot atomlari juda oson diffuziyalanadi. Faqat zichlikni emas, mikrotuzilishdagi dislokatsiyalarning joylashish manzarasini ham o'rganish imkoniyati mavjudligi tusayli, mazkur usul metallardagi dislokatsiya harakati bilan bog'liq jarayonlarni o'rganishda, ayniqsa, muhim ahamiyatga ega.

*Rentgen usullari.* Kristallar tuzilishidagi nomukammalliklarni tadqiq etish maqsadida rentgen nurlarining difraksiyalari hodisidan foydalaniлади. Dislokatsiya yaqinidagi yupqa kristall orqali o'tuvchi rentgen nurlari o'z tuzilishiga ko'ra mukammal bo'lgan kristallar orqali o'tadigan nurlarga nisbatan kamroq yutiladi. Natijada kichik burchak og'ishlari yoki qo'shni kristall bloklar parametrlaridagi ozgina farq yassi proyeksiyalar farqlanib turuvchi difraksion dog'larning yupqa tuzilishi tarzida namoyon bo'ladi. Rentgen usullarining asosiy kamchiligi ular yechimining pastligi bo'lib, 2...5 mkm ni tashkil etadi. Bu usul yordamida faqat nisbatan mukammal kristallarni o'rganish mumkin.

*Elektron mikroskopiyasi usuli.* Dislokatsiyalarni to'g'ridan to'g'ri kuzatishning eng to'g'ri va universal usuli, nurlantiruvchi yoki transmission elektron mikroskopiyasi bo'lib, unda elektronlar uchun shaxsif bo'lgan, qalinligi bir necha yuz angstromni tashkil etuvchi yupqa folgalar tadqiq etiladi.

Elektronlar kristall orqali o'tib, to'g'ri oriyentatsiyaga ega bo'lgan istalgan kristallografik yassilikda og'adi. Agar kristallning atomlari to'g'ri kristallografik holatdan siljigan bo'ssa, bu qism-larning difraksion xususiyati mukammal kristallnikidan farq qiladi. Natijada dislokatsiyalar kengligi  $100 \text{ \AA}$  atrosida bo'lgan qora chiziq shaklida ko'rindi.

Deformatsiyalayotgan material yuzasidagi hodisalarini o'rganish uchun, replikalar yordamida hosil qilinadigan elektron-mikroskopik tasvirlardan foydalaniлади. Shu maqsadda oldindan silliqlangan namunani vakuumda ko'mir yoki kreminiy oksidi bilan changlantililadi. Changlangan qatlam kristallardan yaxshi ajralishi uchun uni oson eriydigan lok yordamida mahkamlanadi. Ajralgandan so'ng kontrastni oshirish uchun replikani biron bir og'ir metall, masalan, palladiy bilan qiya holatda tushadigan qilib changlatiladi. Mazkur usul sirpanish chiziqlari va ular plastik deformatsiyasining turli bosqichlaridagi rivojlanishini kuzatish imkonini beradi.

Turli konstruksion po'latlar va qotishmalarning plastik deformatsiyalarini kesish hududidagi dislokatsion tuzilishlarini to'g'ridan to'g'ri kuzatish metallar plastik oqimining turlicha tabiatini atom darajasida namoyon bo'ladi va kristall tuzilish nuqsonlarining ko'payishi, harakati, o'zaro ta'sirining oqibatidir, degan xulosaga kelishga asos bo'ladi. Metallarning plastik deformatsiyasi dislokatsiyalarning sirg'alish tasimalaridan birgalikda yo'naltirilgan harakati va ko'payishi jarayoni tarzida kechadi. Sirpanish tasmasi — mohiyatiga ko'ra materialning dislokatsiyalar zichligi yuqori bo'lgan qismidir. Sirpanish tasmlarining mo'ljali, ularning uzunligi, kengligi va zichligi sirpanish yassiliklarining ishlov berilayotgan materialda kristallografik oriyentatsiyasi, plastik deformatsiyasi va mustahkamlik darajasi, jarayonning kechish tabiatini haqida ma'lumot beradi.

O'tga chidamli metallar deformatsiyasi uchun sirpanishning ingichka tasmalari xosdir. Strukturali dekorlashda tasmlarining eni 0,1...0,6 mkm ni tashkil etadi va bu dekorlovchi zarrachaarning o'lchamlariga mosdir.

Sirpanish tasmlari po'lat va qotishmalarga ishlov berishning turli jarayonlarida ularning yuza qatlamida ham, qirindida ham shakllanadigan yupqa strukturasining asosiy elementi hisoblanadi. Sirpanish tasmlari materialning yuqori deformatsiyalangan lokal hududlaridan iborat bo'lib, ular faqat qayishqoq deformatsiyaga uchragan hududlar bilan chegaradoshdir. Sirpanish tasmlarining zichligi va kengligi ortishi bilan plastik deformatsiya yanada ko'proq gomogen tabiat kasb etadi.

Kesish paytida plastik deformatsiya hududidagi yupqa strukturining rivojlanishi deformatsion mustahkamlanishning turli bosqichlari bilan bog'liq. Mustahkamlanishning har bir bosqichi ta'sir etayotgan zo'riqish, deformatsiyalanish vaqtini va tezligi kabi ko'plab boshqa omillarga bog'liq. Kesish sohasida ajralish yuzakardan uzoqlashish bilan zo'riqish material buzilish bosqichidan o'tgan yuzadagi eng yuqori darajadan deformatsiya mavjud bo'limgan chuqurlikdagi eng kam miqdorgacha kamayadi. Metall yuzasida bir xilda joylashgan sirpanish tasmlarining rivojlanishi plastik deformatsiya boshlanishi mikrostrukturasining belgisidir. Plastik deformatsiyaning mazkur davrida sirpanish faqat bir sistema bo'ylab rivojlanadi. Plastik oqimning boshlanishi turli zarralarda turli paytlarda ekanligi ko'zga tashlanadi. Ishlov berilayotgan material zo'riqishining keyingi bundan ortib borishi sirpanishning yangi

tasmalari paydo bo'lishiga ko'maklashadi. Deformatsiya darajasi 0,8% bo'lganda plastik deformatsiya ikkita sistema bo'ylab, deformatsiya darajasi 5% bo'lganda, sirpanishning ikki-to'rtta sistemalari bo'yicha rivojlanadi.

Sirpanish tasmalari, asosan, ishlov berilayotgan materialning bo'linish yuzalarida joylashgan yoki zo'riqishi eng yuqori kattalikka ega bo'lgan yuza oldi qatlamlarida joylashgan dislokatsiya manbalaridan boshlanadi. Sirpanish tasmalari bo'ylab harakat paytida dislokatsiyalar to'siqlarga uchraydi. To'siqlarni yengib o'tib ilgarilab borib dislokatsiyalar plastik deformatsyaning keyingi rivojlanishini ta'minlab beradi. Dislokatsyaning to'siq yonida to'xtab qolishi ishlov berilayotgan materialning mustahkamlanishi sabablaridan biridir. Ko'p fazali materiallarda dislokatsiyalarining harakatiga mustahkamlovchi fazalarning dispers ajratimalari, aralashma atomlar, birlamchi struktura dislokatsiyalari va boshqalar to'sqinlik qiladi.

Sirpanish tasmalarining rivojlanishiga esa yo'nalishini yo'qtgan zarralarning chegaralari – ko'p burchakli chegaralar deb ataluvchi chegaralar to'sqinlik qiladi. Sirpanish mexanizmi bilan bir qatorda po'lat va qotishmalar ikkilantiruvchi va donni chegaralovchi sirpanish mexanizmi yordamida ham plastik deformatsiyalanishi mumkin. Deformatsiyalash mexanizmlarining nisbati va ular materialining umumiy deformatsiyasidagi ulushi, birlamchi strukturaga va ishlov berish sharoitlariga bog'liq.


Qirindi hosil bo'lish jarayoni boshqa har qanday buzilish singari plastik deformatsyaning uch turi bilan birga kechadi. Oldingi deformatsiya keskich oldidagi metallni mustahkamlab kristall tuzilishga ega ko'p nuqsonlarni keltirib chiqaradi va keyingi buzilishlar uchun sharoit yaratadi. Yo'ldosh deformatsiya materialni ikkiga bo'lувчи darzning o'sib borishi bilan kechadi. Bo'linish yuzalarining shakllanish jarayoni asbobning old va orqa yuzalari bilan mos ravishda tutashgan paytda plastik deformatsiya bilan tugallanadi. Plastik deformatsyaning barcha uch turi bir paytda yuz beradi va bir-birini taqozo qiladi.

Plastik deformatsiyaga uchrangan hududning turli kesimlaridagi ko'p sonli sirpanish tasmalarini statik tahlil qilish shuni ko'rsatdiki, kesish paytidagi plastik deformatsiya rivojlanib boruvchi jarayondir: u ishlov berilayotgan detal materiali substrukturasingin butun deformatsiyalanayotgan hudud bo'ylab o'zgarishi va dislokatsiyalarining rivojlanma borib to'planishi bilan

kechadi (3.4-rasm). Dislokatsiyalar zichligi, demak, qirindi hosil bo'lish sohasidagi deformatsiya darajasi plastik deformatsiya-lanayotgan sohaning tashqi chegaralaridan boshlab keskich bilan metall tutashuvi tugagunga qadar doimiy ravishda o'sib boradi.

Kesuvchi tig' materialga botirilganda kesuvchi tig'ning bevosita yaqinida jadal sur'atda sirpanish tasmalari paydo bo'la boshlaydi. Qo'shni tasmalar orasidagi masofalarning statik mustaqilligi har biri alohida sirpanish tasmasiga asos soluvechi dislokatsiyalar manbalari ishga tushishi hamda rivojlanishining mustaqilligini bildiradi. Yangi hosil bo'layotgan hamda materialda mavjud bo'lgan dislokatsiyalar zo'riqish urinma tashkil etuvchisining kattaligi oquvezhanlik chegarasidan ortiq bo'lgan sirpanish tekisliklarda gradiyent ta'siri ostida siljiy boshlaydilar. Sirpanishning harakat-lanuvchi tekisliklari kesuvchi ponaga nisbatan turlicha yo'naltirilgan bo'ladi va dislokatsiyalar shu tekisliklar bo'ylab deformatsiya-lanayotgan metall ichiga turli yo'nalishlarda ketadi va kesuvchi tig'dan uzoqlashadi. Bunday harakatga shartli ravishda dislokatsiyalarning asbobning material bilan tutash yuzasidan tashqi chegaralar, plastik deformatsiyalaridan sohalar va kesilayotgan qatlamning tashqi yuzalari yo'nalishidagi yelpig'ichsimon harakati sifatida qarash mumkin.

Deformatsiyalarin vaqtida, bu vaqt kesishning odatdagи sharoitlarida dislokatsiyaning  $10^{-2}...10^{-3}$ s ni tashkil etadi, asosiy qismdagи yetakchi sirpanish tasmalari kesuvchi tig'dan yetarli darajada masofaga siljib ulguradi. Bu dislokatsiyalarning holati plastik deformatsiyalaridan sohaning o'lchamchlari va konfiguratsiyasini belgilab beradi. Kesish tezligi qancha yuqori bo'lsa, plastik deformatsiyada shuncha kam hajm metall ishtirok etadi, chunki sirpanish tasmalarining tarqalish tezligi kesish tezligiga nisbatan sekinroq o'sadi. Legirlangan po'latlar va qotishmalar uchun sirpanish tasmalarining tarqalish tezligi 70 sm/s ga etadi. Demak, dislokatsiyalar kesish paytida, asosan, lokal to'siqlarda — mustahkamloveli fazalarning dispers ajralmalarida, ayrim aralashgan atomlar yoki ularning agregatsiyalarida to'xtalib qoladi. To'siqlarni yengib o'tish uchun zo'riqishni orttirish lozim. Ishlov berilayotgan zagotovka materialida dislokatsiyalar harakatiga to'siqlar miqdori qancha yuqori bo'lsa, plastik deformatsiyalaridan sohalar va kesilayotgan qarshilik esa katta bo'ladi.



**3.4-rasm.** Erkin kesishda plastik deformatsiyalananoyotgan sohadagi sirpanish tasmalarining zichligi. XN77TYUR qotishmasi - VK8 keskichi [10].

Metalldagi dislokatsiyalarning zichligi kesuvechi tig'ning bevosita yaqinida muvozanat kattaligiga yetganda, uning buzilishi sodir bo'ladi. Kesilayotgan qatlama asbobning old yuzasi bo'ylab dislokatsiyalarning ko'payishi va sirpanishi natijasida deformatsiyalishni davom ettirib va qo'shimcha siljish deformatsiyasiga uchrab siljiy boshlaydi. Qirindining yuza qatlamida deformatsiya teksturasida qo'shimcha o'zgarishlar kuzatiladi va yuzada deformatsiya darajasi ortadi, bu esa qirindining kesim bo'ylab har xil mustahkamlanishiga olib keladi va uning buralishi uchun sharoit yaratadi.

### 3.4. Ishlov berilgan yuza sirtqi qatlaming asosiy xarakteristikalari

Kesilgandan keyin ishlov berilgan yuzaning sirtqi qatlami ishlov berilayotgan materialning birlamchi holatidan farq qiluvchi yangi xususiyatlarga ega bo'ladi. Ishlov berilgan yuza va uning tagidagi material qatlami xossalaringning yig'indisi umuman olingan detal sirtqi qatlami sisatini xarakterlaydi.

Detal sirtqi qatlaming xossalari asbobning kesuvechi tig'i oldidagi ilgarilab ketadigan mustahkamlanish sohasida shakllana boshlaydi. Dislokatsion strukturaning sirpanuvchi tasmalar ko'rinishida rivojlanishi, dislokatsiyalar zichligining ortishi sirtqi qatlanning mustahkamlanishiga, uning yanada qattiqlashishiga olib keladi. Ishqalanish va sirtning asbob orqa yuzasi bilan kontakti paytida ikkilamchi deformatsiya natijasida mustahkamlanish

chuqurligi va sirtqi qatlAMDagi dislokatsiya zichligi birmuncha ortadi. Dislokatsiyalar nazariyasidan ma'lumki, mustahkamlanishning turli mexanizmlarida deformatsiyalash zo'riqishi dislokatsiyalar zichligining kvadrat ildiziga proporsionaldir. Shunga ko'ra mustahkamlangan metallning qattiqligi HV va puxtalanish darajasi U dislokatsiyalar zichligiga bevosita bog'liq bo'lishi mumkin:

$$HV = \frac{Gb}{K} \sqrt{\rho}; \quad (3.8)$$

$$U = \frac{HV - HV_{birl}}{HV_{birl}} = \frac{K_{birl}}{K} \sqrt{\frac{\rho}{\rho_{birl}}} - 1, \quad (3.9)$$

bu yerda:  $G$  – siljish moduli;  $b$  – Byurgers vektori;  $K$  va  $K_{birl}$  – mos ravishda mustahkamlangan va mustahkamlanmagan materiallar uchun bog'lanish koeffitsiyentlari.

Dislokatsiyalarning paydo bo'lishi va harakati harakatlanayotgan dislokatsiyalar energiyasining tarqaishi natijasida tez sur'atda issiqlik hosil bo'lishiga olib keladi. Deformatsiyalangan metallni uning suyuqlanish haroratinining 0,2...0,3 darajasigacha qizdirish unda qaytish paydo qiladi (dam olish, poligonizatsiya), suyuqlanish haroratinining 0,4 darajasigacha qizdirilganda sirtqi qatlam mustahkamligining to'liq yoki qisman yo'qolishi bilan rekristallizatsiya yuz berishi mumkin.


### 3.5. Ishlov berilgan yuzanining sifati

Mashina detallari va uzellari ishining ishonchligi, asosan, ishlov berilgan yuzalarning sifatiga bog'liqdir. Yuza sifati tushunchasiga bir tomonidan, aniq yuzanining geometrik parametrлari, boshqa tomonidan – uning fizik-mexanikaviy xossalari belgilovchi bir qator ko'rsatkichlar kiradi.

Sirtqi qatlaming fizik-mexanikaviy xossalari mustahkamlanish (parchinlash) chuqurligi va darajasi hamda qoldiq kuchlanishlar qiymatlari bilan xarakterlanadi.

Ishlov berilgan yuzanining geometrik parametrлari geometrik shakldan quyidagi chetga chiqishlar bilan xarakterlanadi: makrogeometriyasi (bochkasimonlik, konussimonlik, ovallik va boshq.) va mikrogeometriyasi (g'adir-budurlik va to'lqinsimonlilik) bilan.

Gadir-budurlik va yuza shaklining boshqa chetga chiqishlarni shartli chegaralash kriteriysi bo'lib,  $S$  qadamning notejislik balandligi  $R_s$  ga nisbati xizmat qiladi.  $S/R_s < 50$  da – yuza g'adir-budur,



**3.5-rasm.** Ishlov berilgan yuzanining yo'nish va silindrik freza bilan frezalashdagi hisoblangan mikroprofilii.

$S/R_z = 50 \dots 1000$  da – yuza to'lqinsimon,  $S/R_z > 1000$  da esa makrogeometrik chetga chiqish. Ishlov berilgan yuzanining g'adir-budurligi mikronotekisliklarning balandligi va shakli bilan xarakterlanadi. Haqiqiy yoki oddiy notekeisliklar – bu ishlov berilgan yuza bo'ylab kesuvchi asbob o'tgandan so'ng hosil bo'lgan notekeisliklardir. Notekeisliklar balandligini tahliliy hisoblab bo'lmaydi. Uni profilometr va profilograf deb ataluvchchi asboblar bilan o'chanadi. Profilometrlar notekeisliklar balandligining ko'z bilan chandalab olingan hisobini ko'rsatadi, profilograflar esa yuzanining muayyan masshtabdagi mikroprofilini chizib beradi. Ishlov berilgan yuzanining yo'nish (*a*) va silindrik freza bilan frezalashdagi (*b*) hisobiy mikroprofilii 3.5-rasmida ko'rsatilgan. Yo'nishda hisobiy g'adir-budurliklar  $R_z$  balandligi uchburchak  $mnp$  balandligi  $pk$  ga teng:

$$R_z = mn \sin \phi,$$

$$mn = \frac{mq}{\sin mpq} = \frac{a}{\sin(\phi + \phi_1)} = \frac{S \sin \phi}{\sin(\phi + \phi_1)} \text{ yoki } R_z = \frac{S \sin \phi \sin \phi_1}{\sin(\phi + \phi_1)}.$$

Mazkur ifodadan yo'nib kengaytirish, parmalash, zenkerlash, randalash va tores frezalar bilan frezalashda  $R_z$  ni hisoblash uchun foydalanish mumkin.

Frezerlashda hisoblash notekeisliklarining balandligi bir-biridan freza tishiga,  $S_z$  surilishga teng bo'lgan masofa uzoqligida joylashgan ikki aylana kesishgan  $p$  nuqta holatiga ko'ra aniqlanadi:

$$R_z = \frac{D}{2} - \sqrt{\frac{D^2}{4} - \frac{S_z^2}{4}} \text{ ifoda soddalashadi, chunki } \frac{S_z^2}{4} = R_z D - R_z^2$$


va  $R_z^2 \leq R_z D$ ,  $R_z^2$  a'zoni e'tibordan soqit qilib,  $R_z \approx S_z^2 / 4D$  ni hosil qilamiz.

Yo'nishdagi hisoblash notekisliklari surishining rejadagi burchakkarning kichrayishi va o'tish tig'i radiusining kattalashuvi bilan kamayadi.

Shakl va balandlik bo'yicha real notekisliklar hisoblangandan farq qiladi. Buning sabablari quyidagilardan iborat:

1) materialning birlamchi deformatsiya hududidan mikro-notekisliklar cho'qqisi tomon plastik og'ishi; kesilayotgan qatlarning deformatsiyalanish darajasi qancha katta bo'lsa, mikroprofil-dagi ishlov berilgan iz tomonga plastik oqim jadalligi shuncha katta bo'ladi va notekisliklar balandligi ham ortadi; 2) ishlov berish paytida asbob va detalning tebranishi; 3) asbob orqa yuzalarining kesish yuzalariga ishqalanishi; 4) asbob tig'ida uning yeyilishi tufayli ko'payib boruvchi notekisliklar. Agar material o'simta hosil qilishga moyil bo'lsa, unda notekisliklar balandligi o'simta eng yuqori rivojlanishga ega bo'iluvchi kesish tezliklari hududida o'simtaning o'sishi va buzilishi hisobiga qo'shimcha ortadi.

Notekisliklar balandligiga hisoblash notekisliklari balandligiga ta'sir ko'rsatuvchi omillarning o'zi ta'sir qiladi. Surilishning, asbobning plandagi burchakkarning kichrayishi va keskich cho'qqisi radiusining kattalashuvi bilan notekisliklar balandligi kamayadi. Bu omillardan tashqari notekisliklar balandligiga materialning plastik deformatsiyalanish hajmini o'zgartiruvchi barcha omillar va asbobning yuzasidagi ishqalanish sharoitlari ta'sir ko'rsatadi. Ularga ishlov berilayotgan materialning mexanik xossalari, kesish tezligi va qo'llanilayotgan moylash-sovitish muhitining xususiyatlari kiradi. Kesish chuqurligi va asbobning old burchagi notekisliklar balandligiga sezilarli ta'sir ko'rsatmaydi. Ishlov berilayotgan materialning qattiqligi va mustahkamligi ortishi, plastikligining pasayishi bilan plastik deformatsiya hajmi kichrayadi va bu notekisliklar balandligining kamayishiga olib keladi.



**3.6-rasm.** O'simta hosil qilishiga moyil materialga ishlov berishda notekisliklar balandligiga kesish tezligining ta'siri.

Kesish tezligining notekisliklar balandligiga ta'siri ishlov berilayotgan materialning o'simta hosil qilishga moyilligiga bog'liq. Agar material o'simta hosil qilishga moyil bo'lsa, unda kesish tezligining ortishi bilan notekisliklar balandligi uzlusiz kamayib boradi. Bu hol plastik deformatsiya hajmining va ishqalanish o'rtacha koefitsiyentining kamayishi bilan izohlanadi. Agar material o'simtalar hosil qilishga

moyil bo'lsa, u holda notekisliklar balandligi o'simta balandligiga bog'liq bo'ladi. Kesish tezligining  $v_1$  dan  $v_2$  ga ortishida o'simta balandligi ham o'sadi va shunga muvofiq notekisliklar balandligi o'simta rivojining yuksak paytida eng katta qiymatga yetadi. Katta tezliklarda  $v_2$  kamayadi va notekisliklar balandligi ham kichrayadi.

Moylash-sovitish texnologik muhitini qo'llash notekisliklar balandligini kamaytiradi. Bu o'rinda shuni ta'kidlash lozimki, kesish tezligining ortishi, muhit ta'sirini zaillashtiradi, turli muhitlarning ta'sirdagi farqi esa kamayadi.

### 3.6. Qirindining kirishishi

Qirindining kirishishi deformatsiyalanish jarayonining tashqaridan namoyon bo'lishidir. Kirishish deb, kesilayotgan qatlam qirindiga aylangandan keyingi chiziqli o'lehamlarining o'zgarishiga aytildi (3.7-rasm).

Tajriba shuni ko'rsatadiki, qirindining  $L_1$  uzunligi keskich bosib o'tgan  $L$  yo'ldan qisqa, qirindining  $a_1$  qalinligi kesilayotgan  $a$  qatlam qalinligidan ortiq bo'ladi. Qirindining kengligi  $b_1$  kesilayotgan qatlam kengligi  $b$  dan (birmuncha kattalashsa ham) kam farq qiladi. Amaliy jihatdan deformatsiyalanayotgan element hajmi o'zgarmas deb qabul qilinadi, natijada quyidagi hosil bo'ladi:

$$a b L = a_1 b_1 L_1;$$

$$\text{bundan} \quad \frac{L}{L_1} = \frac{f}{f_1} = \frac{a_1}{a} = K, \quad (3.10)$$

bu yerda:  $f$  va  $f_1$  – mos ravishda kesilayotgan qatlam kesimlarining yuzalari;  $K$  – qirindining kirishuv koefitsiyenti.


Qirindi o'lehamlarining o'zgarish darajasi kesilayotgan qatlam bilan qiyoslaganda uchta koefitsiyent bilan ifodalanadi:

kirishish yoki qisqarish koefitsiyenti  $K_1 = \frac{L}{L_1}$ ,

qalinlashuv koefitsiyenti  $K = \frac{a_1}{a}$  va

kengayish koefitsiyenti  $K_b = \frac{b_1}{b}$ .

Qirindining kirishish koefitsiyenti ikki usulda aniqlanadi: qirindining uzunligini o'lehash va uni tortib ko'rish (og'rligini o'lehash). Birinchi



**3.7-rasm.** Qirindining kirishishini aniqlash sxemasi.

usul bo'yicha qirindi uzunligi kesilayotgan qatlam uzunligini alohida qismlarga bo'lish orqali chegaralanadi. Tajribalarda yo'nish paytida zagotovkada bir yoki bir necha pazlar qilinadi va ular orasidagi masofa qayd etiladi. Kesish tig'inining paz orqali o'tishi paytida kesish jarayonida uzilish yuz beradi. Qirindi to'planadi, uzunligi kontakt tomoni bo'ylab o'lehanadi. Ikkinci usulda qirindi bo'lakechalar tarozida tortib aniqlanadi. Agar qirindi og'irligini mg da  $G$  orqali, zichligini g/sm<sup>3</sup> da  $g$  orqali belgilansa, u holda

$$G = \frac{qA Z_{tg}}{10^3}. \quad (3.11)$$

Qirindining kirishish koefitsiyenti

$$K_L = \frac{\sigma_{10}^3}{Z_{tgab}}.$$

Yo'nishda  $ab = St$  va, demak,

$$K_L = \frac{\sigma_{10}^3}{Z_{tgst}}. \quad (3.12)$$

Qirindining kirishish koefitsiyentiga, asosan, ishlov berilayotgan material, asbobning old burchagi, kesilayotgan qatlam qalinligi, kesish tezligi, qo'llanilayotgan moylash-sovitish texnologik muhiti ta'sir qiladi.

### 3.7. O'simta hosil bo'lishi

Aksar konstruksion materialarni kesishda muayyan sharoitlarda keskichda o'simta hosil bo'ladi. O'simta deganda, ishlov berilayotgan zagotovka materialining asbob tig'i yonida uning old yuzasidan oldinda joylashgan u yoki bu darajada qo'zg'almas, pona ko'rinishidagi hudud tushuniladi (3.8-rasm).

Tutash qirindi hosil bo'lishida, muayyan sharoitlarda o'simta old yuzaga yetarli darajada mahkam birlashib olishi va kesish tugagandan keyin ham shu yerda qolishi mumkin. Uzlukli kesish paytida va elementli qirindi hosil bo'lganda o'simta old yuzada ushlanib qolmaydi, qirindi bilan tushib ketadi. O'simtaning qattiqligi u hosil bo'lgan material qattiqligidan 2,5...3 marta ortiq bo'ladi. O'simtaning shakli va o'lehamlarini uchta asosiy parametr bilan tavsiflash mumkin: balandligi  $H$ , asosining kengligi  $l$  va burchagi  $\gamma_o$ .


Yuqori chastotali kinosyom-kalar yordamida aniqlanishicha, o'simta to'liq barqaror jism emas, u o'z o'lchamlarini doimo va juda tezlik bilan o'zgartirib turadi. Sekundning yuzdan bir ulushlarida o'simta paydo bo'ladi, o'z balandligini eng yuqori darajaga gacha orttiradi, keyin esa qisman yoki to'liq buziladi. O'simtaning paydo bo'lish va uzilish chastotasi kesish tezligi ortgan sari o'sib boradi va  $v=40\ldots60$  m/min bo'lganda minutiga 3000..4000 sikni tashkil etadi.

O'simtada ikkita hududni farqlash mumkin: hudud 1, bunda materialning harakat tezligi noldan qirindi harakati tezligigacha o'zgaradi va hudud 2, bu yerda material to'liq harakatsiz holatda bo'ladi. Pona shaklida bo'lganligi va ishlov berilayotgan material qattiqligidan ancha yuqori qattiqlikka ega bo'lganligi sababli o'simta birmuncha vaqt kesuvechi tig' vazifasini bajaradi. Hosil bo'layotgan qirindi keskichning old yuzasi bo'ylab emas, o'simta bo'ylab siljiydi. O'simta cho'qqisi keskich tig'i orqasiga osilib turganligi sababli kesilayotgan qatlarning haqiqiy qalilnigi uning nominal qaliligidan  $\Delta a$  kattalikka ortiq bo'ladi.


O'simta o'lchamlariga, asosan, ishlov berilayotgan material xossalari, kesish tezligi, kesilayotgan qatlam qalilnigi, old burchak va moylash-sovitish texnologik muhitni ta'sir ko'rsatadi.

Barcha materiallarni o'simta hosil qilishga moyil va moyil bo'Imagan materiallarga bo'lish mumkin. Birinchi guruhga mis, jez, bronza, qalay, qo'rg'oshin, titan qotishmalari, oq cho'yan, toblangan po'latlar, tarkibida ko'p miqdorda xrom va nikel bo'lgan legirlangan po'latlarni kiritish mumkin. Ikkinchi guruhga konstruksiyon, uglerodli po'latlar, legirlangan po'latlarning katta qismini, kulrang cho'yan, aluminiy, siluminlarni kiritish mumkin.

Kesish tezligining o'simta o'lchamlariga va qirindi kirishuv koefitsiyentiga ta'siri umumlashtirilgan holda 3.9-rasmida ko'rsatilgan. Egri chiziq 1 o'simta hosil qilishga moyil bo'Imagan metallarni kesishga mos keladi. Bunda kesish tezligining ortib borishi bilan qirindining kirishish koefitsiyenti avval tez, keyin esa bir-



**3.8-rasm.** O'simtaning tuzilish sxemasi.



**3.9-rasm.** Kesish tezligining o'simta balandligi (3) va qirindining kirishish koeffitsiyentiga (1,2) ta'siri.

yana ortib boradi. Kesish tezligi  $v_1$  qiyatga yetganda  $K_L$  koeffitsiyentning o'sishi to'xtaydi va  $v > v_1$ , kesish tezligida 2-egri chiziq I-egri chiziqqa mos bo'ladi. Kesish tezligi  $v_1$  dan  $v_2$  gacha ortganda  $K_L$  koeffitsiyentining kamayishi va kesish tezligi  $v_2$  dan  $v_3$  gacha ortganda yana ko'payishi qirindi hosil bo'lish jarayoniga bog'liq.

Kesish tezligining  $v_1$  dan  $v_2$  gacha o'sishi asbob old burchagining kattalashishi bilan bir paytda sodir bo'ladi, natijada kesilayotgan qatlamning deformatsiyalanish darajasi kamayadi. Kesish tezligi  $v_1$  bo'lganda haqiqiy old burchak eng yuqori kattalikka erishadi,  $K_L$  koeffitsiyent esa eng kam miqdorga tushadi. Kesish tezligi  $v_2$  dan  $v_3$  gacha o'sganda o'simta balandligi hamda old charxlash burchagining haqiqiy kattaligi kamayadi. Bu qirindining kirishish koeffitsiyentining ortishiga sabab bo'ladi.  $v > v_3$ , kesish tezliklarida o'simta bo'lmaydi va kesish tezligi  $K_L$  koeffitsiyentga faqat ishqalanish koeffitsiyentining o'zgarishi orqali ta'sir qiladi.

Tajribadan shu narsa aniqlanganki, po'latlarni kesishning eng keng tarqalgan sharoitlarida o'simta o'zining eng yuqori balandligiga kesish tezligining harorat  $\theta \approx 300^\circ\text{C}$  bo'lganda erishadi.  $300^\circ\text{C}$  dan ortiq haroratda o'simta o'lchamchlarining kichrayishi o'simta materiallarining plastik siljishga qarshiligining sezilarli darajada pasayishi bilan izohlanadi.

O'simta hosil bo'lishi kesish jarayoniga ta'sir ko'rsatadi: o'simta old burchakni o'zgartiradi, oqibatda, kesish kuchi kamayadi; ishqalanish sharoitlari ham o'zgaradi, demak, kesish tig'inining

muncha sekin kamayadi. Kesish tezligining qirindining kirishish koeffitsiyentiga ta'siri kesish tezligi ortib borganda old yuzada harorating ko'tarilishi paytda old yuza bilan qirindi o'rtasidagi ishqalanish koeffitsiyentining kamayishi bilan izohlanadi. O'simta hosil bo'lishiga moyil materiallarni kesishda (2-egri chiziq) kesish tezligi qirindining kirishish koeffitsiyentiga bir xilda ta'sir etmaydi. Avval, kesish tezligi ortganda kirishuv koeffitsiyenti kamayadi va eng kichik kattalikka tushadi ( $v_3$  tezlik), keyin

yejilish tabiatini old yuza bo'yicha ham, orqa yuza bo'yicha ham o'zgaradi. O'simtaning davriy uzilishlari tebranishlarning hosil bo'lishiga olib keladi, o'simta buzilishining ishlov berilgan yuzadagi qoldiq mahsulotlari dag'allikni oshiradi.

Kesib ishlov berish amaliyotida, xususan, toza ishlov berishda, o'simta hosil bo'lishiga qarshi kurash olib boriladi. O'simta hosil bo'lishi kesish jarayonining barqarorligiga putur yetkazadi, bu esa raqamli boshqarish programmasi bo'lgan dastgohlarda, ko'p operatsiyali dastgohlarda va moslashuvchi ishlab chiqarish tizimlarida maqsadga muvofiq emas.

## **4-BOB | Qirqish (kesish) hududidagi issiqlik hodisalari**

### **4.1. Issiqlik hosil bo'lish manbalari**

Kesish jarayoniga sarflanadigan barcha mexanik energiya issiqlik energiyasiga aylanadi. Mexanik energiyaning faqat 0,5...3% foizigina ishlov berilayotgan material kristall panjaralarining o'zgarishi tufayli yutilgan energiyaga aylanadi, xalos.

Amalda issiqlikning umumiy miqdori  $Q$  ni quyidagi ifoda yordamida aniqlash mumkin:

$$Q = \frac{P \cdot v}{4190}, \text{ J / min.}$$

bu yerda:  $P$  — kesish kuchining vertikal tashkil etuvchisi,  $H$ ;  $v$  — kesish tezligi, m/min; 1/4190 — ishning issiqlik ekvivalenti, J.

Kesish jarayonida issiqlik oqimlari energiyaning yuqori konsentratsiyalangan, nisbatan kichik hajmlarda jamlangan yoki taqsimlangan manbalari ta'siri ostida yuz beradi deb qabul qilinadi.

Qattiq jismalarning u yoki bu tizimida harakat qiluvchi jamlangan manbalar issiqligining tarqalish jarayoni matematik jihatdan ikkita asosiy tenglama yordamida ifodalanadi: birinchisi — issiqlik muvozanati, yana biri — issiqlik o'tkazuvchanlik. Kesish jarayoni uchun issiqlik muvozanati tenglamasi quyidagicha taqdim etilishi mumkin:

$$Q_{\text{def}} + Q_{\text{ol.yu.i}} + Q_{\text{or.yu.i}} = Q_1 + Q_2 + Q_3 + Q_4, \quad (4.2)$$

bu yerda:  $Q_{\text{def}}$  — qirindi hosil bo'lishi va sirtqi qatlamning shakllanishida deformatsiyalaniishi va buzilishiga sarflangan ishga ekvivalent bo'lgan issiqlik miqdori;  $Q_{\text{ol.yu.i}}$  — deformatsiyalangan material va

tig' old yuzasi kontaktda bo'lganda ishqalanish kuchlari ishiga ekvivalent bo'lgan issiqlik miqdori;  $Q_{\text{or.yu.i}}$  – detalning sirtqi qatlamida deformatsiyalangan materialdan o'tishda tig'ning orqa yuzasidagi ishqalanish kuchlari ishiga ekvivalent issiqlik miqdori;  $Q_1$  – qirindiga o'tuvchi issiqlik miqdori;  $Q_2$  – detalga o'tuvchi issiqlik miqdori;  $Q_3$  – kesuvchi asbobga o'tuvchi issiqlik miqdori;  $Q_4$  – atrof-muhitga tarqaluvchi issiqlik miqdori.


Kesish paytida issiqlik hosil bo'lish manbalari 4.2-tenglamaning chap qismini tashkil etadi. Issiqliknинг birinchi manbayi  $Q_{\text{det}}$  eng katta plastik deformatsiyalar hududida, ya'ni qirindi ajralish tekisligida hosil bo'ladi (4.1-rasm, a). Issiqliknинг ikkinchi manbayi  $Q_{\text{ot.yu.i}}$  kesuvchi asbobning old yuzasida – qirindi bilan asbob o'rtasidagi kontakt yuza chegaralarida hosil bo'ladi. Issiqliknинг uchinchi manbasi  $Q_{\text{or.yu.i}}$  orqa yuzada – asbob bilan yuza o'rtasidagi tutashuv yuzasi chegaralarida hosil bo'ladi.

Hosil bo'lgan issiqlik issiqlik manbalaridan ancha salqin hududlar – qirindi, detal, asbob va atrof-muhitga taqsimlanadi (4.1-rasm, b).

Issiqlik manbalarining joylashishi 4.1-rasm, a da ko'rsatilgan.

Shubhaisiz, kesish jarayonida oqimlar harakatining yo'nalishi murakkab chirmashib ketishi kuzatiladi, chunki uch asosiy manbadan – deformatsiya, asbobning old va orqa yuzalaridagi ishqalanishdan chiqayotgan issiqlik bu jarayonda ishtirok etayotgan barcha jismlar o'rtaida taqsimlanadi.

Issiqlik o'tkazuvchanlikning ikkinchi asosiy tenglamasi issiqlik o'tkazuvchanlikning differensial tenglamasi ko'rinishida bo'ladi.



**4.1-rasm.** Issiqlik hosil bo'lish manbalari va issiqlik oqimlarining harakati.


$$\frac{\partial \theta}{\partial t} = \frac{1}{c\rho} \left[ \frac{\partial}{\partial x} \left[ \lambda(\theta) \frac{\partial \theta}{\partial x} \right] + \frac{\partial}{\partial r} \left[ \lambda(\theta) \frac{\partial \theta}{\partial z} \right] + \frac{\partial}{\partial z} \left[ \lambda(\theta) \frac{\partial \theta}{\partial z} \right] \right] + v_x \frac{\partial \theta}{\partial x} + v_r \frac{\partial \theta}{\partial r} + v_z \frac{\partial \theta}{\partial z} \quad (4.3)$$

bu yerda:  $\lambda$  – issiqlik o'tkazuvchanlik koeffitsiyenti;  $c$  – massaning issiqlik sig'imi;  $\rho$  – zichlik;  $v_x, v_r, v_z$  – manbaning jism ichida  $X, Y, Z$  o'qlaridagi siljish tezligi vektorining proyeksiyalari.


Ushbu tenglama ko'p yechimga ega. Ularning orasidan aynan bizni qiziqtiruvchi holatdagi issiqlik tarqalish jarayonini belgilovchi yechimni aniqlash uchun qidirilayotgan funksiya  $\theta(x,y,z,t)$  ga qo'shimcha shartlar – boshlang'ich va so'nggi shartlarni qo'yish lozim bo'ladi. Issiqliknинг qirindi, detal va asbob o'rtaqidagi bo'linish foizlariga, asosan, zagotovka materialining mexanik, issiqlik-fizik xossalari va kesish tezligi ta'sir ko'rsatadi (4.2-rasm).

Kesish tezligi ortganda, detalga o'tuvchi issiqlik ulushining kamayishi deformatsiya hududidan chiqayotgan issiqliknинг tarqalish tezligi bilan kesish tezligi o'rtaqidagi nisbatining o'zgarishi natijasida sodir bo'ladi. Qirindi ajralish tekisligida issiqlik manbayidan detalga  $Q_1$  issiqlik oqimi tarqaladi. Issiqliknинг tarqalish tezligi qirindi ajralish tekisligida va detaldagi harorat gradiyentiga va ishlov berilayotgan materialning issiqlik o'tkazuvchanligiga bog'liq. Agar kesish tezligi, ya'ni asbobning kesuvchi tig'i issiqlik oqimini kesib o'tayotgandagi tezlik kichik bo'lsa, u holda issiqlik qirindi ajralish tekisligidan hech qanday to'sqiniksiz detalga o'tadi. Kesish tezligi ortganda sari asbob tig'i issiqlik oqimini tezroq kesib o'tadi, shu sababli, issiqliknинг oz miqdori detalga o'tishga ulguradi, issiqliknинг ko'p miqdori esa qirindida qoladi. Kesish tezligi ortganda asbobga o'tuvchi issiqlik ulushining kamayishi old yuzadagi kontakt yuza kengligining kamayishi bilan bog'liq, issiqlik asbobga qirindidan ana shu yuza orqali o'tadi.

Asbobga o'tuvchi issiqlik miqdori juda kam bo'lib, bu issiqlik har qanday materiallarni istalgan rejimda kesishda shunday bo'ladi. Asbobga ham issiqlik o'tishining sababi asbobsozlik materiali issiqlik



**4.2-rasm.** T60K6 ( $t = 1,5 \text{ mm}$ ,  $S=0.12 \text{ mm/ayl.}$ ) qattiq qotishmasidan ishlangan keskich bilan  $40X$  po'latiga ishlov berishda  $Q$  ning qirindi, asbob va detal o'rtaqidagi taqsilaniishi.



**4.3-rasm.** T60K6 ( $t = 1,15 \text{ mm}$ ;  $S = 0,12 \text{ mm/ayl.}$ ) qattiq qotishmasidan ishlangan keskich bilan  $40X$  po'lati bilan kesishda kesish tezligi v ning kesish harorati va qirindining o'rtacha harorati  $Q_{q, o, r}$  ga ta'siri.

o'tkazuvchanligining pastligidir. Asbobga o'tuvchi issiqlik ulushining kamligiga qaramasdan asbobning old yuzasidagi o'rtacha harorat qirindining o'rtacha haroratidan bir necha marta ortiq bo'ladi (4.3-rasm).


Detalga o'tuvchi issiqlik ulushining kesish tezligi ortgandagi kamayishi deformatsiya hududidan chiqayotgan issiqliknинг tarqalish tezligi bilan kesish tezligi o'rtasidagi nisbatning o'zgarishi natijasida yuz beradi. -

Kesish harorati deganda asbobning qirindi bilan tutashuish yuzasidagi va kesish yuzasidagi o'rtacha harorat tushuniladi.

Kesish zonasidagi harorat miqdoriga quyidagi omillar ta'sir ko'rsatadi: ishlov berilayotgan materialning fizik-mexanikaviy xossalari, kesish rejimlari (kesish tezligi, surish va kesish churqurligi), kesuvchi asbobning geometrik parametrlari va qo'llaniyayotgan moylash-sovitish texnologik muhit.

Deformatsiya hududidagi va asbobning tutashuv yuzasidagi issiqlik hodisalarini o'rganishda analitik (tahliliy) usullarni qo'llash borasida salmoqli yutuqlarga erishilganligiga qaramay, tajriba usullari o'zining sodda va ishonchliligi bilan tadqiqotlarning asosiy usuli bo'lib qolmoqda.

Tajribada haroratni aniqlashning quyidagi asosiy usullari qo'llaniladi: kalorimetrik, qirindi va ishlov berilgan yuza tusi o'zgartishining qiyosiy tahlili, termoboyyoq usuli, optik pirometriya usullari, termoelektr emissiya usulining turli variantlari. Kalorimetrik usul tushayotgan qirindi haroratini kalorimetr yordamida o'lchashga asoslangan. Mazkur usul qirindi, detal va asbobga o'tuvchi issiqlik miqdorini hamda qirindining o'rtacha haroratini aniqlash imkonini beradi. Qirindining o'rtacha harorati tusining o'zgartishi bo'yicha aniqlash ancha subyektiv bo'lib, sezilarli xatoliklarga yo'l qo'yilishi mumkin.



**4.4-rasm.** Termojuftlik sxemasi:

a – sun'iy; b – yarim sun'iy; d – tabiiy;  
1 – qayd etuvchi termo EHK asbobi.

Termobo'yq usuli asbobning qizdirilgan qismlari yuza haroratini aniqlashda qo'llaniladi va oddiy, ko'rgazmali, biroq aniqlik darajasi yuqori emas.

Kesuvchi asbobning tutashuv yuzalaridagi va tutashuv yuzasining turli nuqtalaridagi haroratni o'lchashda har xil termojuftlik usullari ko'p qo'llanilmoqda.

Sun'iy termojuftlik usuli keskich haroratini kesuvchi tig' atrofida xromel–alumel yoki xromel–kopel termojuftlik yordamida o'lchashga asoslangan (4.4-rasm). Keskichda uning quyi asosidan old yuzaga qarab 1...2 mm diametrli teshik parmalab ochiladi. Teshik old yuzaga 0,2...0,4 mmga yetmay qoladi. Teshikka termojuftlik qo'yiladi. Teshikni kesuvchi tig'ning old va orqa yuzalari bo'ylab turli nuqtalarda joylashtirib, asbobning kesish tig'idagi harorat maydoni haqida tasavvur hosil qilish mumkin.

Yarim sun'iy termojuftlik usulida (4.4-rasm, b) bitta izolatsiya langan o'tkazgich kesuvchi tig'ning tadqiq etilayotgan yuzasiga olib chiqiladi, asbobning o'zi (tanasi) esa ikkinchi o'tkazgich bo'lib hisoblanadi. Tabiiy termojuftlik usulida asbob va zagotovkaning o'zi o'tkazgich bo'ladi, termojuftlikning kavshari–kesuvchi tig'ning old va orqa yuzalaridagi tutashuv yuzasidir (4.4-rasm, d).

Ishlov berish paytida asbob va zagotovka bir-biriga nisbatan joyini o'zgartiradi va shu sababli termo EHK ni qo'zg'almas qayd etuvchi asboblar / ga uzatish uchun maxsus konstruksiyalı toksyomniklarni qo'llash zarur. 4.4-rasm, d da ko'rsatilgan zagotovka izolatsiyasi parazit termojuftliklar ta'sirini bartaraf qilish uchun

zarur, biroq parazit termojusftliklarning roli asbob tutashuv yuzalarining harorati yuqori bo'lganda katta emas va o'lchash aniqligini birmuncha pasaytirish hisobiga, zagotovka izolatsiyasidan voz kechib, keskich izolatsiyasini saqlagan holda qurilmani soddalashtirish mumkin.


Qayd etuvchi asbob ko'rsatkichlarini Selsiy darajalariga o'tkazish uchun termojusftlik oldindan maxsus usulda tarirovka qilinishi kerak.

Optik pirometriya usullari kesish hududida issiqlikning taqsimlanishi haqida uning issiqlik tarqalishini qayd etish orqali tasavvur hosil qilish imkonini beradi. Bu usullar murakkab optik qurilmalar yoki fotoelektrik datchiklar qo'llanishi bilan bog'liq.

Keskichda va ishlov berilayotgan materialda haroratning taqsimlanish tabiatini yoki harorat maydonini aniqlash qattiq jismlarda issiqlik almashinuv nazariyasi asosida EHM va issiqlik hodisalarini elektr modellashni qo'llagan holda hisoblab chiqish yo'li bilan amalgalashiriladi.

Harorat maydonlarini nisbatan soddalashtirish matematik yo'llar bilan maqbul injenerlik yechimlarini topish imkonini beruvchi issiqlik manbalari usulidan foydalananish tufayli tuzish mumkin bo'ldi. Bu usulning mohiyati shundaki, istalgan shakldagi, harakatdagi yoki turg'un, vaqtinchalik yoki uzlusiz faoliyat ko'rsatuvchi issiqlik manbasi ta'sirida issiqlik o'tkazuvchan jismda paydo bo'lувchi harorat maydonini lahzali nuqtaviy manbalar tizimining ta'siri tufayli yuzaga keluvchi harorat maydonlari u yoki bu kombinatsiyasining natijasi sifatida hosil qilish mumkin.

4.5-rasmdan ko'rinish turibdiki, tajriba yo'li bilan hosil qilingan izotermalar (infragizil nurlanish usulidan foydalangan) hisoblanganiga mos keladi.



**4.5-rasm.** Tajriba va hisoblash orqali olinigan harorat maydonlarini qiyoslash (ishlov berilayotgan material – po'lat, kesish tezligi  $v = 23$  m/min, kesish qalnligi  $a = 0,6$  mm, keskich burchaklari  $\gamma=30^\circ$ ,  $\alpha=7^\circ$ ).

## 4.2. Kesish haroratiga ta'sir qiluvchi omillar

Ko'p sonli tajribalar asosida kesish haroratini aniqlash uchun empirik formulalar chiqarilgan. Bu formulalarda kesish harorati kesish sharoitlarini xarakterlovchi ko'p o'zgaruvchilarning funksiyasi hisoblanadi:


$$\theta = f(C_0, v, t, S, \gamma, \alpha, \phi),$$

bu yerda  $C_0$  – zagotovka va asbob materialining fizik-mexanikaviy xossalari va ishlov berish sharoitlariga bog'liq bo'lган koeffitsiyent.

Kesishga sarflanuvechi ish qancha katta bo'lsa, boshqa sharoitlar teng bo'lган holda, kesish harorati shuncha yuqori bo'ladi. Ishlov berilayotgan materialning qattiqligi va mustahkamligi ortib borishi bilan kesish harorati ko'tariladi (4.6-rasm).

Ishlov berilayotgan materialning issiqlik o'tkazuvchanligi va issiqlik sig'imi ham katta ta'sir ko'rsatadi. Ishlov berilayotgan materialning issiqlik o'tkazuvchanligi qancha yuqori bo'lsa, issiqliknинг qirindi va zagotovkaga o'tish jadalligi yuqori bo'ladi, demak, keskich kamroq qiziydi. Qirindi va zagotovka tomonidan qabul qilinuvchi issiqlik miqdori ishlov berilayotgan materialning issiqlik sig'imiiga bog'liq.

4.6-rasm, a dan ko'rinish turibdiki, po'latga ishlov berishda qirindining o'rtacha harorati cho'yanga, xususan, aluminiyiga ishlov berishdagiga qaraganda ancha yuqori, bu hol plastik deformatsiyaning katta ishi va old yuza ishqalanishining ishi tusayli yuzaga keladi. Cho'yanga ishlov berishda qirindiga o'tuvchi issiqlik miqdorining kamayishi cho'yanni kesishda qirindining uvoq ko'rinishida bo'lishiga bog'liq. Aluminiyning issiqlik o'tkazuvchanligi po'lat va cho'yanga qaraganda ancha yuqori bo'lganligi sababli (issiqlik) deformatsiya hududidan qirindida qoluvchi issiqlik miqdorini keskin kamaytiradi.



4.6-rasm. Kesish tezligi (a) va surish (b) ning kesish haroratiga ta'siri.

O'lchashlar asosida kesish haroratini kesish chuqurligi, surish, kesish tezligi, plandagi asosiy burchak va turli asboblar bilan ishslashda bog'lovchi ifoda hosil qilingan:

$$\theta = C_0 V^n S^n R^q (\sin\phi)^{n-q}. \quad (4.4)$$

Formuladagi  $C_0$  koefitsiyent ishlov berilayotgan materialning mexanik xossalari, asbobning geometrik parametrlari va qo'lla-nilgan moylash-sovitish muhitiga bog'liq. Ishlov berishning istalgan turlarida  $m$ ,  $n$  va  $q$  ko'rsatkichlarning kattaligi bir xil emas:  $m > n > q$ , ya'ni kesish haroratiga kesish tezligi eng ko'p ta'sir o'tkazadi, keyin surish, kesish chuqurligi, eng kam ta'sir esa plandagi asosiy burchak ta'siridir.


Yo'nishda surish va kesish chuqurligi kesilayotgan qatlarning qalnligi va kengligi singari kesish haroratiga jadal ta'sir ko'rsatadi. Demak, kesilayotgan qatlarni kesimining muayyan maydonida haroratni pasaytirish uchun iloji boricha katta  $t/S$  nisbatlarda ishslash kerak. Muayyan kesish chuqurligida va surishda keskich plandagi asosiy burchakni kichraytirish yo'li bilan kesish haroratini pasaytirish mumkin. Bu harorat pasayganda  $b/a$  nisbat o'sish bilan bog'liq. Issiqlik manbalari kuchi doimiy bo'lгanda, detal va asbobga issiqlikniki jadal haydash yo'li bilan kesish haroratini pasaytirish mumkin. Bunga zagotovka, qirindi, asbobni moylash-sovitish muhiti oqimi bilan sovitish orqali erishiladi.

## 5-BOB | Kesuvchi asbobning yeyilishi va turg'unligi

### 5.1. Kesuvchi asbobning yeyilishi

Kesish jarayonida kesuvchi asbob yeyiladi. Asbobning yeyilishi uning ish xususiyatining asosiy va muhim ko'rsatkichi hisoblanadi. Biroq, yeyilishning fizik tabiatini asbobning old va orqa yuzalarida yuz beruvchi uzluksiz jarayonlarning o'ta murakkabligi tufayli hali yetarli darajada o'rganilgan emas.

Kesish sharoitlariga bog'liq ravishda yeyilishning ko'zga tashlanuvchi belgilari asbob tig'ining old va orqa yuzalarida kuzatiladi (5.1-rasm). Odatda, yeyilish yuzasining eng katta miqdori  $h_0$  orqa o'tish yuzasida yoki asosiy tig'ning yordamchi tig'ga o'tish joyida kuzatiladi. Old yuza boshqacha yeyiladi. Tushayotgan qirindining ta'sirida unda  $l_k$  kenglik va  $h_k$  chuqurlikdagi yeyilish kemtigi hosil bo'ladi. Asbobning kesish tezligi bilan bog'liq ravishda kemtik cheti bilan asosiy tig' o'rta sidagi masofa o'zgaradi, ya'ni kemtik kattalashgan sari masofa qisqarib boradi.




### 5.1-rasm. Keskichning yeyilish turlari:

$l_k$  va  $h_k$  — old yuzadagi kemtikning kengligi va chuqurligi;  
 $h_o$  — orqa yuza bo'ylab maydoncha kengligi;  $f$ —faska.

Bu asosiy tig'ga yopishib turuvchi old yuza qismini qirindining siyqalovchi ta'siridan himoya qiluvchi o'simtaga bog'liq.

Asbobning yeyilish darajasi sifatida chiziqli va massa yeyilishlar xizmat qiladi. Chiziqli yeyilishni ko'rsatkich sifatida qabul qilib, orqa yuzaning yeyilishi haqida yeyilish maydonchasi kengligining  $h_o$  eng katta miqdori bo'yicha, old yuza yeyilishi haqida yeyilish kemtigining eng katta  $h_k$  chuqurligi bo'yicha xulosa chiqariladi. Aniq o'lchamli ishlov berishda asbobning yeyilishini chiziqli o'lcham  $h_y$  yeyilishi bilan baholash maqsadga muvofiq (5.2-rasm). Mazkur yeyilish asbob tig'i orqa yuzalarining yeyilishi oqibatida asbob cho'qqisi yoki o'tuvechi tig'ning ishlov berilgan yuzaga perpendikular yo'nalishda joyini o'zgartirishini tavsiflaydi. O'lcham yeyilish kattaligini asbob yeyilib borgan sari ishlov berilayotgan detal o'lehamining kattalashuvi yoki kichrayishi belgilaydi. Agar asbobning yeyilish o'lchovi sifatida chiziqli yeyilish qabul qilinsa, unda uning faqat eng yuqori kattaligi o'lchanadi, eng yuqori darajadagi yeyilishning asbob tig'idagi o'rni ham, uning ishlashi jarayonidagi asbob materialining ayrim qismlarining uvalanib tushishi natijasida eng yuqori darajadagi yeyilish tig' bo'ylab siljishi mumkinligi ham hisobga olinmaydi. Eng yuqori chiziqli yeyilish sanoatda yo'l qo'yiluvchi yeyilish me'yortari va asbobni qayta charxlash uchun sarflar me'yorlarini ishlab chiqishda ishonchli xarakteristika bo'lishi mumkin. Asboblarning fizik tabiatini tadqiq etish uchun esa massa yeyilish eng obyektiv xarakteristikadir. Massa yeyilish asbob yoyilgan qismining mg da ifodalangan massasi bo'lib, u asbob materialining yeyilish mahsulotiga aylanishi uchun sarflangan ishqalanish kuchlari ishiga proporsionaldir.



**5.2-rasm.** Asbobning o'lcham yeyilishi.

Kesuvechi asboblar yeyilishining fizik tabiatini tushuntiruvchi bir qator nazariyalar oldinga surilgan. Mazkur nazariylarga ko'ra asbob tutashuv yuzalarining yeyilishiga olib keluvchi asosiy sabablar quyidagilar: a) abraziv yeyilish; b) adgezion yeyilish; d) difluzion yeyilish; e) ishqor ta'siridan yeyilish.

*Abraziv yeyilish.* Qirindining old yuzaga va kesish yuzasining asbobning orqa yuzasiga ishqalanishi paytda ishlov berilayotgan materialning qattiq tuzilma hosil qiluvchilari asbob materialini tirmaydi va uzluksiz buzadi. Abraziv yeyilish jadalligi po'latlar tarkibida sementit va murakkab karbidlar,

cho'yanlarda sementit va fosfidlar, siluminlarda kremniy karbidi, o'tga chidamli qotishmalarida intermetallidlar va qattiq qo'shilmali plastmassalar miqdori ko'payganda ortib boradi. Zagotovkada quyishda hosil bo'ladigan qobiqlar (quyishdan so'ng) yoki okalinalar (shtampovkadan, issiqlik bilan ishlov berilgandan so'ng) bo'lganda abraziv yeyilish ancha ortadi.

- Adgezion yeyilish.* Asbob, qirindi va kesish yuzalari haqiqiy tutashuv maydonchalari turtib chiqqan qismlari tekkan nuqtalarda tutashuv bosimlarining yuqoriligi natijasida yuqori haroratli lokal va plastik deformatsiyalar rivojlanadi. Oqibatda, yuvenil (kimyoviy toza, oksid pardalarsiz) hududlarning yaqinlashuvi va tutashuvi shu darajada bo'ladiki, tutashuvechi justlar metallari atomlari o'rtaida tishlashish kuchlari, ularning o'zaro ilashishi, payvand, ilashish ko'priklari paydo bo'ladi. Ilashish paydo bo'lishi uchun yuzalarning kristall panjaralar parametri miqyosidagi masofada yaqinlashuvi kifoya emas, balki har bir just materiallar uchun belgilangan energetik bo'sag'a oshib borishi zarur. Ilashish uchun zarur bo'lgan energetik holat haroratni oshirish hisobiga ham, birlgiligidagi plastik deformatsiya hisobiga ham bo'lishi mumkin.

Odatdagagi sharoitlarda qattiq jismning yuzasi inert bo'ladi, chunki uning atomlari valentli elektronlari gazlar atomlari bilan bog'langan. Turg'un elektron konfiguratsiyalarni buzish va erkin elektronlar sonini ko'paytirish uchun adgezion aloqalarni hosil qilish qo'shimcha energiyani talab qiladi (mexanik yoki issiqlik faolligi).

Kontaktda adgezion aloqalarning hosil bo'lishi aktiv markazlardan boshlanadi, bu aktiv markazlar rolini kristallografik aloqalarning tasodifiy mos kelishi, dislokatsiyalar, vakansiyalar, boshqa issiqlik energiyasi va yuqori qayishqoq chetga chiqishlarga ega bo'lgan hududlar bajarishi mumkin. Birgalikdagi deformatsiyalanishda harorat nisbatan past bo'lganda (rekristallizatsiya haroratidan pastroq) qattiq jismalarning birlashuv dislokatsiyalar mavjud bo'lgandagi mexanik faollashuv natijasida yuz beradi.

Adgezion aloqalar markazlarining faolligi erkin elektronlar ko'payganda ham ortadi, bu yuqori bosimli deformatsiya bilan birga sodir bo'ladi

Adgezion aloqalar hosil bo'lishda deformatsiyalanishning yuqori haroratida termik faollashuv, ya'ni kristall panjaralar atomlarining qayishqoq tebranishlarining uyg'onishi katta rol o'ynaydi. Faollashuv jarayonida kristall panjara tugunlarida atomlarning tebranish amplitudasi ortadi, bu turg'un elektron konfiguratsiyalar valentli bog'lanishlarning buzilishi bilan ya'ni, yuzalarda aktiv markazlarning paydo bo'lishi bilan yuz beradi. Bu markazlar o'rtaida kontaktlashuvchi jismalarning umumiy elektron bulutlari va yangi elektron konfiguratsiyalari hosil bo'ladi, ular adgezion bog'lanishlarning mustahkamligini belgilaydi. Materiallarning o'zaro adgezion ta'sir ko'rsatish xususiyati rekristallizatsiya haroratiga yaqin haroratlarda keskin oshadi. Bir xil materiallar kontaktida bo'lganda, ilashish  $0,3\dots0,4 T_{\text{suyuq}}$  harorati, har xil materiallarda  $0,35\dots0,5 T_{\text{suyuq}}$  haroratida boshlanadi.

Asbobning siljish paytida ushlashuv ko'prikhalarining uzliksiz buzilishi va tiklanishi yuz beradi. Buzilish kontakt yuzalaridan birining tagida sodir bo'ladi. Adgezion birikmalarining davriy takrorlanuvchi ilashishlari asbob materiali yuza qatlamida turkum zo'riqishlarga sabab bo'ladi. Ishlov berilayotgan materialga qaraganda asbob kesuvchi qismining materiali ancha mo'rt bo'ladi va zo'riqishning mazkur tabiatini uning lokal buzilishiga sabab bo'ladi. Asbobning kontakt yuzasidan uzilgan asbobsozlik materialining yeyilish mahsulotlari qirindi va detalning ishlov berilgan yuzasi bilan ketadi.

Adgezion yeyilish nazariyasini mikrorentgenspektral tahlil va elektronoskopiyadan foydalaniib o'tkazilgan tadqiqotlarning natijalari bilan mos keladi va tasdiqlanadi.

*Diffuzion yeyilish.* Kesish harorati  $800^{\circ}\text{C}$  dan yuqori bo'lganda asbobsozlik materialining ishlov berilayotgan materialda diffuzion erishi sodir bo'ladi. Diffuziya jarayoni kechishi mumkinligi diffuzion

qatlam o'sishining parabolik qonumiga asoslangan. Kesish jarayonida asbobning kontakt yuzalari bilan qirindi va kesish yuzasining yangi hududlari to'qnashadi natijada juda yuqori erish tezligi doim saqlanib turadi.

Qattiq qotishmaning turli komponentlari ishlov berilayotgan materialga turlicha tezlikda diffuziyalanadi. Uglerod tezroq, keyin volfram, kobalt, titan diffuziyalanadi.


Kesish tezligining ortishi va demak, haroratning ko'tarilishi bilan diffuzion ko'chish kesuvchi asbobning yeyilish mexanizmini belgilovchi asosiy omil bo'lib qoladi.

Bo'linish yuzasida diffuziya tezligi haroratga va boshqa ko'p omillar – atomlarning nisbiy o'lechamlari va ularning kimyoviy o'zaro ta'siri, materiallarning bir-birida o'zaro eruvchanligi kabilarga bog'liq. Diffuzion yeyilish tezligi materiallarning „o'xshashligi“ deb ataluvchi holatga ham bog'liq; diffuzion yeyilish tezligidagi farqning kattaligi zagotovka va asbob materiallar justlarining farqi natijasida yuzaga keladi. Asbob paydo bo'lувчи zo'riqishlarga bardosh bera olish uchun yetarli darajada mustahkam bo'lsa, yeyilish tezligi uning qattiqligi va mexanik mustahkamligidan ko'ra ko'proq kimyoviy xossalariiga bog'liq bo'ladi.

Diffuzion yeyilish tezligi atomlarning asbobdan zagotovka materialiga diffuziyalanish tezligiga bog'liq. Tezkesar po'latlar qo'llanganda temir atomlari matritsadan ishlov berilayotgan materialga izolatsiyalangan karbidlar (amalda shikastlanmay qolgan) zarrachalari butunlay yemirilib ketmaguncha diffuziyalaveradi. Qattiq qotishmalardan yasalgan asboblarda ham eng tez diffuziya ishlov berilayotgan materialning temir atomlarini kesuvchi kobalt atomlari hisobiga yuz beradi. Uglerod atomlarining kichikligi va ularni temir atomlari orasida tez siljiy olishiga qaramasdan asbob materialida ular volfram bilan mustahkam bog'langani uchun mustaqil siljiy olmaydi. Aynan volfram va uglerod atomlarining ishlov berilayotgan materialga birqalikdagi diffuziya tezligi diffuzion yeyilish tezligini belgilaydi. U faqat haroratgagina bog'liq bo'lmay, atomlar yeyilishining tezligiga, ya'ni, zagotovka materialining bevosita asbob yuzasida  $0.001\dots 1$  mkm masofada oqish tezligiga ham bog'liq. Asbobning orqa yuzasida ishlov berilayotgan materialning oqim tezligi juda yuqori va diffuziya old yuza amalda yeyilmaganda ham orqa yuzaning yeyilish tezligi yuqori bo'lishiha sabab bo'ladi.

**5.3-rasm.** Diffuzion yeyilish sharoitlarida po'latga volfram-kobaltli asbob bilan ishlov berishda yeyilish maydonchasi  $h_o$  (mm) kattaligining kesish vaqtiga  $T_{h_o}$  (min) ga bog'liq ravishda o'zgarishi [16]:

1 —  $v = 220$  m/min;  
2 —  $v = 162$  m/min;  
3 —  $v = 85$  m/min.



Nisbatan yuqori kesish tezliklarida ishlov berilib, orqa yuzaning yeyilishi diffuziya tufayli yuz berganda kesish tezligi ortgan sari yeyilish tezligi ham ortib boradi. 5.3-rasmda po'latga qattiq qotishmali asbob bilan yuqori tezlikda ishlov berilganda orqa yuzaning vaqtiga bog'liq yeyilish egri chiziqlari tasvirlangan.

*Oksidlanib yeyilish.* Katta tezliklarda yuz beradigan jadal plastik deformatsiya ta'sirida plastik deformatsiya hududida metall xossalari tubdan o'zgaradi. Jumladan, vakansiyalar sonining keskin ortishi natijasida kristall panjarada atomlarning diffuzion harakatchanligi haddan tashqari tez o'sadi. Bu havodagi kislородning asbob tig'i atrosida plastik deformatsiyalanayotgan o'tish hududi orgali kontakt yuzalarga kirib borishiga imkon beradi. Kesish harorati 700...800°C bo'lganda kislород qattiq qotishmaning kobalt fazasi hamda volfram va titan karbidlari bilan kimyoviy reaksiyaga kirishadi, bunda kobalt eng kuchli oksidlanadi. Metall-keramik qattiq qotishmalarining g'ovakligi ancha yuqori bo'lganligi tufayli oksidlanish jarayoniga faqat asbobning kontakt yuzalarigina emas, bu yuzalardan birmuncha chuqurlikda joylashgan qattiq qotishma zarralari ham tortiladi. Oksidlanish mahsulotlarining qattiqligi qattiq qotishmalar qattiqligidan 40...60 marta kam bo'ladi. Kobalt fazasining sezilarli darajada yumshab qolishi natijasida qotishmaning monolitligi buziladi, volfram va titan karbidlarining donlari bilan sementlovchi bog'lama o'rtaсидаги bog' bo'shashadi. Bu hol karbid donlarining asbobning old va orqa yuzalarida faoliyat ko'rsatuvchi ishqalanish kuchlari tomonidan tortib olinishi va mazkur yuzalarning yeyilishi uchun qulay sharoit yaratadi.

Qattiq qotishmalarining oksidlanishga moyilligi ularning kimyoviy tarkibi bilan belgilanadi. Bir karbidli qotishmalar ikki karbidli qotishmalarga qaraganda kuchliroq oksidlanadi. Qattiq qotishma

tarkibida kobalt miqdorining ortib borishi bilan oksidlanish tezligi va jadalligi o'sadi. Kesishda argon, geliy, azot singari inert gazlarning qo'llanilishi oksidlanish hodisalarining rivojiga sezilarli darajada to'sqinlik ko'rsatadi.


Asboblar yeyilishining jamlangan mexanizmida oksidlanish jarayonlari faqat  $700\ldots900^{\circ}\text{C}$  oralig'idagina katta ahamiyatga ega bo'ladi.

## 5.2. Yeyilishning vaqt bo'yicha rivojlanishi

Keskichning o'tmaslashishi quyidagi asosiy belgilar bilan tavsiflanadi: ishlov berilgan yuzada yaltiroq chiziqning paydo bo'lishi, kesish jarayonida quvvat va zo'riqishning ortishi, keskichning kesuvchi qismida, qirindida, ishlov berilayotgan detalda haroratning ko'tarilishi, kesuvchi tig'ning chatnab uchishi, DMAD (SPID) – dastgoh – moslama – asbob – detal tizimida tebranishlarning paydo bo'lishi, o'ziga xos ovoz chiqishi, ishlov berilgan yuza sifatining yomonlashuvi, asbobning old va orqa yuzalarida yeyilish kattaligining yeyilishning belgilab qo'yilgan yo'l qo'yiladigan kattaligiga yetishi.

Yeyilishga baho berishda asosiy belgi sifatida orqa yuza yeyilishi maydonechasining kengligi, qo'shimcha belgi sifatida esa old yuza yeyilishining kattaligi (kemtikning chuqurligi va eni) qabul qilinadi.

Yeyilishining vaqt davomida rivojlanishining grafik tasviri yeyilish egri chizig'i deyiladi. Orqa (*a*) va old (*b*) yuzalar yeyilishiga xos egri chiziqlar 5.4-rasmida ko'rsatilgan.



**5.4-rasm.** Keskich yeyilishining uning ishlash vaqtiga bog'liqlik egri chiziqlari:

*a* – orqa yuza bo'yicha; *b* – old yuza bo'yicha.

Orqa yuza bo'yicha yeyilish egri chizig'i uch yoki ma'lum darajada aniqlikda ifodalangan qismlardan iborat. Egri chiziqning *OA* qismi yeyilish maydonchasi kengligining jadal o'sib borishini ko'rsatadi va asbobning ishga tushish davriga mos keladi. Keyingi ish jarayonida yeyilishning o'sib borishi susayadi, chunki yeyilish maydonchasida uning o'lchamlari kattalashib borgan sari kontakt tegishuv zo'riqishlari kamayadi. Egri chiziqning *AB* qismi asbobning normal yeyilish davriga mos keladi. Chiziqli yeyilish muayyan kattalikka yetganda haroratning ko'tarilishi oqibatida yana keskin o'sa boshlaydi va yeyilish egri chizig'i to'satdan yuqoriga ko'tariladi. Egri chiziqning *B* nuqtadan keyingi qismi asbobning halokatli yeyilish davriga mos keladi. Bu davrda yeyilish shu qadar tezlashadiki, agar ish to'xtatilmasa, bu orqa yuzaning haddan tashqari katta yeyilishiga olib kelishi mumkin. Bunda charxlash harakatlari soni keskin kamayadi, echarxlashga sarflangan vaqt miqdori ortadi.

Asbobdan foydalanishda shunday payt bo'ladiki, bunda kesish to'xtatilishi va asbobni qayta charxlash lozim. Charxlashdan qayta charxlashgacha bo'lgan to'xtovsiz ish rejimida asbobning to'xtovsiz ishlash vaqti asbobning turg'unligi deyiladi.

Asbobning o'tmaslanish payti yeyilish mezonlari yordamida belgilanadi. Ikki xil mezon qo'llaniladi: optimal yeyilish mezoni va texnologik yeyilish mezoni. Har ikki mezonda ham asos sifatida orqa yuzaning chiziqli yeyilishi qabul qilinadi, chunki asbobning orqa yuzasi doimo, har qanday materiallarga ishlov berilganda va kesishning istalgan rejimida, yeyiladi va yeyilish maydonchasing kengligini o'lhash yeyilish kemtigi chuqurligini o'lhashga qaraganda osonroq kechadi. Optimal yeyilish deganda asbob turg'unligining jamlangan davri eng yuqori  $T_{\text{jam}} \approx iT$  kattalikka erishadigan yeyilish tushuniladi, bunda  $i$  – asbobning to'liq amortizatsiyasigacha yo'l qo'yiladigan qayta charxlashlar soni;  $T$  – turg'unlik davri. Optimal yeyilish mezoni laboratoriyada xomaki va qisman tozalab ishlov berishga mo'ljalangan asboblarning turg'unligini belgilashda keng qo'llaniladi.

Texnologik yeyilish mezoni qo'llanilganda, orqa yuzaning chiziqli yeyilishi texnologik yeyilishga teng bo'lgan qiymatga yetganda asbob o'tmaslashgan hisoblanadi. Texnologik yeyilish deganda asbobning ishlashi texnologik cheklashlar tufayli to'xtatilishi tushuniladi. Bunday cheklashlarga ishlov berilgan yuza g'adir-budurligining keskin ortishi; SPID tizimida tebranishlarning paydo bo'lishi, asbobning o'z zarur o'lchamlarini yo'qotishi va

boshqalar kiradi. Texnologik yeyilish mezoni, asosan, tozalab ishlov berishga mo'ljallangan asboblarni tadqiq etishda va foydalanishda qo'llanadi.

Tokarlik keskichlari yeyilishining yo'l qo'yiladigan kattaliklari me'yoriy hujatlarda ko'rsatiladi. Tezkesar po'latlardan yasalgan keskichlar uchun ishlov berishda eng yuqori taxminiy qiymatlar quyidagicha: sovitib turib po'lat va cho'yan uchun  $h_o = 1,5\dots2$  mm, sovitilmasdan  $h_o = 0,3\dots0,5$  mm, kulrang cho'yan uchun  $h_o = 1,5\dots4,0$  mm. Qattiq qotishmadan tayyorlangan keskichlar uchun po'lat va rangli metallarga ishlov berishda  $h_o = 0,8\dots2,0$  mm, cho'yanga ishlov berishda  $h_o = 0,8\dots1,7$  mm. Tozalab ishlov berishda xomaki ishlov berishga qaraganda yeyilish kattaligi taxminan ikki marta kam yo'l qo'yiladi. Odatda, yeyilish kattaligi mikroskop yoki Brinnel lupasi yordamida o'chanadi. Kesish jarayonida turli omillarning asbobning yeyilish jadalligiga ta'sirini tadqiq etishda radioaktiv izotoplар va mikrorentgenspektral tahlil kabi hozirgi zamон usullaridan foydalaniлади. Radioaktiv izotoplар usuli qo'llanilganda plastinkalar qattiq qotishma yoki tezkesar po'lat namunaлari atom reaktorлari yoki elementli zarrachalar tezlatgichlarida oldindan nurlantiriladi. Bunday ishlov berish natijasida qattiq qotishma yoki tezkesar po'lat tarkibidagi volframning bir qismi  $\beta$ -nurlarini chiqaruvchi, yarim parchalanish davri 24 soat bo'lgan radioaktiv izotopga aylanadi. Kesuvchi asbobning yeyilish mahsuloti tarkibida volfram izotopining belgilangan atomлari bo'ladi. Ma'lum miqdordagi qirindi radioaktivlik darajasini qayd etuvchi datchikli konteynerga joylanadi. O'chanichilar impulslarining umumiyy soniga qarab, plastinkalar — atom reaktoridagi namunalar aktivatsiyalashuvi bilan o'chanhash boshlangan payt o'rtaсидаги vaqt mobaynidagi parchalanish darajasini e'tiborga olib hisoblash yo'li bilan qirqilgan qirindidagi yeyilish mahsulotлarining umumiyy massasi topiladi. Ishlov berilgan yuzada qolgan yeyilish mahsulotлari o'ta sezgir, tegishlicha usulda ishlov berilgan yuzaga qo'yilgan fotoplyonka yordamida qayd etiladi. Ochiltirilgan fotoplyonkaning qorayib qolgan joylari yoki avtoradiogrammalar izotoplarning mayjudligini va ularning ishlov berilgan yuzada taqsimlanishini ko'rsatadi. Biroq avtoradiogrammalarni suratga olishning kontakt usulining hal etish qobiliyati past bo'lib, plynkaning o'rganilayotgan namuna bilan jips kontaktdagi holatidagina 20...100 mkm ga yetadi. Oraliq kengayishi bilan avtoradiogrammalarining ruxsat etish xususiyati keskin pasayadi va plynkada


qorayishlar o'lcamlari yeyilish zarrachalari o'lcamlarining taxminiy qiymatini ham bera olmaydi. Bu hol, eng avvalo, shu bilan izohlanadiki, radioaktiv moddadan chiqayotgan nurlanish hamma yo'nalishda tarqalib ketadi, shuning uchun har bir, hatto yo'qolib borayotgan kichik qismga ham emulsiyaning qorayish diffuziya hududi mos keladi.

So'nggi paytlarda metallarni kesish jarayonini tadqiq etishda ko'proq rastrli elektron mikroskoplar rentgenospektral mikroanalizator (mikrozond) lar bilan birga qo'llanilmoqda. Bu apparatura quyidagi xarakteristikalariga ega: kasolatlari ruxsat etish (60...150) Å; elektron-optik kattalashtirish 5...200000; elektron nur bog'laming tadqiq etish yuzasi va chuqurligi bo'ylab lokalligi 1 mkm. Bu usul tez harakat qiluvchi elektron bog'lamdan foydalananishga asoslangan. Uning yordamida kesuvechi tig'ning yuzalarini qirindining keskich oldi tomonidagi hamda ishlov berilgan va kesish yuzalaridagi asbobsozlik materialining yeyilish mahsullarini tadqiq etish mumkin. Mikrozondli elektron rastrli mikroskoplarda namunaning releyesi uning yuza qatlami tarkibidagi kimyoviy elementlarning miqdori va sisfat tahlili orqali o'r ganiladi.


Elektron rastrli mikrofotografiyalarni talqin etishda ular namunaning shunchaki tasviri bo'lib qolmay, elektron bog'laming (zondning) namunaning yuza qatlami bilan o'zaro fizik ta'siri natijasi ekanligini hisobga olish kerak. Topografik qarama-qarshilik, asosan, yuza lokal qismining zondga nisbatan og'ish burchagini o'zgarishida elektron nurlanish jadalligining qayd qilinuvchi o'zgarishlari bilan bog'liq. Tasvirlar shakllantirilgan yoki elektronlar tomonidan qaytarilgan yoki ikkilamechi bo'lishi mumkin. Ikkilamechi elektron bog'lamlari namunaning elektronlar yog'dirilayotgan yuzasidan uchib chiqayotgan ionlarning barcha turlari tomonidan hosil qilingan real tasvirni aks ettiradi. Bog'lam mass-spektrometrda alohida elementli tasvirlarga bo'linadi va ularning har biri ayrim elementlarning ionlariga mos bo'ladi. Mass-spektrometrini rostlab namunaning maxsus tekshirilgan, o'r ganilgan yuzasida qidirilayotgan kimyoviy elementning taqsimlanish manzarasini izhil kuzatish va plyonkaga tushirish mumkin.

### 5.3. Kesuvechi asbobning turg'unligi

Har qanday asbobning turg'unligi ishlov berilayotgan va asbobsozlik materialining fizik-mexanikaviy xossalari, kesuvechi asbobning geometrik parametrlari, kesish rejimi va qo'llaniladigan



**5.5-rasm.** Asbob turg'unlilik davri  $T$  ning kesish tezligi  $v$  ga umumiy bog'liqligi.



**5.6-rasm.** Po'latni qattiq qotishmali keskich bilan yo'nishda kesish tezligi  $v$  bilan turg'unlik davri  $T$  o'rtaсидаги bog'liqlik.

g'unlilik davri bilan tezlik yoki boshqa bir omil o'rtaсидаги bog'liqlik monoton bo'lmasa va egri chiziqni butunligicha tasvirlash lozim bolsa, u holda qidirilayotgan bog'liqlik Furye qatorlari orqali approksimatsiya qilinadi. Kesish, shuningdek surish va chuqurlilik tezligining keskich turg'unligiga ta'sirini aniqlashda uch turkum tajribalar o'tkazilib, uchta juz'iy bog'liqliklar hosil qilinadi va ular bitta umumiy bog'liqlikka birlashtiriladi:

moylash-sovitish texnologik muhitiga bog'liq. Asbobning turg'unligiga kesish tezligi katta ta'sir ko'rsatadi. Tezlik va turg'unlilikning bog'liqligi hozirgi paytda faqat tajriba orqali, bir omilli tajriba usulidan foydalanib, aniqlanadi.

Kesish tezligi bilan turg'unlik davri orasidagi bog'lanish monoton bo'lishi, uzlusiz pasayib boruvchi, gi perbolaga yaqin egri chiziq orqali ifodalanishi yoki monoton bo'lmasligi, ikki burilishli egri chiziq orqali ifodalanishi mumkin (5.5-rasm). Agar  $T$  ning  $v$  ga bog'liqligi monoton bo'lsa yoki o'rakachsifat egri chiziqda uning faqat pasayib boruvchi yoki ko'tarilib boruvchi  $ab$ ,  $bd$  yoki alohida  $de$  qismlari ahamiyatga ega bo'lsa, u holda turg'unlik davrining kesish tezligiga bog'liqligini darajali funksiya orqali ifodalash qulay:

$$T = \frac{C}{v^m}. \quad (5.1)$$

Chiziqli logarifmlilik approksimatsiya asosida  $m$  ko'rsatkich ikkilangan logarifmik jadvalga tushirilgan tajriba nuqtalari bo'ylab o'tkazilgan abssissa o'qiga to'g'ri chiziq og'ish burchagini tangensiga teng (5.6-rasm). Agar tur-

$$T = \frac{C}{v'''S''\mu} \quad (5.2)$$


Aniqlangan bog'liqlik umumiylar xarakterga ega bo'lib faqat yo'nish uchungina emas, balki boshqa har qanday ish turi (parmalash, qirralarni frezerlash, sidirish va h.k.) uchun ham to'g'ridir. Yuqorida aytib o'tilganlarga asoslanib, keskich bilan yo'l qo'yiladigan tezlik tashqi bo'ylama yo'nish paytida quyidagi ifodadan hisoblanishi mumkin:

$$v = \frac{C_v}{T'''S''v_f^{1/v}} K_v, \text{ m / min.} \quad (5.3)$$

bu yerda:  $C_v$  – ishlov berilayotgan material va ishlov berish sharoitlarini xarakterlovchi koeffitsiyent;  $x_v, y_v$  – daraja ko'rsatichlari, keskich materialiga bog'liq koeffitsiyentlar;  $K_v$  –  $C_v$  koeffitsiyenti qiymati berilgan ishlov berish sharoitlari o'zgarishiga qo'llaniladigan umumiylar tuzatish koeffitsiyenti.

#### 5.4. Turg'unlikning fizik tabiatи

Kesish jarayonida harorat-tezlik omilni hisobga olish zarur, chunki kesish tezligi kesish haroratiga, u esa o'z navbatida deformatsiya tezligiga ta'sir ko'rsatadi. Kesuvchi asbobning turg'unligi va yeyilishi bilan bog'liq masalalarini ko'rib chiqishda mazkur qoida, faqat ishlov berilayotgan materiallarga emas, balki deformatsiya tezligiga ham bog'liq bo'lishi kerak.



Kesish tezligi qirindi hosil bo'lish hududida ishllov berilayotgan materialning ham, asbobsozlik materiallarining ham deformatsiyalanish tezligini belgilaydi. Kesish tezligi ortib borishi bilan kesilayotgan qatlamning deformatsiyalanish tezligi keskin o'sadi. Qirindi hosil bo'lish jarayoni uning elementlarining izchil siljishidan iborat bo'lgani tufayli asbobning ish yuzalariga tushadigan zo'riqish davriy xarakterga ega bo'ladi, bunda davrning tez takrorlanishi kesish tezligining ortib borishi bilan bog'liq holda ortib boradi. Ayni paytda shu narsa ma'lumki, metallarning mexanik xossalari faqat haroratgagina emas, deformatsiya tezligiga ham bog'liqidir.

5.7-rasmida temirning harorat va deformatsiyaning nisbiy tezligidan cho'zilishi paytidagi mustahkamlik chegarasining bog'liqliklari ko'rsatilgan. Har uchta egri chiziqda ham „ko'karib sinish bukrigi“ ifodalangan. Ko'rinish turibdiki, deformatsiya tezligining ortishi bilan mustahkamlikning eng yuqori ko'rsatkichlari ancha yuqori harorat tomonga siljiydi, ularning absolut kattaligi kamayadi. Bunday ma'lumotlar po'latlar uchun ham mavjud.

Yeyilish – bu plastik deformatsiyalar va ishqalanuvchi yuzalar yupqa qatlamining bузilishi natijasi bo'lib, metall yeyilayotgan hajmining mexanik xossalariiga bog'liq. Mustahkamlik va plastiklik haqidagi hozirgi zamon tasavvurlari dislokatsiyalar nazariyasiga asoslanadi. Bunda metallda erib ketuvchi aralashmalar atomlariga katta ahamiyat beriladi. Hajm bo'ylab tartibsiz ravishda tarqalib ketgan erigan atomlar deformatsiya jarayonida qattiq eritmaning mustahkamlanishi uchun xizmat qila olmaydi.

Muayyan sharoitlarda eng kam energiya miqdori prinsipidan kelib chiqib metallda erigan aralashma atomlari dislokatsiyalar atrofiga jamlanadi va bu dislokatsiyalarga to'sqinlik ko'rsatib, ularning harakatini to'xtatgan holda „Kottrell atmosferasi“ deb ataluvchi atmosferani hosil qiladi. Shu sababli dislokatsiyalar atrosida „Kottrell atmosferalari“ hosil bo'lgan sharoitlarda dislokatsiyalarning siljishi uchun zarur bo'lgan muvozanat kuchlanishlari o'sadi. Bunda „Kottrell atmosferalarini“ hosil qilish uchun erigan elementlarning juda oz miqdori kifoyadir. Juda kuchli deformatsiyalangan metallarda dislokatsiyalar zichligining eng katta miqdori taxminan  $10^{12} \text{sm}^{-2}$  bo'lganligi sababli dislokatsiya bo'ylab bir atom oralig'iga bitta erigan atom to'g'ri keladigan konsentratsiyaning hosil bo'lishi uchun erigan atomlar tarkibi hammasi bo'lib 0,1% ni tashkil etishi yetarlidir.

Sudralib siljish jarayonida sudralib siljishning berilgan tezligi uchun shunday harorat mavjudki, unda erigan atomlarning harakatchanligi dislokatsiyani ushlab qolish uchun kifoya va qotishmalar mustahkam bo'lib chiqadi. Ancha yuqori haroratlarda atomlarning harakatchanligi dislokatsiyalarni ushlab qolishga imkon bermaydigan darajada katta bo'ladi va metallning mustahkamligi buziladi. Mustahkamlikning eng yuqori ko'rsatkichi erigan modda siljiyotgan atomlarining tezligi dislokatsiya markazida dislokatsiyaning o'z siljish tezligiga teng bo'lganda kuzatiladi. Diffuziya koefitsiyentining eng qulay qiymati siljishning tezligi bilan belgilanadi. Masalan, siljishning yuqori tezliklarida qotishmani mustahkamlovchi legirlovchi element past tezliklarda o'z samarasiga ko'ra boshqa elementlardan yomonroq bo'lib chiqishi mumkin, o'z navbatida mazkur elementlar siljishning yuqori tezliklarida samara bermaydi.

Uglerodli po'latlarni sinashda mustahkamlik – harorat egri chizig'ida „ko'karib sinish bukrliklari“ ning mavjudligi ham „Kottrell atmosferalari“ yordamida izohlanadi. Bunda dislokatsiyalar yo'llini to'sish qattiq eritmada joylashgan azot va uglerod atomlari tomonidan amalga oshiriladi. Deformatsiyaning ko'rsatib o'tilgan tezliklarida eng yuqori mustahkamlik shunday haroratda bo'ladi, bunda azot va uglerod erigan atomlarining diffuzion siljish tezligi dislokatsiyalar harakati tezligiga teng bo'ladi. Yanada yuqori haroratda erigan atomlarning harakatchanligi dislokatsiyalarning harakat tezligidan ortiq bo'ladi va ular mazkur siljishlarga hech qancha sezilarli ta'sir ko'rsata olmaydi. Aksincha, harorat ancha past bo'lganda erigan atomlarning harakatchanligi yetarli bo'lmaydi va ular dislokatsiyalar bilan birga siljishga ulgura olmaydilar. Bu hol dislokatsiyalarning „Kottrell atmosferalari“ dan uzilib qolishiga va ularning metallda u yoki bu darajada erkin harakat qilishiga olib keladi. Shunday qilib, deformatsiyalish tezligi va haroratning muayyan birikmasi mayjud bo'lib, unda po'latning mustahkamligi eng yuqori qiymatga ega. Deformatsiyalish tezligining ortishi bilan dislokatsiyalarning „Kottrell atmosferalari“ tomonidan to'sib qo'yilishi ancha yuqori haroratlarda yuz beradi, shunga ko'ra eng yuqori mustahkamlik yanada yuqori haroratlar hududiga siljiydi.

Hozirgi paytda deformatsion eskirish yordamida (plastik deformatsiya jarayonida dislokatsiyalar zichligining ortishi va keyin ularning erigan atomlar bilan to'sib qo'yilishi) metallarni mexanik sinovdan o'tkazish vaqtida kuzatiladigan ko'p hodisalar aniq-

laiimoqda: „tish“ hosil bo‘lishi, oquvchanlik maydonchasining yuzaga kelishi, charchashning fizik chegarasi va boshqalar. Bu hodisalarning sababi soxta qayishqoq hududdagi qalinligi don o‘lchamida bo‘lgan yuza qatlamlaridagi plastik deformatsiyalar bilan izohlanadi. Yuza qatlamlarining yana ham oldingi oqimi qator sabablarga ko‘ra yuz beradi: mahkamlanishning bir tayanch nuqtasiga ega bo‘lgan yuzalar oldi dislokatsiyalar manbalarining mahkamlanish xususiyati; zo‘riqish konsentratlarining mavjudligi va hokazo. Bunday plastik deformatsiya natijasida va deformatsion eskirishning dinamik jarayonlari hisobiga yuza qatlam bo‘shashgan qatlamdan mustahkamlangan qatlamga aylanadi. Deformatsiyalanish davom etganda u dislokatsiyalarining metall hajmidan yuzaga chiqishiga to‘siq bo‘ladi. Yuza qatlamning to‘sqlik effekti faqat deformatsiyalanish tezligining muayyan diapazonlarida namoyon bo‘lishi kerak, chunki u dinamik effekt bo‘lib, plastik deformatsiyaning, namunaning kesimi bo‘ylab yuz berishi kinetikasi bilan bog‘langan.

Metallarning mexanik xossalariiga yuzada joylashgan metall va oksid pardalar ham salmoqli ta’sir ko‘rsatadi. Yuza pylonkalar dislokatsiyalarining yuza manbalarini bosish hisobiga hamda pylonka bir qismining kuchli deformatsiyalangan yuza qatlamlarida erishi va undan keyin dislokatsiyalarining „Kottrell atmosferalari“ bilan to‘sib olinishi evaziga metallning mustahkamlanishini keltirib chiqarishi mumkin. Bunda natija deformatsiyalanishning harorat-tezlik sharoitlariga bog‘liq bo‘ladi.

Asosiy metall va pardaning qayishqoqlik modullarining muayyan nisbatlarida parda dislokatsiyalarining yuzaga chiqishini to‘sib qo‘yadi va dislokatsiyalar metall-parda chegarasida to‘plana boshlashiga sabab bo‘ladi. Bu hol mazkur hududda mikroyoriqlar hosil bo‘lishi va metallning kichik deformatsiyalarda buzilishiga olib keladi. Harorat o‘zgarishi bilan parda va asosiy metallning qayishqoqlik modullari o‘rtasidagi nisbat o‘zgaradi, shunga ko‘ra pardaning „to‘sqinlik effekti“ xuddi mustahkamlangan yuza qatlami singari deformatsiyalanishning muayyan sharoitlarida namoyon bo‘ladi.

Yuqorida aytib o‘tilganlardan shunday xulosa qilish mumkin: plastik deformatsiyalar va ish yuzalarining buzilishi natijasi bo‘lgan kesuvchi asbobning yeyilishi va turg‘unligi, asbobsozlik materialining mexanik xossalari bilan tushuntiriladi va bu boshqa bir xil sharoitlarda kesuvchi asbob faol qismlarining zo‘riqishining harorat-tezlik omillariga va oksid pardalarning yeyiladigan qismlarida oksidlarning mavjudligiga bog‘liq bo‘lishi kerak.

## **6-BOB | Moylash-sovitish texnologik muhitining kesish jarayoniga ta'siri**

### **6.1. Muhit bilan kesish jarayoni o'zaro ta'sirlashgandagi fizik-kimyoviy hodisalar**

Metallarni kesish jarayoniga ta'sir ko'rsatuvchi muhim omillardan biri moylash-sovitish texnologik muhitidir (bundan keyin qisqacha MSM atamasi qo'llaniladi, bunda moylash-sovitish muhitining keng spektri: suyuqlik, qattiq va gazsimon muhit ko'zda tutiladi).

Kesishda MSM ning qo'llanilishi ishlov berilgan yuza sifatini oshirishning samarali vositalardan biri hisoblanadi. MSM ayiruvchi pardalar hosil bo'lishini ta'minlab ishqalanishni kamaytiradi, qirindi hosil bo'lish jarayonini yengillashtirib, kesish haroratini pasaytiradi va g'adir-budurlik, ishlov berish sifatini yaxshilaydi hamda ko'p hollarda kesuvchi asbobning turg'unligini oshirishga zamin tayyorlaydi. Biroq, ba'zi holatlarda MSM asbobning turg'unligini pasaytiradi, ba'zan bu hol ancha sezilarli bo'ladi.

Moylash-sovitish texnologik muhiti metallarga ishlov beruvchi jihozlardan samarali foydalanishni va metallarga ishlov berishning yangi ilg'or usullari va texnologik jarayonlarini o'zlashtirishni ta'minlovchi vositalar majmuyining tarkibiy qismi hisoblanadi. Amaliy tajriba shuni ko'rsatadiki, MSM dan oqilona foydalanish hisobiga kesuvchi asboblarning turg'unligini 1,3...5 va bundan ortiq martagacha, ishlov berilgan detallarning aniqligini va ishlov berilgan yuzalarning foydalanish xossalalarini hamda mehnat samaradorligini 1,1...2 martagacha oshirish mumkin.

MSM va gaz muhitini qo'llash avtomatlashtirilgan ishlab chiqarish sharoitida hamda issiqliq chidamli va zanglamaydigan po'latlarga kesib ishlov berishda alohida ahamiyat kasb etadi. Shuning uchun suyuqliklar va gaz muhitining yangi xillarini hamda ularni kesish hududiga uzatishning texnik vositalarini ishlab chiqishga katta e'tibor berilmoqda.

Kesishda mexanik energiyaning katta qismi issiqlikka aylanadi. Harorat alangalari paydo bo'luchchi submikrohajimlar kamida ishlov berilayotgan metallning erish haroratiga qadar qiziydi.

Ajralayotgan qatlamning o'ta jadal plastik deformatsiyasi metallning kristall ion panjarasiga ta'sir qiluvchi katta o'zgarishlarni vujudga keltiradi: u deformatsiyalarini; uning parametrlari o'zgaradi

va shunga muvosiq ortiqcha ichki energiya to'planadi; qizish natijasida ionlar tebranishining amplitudasi ularning markaziy holatiga nisbatan o'zgaradi, bu ionlarning panjara tugunlaridan uzoqlashish ehtimolini oshiradi va katta miqdordagi vakansiyalar hamda dislokatsiyalangan atomlarning paydo bo'lishiga olib keladi; kristall panjaraning boshqa nuqsonlari soni ulkan miqyosda oshadi, bunda eng avvalo, dislokatsiyalar ko'payadi ( $\text{sm}^2$  yuzaga  $10^{12}$  gacha); erkin elektronlarning energetik spektri ular energetik saviyasining ko'tarilishi tomoniga o'zgaradi; atomlar va ionlarning elektron orbitalarida joylashgan elektronlarning energetik holati o'zgaradi – ular harakatga keladi, ularning atom yadrosi bilan aloqasi shu darajada zaillashadiki, plastik deformatsiyalanayotgan metall yuzalardan elektronlar oqimini tarqatadi, bu jarayon metall bog'lanishlarning uzilishi hamda metall jismlar makro- va mikrohajmlarining birgalikda zarblanishi paytida jadalroq kechadi.

Metall yuzani tark etgan elektronlarning tashqi muhit molekulalari ustiga yog'dirilishi ularning ionlashuvi yoki kimyoviy jihatdan ancha faol bo'lган radikallar – zarrachalarning hosil bo'lishiga sezilarli darajada ta'sir qiladi. Kesish paytida paydo bo'luvchi metall yuzalar atrof-muhitda sodir bo'layotgan qator boshqa jarayonlar uchun kuchli katalizator bo'ladi.

Kesishda hosil bo'lган qirindi, ishlov berilayotgan detal va asbobdagи yuzalar hamda tashqi muhit zarrachalari juda kuchli faollashgan va aynan shuning uchun bir-biri bilan o'zaro faol ta'sirlashadi. Bunda yuz beruvchi va muvozanatsiz termodinamika qonunlari bilan tushuntiriladigan reaksiyalar va ularning tezligi odatdagи sharoitlarda mavjud bo'lishi mumkin bo'lмаган birikmalarining hosil bo'lishiga olib kelishi mumkin.

Hozirgi paytga kelib, harakatchan tutashuv vaqtı mobaynida friksion justlar chegaralarida asbob-detali keng miqyosdagi fizikkimyoviy o'zaro ta'sirlarni u yoki bu darajada amalga oshirishga, ulgurishini tasdiqlovchi qator dalillar aniqlangan. Ularning barchasi birinchi navbatda ishqalanuvchi yuzalar va ularga yaqinroq bo'lган tashqi muhit zarrachalarining o'ziga xos energetik holati bilan bog'liq.

Tashqi muhit komponentlari orasida kislorodning o'mi, ayniqsa muhimdir. Qirindining kontakt yuzasi ham, detalning ishlov berilgan yuzasi va asbobning kontakt yuzalari ham kislorod bilan reaksiyaga kirishadi. Tashqi muhit oson kirib boruvchi joylarda oksid pardalar hosil bo'ladi. Bunday joylar qatoriga kontakt maydon-

chalarning barcha perimetriga yondashgan hududlari kiradi. Kontakt maydonechalarning ichki qismida nisbatan yupqa oksid pardalarning orolchalari, kristall panjarada kislороднинг qattiq eritmasi hududlari, kimyoviy sorbsiyalangan (singdirilgan) va fizik adsorbsiyalangan (singdirilgan) kislородли hududlar paydo bo'ladi. Asbobda kislород bilan reaksiyaga kirishish natijasida paydo bo'lgan tuzilmalar kesish jarayonida uzlusiz buziladi va qayta tiklanadi.

O'simta va yopishqoq qirindi qipiqlarining (naliplarning) hosil bo'lish jarayoni ham, metall yuzalarning kislород bilan o'zaro ta'sir reaksiyalari ham ko'proq adgezion-dissuzion hodisalardir, amma ular bir-biri bilan raqobatda bo'ladi. Demak, o'zaro ta'sir natijasi oxir-oqibatda mana shu ikki adgezion-dissuzion hodisalardan qaysi biri tezroq amalgam oshishiga bog'liq bo'ladi.

MSM va gaz muhitining metallarning kesib ishlov berilishini orttirishga imkon beruvchi quyidagi asosiy fizik-kimyoviy ta'sirlar farq qiladi:

1) asbob ish yuzalarning qirindi va zagotovkaning ishlov berilayotgan yuzasi bilan ishqalanishini kamaytirish – moylovchi ta'sir;

2) asbob ish yuzalarning qizish haroratini pasaytirish – sovituvchi ta'sir;

3) plastik deformatsiya va kesiluvchi qatlarning buzilishi uchun zarur bo'lgan ish va kuchlanish kattaligini kamaytirish hisobiga kesish jarayonini yengillashtirish – dispergirlovchi (buzuvcchi ta'sir);

4) qirindi va yeyilish zarrachalarini kesish hududidan olib ketish va uzoqlashtirish – yuvuvchi ta'sir;

5) kesish jarayonida hosil bo'lgan detal ishlov berilgan yuzalarini havo atmosferasining zararli ta'siridan kimyoviy himoya qilish. Mazkur MSM va gaz muhitlaridan foydalanish kesish jarayonining unumli va yuqori sifatlari bo'lishini ta'minlaydi.

MSM dan ishlab chiqarish sharoitlarida samarali foydalanish uchun yuqorida aytib o'tilgan yuqori texnologik xususiyatlarning o'zi kifoya qilmaydi. Zarur bo'lgan yo'llosh ekspluatatsion xususiyatlar ham ta'minlanishi kerak va ularga quyidagilar kiradi: korxona-iste'molchi sharoitlarida tayyorlashning osonligi, barqarorlik, tayyorlanayotgan detal va jihozga korroziyalovchi ta'sirning bo'lmasligi, operatsiyalar o'rtasidagi davrda ishlov beriluvchi detallar konservatsiyasi, dastgohning bo'yq qoplamasiga erituvchi ta'sirning va elektr jihozlar qoplamasiga izolatsiyasiga yemiruvchi ta'sirning bo'lmasligi, bakteriologik barqarorlik, sovuqqa

chidamlilik, qoniqarli tibbiy-gigiyenik xossalari, oqar suvlarga tashlash oldidan oson parchalanib ketish va hokazo. MSM ga qo'yiladigan bu talablarining bajarishining muhimligi to'xtovsiz ortib boradi va mazkur vazifa MSM ga yuqori texnologik xususiyatlar berishdan ko'ra murakkab.

MSM ning asbobning ish yuzalari va ishlov berilayotgan zagotovka yuzasining kontakt hududiga kirib borishi quyidagicha amalga oshadi:

1. Kimyoviy o'zaro ta'sir kuchlarining ta'sirida qirindi va asbobning old yuzasi o'rtasidagi molekular tartibdagi oraliq orqali. MSM ning kesish hududiga kirib borishiga davriy uzelish va o'simta hosil bo'lish jarayonlari ko'maklashadi. O'simta zarrachalarining uzelishi paytida bir lahzalik vakuum (bo'shliq) hosil bo'ladi va MSM ana shu vakuumga tortiladi.

Bundan tashqari ishqalanish jarayonida kontakt yuzalarda MSM ning kirib borishini ta'minlaydigan ko'p sonli kapillarlar paydo bo'ladi.

2. Bevosita kesish hududi orqali, qirindi hosil bo'lish hududida ultramikroskopik darzlar borligi tusayli.

Suyuqlik va gaz muhitlarining moylovchi ta'siri kesish jarayonida bir-biriga teguvchi yuzalarda moylash pardalari hosil bo'ladi. Mazkur parda asbob materiali yoki ishlov berilayotgan zagotovka materialiga o'xshash bo'lgani uchun katta bosim ham uni siqib chiqarolmaydi.

Suyuqlik yupqa qatlaming qalinligi 0,1 mkm dan kam bo'lganda suyuqlik ishqalanishi yuz beradi deb, hisoblanadi. Moylash qatlami 0,1 mkm dan kam bo'lganda chegara ishqalanish yuz beradi. Bundan ham yupqaroq qalinlikda (bir molekula qalinlikda) adsorbsion moylash yuz beradi.

Moylash pardalarining shakllanishi MSM yuzadagi faol tashkil etuvchilarining adsorbsiyasi jarayonlari natijasida sodir bo'ladi. Yuzaning faol moddalari (YUFM) asimmetrik tuzilishga ega bo'lib, qutbli va qutbsiz qismlardan iborat. Ularning qutbli guruhlari metall yuzalarda mustahkam bog'langan yo'naltirilgan qatlamlar hosil qiladi. Qutblilarga tarkibida oltingurgut, fosfor, galogenlar va OH, COOH, NH<sub>2</sub>, SOOH guruhi bo'lgan qismlar kiradi. Qutbli qism C<sub>n</sub>H<sub>2n</sub> va C<sub>n</sub>H<sub>2n+1</sub> ning qandaydir uglerodli guruhidan tashkil topadi.

Hosil bo'lgan parda ishqalanish kuchlari va haroratni molekular ta'sir kuchlarini Vander-Vaals nazariyasiga ko'ra bir necha yuz baravar kam kuchga almashtirib pasaytiradi. Masalan, 50% li emulsiya EN481 dan yasalgan hamunalarning VK8, T5K10 va T15K6 bo'yicha ishqalanishdagi yeyilishini 11...55 marta kamaytiradi.

Kesishning past tezliklarida moylash suyuqligi tishlashib qolish hodisalariga katta ta'sir ko'rsatadi.

Kesishning katta tezliklarida kontakt hududida yuqori haroratning hosil bo'lishi moylash desorbsiyasiga va ishqalanish koefitsiyentining ortishiga olib keladi. Bunda moylash suyuqlik tomonidan emas, bug'lar tomonidan amalga oshiriladi. Asbob yuza qatlamlarining materiali bilan kimyoviy ta'sirlashib, ular qattiq moylovchi vazifasini bajaruvchi kimyoviy birikmalarning yupqa pardalarini hosil qiladi. Masalan, xlor va oltingugurt o'zaro ta'sirlashganda moylash ta'sirini tegishlichcha  $400^{\circ}\text{C}$  va  $800^{\circ}\text{C}$  gacha saqlab qoluvchi xloridlar va sulfidlarning pardalari hosil bo'ladi. Yog' kislotalarning metall bilan o'zaro ta'siri o'zining moylash xususiyatlarini  $200^{\circ}\text{C}$  gacha saqlab qoluvchi metall sovunlarning hosil bo'lishiga olib keladi. MSM ning sovitish xususiyati ularning issiqlik o'tkazuvchanligi, issiqlik sig'imi va yashirin bug hosil qilish singari issiqlik-sizik xossalari bilan aniqlanadi. Metallarni ho'llash xususiyatiga ega bo'lgan suyuqlik issiqlikni yutadi va qaytaradi, bu bilan qirindi va kontakt yuzalardagi hatoratni pasaytiradi.

Samaradorlik MSM ni kesish hududiga uzatish usuliga ham bog'liq. Masalan, yuqori bosim bilan oqim tarzida sovitish odatdag'i quyish yo'li bilan sovitishdan samaraliqoq.

Kesish jarayonini MSM ning fizik-kimyoviy ta'siri tusayli yengillashtirish ta'sir ko'rsatishning fizik mexanizmlariga ko'ra bir-biridan farqlanadigan uchta asosiy yo'nalish bo'yicha amalga oshiriladi.

Avvalo, tashqi muhit ishlov berilayotgan materialni o'zida eritishi mumkin. Bu jarayon kimyoviy frezalash va kimyoviy jilolashda keng qo'llaniladi.

Kesib ishlov berishda tashqi muhit ta'sirining ikkinchi mexanizmi, ya'ni mustahkamlikni pasaytirovchi adsorbsion effekt yoki Rebinder effektidan iborat mexanizm kengroq qo'llaniladi. Agar kesish hududiga kiritilgan tashqi muhit yuza energiyasining nisbatan kam kamaytirsa u holda yuza plastiklovchi effektga, ya'ni yupqa yuza qatlamda plastik deformatsiyaning osonlashuvi va lokallahuviga erishiladi. Bu hol shu bilan izohlanadiki, sirt-aktiv tashqi muhit dislokatsiyalarning yuzaga chiqishini osonlashtiradi, ularning harakati esa plastik deformatsiyaning mohiyatini tashkil etadi. Agar ishlov berish hududiga kuchli sirt-aktiv muhit olib kirilsa, qattiq jismning mo'rtlashuvi va uning buzilish jarayonining osonlashuviga erishiladi. Mazkur guruhga kiruvchi hodisalarining

fizik mohiyati quyidagicha. Qattiq jism buzilayotganda uning ichki bog'lanishlari uzeladi va qayta kurredi. Agar ularni yengil harakatchan tashqi muhitning atomlari bilan o'zaro ta'sirga jalb qilishga qisman muvaffaq bo'linsa, bu holda haligi aloqalar zaiflashadi va oson uzeladi.

Rebinder effektining namoyon bo'lishiga oksid pardalar to'sqinlik qiladi. Ular dislokatsiyalarning yuzaga chiqish yo'lini bekitib qo'yadi, natijada dislokatsiyalar plynka ostida to'planadi, bu esa mikroyoriqlarning paydo bo'lishiga olib keladi. Ammo oksid pardalarning bunday ta'siri turli harakat-tezlik sharoitlarida birdek namoyon bo'lmaydi, shu sababli kesishning shunday harorat-tezlik sharoitlari borki, ularda oksid pardalarning musbat ekranlovchi effektida musbat Rebinder effekti ham paydo bo'lishi mumkin.

Kesishning alohida qat'iy sharoitlarida kuchli sirt-aktiv muhitning ishlov berilayotgan materialga ta'siri, asbobsozlik kesuvchi materialga bo'lgan ta'siri singari bo'ladi va olinadigan umumiy samara ancha pasayadi, bu esa kesuvechi asbob materialini maxsus tanlashni talab qiladi.

MSM ning yuvish ta'siri ishlov berilayotgan hududdan qirindilar va asbobning yeyilish mahsulotlarini to'xtovsiz uzoqlashtirishga qaratilgan. Kerosin, sodali va sovunli eritmalar singari kam qovushqoq suyuqliklar eng yaxshi yuvish xususiyatiga ega. Ular qirindi, abrazivlarning mayda zarrachalarini bir-biridan ajratuvchi juda yupqa pardalar hosil qiladi va ularning yopishib qolishiga yo'l qo'ymaydi. MSM ning yuvish ta'siri mayda qirindilar hosil qiluvchi cho'yan homashyolarga hamda ularga abraziv ishlov berishda o'ta mayda qirindilarning asbobga va ishlov berilgan yuzaga yopishib qolishining oldini olishda katta ahamiyatga ega.

Qirqish hududiga vaqt birligida beriladigan MSM miqdorini ko'paytirish va oqim tezligini oshirish MSM ning yuvuvchi ta'sirini oshiruvchi vositalardan biri hisoblanadi.

Maxsus muhitlarni qo'llab ularning himoya qiluvchi va mustahkamlovchi ta'siri tusayli detallarning ekspluatatsion xususiyatlarini orttirish mumkin. Himoyalovchi ta'sir gazsimon muhitlarni, masalan, argonni qo'llaganda yanada to'laroq namoyon bo'ladi. Qirqish hududida hosil bo'lgan zagotovkaning sof metall yuzasi atrof gaz muhitining molekulalarini, odatda, havoni tez adsorbsiya qiladi (yo'tib oladi) va oqibatda, mustahkamligini pasaytiradi. Maxsus gaz muhitlarning hosil qilinishi muhim himoya vazifasini bajaradi, masalan, titan qotishmalarining o'zgaruvchan

zo'riqishlarida mustahkamlikni oshiradi. Maxsus muhitlar tanlanganda sirt-aktiv muhitda kristall panjaralarning nozik ichki dispergirlanishi natijasida mustahkam yuza qatlam hosil qilish mumkin.

## 6.2. MSM turlari

Zamonaviy MSM – ko'p komponentli murakkab tizimlardir.

MSM ning keng tarqalgan guruhlari: moyli suyuqliklar; mineral moylarning suvli emulsiyalari , sintetik MSM. Ayrim hollarda MSM sisatida konsistent moylovchilar yoki grafit, molibden disulfidi va boshqa to'ldiruvchilar qo'shilgan pastalardan foydalaniлади.

Moyli MSM baza hisoblanuvchi mineral moydan tashkil topgan. Unga antifriksion, yeyilishga qarshi, ternalishga qarshi qo'shilmalar, korroziya ingibitorlari, antioksidantlar, ko'piklashishga qarshi va tumanga qarshi qo'shilmalar qo'shilgan.

Moyli MSM da mineral moy 60...95% ni tashkil etadi. Odatda, bular juda toza naftenli va parafinli moylardir.

Mineral moylarning suvli emulsiyalari (odatda, 1...10%) emulsollardan tayyorlanadi. Ularning tarkibiga asosiy mineral moylar, emulgatorlar, bog'lovchi moddalar, korroziya ingibitorlari, bakteritsidlar, ko'piklanishga qarshi qo'shilmalar, qator holatlarda yeyilishga qarshi va ternalishga qarshi qo'shilmalar kiradi. Emulsol tarkibida mineral moylar ulushi, odatda, 70...85% ni tashkil etadi, qolganlari boshqa qo'shimchalar bilan birga emulgatorlardir.

Sintetik MSMlar ikki turga bo'linadi: oligomerlar (odatda, 1...10% li) va sirt-aktiv moddalarning suvli eritmalari neorganik tuzlar turidagi yemirilish ingibitorlarining (odatda, 1...2%) suvli eritmalari. Universalligi, ekspluatatsion xususiyatlarining saqlash davomiyligiga ko'ra sintetik MSM emulsiyalardan ustun turadi. Sintetik MSM emulsiyalar singari konsentratlardan ishlataladigan joylarda tayyorlanadi. Konsentratlар tarkibiga suvda eruvchi past molekularli polimerlar yoki YUAM, yemirilish ingibitorlari, bakteritsidlar, ko'piklanishga qarshi qo'shilmalar, yeyilishga va ternalishishga qarshi qo'shilmalar kiradi. Konsentratdagи komponentlarning umumiyy miqdori 50...70% atrosida bo'lib, qolgani suvdir.

Gaz muhiti metallarni kesish jarayoniga katta ta'sir ko'rsatadi. Gaz texnologik muhitlari sisatida azot, argon, ko'mir angidridi, kislorod, suyuqliklarni purkash uchun siqilgan havo, sirt-aktiv moddalarning bug'lari qo'llaniladi. Biroq, gazsimon moddalar bilan sovitish usulini qo'llash cheklangan.


## 7-BOB | Kesish kuchlari

### 7.1. Kesish kuchlarini aniqlash

Kesish jarayonida asbob tig'iga mazkur metallning qirindi hosil bo'lish plastik deformatsiyasiga qarshilik kuchlari ta'sir qiladi. Kesish jarayonini amalga oshirish uchun keskichga beriladigan umumiy kuchning kattaligi o'sha metallning umumiy qarshilik ko'rsatish kuchini bartaraf qilish uchun yetarli bo'lishi kerak.

Kesishga sarflanadigan quvvatni aniqlashda keskichning mustahkamligi va bikrligini, dastgohning ayrim detallari hamda qismlarini hisoblashda kesish kuchi  $R$  uchta koordinata o'qlari  $Z$ ,  $Y$ ,  $X$ ga qo'yildi va  $P_x$ ,  $P_y$ ,  $P_z$  tashkil etuvchilar hosil qilinadi (7.1-rasm).  $Z$  o'q vertikal (tik) yo'naltirilgan,  $Y$  va  $X$  o'qlar gorizontal tekislikda detal o'qiga mos ravishda perpendikular va parallel joylashgan.  $P_x$  kuchni aylana kuchi yoki kesish kuchining asosiy tashkil etuvchisi,  $P_y$  kuchni – radial kuch,  $P_z$  kuchni – o'q kuchi yoki surish kuchi deyiladi.

$P_x$  kuch keskichga ta'sir qilib uni vertikal tekislikda egadi, uning reaksiyasi ham vertikal yo'naliishda detalni egadi.  $P_y$  kuch kesichini detaldan uning o'qiga perpendikular yo'naliishda itaradi.  $P_z$  kuchning reaksiyasi esa detalni gorizontal tekislikda egadi.  $P_z$  kuch dastgoh supporting detal o'qi bo'ylab harakatlanishiga qarshilik ko'rsatadi. Uning kattaligiga qarab, dastgohning surish mexaniz-



**7.1-rasm.** Yo'nib ishlashda kesish kuchlarining ta'siri sxemasi.

mining mustahkamligi hisoblanadi.  $P_x$  kuch keskichni gorizontal tekislikda egadi.  $P_y$  kuchning reaksiyasi detalni uning o'qi bo'ylab siljitaldi.  $P_z$  kuchning kattaligi, asosan, keskichning old yuzasida harakat qiluvchi me'yoriy kuch bilan belgilanadi.  $P_y$  va  $P_x$  kuchlar ishqalanish kuchining kattaligi va yo'nalishiga bog'liq. Shuning uchun  $P_z$ ,  $P_y$  va  $P_x$  kuchlar orasidagi nisbat ishlov berilayotgan detal materialining o'zgarishi, keskichning geometrik parametrlari va kesish rejimining o'zgarishiga bog'liq holda o'zgaradi.

Tadqiqotlar natijasida shu narsa aniqlandiki, odatdagi kesish sharoitlarida kesish kuchlari o'rtasida  $\varphi = 45$ ,  $\lambda = 0$ ,  $\gamma = 15$  bo'lganda va  $\frac{P_z}{s} > 10$  nisbatda quyidagi taxminiy o'zaro nisbatlar mavjud bo'ladi  $P_z : P_y : P_x = 1 : 0,45 : 0,35$ .

Teng ta'sir etuvchi kesish kuchi  $R$  ning kattaligi quyidagi ifodadan aniqlanishi mumkin:

$$R = \sqrt{P_x + P_y + P_z} = \sqrt{P_z^2 + (0,45 P_z)^2 + (0,35 P_z)^2} = 1,14 P_z. \quad (7.1)$$

Muhit kuchi reaksiyasi kesishga qarshilik ko'rsatish momentini hosil qiladi va u kesishning burovchi momenti deyiladi:

$$M = \frac{\rho D}{2000} \cdot \text{kgs} \cdot \text{m}. \quad (7.2)$$

Kesish jarayoni amalga oshishi uchun dastgohning aylantiruvchi momenti  $M_{ds}$  shpindel aylanishlarining muayyan sonida kesishning burovchi momentidan ko'p bo'lishi kerak, ya'ni  $M_{ds} > M$ .

Dastgohning effektiv quvvati kesishning aylana kuchi bo'yicha aniqlanadi:

$$\mathcal{N}_e = \frac{P_z v}{102 \cdot 60}, \text{kBt}, \quad (7.3)$$

bu yerda:  $v = \frac{\pi D n}{1000}$ , m/min, kesish tezligi;  $D$  – ishlov berilayotgan yuza diametri, mm;  $n$  – detalning minutdagi aylanishlari soni.

Kesishning o'q kuchi  $P_x$  yordamida surish harakatiga sarflanuvchi quvvat aniqlanadi:

$$\mathcal{N}_x = \frac{P_x s}{102 \cdot 60}, \text{kBt}.$$

Agar  $P_z$  va  $P_x$  kuchlar, hatto bir-biriga teng deb faraz qilinsa ham, qo'llanuvchi kesish rejimlarida  $N_x$  quvvatning tashkil etuvchisi har doim  $N_e$  ning tashkil etuvchisidan ko'p marta kichik bo'ladi. Shu sababli, dastgohning effektiv quvvati faqat aylana kuchi  $P_z$  bilan hisoblanadi.

Dastgohni asosiy harakatga keltiruvchi elektr dvigatel tomonidan sarflanadigan quvvat elektr dvigateldan shpindelgacha uzatishda yuz beruvchi yo'qotishlar miqdoriga sarflanuvchi effektiv quvvatidan katta. Bu yo'qotishlar harakatni uzatuvchi mexanizmlarning foydali ish koeffitsiyenti bilan aniqlanadi.

Nazariy keltirib chiqarilgan tenglamalar, faqat kesish kuchining rejim kuchlariga, geometrik va fizik parametrlariga bog'liqligini, sifat jihatdan tahlil qilish uchun mo'ljallangan bo'lib, muhandislik amaliyotida qo'llanilmaydi. Kesish jarayoni omillarining o'zgarishi bilan kesish kuchining tashkil etuvchilarini orasidagi bog'liqlik tajriba yo'li bilan aniqlanadi. Kesish kuchining tashkil etuvchilarini o'lchaydigan asboblar *dinamometrlar* deb ataladi. Barcha dinamometrlarning ishlash prinsipi dinamometrning o'lchovchi elementlari kesish kuchining o'chanayotgan tashkil etuvchilarini qiymatiga proporsional bo'lgan qayishqoq deformatsiyani o'lchashga asoslangan. Bitta o'lchash elementi bo'lgan va odatda,  $P_z$  kesish kuchining vertikal tashkil etuvchilarini o'lchashda qo'llanadigan dinamometrlar *bir komponentli* deb ataladi. Ikkita o'zaro perpendikular joylashgan o'lchovchi elementi bo'lgan, misol uchun bir paytning o'zida vertikal  $P_z$  va gorizontal  $P_x$  tashkil etuvchilarini o'lchashda qo'llanadigan dinamometrlar *ikki komponentli* deb ataladi. Barcha uchta  $P_z$ ,  $P_x$ ,  $P_y$  tashkil etuvchilarini bir paytda o'lchash uchun o'zaro perpendikular joylashgan uchta o'lchash elementiga ega bo'lgan dinamometrlar *uch komponentli* deyiladi.

Ishlash prinsipiiga ko'ra qayishqoq-mexanik, gidravlik va qayishqoq-elektrik dinamometrlar bo'ladi.

## 7.2. Kesish kuchlariga ta'sir qiluvchi omillar

Kesish kuchlariga ta'sir qiluvchi asosiy omillar quyidagilardir: ishlov berilayotgan materialning fizik-mexanik xossalari, kesuvchi asbobning geometrik parametrlari, kesish rejimi, moylash-sovitish texnologik muhiti.

O'zining kimyoviy tarkibiga ko'ra bir xil bo'lgan materiallar guruhi uchun mustahkamlanish ortayotganda siljish zo'ri-qishlarining ortishi, odatda, qirindi kirishuvi koeffitsiyentining kamayishini ancha ortda qoldiradi. Shuning uchun cho'zilishdagи mustahkamlik chegarasi ortganda yoki qattiqlik Brinnel bo'yicha ortganda kesish kuchining tashkil etuvchilarini o'sadi. Plastik materiallarni kesishda kesish kuchining tashkil etuvchilarini hisobi σ<sub>b</sub> yoki HB bo'yicha yuritiladi, mo'rt materiallarni kesishda asos sifatida HB qattiqlik olinadi.


Old burchak o'lchamining kichrashi qirindi kirishuvi va qirindi hosil bo'lish ishi koeffitsiyentini orttiradi. Bu hol kesish kuchi barcha tashkil etuvchilarning ortishiga olib keladi. Ammo bu ta'sir kesish kuchining tashkil etuvchilariga nisbatan bir xilda bo'lmaydi.

7.2-rasmda plandagi asosiy burchak  $\varphi$  ning kesish kuchi  $P$  ga ta'siri ko'rsatilgan. Plandagi asosiy burchak  $\varphi$  ning  $r$  va  $S$  doimiy bo'lganda kattalashuvi  $b/a$  nisbatning kamayishiga sabab bo'ladi, bu esa kuch  $P$  ning to'xtovsiz kamayishiga olib kelishi kerak. Bu tajriba orqali tasdiqlanadi (2-egri chiziq). O'tuvchi tig'li keskich bilan yo'nishda  $\varphi=60^\circ$  burchak qiymatidan boshlab  $P$  kuch kichraymaydi, aksincha, yana o'sadi. Bu hol shu bilan izohlanadiki, tig'ning  $r$  radiusli o'tuvchi yoysimon tig'ining ahamiyati ortadi, unda deformatsiyalanish sharoitlari va qirindi kesish asosiy tig'ga nisbatan ancha qiyin kechadi.


Qirindining bo'ylama qatlamlari o'tuvchi tig'ga perpendikular yo'nalishlarda old yuzada siljib, bir-biriga xalaqit beradi, kesilayotgan qatlamning deformatsiyalanish darajasini oshiradi, bu esa pirovard natijada  $P$  kuchning ortishiga olib keladi. Yumaloqlanish radiusi  $r$  kattalashgan sari  $P$  kuch ham ortadi,  $P$  kuch esa kamayadi.

Kesish chuqurligi  $r$  va surishning  $S$  o'zgarishi kesish kuchining barcha uchta tashkil etuvchilarini  $P_1$ ,  $P_2$ ,  $P_3$  ning o'zgarishiga ta'sir qiladi. Chuqurlik va surish qancha katta bo'lsa, kesilayotgan qatlamning ko'ndalang kesim maydoni va deformatsiyalanayotgan metall hajmi, kesish kuchi va qirindi hosil bo'lishga qarshilik ham shuncha katta bo'ladi. Biroq kesish chuqurligi va surishning kesish kuchlariga ta'siri turlich. Ko'p sonli tajribalar shuni ko'rsatadiki, kesish chuqurligi kesish kuchining tashkil etuvchilariga surishga qaraganda kuchliroq ta'sir qiladi.

Kesish tezligining o'zgarishi kesish kuchining tashkil etuvchilariga, qirindi kirishuv koeffitsiyentiga ta'sir ko'rsatgani singari ta'sir etadi. O'simta hosil qilmaydigan materiallarni kesishda kesish



**7.2-rasm.** Po'latni yo'nishda plandagi asosiy burchakning  $P$  kuchga ta'siri ( $v = 40$  m/min;  $S = 0,48$  mm/ayl;  $t = 2$  mm);  $1 - r = 2$  mm,  $2 - r = 0$ .



**7.3-rasm.** Kesish tezligining o'simta balandligi (3), qirindisi (2) va kirishuvi koeffitsiyenti (1) ta'siri.

kuchining tashkil etuvchilari kesish tezligi ortishi bilan bir me'yorda kamayib boradi. O'simta hosil qiluvchi materiallarni kesishda egri chiziq 1 xuddi egri chiziq 2 singari bir me'yorda bo'lmaydi (7.3-rasm).  $V_1$  tezlikdan boshlab  $V_2$  gacha o'simta balandligi o'sadi,  $P_z$  kuch kama-yadi va o'simta rivojining eng yuqori darajasida o'zining eng kam qiymatiga erishadi.  $V_2$  dan  $V_3$  gacha kesish tezliklarida o'simta balandligi kamayadi  $P_z$  kuch yana o'sib boradi.  $V_3$  dan katta kesish tezliklarida o'simta yo'qolib boradi,  $P_z$  kuch to'xtovsiz kamayadi.

Metallarni kesishda qo'llanadigan moylash-sovitish texnologik vositalari ishqalanishni kamaytiradi, qirindi hosil bo'lish jarayonini yengillashtiradi va demak, keskichga ta'sir qiluvchi kesish kuchlarini kamaytiradi. Bunda ko'proq, asosan, ishqalanish kuchiga bog'liq bo'lgan kesish kuchining gorizontal proyeksiyalari kamayadi.

Turli omillarning kesish kuchlariga ta'siri ancha murakkab. Shu sababli hisob-kitoblar uchun umumlashtirilgan ifodalarga ega bo'lish lozim, ularda kesish kuchining tashkil etuvchilari bir vaqtida barcha omillar bilan bog'langan. Umumlashtirilgan ifodalardan foydalanish amaliyoti shuni ko'rsatadiki, kesish rejimining parametrlarini ( $V$ ,  $S$ ,  $t$ ) bevosita, qolgan omillar bilan birga hisobga olish qulayroq. Ifodaga shunday qo'shimcha koeffitsiyentlar kiritiladiki, ular kesish kuchlariga yetarli darajada kuchli ta'sir ko'rsatishi lozim va ularni aniqlash ishlab chiqarish sharoitlarida katta qiyinchiliklar tug'dirmaydi. Masalan, kesish kuchining asosiy tashkil etuvchisini hisoblash formulasi quyidagi ko'rinishga ega:

$$P_z = C_p T^{N_p} S^{V_p} v^{Z_r} K_p \quad (7.4)$$

bu yerda:  $K_p$  — kesish sharoitlarini  $P_z$  kuchning kattaligiga ta'sirini ifodalovchi  $C_p$  koeffitsiyentga kirmagan, qo'shimcha koeffitsiyentlarning ko'paytmasiga teng umumlashtirilgan qo'shimcha koeffitsiyent;

$X_p$ ,  $Y_p$ ,  $Z_p$  – kesish rejimi parametrlari ( $t$ ,  $S$ ,  $v$ ) ning kesish kuchiga ta'sirini hisobga oluvchi daraja ko'rsatkichlari.

Barcha koeffitsiyentlar va daraja ko'rsatkichlari ishlov berish rejimi bo'yicha ma'lumotnomalar jadvallarga qarab aniqlanadi.

## 8-BOB | Yo'nish

### 8.1. Yo'nishning asosiy turlari va keskichlarning tasnifi

Yo'nish aylanib turgan jismalarning tashqi, ichki, silindrik, konussimon shakldor hamda chekka yuzalariga kesish yo'li bilan ishlov berishning asosiy usuli hisoblanadi.

Yo'nish turli xildagi tokarlik dastgohlarida amalga oshiriladi (universal, maxsus, karusel, revolver hamda raqamli boshqarish dasturi bo'lgan metall kesish dastgohlari).

Xarakteri va texnologik vazifasiga ko'ra yo'nish quyidagi turlarga bo'linadi: xomaki yo'nish, bunda qo'yimning katta qismi qirqiladi; qisman tozalab yo'nish; tozalab yo'nish; shakl beruvchi nozik yoki uzil-kesil yo'nish.

Xomaki yoki dag'al yo'nish pokovka, shtampovka va quymalarning havoiy chetga chiqishlari va nuqsonlarini kamaytirish maqsadida amalga oshiriladi. Xomaki yo'nishdan so'ng zagotovkaning aniqligi 12...16 kvalitet, ishlov berilgan yuzuning g'adir-budurligi  $R_a = 100...25$  mkm bo'ladi. Qisman tozalab yo'nish 11...13 kvalitet bo'yicha aniqlikni, ishlov berilgan yuza g'adir-budurligi  $R_a = 50...12,5$  mkm ta'minlaydi. Tozalab yo'nish so'nggi yoki oraliq ishlov berish sifatida 10...11 kvalitet aniqlik va  $R_a = 12,5...0,63$  mkm g'adir-budurlikka erishish maqsadida o'tkaziladi. Nozik yo'nish oddiy keskichlardan foydalanganda 6...7 kvalitet aniqlik va ishlov berilgan yuza g'adir-budurligi  $R_a = 1,25...0,32$  mkm bo'lishini ta'minlaydi. Olmos keskichlardan foydalanganda esa tegishlicha aniqlikning 5-kvaliteti va  $R_a = 0,04...0,016$  mkm g'adir-budurlik ta'minlanadi.

Yo'nishda metall kesish ja'rayoni tokarlik keskichlari bilan amalga oshiriladi. Dastgoh supportidagi keskich-tutkichda mahkamlangan keskich bo'yamasiga yoki ilgarilanma va ko'ndalang harakat qiladi, dastgoh shpindeliga mahkamlangan detal esa aylanadi.

Tokarlik ishlovi berishning asosiy operatsiyalari quyidagilardir: yo'nish, kesish, yonlarini kesish, tashqi chuqurliklarni o'yish, shakldor yo'nish, ichki yuzalarni yo'nish, faskalar ochish, keskich vositasida tashqi va ichki rezbalar kesish va hokazo.


Yo'nishda tashqi silindrik va konussimon yuzalarga o'tuvchi keskichlar bilan ishlov beriladi; ichki silindrik va konussimon yuzalarga yo'nib kengaytiruvchi keskichlar bilan ishlov beriladi; yon yuzalarga qirqib oluvchi keskichlar bilan ishlov beriladi; tashqi va ichki rezbalari rezbalari keskichlar yordamida qirqiladi; zagotovkani qismlarga bo'lish kesib tushiruvchi keskichlar yordamida amalga oshiriladi.

Tokarlik keskichlari kallakning shakli, surish yo'nalishi, kallakning bukilganligi, konstruksiyasi sterjen kesimi, vazifasi, ish qismining materiali va hokazolarga qarab bir nechta turga bo'linadi.

Kallak shakli va surish yo'nalishiga ko'ra keskichlar o'naqay va chapaqay keskichlarga bo'linadi. O'naqay keskichlar deb, shunday kesichlarga aytildik (8.1-rasm, a), agar ular ustiga o'ng qo'l kafti qo'yilsa, asosiy kesuvchi tig' bosh barmoq tomonda joylashgan bo'ladi, chap kesichlarda esa chap qo'lning kafti qo'yilganda asosiy kesuvchi tig' bosh barmoq tomonda bo'ladi. O'ng kesichlar o'ngdan chapga surish harakati, ya'ni orqa babkadan dastgoh shpindeliga surish harakati bilan ishlaydi, chap kesichlarda esa aksincha, surish harakati chapdan o'ngga shpindeldan dastgohning orqa babkasiga yo'nalgan bo'ladi.

Kesichlar chap yoki o'ngga bukilgan (8.1-rasm, b), yuqori yoki pastga qayrilgan (8.1-rasm, d), o'ng yoki chapga tortilgan (8.1-rasm, e) bo'lishi mumkin. Qayrilgan kesichlarda kesichning o'qi yon proyeksiyaga qayrilgan bo'ladi. Kallagi tortilgan kesichlarda kallakning kengligi, odatda, kesich tanasining kengligidan kichik bo'ladi.

Konstruksiyasiga ko'ra kesichlar *yaxlit* kesichlar va *tarkibiy* kesichlarga bo'linadi. Yaxlit kesichlarning kallagi va tanasi bitta materialdan yasaladi, tarkibiy kesichlarda esa masalan, tezkesar po'latdan yasalgan kallak kam uglerodli po'latdan yasalgan kesich-tutkichga tutashtirilib payvandlangan; plastinka kavsharlangan qattiq qotishmali yoki tezkesar po'lat; mexanik mahkamlangan qattiq qotishma, mineral-keramik va o'ta qattiq materiallardan yasalgan kesuvchi plastinkali kesich.




**8.1-rasm.** Kesich kallaklarining shakllari.

Hozirgi paytda tokarlik dastgohlarida detallarga, ko'pincha, kesuvchi qismlari qattiq qotishmalardan yasalgan standart plastinkalar bilan jihozlangan keskichlar bilan ishlov beriladi. Qattiq qotishmali plastinkalarning ikki guruh mavjud. Bir guruh plastinkalar yeyilishning muayyan belgilangan darajasiga yetgandan so'ng qayta charxlanadigan keskichlarni jihozlash uchun mo'ljalangan. Boshqa guruh plastinkalarning bir necha ish cho'qqilari bo'lib, bitta cho'qqidagi tig' yoyilgandan so'ng burib yangi ish holatiga o'tkaziladi va navbatdagi cho'qqining tig'i bilan ishlov beriladi. Bu guruh plastinkalar ko'p qirrali qayta charxlanmaydigan plastinkalar deb ataladi.

Almashtiriladigan ko'p qirrali qattiq qotishmadan yasalgan plastinkali keskichlar raqamli boshqarish dasturi bo'lgan dastgohlarda tobora ko'proq qo'llanmoqda. Keskichlarning konstruksiyalari, turi, shakli, plastinka va tutkichni mahkamlovchi qismning ko'rinishi va foydalilanildigan plastinkalar shakliga qarab farqlanadi.

Keskichlarda foydalilanildigan almashinuvchi ko'p qirrali plastinkalar turlari xilma-xildir: to'g'ri ko'p qirrali, romblar, aynalar, to'g'ri to'rt burchaklar va parallelogrammlar hamda galtellar va ariqchalarga ishlov beradigan maxsus shakldagi, shuningdek, kesib tushiradigan plastinkalar va h.k.

Qattiq qotishmali plastinkalar keskich-tutkichlarga jez yoki qizil mis kavshar yordamida kavsharlanadi. Tutkich materiali va qattiq qotishmalar turlicha kengayish harorati koeffitsiyentiga ega. Shuning uchun kavsharlashdan so'ng sovitish jarayonida qattiq qotishmali plastinka va keskich-tutkich kavsharlangan chok bo'ylab tutashuv




**8.2-rasm.** Mexanik mahkamlangan, qayta charxlanmaydigan ko'p qirrali plastinkali tokarlik o'tuvchi keskich:


1 – qattiq qotishmali plastinka; 2 – ustuncha; 3 – tutkich;  
4, 7 – vintlar; 5 – ponasimon planka; 6 – shtift.

zo'riqishiga uchraydi, bu esa plastinka mikrodarzlar paydo bo'lishiga olib kelishi mumkin. Mexanik mahkamlanish plastinkalarni maxsus uyalarda mahkam ushlab turadi va mo'rt qattiq qotishma uchun xavfli bo'lgan ichki zo'riqishlar yuzaga kelmaydi. Ishlov berishning turli sharoitlari uchun qattiq qotishmali plastinkalarning mexanik mahkamlash konstruksiyalarining ko'p turlari ishlab chiqilgan.

Qattiq qotishmali plastinka 1 (8.2-rasm) keskich-tutkichga mexanik mahkamlanib, aniq ishlov berilgan quyi tayanch yuzaga ega bo'lishi kerak. Keskich-tutkich 3, ustuncha 2 presslab mahkamlangan shtift 6 dan iborat. Unga ko'p qirrali plastinka 1 bemalol kiydiriladi.



**8.3-rasm.** Tokarlik o'tuvchi to'g'ri keskich.



**8.4-rasm.** Tokarlik o'tuvchi qayrilma keskich.

Plastinka vint 4 ni burib mahkamlanadi. Vint ustunchani plastinka oxiriga qadalguncha tutkichga vint 7 bilan mahkamlangan ponasimon planka 5 ga tortadi. Cho'qqilardan biri tig'ining orqa yuzasi yoyilgandan so'ng ko'p qirrali plastinka keskichning tutkichidan bo'shatiladi, keyin shunday buriladiki, bunda uning boshqa cho'qqisining tig'i ish holatida bo'lishi kerak va yana qotirib qo'yiladi.


Tutkich sterjenining kesimiga ko'ra keskichlar to'g'ri to'rtburchakli, kvadrat va yumaloq kesichlarga ajratiladi.

Vazifasiga ko'ra o'tuvchi, ko'ndalang (podreznay), kesib tushiruvchi, yo'nib kengaytiruvchi, galtel, shakldor va rezbalii kesichlar bo'ladi.


O'tuvchi to'g'ri (8.3-rasm) va qayrilgan (8.4-rasm) kesichlar tashqi silindrik va konussimon yuzalarga ishlov berishda qo'llanadi. Bu kesichlar geometrik va konstruktiv elementlarining qiymati ishlov berish sharoitlaridan kelib chiqib me'yollar va GOST bo'yicha tanlanadi.

To'g'ri kesichlar uchun (8.3-rasm), odatda, plandagi bosh burchak  $\varphi = 45\dots60^\circ$ , plandagi yordamchi burchak  $\varphi_1 = 10\dots15^\circ$ . O'tuvchi qayrilgan kesichlarda plandagi burchaklar  $\varphi = \varphi_1 = 45^\circ$  (8.4-rasm). Bu kesichlar bo'yamasiga uzatib o'tuvchi va ko'ndalangiga uzatib kesib oluvechi kesich sifatida ishlaydi.

Silindrik yuza va tores sirtga bir vaqtida ishlov berishda o'tuvchi tirak kesichlardan foydalaniлади (8.5-rasm). Kesich bo'yamasiga surilib ishlaydi. Plandagi bosh burchak  $\varphi = 90^\circ$ . Bunday o'tuvchi kesich bilan qattiq bo'limgan vallarga ishlov berish tavsiya qiladi. Bu kesichlar bilan ishlov berilganda kesish kuchining radial tashkili etuvchisi  $P_y = 0$  bo'lib, zagotovkaning deformatsiyasini pasaytiradi. Ko'ndalang (Podreznay) kesichlardan zagotovkalar toreslarini kesishda qo'llanadi. Ular asbobning markaziga yo'nalgan ko'ndalang harakat (8.6-rasm, a) yoki markazdan (8.6-rasm, b) zagotovkaga yo'nalgan surish harakati bilan ishlaydi.



8.5-rasm. O'tuvchi tirak kesich.




### 8.6-rasm. Ko'ndalang (podreznay) tokarlik keskichlari:

- a —zagotovkaning markaziga yo'nalgan surish harakati bilan;  
b —zagotovka markazidan yo'nalgan surish harakati bilan.

Yo'nib kengaytiruvchi keskichlar quyib yoki shtampovka qilib hosil qilingan yoki oldindan parmalab ochilgan teshiklarni yo'nish uchun qo'llanadi. Yo'nib kengaytiruvchi keskichlarning ikki turi ishlatalidi: o'tuvchi — ochiq teshikni yo'nib kengaytirish uchun (8.7-rasm, a) va tiraluvchi — berk teshikni yo'nib kengaytirish uchun (8.7-rasm, b).


Keskichlar tig'inining shakliga ko'ra farqlanadi. O'tuvchi yo'nib kengaytiruvchi keskichlarda plandagi bosh burchak  $\varphi = 45\dots60^\circ$ , tiraluvchi keskichlarda plandagi bosh burchak ancha katta —  $90^\circ$ . Yo'nib kengaytiruvchi keskichlarning mahkamlash qismi konussimon shaklga ega bo'lib, uning diametri tig'dan kvadrat yoki to'g'ri burchakli qilib ishlangan siquvchi qismiga qarab kattalashib boradi. Yo'nib kengaytiruvchi keskichlar, keskichtutkichdan katta masofada joylashgan holda ishlaydi, bu esa sterjenli keskichga ko'ndalang kesimning katta maydonidan qirindini tushirish imkonini bermaydi. Katta chuqurlikka ega bo'lgan teshiklarni yo'nib kengaytirishda maxsus tutkichlarga mahkamlangan yo'nib kengaytiruvchi keskichlardan foydalaniлади.

Kesib tushiruvchi keskichlar zagotovkani qismlarga bo'lib kesishga, ishlov berilgan zagotovkani kesib tushirishga va ariqchalar ochishga mo'ljallangan. Kesib tushiruvchi keskichlar  $\varphi = 90^\circ$  burchak ostida joylashgan bosh kesuvchi tig'ga va  $\varphi_1 = 1\dots2^\circ$  burchakli ikkita yordamchi tig'ga ega (8.8-rasm, a). Kesish jarayonida ishqalanishni



**8.7-rasm.** Yo'nib kengaytiruvchi keskichlar:

a – ochiq teshikni yo'nib kengaytiruvchi;  
b – orqasi berk teshikni yo'nib kengaytiruvchi.




**8.8-rasm.** Kesib tushiruvchi keskichlar:

a – to'g'ri kesuvchi tig'li; b – qiya kesuvchi tig'li.

kamaytirish uchun yordamchi orqa yuzalar  $\phi_1 = 1^{\circ}30'$  burchak ostida charxlanadi. Standart kesib tushiruvchi keskichlarda kesuvchi tig'ning eni  $a = 3 \dots 10$  mm. u zagotovka diametriga bog'liq holda  $a = 0,6 D^{0,5}$  formula bo'yicha tanlanadi. Zagotovkani to'g'ri kesuvchi keskich bilan kesib olishda ( $\phi = 90^\circ$ ) qirqib olingan zagotovkada buyincha qoladi, shuning uchun zagotovka chekkasini qo'shimcha kesishga to'g'ri keladi. Bu operatsiyani bartaraf etish uchun qiya kesish tig'iga ega bo'lgan kesib tushiruvchi keskichlardan foydalilaniladi (8.8-rasm, b).

Shakldor keskichlar 30...40 mm uzunlikdagi kalta shakldor yuza hosil qilishda yuzalarga ishlov berish uchun qo'llanadi. Shakldor keskich kesuvchi tig'ining shakli detal profiliga mos bo'ladi. Shakl beruvchi keskichlar ko'p seriyali ommaviy ishlab chiqarishda



**8.9-rasm.** Shakldor keskichlar:

*a* — yumaloq; *b* — prizmatik radial.

qo'llaniladi. Aniq hisoblangan va tayyorlangan shakldor keskichlar yuqori samaradorlik, tayyorlanayotgan detallar o'lcham va shakllaridagi chetlanishlarning kam bo'lishini ta'minlaydi. Konstruksiyasiga ko'ra shakldor keskichlar yumaloq va prizma shaklida bo'ladi, surish harakatining yo'nalishi bo'yicha radial va tangensial keskichlarga ajraladi. Yumaloq shakldor keskichlarning turg'unligi yuqori bo'lib, kesuvchi tig'ining shakli va o'lchamlarini saqlagan holda, ko'p marta charxlash mumkin.

Yumaloq shakldor keskichlar mahkamlash uchun zarur bo'lgan teshik yoki quyrug'i bo'lgan aylanuvchi jismdan iborat. Orqa burchakni hosil qilish uchun keskich shunday o'rnatiladiki, bunda uning o'qi  $h = R_c \sin \alpha_b$  formula bilan aniqlanadigan  $h$  kattalikda zagotovka o'qidan yuqori joylashishi kerak. Bu formulada  $R_c$  — keskichning tashqi radiusi, mm;  $\alpha_b$  — tish cho'qqisidagi orqa burchak (8.9-rasm, *a*).


Surishning radial harakati bilan ishlovchi shakldor keskichlarni zagotovkaga nisbatan keskichning orqa burchagi hisoblanuvchi  $\alpha$  burchak ostida qiya o'rnatiladi. Keskich cho'qqisi qat'iy zagotovka markaziga o'rnatiladi.

Rezba ochuvchi keskichlarning (8.10-rasm) quyidagi shakldagilari mavjud: to'g'ri burchakli, uchburchakli, trapetsiya ko'rnishidagi ichki va tashqi rezbalar ochish uchun xizmat qiladi. Rezba ochuvchi keskichlar qirquvchi tig'ining shakli kesilayotgan rezbalar ko'ndalang kesimining profili va o'lchamlariga mos bo'ladi. Rezba ochuvchi keskichlar sterjenli, yumaloq va prizmatik keskichlarga bo'linadi.

Qattiq qotishmali rezba keskichlarda profil burchagi  $\epsilon$  (plandagi cho'qqi yonidagi burchak) rezba profiliga qaraganda  $30^\circ$  ga kam charxlanadi, chunki kesishning yuqori tezliklarida rezba ochish uning profilining birmuncha buzilishiga olib keladi. Tezkesar po'latlardan yasalgan keskichlarda profil burchagi  $\epsilon$  rezba burchagiga teng.

Prizmatik rezba ochuvchi keskichlar o'ramalarining ko'tarilish burchagi uncha katta bo'limgan uchburchakli tashqi rezbalar qirqishda qo'llaniladi. Bunday kesich kesimida tegishli rezba profili bo'lgan prizmatik ustunchadan iborat. Ustuncha (kesich) doimiy orqa burchagi  $\alpha=15^\circ$  bo'lgan maxsus tutkichga mahkamlanadi.

Yumaloq rezba ochuvchi keskichlar yoki grebenka (taroq)lar yirik seriyali va ommaviy ishlab chiqarish sharoitlarida qo'llanadi. Rezba ochuvchi grebenka (taroq)lar qirqilayotgan rezba profiliga mos bo'lgan bir necha rezba kesichning birlashtirilganidan iborat. Dastlabki ikki kesich  $\phi = 25\dots30^\circ$  burchak ostida qirqilgan bo'lib, kesuvchi qismni, qolganlari kalibrlovchi qismni tashkil etadi. Grebenkali kesichlardagi o'rmlar grebenka o'rtasida zo'riqishning bir tekis bo'lishini ta'minlaydi va rezba qirqishda eng kam o'tishlarni talab etadi, bu esa jarayoning samaradorligini ancha oshiradi.



**8.10-rasm.** Rezba ochuvchi kesich.

## 8.2. Raqamli boshqarish dasturi bo'lgan dastgohlar uchun kesichlar

Raqamli boshqarish dasturi (RBD) bo'lgan dastgohlar uchun kesichlar muayyan tipli konstruksiyalarga ega. Ularning barchasi yig'iladigan bo'lib, qattiq qotishma, mineral keramika va o'ta qattiq materiallardan yasalgan ko'p qirrali plastinkalar bilan jihozlangan. RBDli dastgohlar uchun kesichlar quyidagi talablarga javob berishi kerak:

1) asbob korpusiga mexanik mahkamlangan qayta charxlanmaydigan plastinkalardan iloji boricha uzoq vaqt foydalanish. Bu uning konstruktiv va geometrik parametrlarining doimiyligini ta'minlaydi;

2) plastinkalarning eng ratsional, asbobning universalligini ta'minlovchi shakllaridan foydalanish, ya'ni bitta keskich bilan ko'p sonli detaldagi turli xil yuzalarga ishlov berish;

3) asbobning asosiy biriktiruvchi o'lehamlarini bir tizimga solish imkonini berishi; plandagi turli burchakli keskichlar aynan bir xil asosiy koordinatalarga ega bo'lishi kerak, bu texnologik operatsiyalarni programmalashtirish uchun qulaylik yaratadi;


4) barcha asboblarni to'g'ri va ag'darilgan holatlarda ishlashiga yo'l qo'yish;

5) chapaqay keskichni qo'llashni ko'zda tutish;

6) asbobning, xususan, keskichga qo'yiladigan qismlarning qo'l bilan boshqariladigan dastgohlar uchun mo'ljallangan universal asbobga qaraganda yuqori aniqlikda ishlashini ta'minlash; bu asbob ishini dastlabki yo'lga qo'yishning aniqliagini oshirish va asbob dastgohga yoki keskich blokiga mahkamlangandan keyin uni „o'lehamga“ qo'yish uchun zarurdir;

7) qirindini qoniqarli tarzda shakllantirish va qattiq qotishmaning pishirilishi va jipslanishi jarayonida hosil bo'lgan yoki plastinkaning old yuzalarida olmos charx bilan o'yilgan chuqur izlar bo'ylab haydash.

RBD li tokarlik dastgohlari uchun asboblarni majmuasiga, odatta, quyidagi keskichlar kiradi (8.11-rasm).



**8.11-rasm.** RBD dastgohlariда almashinuvchi ko'p qirrali plastinkali tokarlik keskichlari bilan asosiy yuzalarga ishlov berish chizmasi.

1 –  $\varphi = 40^\circ$  li o'naqay qayrilgan o'tuvechi keskichlar, ular bilan tashqi yo'nish, chekkalarni kesish, ariqcha yo'nish, faskalar olib tashlash mumkin;

2 –  $\varphi = 9\dots95^\circ$  li parallelogramm shaklidagi plastinkalari bo'lgan konturli keskichlar, ular bilan detalni silindri va konusi bo'ylab yo'nish, teskari konusni yo'nish, radiusli yuzalarga va galtellarga ishlov berish, detalning markazidan tashqi diametriga qarab yo'nalgan harakat bilan chekkalarini yo'nish kabi ishlarni amalga oshirish mumkin;

3 –  $\varphi = 63^\circ$  li parallelogramm shaklidagi plastinkalari bo'lgan konturli keskichlar, ular yordamida yarim sferali yuzalar va konuslarga ishlov berish mumkin;

4 – qamrab tutkich yordamida yuqoridan mahkamlangan romb shaklidagi plastinkali rezba ochuvchi keskichlar. Bu keskichlar bilan 2 mm dan 6 mm gacha bo'lgan qadamli rezbalar ochiladi. Profil burchagi plastina shakli bilan ta'minlanadi;

5 – ichki rezbalar ochish uchun keskichlar, qadami 2 mm gacha bo'lgan toretsiga yaqin joyda rezba ochish imkonini beradi;

6 – ochiq teshiklar va ariqchalarni yo'nishda ishlatalidigan,  $\varphi = 95^\circ$  li romb shaklidagi plastinkalari bo'lgan yo'nib kengaytiruvchi keskichlar;

7 – diametri 22 mm va undan ortiq teshiklarni yo'nishga imkon beruvchi,  $\varphi = 92^\circ$  li yo'nib kengaytiruvchi keskichlar;

8 – tashqi yo'nish, detallarning chetlarini yo'nish, ariqchalarni yo'nish, faskalar olib tashlash uchun kvadrat plastinkali  $\varphi = 45^\circ$  li o'tuvechi chapaqay keskichlar;

9 – kengligi 1 dan 6 mm gacha, chuqurligi kengligiga teng bo'lgan tashqi to'g'ri ariqchalarni yo'nish uchun keskichlar. Maxsus shakldagi plastinkalar, qamrab tutkichlar yordamida mahkamlanadi;

10 – silindrik va shakldor yuzalarini yo'nishga imkon beruvchi konturli uch qirrali to'g'ri shaklga ega plastinkali,  $\varphi = 93^\circ$  bo'lgan keskichlar. Bularning afzalligi shundaki, bularda parallelogramm shaklidagi plastinkali keskichlardagi singari ikkita emas, balki uehta ish cho'qqisidan foydalilanadi. Biroq bunda plastinkalarning mahkamlanish bikrili kamayadi;

11 –  $\varphi = 63^\circ$  li, uch qirrali shakldagi plastinkaga ega konturli keskichlar;


12 – qadami 2 mm gacha bo'lgan tashqi rezbalar qirqish uchun rezba ochuvchi keskichlar. Qirquvchi to'g'ri burchakli plastina tutkichga qamrab ushlagich yordamida mahkamlanadi. Keskich cho'qqisining profili plastinkani rezba profili burchagiga teng burchak ostida charxlab ta'minlanadi;

13 – pog'onali yuzalar, faskalar, toreslarni tashqi diametr dan detal markaziga yo'nalgan harakat bilan yo'nishga imkon beruvchi,  $\varphi = 93\dots95^\circ$  li uch qirrali noto'g'ri shakldagi plastinkali o'tuvechi tirama keskichlar.

---

RBD li dastgohlarda uch ijrodagi keskichlar qo'llanadi: 1) to'liq o'lchamli; 2) keskich-ko'yimalar; 3) elementlari rostlanadigan kaltalashtirilgan keskichlar.

Barcha ijrodagi to'liq o'lchamli keskichlar ishlab chiqarishda, asboblar bloklari bo'lgan dastgohlarda (ularda asbob dastgohdan



**8.12-rasm.** Tokarlik keskichlari:

a –to'la o'lchamli o'tuvchi; b –rostlanadigan vintli keskich-qo'yma;  
d –kaltalangan keskich-qo'yma.


tashqarida sozlanadi) yoki supportli dastgohlarda (8.12-rasm, a) keng qo'llanadi.

To'liq o'lchamli keskichlar kabi keskich-qo'ymlar konstruktiv jihatdan istalgan shakldagi plastinali qilib ishlanishi mumkin. Quyma toretsidagi vint keskichni osongina rostlash imkonini beradi (8.12-rasm, b).


Unifikatsiyalangan, kaltalangan keskich-qo'ymlar (8.12-rasm, d) opravkalarda turli-tuman biriktirish usullarida mahkamlanadi. Keskich qo'ymlarning plandagi turli burchaklilari, plastinkalarning turli parametrlari va ularni korpuslarda mahkamlash usullari: vintlarsiz rostlovchi prizmatik; keskichlarning ko'ndalang va o'q bo'ylab rostlash uchun vintlar bilan sozlangan turli konstruktiv ijrolari mavjud.

Diametri aniqligi 0,05...0,01 mm bo'lgan, yo'nib kengaytiruvchi keskichlarning ishini rostlash uchun quloch mikrometrik rostlanadigan keskich-qo'ymalardan foydalilanadi (8.13-rasm). Bunday qo'ymlar yo'nib kengaytiruvchi opravkaning uyasiga o'rnatiladi.

Keskich 5 mahkamlangan tutkich 6 „o'lchamga qo'yish“ paytida limb 7 aylanganda vtulka 8 da siljiydi. Shponka 4 tutkichning burilishiga to'sqinlik qiladi. Tutashgan joylardagi tirqishlarni bartaraf qilish uchun likopchasimon prujinalar to'plami 3 bo'lib, u vtulka 8 ning ariqchasida joylashgan. Prujinalar tutkichga burab kiritilgan vtulka 1 bo'rtig'iga tiraladi va uni pastga siljitishtga intiladi. Vint 2 keskichni o'lchamga dag'al rostlab qo'yish uchun xizmat qiladi. Bo'linmalar qiymati 0,01 mm bo'lgan limbni burish orqali aniq rostlanadi. Vtulka 8 toretsida nonius bo'lib, u keskich siljishini 1 mkm aniqlikkacha hisoblash imkonini beradi. O'lcham 0,5 mm dan ortiq o'zgarganda, vint 2 dan foydalilanadi.



**8.13-rasm.** Yo'nib kengaytiruvchi opravkaga mikrometrik qo'yma.



**8.14-rasm.** Uchburchak shaklidagi plastinali keskichlarni qo'llash sxemasi.

Amalda yo'nishning turli xillari uchun bir xil shakldagi plastinali tutkichlarni qo'llab, keskichlar nomenklaturasini cheklashga harakat qilinadi (8.14-rasm).

Asbobsozlik ishlab chiqarishi to'g'ri yo'lga qo'yilganda, almashtiriladigan ko'p qirrali plastinali asboblarni qo'llash orqali katta texnik-iqtisodiy samaraga erishish mumkin: kavsharlangan keskichlarga nisbatan turg'unlik 25...30% oshadi; qattiq qotishmani kavsharlashga va asbobni qayta charxlashga hojat qolmaydi; qattiq qotishma tejaladi; bitta tutkichda turli rusumdagи qattiq qotishmalardan yasalgan plastinalardan foydalanish mumkin bo'ladi (ishlov berilayotgan materialga bog'liq ravishda) jumladan, volframsiz qattiq qotishmalar va yeyilishga chidamli qoplamlari ko'p qirrali plastinalardan; plastina almashtirilayotganda yoki aylantirilganda ish balandligi o'zgarmaydi; kesuvchi tig' uzunligining o'zgarmasligi; ish cho'qqilari koordinatalari va qirquvchi tig'ning tayanch yuzalarga nisbatan o'zgarmasdan qolish.

### 8.3. Kesish rejimlarini tanlash tartibi

Kesish chuqurligi, surish, kesish tezligi va asbob turg'unlik davri qiymatlarining yig'indisi *kesish rejimini* tashkil etadi. Ishlov berilayotgan detal sifatiga qo'yiladigan barcha talablar bajarilganda, ular eng kam tannarx bilan bajarilgan operatsiya uchun mumkin bo'lgan eng yuqori samaradorlikni ta'minlaganda, kesish rejimlari oqilona bo'ladi. Kesish rejimi parametrlari o'zaro bog'langan va shuning uchun qolgan boshqa rejimlarni tegishlicha o'zgartirmay

turib, ularning hatto bittasini ham o'zboshimchalik bilan o'zgartirish mumkin emas. Rejimlarni tanlash va tayinlash paytida barcha parametrlarning qiymatlarini foydalanilayotgan metall kesish dastgohida realizatsiya qilish maqsadida uning imkoniyatlarini hisobga olgan holda tegishlichcha muvofiqlashtirishni amalga oshirish zarur.

Kesish rejimi elementlarini tayinlash izchilligining asosiy qoidalari ishlab chiqilgan. Samaradorlikni oshirish uchun asbob turg'unligining berilgan davrida kesilayotgan qatlarning mumkin qadar katta yuzalarini bilan  $\tau \times S$  va mazkur kesim yuzasiga mos keluvchi kesish tezliklarida ishlash kerak.

Shunday qilib, kesish rejimini tayinlashda:

1) mumkin qadar eng yuqori texnologik yo'l qo'yilgan kesish chuqurligi beriladi;

2) tanlangan kesish chuqurligida eng yuqori texnologik yo'l qo'yilgan uzatish tayinlanadi;

3) tanlangan kesish chuqurligi va surishga ko'ra asbobning turg'unlik davrining muayyan kattaligi olinib, yo'l qo'yilgan kesish tezligi aniqlanadi.

Kesish tezligi mazkur texnologik operatsiyani bajarishga qoldirilgan metall qo'yimi bilan bog'liq. Qo'yimni asbobning bir ish o'tishida olib tashlash maqsadga muvofiqdir. Dastgoh yetarli quvvatga ega bo'lmaganda va ishlov berilgan yuzaning o'lehamlari va sifatiga yuqori talablar qo'yilganda qo'yim, asbobning bir necha ish yurishida olib tashlanadi.

Xomaki ishlov berishda zagotovkaning o'lehamlari va tayyorlanish usullari bilan qo'yim 7 mm dan ortiq bo'lishi mumkin. Kesish tezligining ayrim muvozanat qiymatlari ortitilganda butun DMAD (dastgoh-moslama-asbob-detali) tizimida tebranishlar paydo bo'lishi mumkin. Shu sababli, qo'yim .7 mm dan ortiq bo'lganda, uni asbobning ikki yoki ko'proq o'tishda kesiladi, bunda kesish chuqurligi har bir o'tishda bir xil bo'lishi yoki izchil kamaytirilishi mumkin.

Qisman tozalab ishlov berishda qo'yim 0,5...5 mm atrofida o'zgaradi. Tozalab ishlov berishda qo'yim 0,5 mm dan ortiq bo'lmaydi.

Mexanik ishlov berish samaradorligini oshirish uchun yo'l qo'yilgan surishning eng katta qiymatini tayinlash maqsadga muvofiqdir. Yo'l qo'yiladigan surishning eng yuqori qiymati, odatda, quyidagilar bilan chegaralanadi: effektiv quvvat yoki dastgohning aylantirish momenti; dastgoh surish mexanizmi

zaif zvenosining mustahkamligi; ishlov berilayotgan zagotovkaning bikrili; asbobning mustahkamligi va bikrili, ishlov berilgan yuzaning g'adir-budurligi.

Xomaki ishlov berishda surish tezligi  $S = 0,4 \dots 0,7 \text{ mm/ayl}$  atrosida tanlanadi, ammo bunda u albatta, dastgoh surish mexanizmlari detallarining mustahkamligi, ba'zan esa zagotovkaning mustahkamligi va bikrili jihatidan tekshirib ko'rildi.

Qisman tozalab ishlov berishda surish  $S = 0,1 \dots 0,4 \text{ mm/ayl}$  atrosida belgilanadi.

Qisman tozalab ishlov berishda surish berilgan aniqlik va ishlov berilgan yuza g'adir-budurligi bo'yicha aniqlanadi. Bunda surish quyidagi formuladan hisoblanadi:

$$S = C_s R_z^m r_b^n / t^r \varphi^x \varphi_z^y, \quad (8.1)$$

bu yerda:  $C_s$  – ishlov berilayotgan material xossalariiga bog'liq koefitsiyent;  $R_z$  – ishlov berilgan yuza g'adir-budurligi parametri;  $r_b$  – keskich cho'qqisidagi mahkamlash radiusi;  $x$ ,  $y$ ,  $z$ ,  $n$  – daraja ko'rsatkichlari.

Hisoblangan yoki tanlangan surish kattaligi dastgohning pasport ma'lumotlari bo'yicha  $S \leq S_{\text{pasport}}$  shartiga muvofiq tuzatiladi. Kesish chuqurligi va surishni shu tariqa tanlab, kesish tezligi ushbu tenglama bo'yicha aniqlanadi:

$$v = \frac{C_v}{T^{m_f} n^m (HB/200)^n} K_u, \quad (8.2)$$

bu yerda:  $C_v$  – ishlov berish sharoitlari va xarakterini hisobga oluvechi koefitsiyent;  $T$  – keskich turg'unligi, bu ma'lumotnomaga materiallarining tavsiyalariga ko'ra bajarilayotgan operatsiya va asbobsozlik materiali tabiatiga bog'liq holda belgilanadi,  $HB$  – ishlov berilayotgan materialning qattiqligi, HB/200 nisbat birdan kam farq qilishi tusayli (8.2) tenglamadagi ifodalar tartib bo'yicha qiyoslanadigan son qiymatlariga ega bo'llishi uchun HB/200 nisbat bilan olinadi;  $K_u$  – ishlov berish sharoitlariga tuzatish koefitsiyenti;  $m$  – nisbiy turg'unlik ko'rsatkichi;  $x_v, y_v, n_v$  – daraja ko'rsatkichlari.

Hisoblab chiqilgan kesish tezligi  $V_{\text{his}}$  bo'yicha ishlov berilayotgan zagotovkaning berilgan diametri  $D$  uchun dastgoh shpindelining aylanish chastotasi  $n=1000v/\pi D$  (ayl/min) tenglama ko'ra aniqlanadi.

Shpindel aylanish chastotasining qiymati dastgoh pasporti bo'yicha tuzatiladi. Shpindel aylanishining ish chastotasi dastgoh tezliklari qutisi tomonidan ta'minlanadigan qiymatlar sonidan

olinadi, bunda hisoblangan aylanish chastotasi  $n_{idas.} < n < n_{(i+1) das.}$  chastotalar oralig'ida joylashishi mumkin. Bunda shpindel aylanish chastotalarining kattaroq va kichikroq qiymatlarini tanlash mumkin bo'lganligi tusayli, mazkur tanlash mantiqiy mulohazalarga bo'yundirilishi, ishlov berilayotgan detallarning sifati va ishlov berish samaradorligiga qo'yiladigan talablarni hisobga olishi lozim.

Shpindel aylanishining tanlangan chastotasi  $n$ , ayl/min, bo'yicha amaldagi kesish tezligi  $v = \pi Dn / 1000$ , m/min, hisoblab topiladi.

Surish, kesish chuqurligi va kesish tezligining to'g'ri tanlanishi dastgoh quvvatidan kelib chiqib tekshirib ko'rildi. Kesishga sarflanadigan effektiv quvvat quyidagi formula bo'yicha hisoblanadi:

$$N_e = \frac{P_z V}{60 \cdot 10^2}, \text{ kBt.} \quad (8.3)$$

$N_e$  – kesish jarayonini amalga oshirish uchun bevosita sarflanadigan effektiv quvvat bo'lib, umumiy holda kesish jarayonida kesish kuchining  $R$  barcha  $P_x$ ,  $P_y$ ,  $P_z$  tashkil etuvchilari tomonidan sarflangan quvvatining yig'indisidir (7.1-rasm). Kesish kuchining o'qiy tashkil etuvchisining quvvati  $N_{ex} = P_x n S$ , bu yerda  $n$  – ishlov berilayotgan detalning aylanish chastotasi;  $S$  – bo'ylama surish. Kesish kuchlari radial tashkil etuvchisining quvvati  $N_{ey} = -P_y V \cos 90^\circ = 0$ , chunki  $\vec{P}_y$  vektor  $\vec{V}$  vektorga perpendikulardir. Yo'nalishi kesish yo'nalishiga mos bo'lgan vertikal tashkil etuvchi  $P_z$  ning quvvati  $N_{ez} = P_z V$  tenglama bilan aniqlanadi. Shunga ko'ra effektiv quvvat mazkur tenglamalardan foydalanilgan holda  $N = N_{ex} + N_{ey} + N_{ez} = P_x n S + P_z V$  tarzda aniqlanadi. Surish tezligi  $nS$  ko'paytmasi bilan ifodalanib, kesishning aylana tezligi  $V$  dan qariyb ikki yuz marta kichik bo'ladi. Shu sababli,  $N_{ex}$  quvvat barcha sarflangan effektiv quvvatning 2% ga yaqinini tashkil etadi. Effektiv quvvatning asosiy qismi  $N_{ez}$  tashkil etuvchiga to'g'ri keladi. Shu bilan bog'liq ravishda effektiv quvvatni hisoblash,  $R$  kattalik o'rniga kesish kuchlarining  $P_z$  tashkil etuvchisi shartli qabul qilingan tenglama (8.3) bo'yicha amalga oshiriladi. Metall kesish dastgohi kinematik zanjirlarining foydali ish koefitsiyenti  $\eta > 1$  ni hisobga olganda elektr dvigatel quvvati quyidagi formula bo'yicha aniqlanishi mumkin:

$$N_{ed} = \frac{N_e}{\eta}. \quad (8.4)$$

Hosil qilingan quvvat dastgoh elektr dvigateli quvvatidan ortiq bo'lmasligi kerak:

$$N_{ed} \leq N_{ed \text{ dast.}}$$

Ko'p keskichli tokarlik dastgohlari va yarim avtomatlarda, agregatli, ko'p maqsadli dastgohlarda bir emas, bir necha asboblar ishlaydi, bu esa asbobdan foydalanish bilan bog'liq chiqimlarni ko'paytiradi. Shuning uchun ko'p asbobli ishlov berishda kesish rejimi elementlari maxsus usulda aniqlanadi.

#### **8.4. Kesish jarayonini optimallashtirish**

Asbobning optimal ish rejimlarini aniqlash mashinasozlik sohasida muhim texnik-iqtisodiy masala hisoblanadi. Mashinasozlik ishlab chiqarishining keng miqyosda avtomatlashuvi, raqamli boshqarish programmasi bo'lgan dastgohlarning, avtomatik liniyalarning, ko'p operatsiyali dastgohlarning qo'llanishi, shu bilan birga, odatda, kesib past ishlov beriladigan yangi materiallarni keng foydalanish bilan mazkur vazifaning ahamiyati yanada ortadi.

„Optimal“ so'zi keng ma'noda ayrim effektivlik mezonini nuqtayi nazaridan eng yaxshi degan ma'noni anglatadi. Bunday izohlashda har qanday asoslangan tizim optimal bo'lib chiqadi, chunki qandaydir tizimni tanlashda uning qandaydir jihatdan boshqa tizimlarga nisbatan yaxshiroqligi anglanadi. Tanlash uchun olingan mezonlar (optimallik mezonlari) har xil bo'lishi mumkin.

Hisoblab chiqilgan yoki tayinlangan turli kesish rejimlarini qo'llagan holda metallarga kesib ishlov berilganda yetakechi omillar sifatida quyidagilar olinadi: tannarxning eng kam miqdori, bir smenada bajariladigan eng ko'p ish, ishlov berilgan yuzalarning sifati va aniqligi, asbobning turg'unlik davri, ishlov berilayotgan hudduddagi harorat, o'ng chekka kesish kuchini, asosiy yuritma elektr dvigateli quvvatidan to'liq foydalanish va hokazo. Turli ishlab chiqarish sharoitlarida yuqorida tilga olingan omillar optimallashtirish mezonlari, ya'ni ekstremal yoki eng so'nggi chegara qiymatlari hamda optimallashtirish mumkin bo'lgan sharoitlar, chegaralarni aniqlaydigan chekllovchi omillar sifatida namoyon bo'lishi mumkin.

Metallarni kesish nazariyasi rivojining ilk bosqichlarida olish mumkin bo'lgan axborot hajmi cheklanganligi tufayli optimallik muayyan ma'noda ishlov berish jarayonini boshqarish muammosini hal qilishda ichki sezgi va tajriba asosida qabul qilingan. Hozirgi paytda kiritilayotgan axborot hajmi shunchalar ulkanki, mazkur axborotlarni muayyan bir qaror qabul qilish maqsadida qayta ishlash avtomatlashni joriy etmasdan turib mumkin emas. Optimal yechimni qabul qilish masalasini hal etishda yana ham katta qiyinchiliklar yuzaga keladi.

Matematik programmalashtirishning mazmuni chiziqli yoki chiziqli bo'limagan cheklashlar (tenglik va tengsizliklar) bilan belgilanadigan funksiyalarning ko'pgina ekstremumlarini topish haqidagi masalani hal etishning nazariya va usullaridan iborat. Matematik programmalashtirish masalalari ishlab chiqarish jarayonlarini loyihalash va boshqarish muammolarini hal etishda shu jumladan, kesish jarayonining avtomallashtirilgan boshqaruvida va uning texnologik tayyorlanishini loyihalashda qo'llanilmoqda.

Kesib ishlov berish jarayonini optimallashtirishda quyidagi asosiy bo'limlar ajratiladi va ular matematik programmalashtirishdagi modellarning an'anaviy tasnifiga mos keladi: 1) chiziqli programmalashtirish, bunda maqsadli funksiya (yoki optimallashtirish mezonii) chiziqli, maqsadli sumksiya ekstremumi izlanadigan ko'plik esa tengsizliklarning chiziqli tengliklari tizimidan beriladi; 2) chiziqli bo'limagan programmalashtirish, bunda maqsadli funksiya va cheklashlar chiziqli emas; 3) yaxlit sonli programmalash, bunda o'zgaruvchilarga yaxlit sonlilik sharti qo'yiladi.

Kesish jarayonining optimal boshqariluvchi parametrlarini tanlash vazifasining matematik jihatdan qo'yilishi chiziqli programmalashtirish vazifasi sifatida quyidagilardan iborat:

$$\min \sum_{i=1}^n c_i r_i \text{ ni topish,} \quad (8.5)$$

cheklashlarni bajarishda

$$r_i \geq 0, \quad (i = 1, n) \quad (8.6)$$

$$\sum_{j=1}^m a_{ij} r_i \geq b_j, \quad (j = 1, m), \quad (8.7)$$

bunda:  $n$  — boshqariluvchi parametrlar yoki o'zgaruvchilar soni;  $m$  — masalaning cheklashlar soni;  $a_{ij}$  va  $b_j$  — konstantalar.

Kesish tezligini optimallashtirish masalasini bo'ylama yo'nishda kesish rejimini hisoblash misolida ko'rib chiqamiz. Bunda optimallik mezonii sifatida minimal bo'lgan asosiy texnologik ishlov berish vaqtini qabul qilamiz.

Tenglama  $\lambda_0 = \frac{f}{nS}$  minimal bo'lishi uchun ko'paytma  $nS$  maksimal qiymatga ega bo'lishi kerak. Shuning uchun baholovchi sifatida

$$f = nS = \max \quad (8.8)$$

funksiya qabul qilinishi mumkin.

Jarayonni boshqaruvchi parametrlar koefitsiyentlari bilan darajali funksiyalar cheklashlarni tashkil etadi:

1) keskichning kesish xususiyati

$$V = \frac{C_v K_v}{\gamma^m r_v S^{r_v}} = \frac{\pi D_m}{1000},$$

bundan

$$\pi S^{r_v} = \frac{318 C_v K_v}{D \gamma^m r_v}; \quad (8.9)$$

2) dastgohning effektiv quvvati

$$N_e = \frac{\rho V}{6120} \leq N_{uh},$$

kesish tezligini  $D$  va  $n$  orqali ifodalab quyidagini hosil qilamiz:

$$\frac{C_p K_p \gamma^p S^{r_p} \pi D_m}{6120 \cdot 1000} \leq N_{uh},$$

bundan

$$\pi S^{r_p} \leq \frac{195 \cdot 10^4 N_{uh}}{C_p K_p D \gamma^p}; \quad (8.10)$$

3) ishlov berilgan yuza g'adir-budurligining yo'l qo'yiladigan balandligi

$$R_c = \frac{C_R \gamma^R S^{r_R} R_{\phi} \phi^R R_{\psi} \psi^R}{\gamma^R} \leq R_{c, val, q},$$

bundan

$$S^{r_R} \leq \frac{R_{c, val, q} \gamma^R}{C_R \gamma^R (\phi \psi)^R}; \quad (8.11)$$

4) dastgoh surish mexanizmi uzellarining mustahkamligi yo'l qo'yadigan eng katta kuch

$$P_x = C_{p_x} K_{p_x} \rho^{r_p} S^{r_p} \leq P_{mn},$$

bundan

$$S^{r_p} \leq \frac{P_{mn}}{C_p K_p \rho^{r_p}}; \quad (8.12)$$

5) dastgohning minimal surish tezligi  $S \geq S_{dast, min}$ ; (8.13)

6) dastgohning maksimal surish tezligi  $S \geq S_{dast, max}$ ; (8.14)

7) dastgoh shpindeli aylanish sonining minimal miqdori  
 $n \geq n_{\text{dast min}}$ ; (8.15)

8) dastgoh shpindeli maksimal aylanish miqdori  $n \leq n_{\text{dast max}}$ ; (8.16)

Cheklashlar tizimi va baholash funksiyasini chiziqli programmalashtirish masalasiga aylantirish uchun, o'ng va chap qismalarini logarifmlash kerak (8.8)...(8.16). Natijada quyidagini hosil qilamiz:

$$f = \ln n + \ln S = \max$$

$$\ln n + J_v \ln S = \ln \frac{318 C_v K_v}{D T^{\mu} r^{\nu}};$$

$$\ln n + J_p \ln S \leq \ln \frac{195 \cdot 10^4 N_{\text{edust}}}{C_{p_z} K_{p_z} D r^{1/2}};$$

$$J_R \ln S \leq \ln \frac{R_{z, \text{int}, q}^{\mu z}}{C_R r^{1/R} (\varphi \varphi_1)^{1/R}};$$

$$J_{p_x} \ln S \leq \ln \frac{P_{\text{min}}}{C_{p_x} K_{p_x} r^{1/p_x}};$$

$$\ln S \geq \ln S_{\text{dast min}};$$

$$\ln S \leq \ln S_{\text{dast max}};$$

$$\ln n \geq \ln n_{\text{dast min}};$$

$$\ln n \leq \ln n_{\text{dast max}}.$$

$\ln n = x_1$ ,  $\ln S = x_2$  va ifodaning o'ng tomonlarini  $b$  orqali tegishlichcha indekslar bilan belgilab, optimal kesish rejimining matematik modelini hosil qilamiz:

$$f = x_1 + x_2 = \max. \quad (8.17)$$

$$x_1 + J_v x_2 = b_1;$$

$$x_1 + J_p x_2 \leq b_2;$$

$$J_R x_2 \leq b_3;$$

$$J_{p_x} x_2 \leq b_4;$$

$$x_2 \geq b_5;$$

$$x_2 \leq b_6;$$

$$x_1 \geq b_7;$$

$$x_1 \leq b_8.$$


(8.18)

Kesib ishlov berishning aniq operatsiyalarini izchil tayyorlashni bir necha bosqichda o'tkazish lozim, ular quyidagilardan iborat: asbobni tayinlash (kesuvchi qismining materialini va geometrik parametrlarini); umumiylar qo'yimni har biri ish yurishiga bo'lib chiqish; mazkur yurishlarning har biri uchun texnologik talablarni tayinlash; chiziqli dasturlashtirishning qator masalalarini yechish orqali, har biri ish yurishi uchun optimal rejimlarni tayinlash.

Kesishning optimal rejimi matematik modelining geometrik talqini 8.15-rasmida ko'rsatilgan.

$x_1, x_2$  koordinatalar sistemasida I...VIII chiziqlar tegishlichcha cheklov-chi bog'lanishlar tenglamasini tasvirlaydi. Kesishuvda ular  $i$  nuqtalar sonini aniqlab beradi. Parallel to'g'ri chiziqlarning kesisha olmasligi tufayli to'rt nuqtani chiqarib tashlagan holda sakkiz elementning ikkitadan biri bilan belgilanadigan miqdorni ko'rsatadi  $i = C_{8-4}$ .

Mazkur nuqtalar orasida shundaylari ham borki, ular qo'yilgan cheklashlarning barcha tenglamalarini qanoatlantiradi. Abssissa o'qiga  $45^\circ$  burchak ostida og'dirilgan IX uzuq chiziq bilan, optimal-lashtirish lozim bo'lgan, baholash funksiyasi tasvirlangan. Agar cheklashlar tizimi qarama-qarshi bo'lmasa, unda sistemaning mumkin bo'lgan yechimlar sohasi  $x_1, x_2$  koordinatalarda qavariq ko'pburchak tarzida chizilgan. Ko'pburchak cho'qqilarining koordinatalari sistema tenglamalarining hamkorlikdagi yechimining ildizidir, ko'pburchak ichidagi nuqtalar esa barcha cheklashlarni qanoatlantiradi. Cheklashlar sistemasining ko'plab yechimlari orasidan optimal yechimni topish uchun ko'pburchak nuqtalari orasidan shunday nuqtalarni topish kerakki, ular uchun baholovebi funksiyaning chiziqli shakli eng yuqori qiymatga ega bo'lsin. Masalan, shtrixlangan ABCDE ko'pburchagi yechimlar ko'pbur-



**8.15-rasm.** Kesib ishlov berishda optimallashtiruvchi parametrlarning yo'l qo'yilish sohasi.

chagi bo'lsin, deylik. U shiindel aylanishlari sonining eng kam miqdori chiziqlari va eng kam surish miqdori, surish chizig'i, ishlov berilgan yuza g'adir-budurligining yo'l qo'yiladigan balandligi, keskichining kesish qobiliyati va dastgohning effektiv quvvati chiziqlari bilan cheklangan.  $\mathcal{L}$  to'g'ri chiziqni koordinatalar boshidan o'ziga parallel holda ko'pburchakning  $A$  nuqtasiga siljitsa, baholovchi funksiyaning chiziqli shakli o'zining minimal qiymatiga ega bo'ladi. Siljitisht davom ettirilganda chiziqli shakl o'sib boradi va koordinatalari  $x_{1\text{opt}}$  va  $x_{2\text{opt}}$  bo'lgan  $C$  nuqtada maksimal qiymatga erishadi. Mazkur koordinatalar shu tarzda sistemaning optimal yechimiga mos bo'ladi.

Masala EHM yordamida yechilganda, avvalo, to'g'ri chiziqlar barcha kesishuv nuqtalarining  $x_1$  va  $x_2$  koordinatalari tenglamalar sistemasi ildizlari formulasi bo'yicha aniqlanadi. Keyin  $x_1$  va  $x_2$  ning qaysi qiymatlari tizimning barcha cheklash tenglamalarini qanoatlantirishi aniqlanadi. Oxirida ko'pburchakning koordinatalari aniqlanadiki, buning uchun ularning yig'indisi maksimal qiymatga ega bo'ladi:

$$\begin{aligned} x_{1\text{opt}} + x_{2\text{opt}} &= \max \\ x_{1\text{opt}} = \ln n_{\text{opt}}, \quad x_{2\text{opt}} = \ln S, \end{aligned}$$


shuning uchun

$$n_{\text{opt}} = e^{x_{1\text{opt}}}, \quad S_{\text{opt}} = e^{x_{2\text{opt}}}$$

bo'ladi.

Ko'pincha chiziqli programmalash masalasining ekstremumini topish, masalani aniqlash sohasining chekka nuqtalarini yoki ko'pburchak cho'qqilarini topishga yo'naltirishni ko'zda tutadi. Bu g'oya simpleks-usulda o'z ifodasini topgan, ancha ishlangan va keng tarqalgan bu usul yo'l qo'yiluvchi sohaning eng chekka nuqtasini (yoki ko'pburchak cho'qqisini) topish haimda u maqsadli funksiyaning ekstremum nuqtasi ekanligini aniqlash imkonini beradi. Agar u ekstremum nuqta bo'lmasi, u holda qo'shni cho'qqiga o'tish ta'minlanadi va bunda maqsad funksiyasining qiymati ilgarigidan kattaroq (yoki kichikroq) bo'ladi. Shu tariqa yechimni topish uchun yaqinlashtiruvchi qadam qo'yiladi. Masalalarning yechimi qadamlarning so'nggi sonidan keyin topiladi yoki mavjud emas deb tan olinadi (masalan, masalaning cheklashlari mos kelmaganda). Chiziqli programmalash masalasi uchun ekstremumni topish usulining tugalligi uning eng muhim xususiyatidir, chunki,

ancha murakkab masalalarini, jumladan, chiziqli bo'lmagan programmalash masalalarini yechish usullari tugal emas va shundan kelib chiqib ular faqat taxminiy yechimlarning bera oladi. Amalda jarayon modeliga kiruvechi tengsizliklarning barchasini (8.8)...(8.16) ko'rinishlarda taqdim etish mumkin emas. Agar funksiyalarning hech bo'lmagananda bittasi darajali funksiyadan farq qilsa, u holda model chiziqli bo'lmagan programmalash modeliga mansub emas. Jumladan, agar regressiv tahlil usullari orqali biz (8.8)...(8.16) funksiyalardan biri uchun ikkinchi tartibdagi polinomni hosil qilsak, unda chiziqli bo'lmagan programmalash masalasiga ega bo'lamiz.



**8.16-rasm.** Kesish jarayonini optimallashning model va usullari sistemasi.

Boshqaruvning turli masalalarini yechish uchun turli sinflarga mansub EHM lardan foydalanishning shunday taxminiy chizmasi taklif etiladi [11] (8.1-jadval).

Matematik jihatdan optimal loyihalash, asosan, chiziqli bo'l-magan programmalash masalalariga kelib taqaladi. Masalalarning bu sinfi ancha kengroq, ammo chiziqli programmalash masalalaridan murakkabroqdir. Ularning yechilish uslublarini qidirish (iteratsion) usullarga mansubdir.

*8. 1-jadval*

**Kesish jarayonini boshqarish masalalari uchun  
EHM dan foydalanish**

Masala turi	O'zgaruvchanlar soni (masalalarning o'l-chamlli-gigi)	Operativ xotira hajmi, Kbait <i>Davom.</i>									
		mikro EHM		mini EHM				ES EHM			
		32	56	32	64	124	248	512	512	1024	1024 dan ortiq
Rejimlarning normativlar bo'yicha hisobi											
Chiziqli programmalashtirish	2 gacha										
	10 gacha										
	30 gacha										
Chiziqli bo'lma-gan programmalashtirish	2 gacha										
	10 gacha										
	30 gacha										
Real vaqt rejimida diagnos qilish	2										
	2 dan ortiq										

Optimal boshqaruv	2 gacha faza koordinatalari va 10 ta o'zgaruvchanlar										
	2 tadan ortiq faza koordinatalari va 10 ta o'zgaruvchanlar										
Stoxastik programmalashtirish	5 gacha										
	5 dan ortiq										
Stoxastik optimal boshqaruv	2 tagacha faza koordinatalari va 5 ta o'zgaruvchanlar										
	2 tadan ortiq faza koordinatalari va 5 ta o'zgaruvchanlar										

Optimallovchi parametrlar sonining ortishi va kesish jarayonini optimallashtirishning oddiy modellaridan ancha murakkab modellariga o'tish adekvatlikning ortishi bilan bir qatorda EHM ga magnitli tashuvchilardagi operativ tashqi xotira hajmi, ular orasidagi axborot almashinuv, vaqt birligidagi operatsiyalar soni bo'yicha tobora yuqori talablar qo'yadi.

Operativ xotirasi 65 Kbayt gacha bo'lgan shaxsiy foydalanish uchun chiqarilgan mikro EHM larda kesish rejimini tayinlash me'yoriy materiallardan, ya'ni, formulalar bo'yicha hisoblashlar dan hamda chiziqli programmalashtirish modellari bo'yicha, tarkibida uchtadan ortiq o'zgaruvchi bo'lmas optimal kesish rejimlarini tanlashdan foydalangan holda amalga oshiriladi.

Kesish jarayonini optimallashning chiziqli bo'lmas optimal programmalashtirish masalalari singari yechiluvchi (o'zgaruvchilar soni o'ntadan ortiq bo'lmas) masalalari hamda real vaqt rejimida hal etiluvchi diagnostikalash masalalari operativ xotirasi hajmi 512 Kbaytdan kam bo'lmas mini EHM larda yechilishi mumkin.

Kesish jarayonini optimal boshqarish masalalari yoki boshqariluvchi o'zgaruvchanlar soni o'ntadan ortiq bo'lgan chiziqli programmalashtirish masalalari hamda stoxastik programmalash va stoxastik optimal boshqaruv masalalarini bir turkumdag'i, operativ xotirasi hajmi kamida 512 Kbayt bo'lgan, faoliyat tezligi yuqori mashinalarda yechish maqsadga muvofiqdir.

## 9-BOB | Parmalash

### 9.1. Parmalarning vazifasi va asosiy turlari

Parmalash – mashinasozlikda teshiklarga ishlov berishda asosiy va keng tarqalgan texnologik jarayondir. Ishlov berilayotgan zagotovkaning yaxlit materialida ochiq yoki oxiri berk teshiklar hosil qilishda parmalashidan foydalaniladi. Parmalangan teshiklar, odatda, mutlaq to'g'ri silindrik shaklga ega bo'lmaydi. Ko'ndalang kesimda ular oval shaklga, bo'ylama kesimda esa ozgina konussimonlikka ega bo'ladi.


Hosil qilingan teshiklar diametrlari hamma vaqt shu teshiklarni ochgan parma diametridan katta bo'ladi. Parmalar diametri bilan ular hosil qilgan teshiklar diametri o'rtasidagi farq parma diametrining 1% ini tashkil etadi va teshik razbivkasi deb ataladi. Razbivka bo'llishiga sabab parmalarni nosimmetrik charxlash ham parma va parmalash dastgohi shpindeli o'qlarining noo'qdoshligidir.

Parmalashdan so'ng ishlov berish ko'zda tutilmaganda ochilgan teshiklar boltli birikmalar va keyinchalik rezba kesish ko'zda tutilgan hollar uchun qoldiriladi.


Konstruktiv belgilariiga ko'ra: parmalar patsimon tig'li (9.1-rasm), vintsimon yoki spiral (9.2-rasm), chuqur parmalash uchun (9.3-rasm), markazlovchi (9.4-rasm) va maxsus (9.5-rasm) parmalarga bo'linadi.



**9.1-rasm.** Patsimon tig'li parma.



**9.2-rasm.** Spiral parma.




**9.3-rasm.** Chuqur parmalash uchun parmalar.


Patsimon tig'li parmalar konstruksiyasiga ko'ra oddiy, biroq ish unumi, hosil qilingan teshiklarning aniqligi pastligi, qirindi qaytarish sharoitlarining yomonligi sababli juda kam qo'llanadi.

Markazlovchi parmalardan detallar markazida diametri 1 dan 10 mm gacha bo'lgan teshiklar hosil qilishda foydalaniladi.

Chuqur parmalash uchun ( $>10D$ ) maxsus parmalardan foydalaniladi. O'qi to'g'ri chiziqdandan ozgina chetga chiqqan chuqur teshiklar bir qirrali va u o'qqa nisbatan siljitimdan cho'qqili kesish tishli parmalar yordamida hosil qilinadi (miltiq parmasi) (9.3-rasm, a). Bunday surilish parmalash jarayonida duch keladigan konusni hosil qiladi. Mana shu hol hamda parma o'zining yo'naltiruvchi plastinkalari bilan teshikning yon yuzasiga tayanib turishi uning o'qining to'g'ri chiziqdandan kichik og'ishini ta'minlaydi. Chuqur bo'ylab parmaning ish qismiga moylash-sovitish texnologik muhitni uzatiladi, mazkur muhit qaytish yo'lida parmaning tashqi



**9.4-rasm.** Markazlovchi parma.




**9.5-rasm.** Halqasimon parma.

ariqchalari bo'ylab qirindini olib ketadi. Bir qirrali va ikki qirrali parmalar ham qo'llaniladi, ularda qirindi markaziy teshik orqali olib ketiladi (9.3-rasm, b).

Diametri 80...200 mm va undan ortiq bo'lgan ochiq teshiklar halqasimon parmalar bilan ochiladi (9.5-rasm). Bunday parma bilan faqat halqa qismi qirqiladi, teshik markazida esa zagotovka sifatida foydalanishga yaroqli sterjen qoladi.

Parmalarning eng ko'p tarqalgan turi spiralsimon (vintsimon) parmalardir. 9.2-rasmida konussimon quyruqli spiral parma konstruksiyasi ko'rsatilgan. Parma ish qismi  $l_1$ , bo'yincha  $l_2$  va panja  $l_4$  li quyruq  $l_3$  dan tashkil topgan. Ish qismi ikki qismiga bo'linadi: kesuvchi  $l_5$  va yo'naltiruvchi  $l_6$ . Kesuvchi qismida parmaning kesuvchi tig'lari joylashgan. Yo'naltiruvchi qismida ikkita yo'naltiruvchi faskalar (tasma-chalar) bo'lib, ular yordamida parma teshikka markazlashadi. Bundan tashqari, yo'naltiruvchi qismida qirindini teshikdan olib chiqish uchun xizmat qiladigan ikkita spiral qirindi ariqchalar ham bor.




**9.6-rasm.** Spiralsimon parmaning yuzalari va ish qismining tig'i.

9.6-rasmda parma kesuvchi qismining yo'naltiruvchi qismiga o'tish joyi ko'rsatilgan. Old yuza  $l_1$ , qirindi ariqchasing ish bajarmaydigan qismining egi

chiziqli vint yuzasi bilan ohista qo'shilib ketuvchi, chiziqli vintsimon yuzasidan iborat. Orqa yuza 2 konussimon, chiziqli vintsimon yuzali yoki tekis bo'lishi mumkin. Orqa yuzasi o'q bilan muayyan burchak ostida kesishuvchi konussimon yuzanining bir qismini tashkil etuvchi parlilar keng tarqalgan parlalardir. Yordamchi orqa yuza 3 (faska), o'qi parma o'qiga mos, konusligi kichik bo'lgan konussimon yuzanining bir qismini tashkil etadi. Ishqalanishni kamaytirish uchun parma va teshik devori o'rtasida parma suyanchig'i 7 balandligi faskaga nisbatan pastlatilgan. Parmaning asosiy tig'i 4 ni aniq to'g'ri chiziq deb hisoblash mumkin. Orqa yuzalarning kesishuvi natijasida ko'ndalang tig' yoki (peremichka) deb ataluvchi tig' 5 hosil bo'ladi. Agar parmaning orqa yuzalari konussimon shaklda bo'lsa, ko'ndalang tig' ikkilangan qiyshiq chiziqdandan iborat. Yordamchi tig' 6 kichik konuslikka ega konussimon vint chiziqdir. Shunday qilib, parma ikkitadan old, orqa va yordamchi orqa yuzalarga, ikkita asosiy va yordamchi hamda ko'ndalang tig'larga ega.

9.7-rasmda spiralsimon parmaning parametrlari ko'rsatilgan. Asosiy tig'lar plandagi *ikkilangan burchak* deb ataluvchi  $2\phi$  burchak ostida kesishadi. Plandagi ikkilangan burchak asosiy tig'larga parma o'qi orqali parallel o'tuvchi tekislikda asosiy tig'larning proyeksiyalari o'rtasidagi burchakdir. Standart parlalarda plandagi ikkilangan burchakning kattaligi  $120^\circ$  ga teng. Muayyan operatsiya-



**9.7-rasm.** Spiralsimon parmaning geometrik parametrlari.

lar uchun loyihalashtirilgan maxsus parmalarda  $2\varphi$  burchakning kattaligi ishlov berilayotgan detal materialining qattiqligi va mustahkamligiga bog'liq. Bunday hollarda  $2\varphi$  burchak  $90\dots 140^\circ$  oralig'ida bo'ladi.

Parmaning teshikda siqilib qolishining oldini olish uchun, uning yo'naltiruvchi qismi 100 mm parma uzunligining  $0,04\dots 0,1$  mm ni tashkil etuvchi teskari konus shaklida yasaladi.

Burchak  $\psi$  kashak (peremichka) ning *qiyalik burchagi* deyiladi. Bu burchak asosiy tig' va parma o'qiga perpendikular tekislikdagi kashaklar proyeksiyalari o'rtasida joylashgan. Burchak  $\psi$  kattaligi  $50\dots 55^\circ$ .

Burchak  $\omega$  vint ariqchasining *qiyalik burchagi* deyiladi. Bu burchak ariqchaning vint chizig'iga o'tkazilgan urinma bilan parma o'qi o'rtasida joylashgan. Vint yuzasining ma'lum xossalari tufayli vint ariqchasining *qiyalik burchagi* asosiy tig'ning turli nuqtalarida o'zgartirilgan. 9.8-rasmida tekislikda yoyilgan vint chiziqlari tasvirlangan, ular asosiy tig'ning  $R$  radiusli eng chekka nuqtasiga va  $\rho$  radiusli silindrda joylashgan asosiy tig' nuqtasiga mos keladi. Mazkur ariqcha vint chiziqlarining qadami  $H$  ga teng. Ikkita uchburchakni yechib, quyidagilarga ega bo'lamiz:


$$\operatorname{tg}\omega = \frac{2\pi R}{H}; \quad \operatorname{tg}\omega_p = \frac{2\pi\rho}{H}.$$

Ikkinci ifodani birinchiga bo'lib:

$$\operatorname{tg}\omega_p = \frac{\rho}{R} \operatorname{tg}\omega. \quad (9.1)$$

Turli materiallar uchun  $\omega$  burchak  $15\dots 45^\circ$  atrofida qabul qilinadi.

Parmaning old burchagi  $\gamma$  asosiy tig'ga normal bo'lgan tekislikda o'lchanadi. Bu old yuzaga tegib turuvchi tekislik bilan parma o'qiga asosiy kesuvchi tig' orqali parallel o'tuvchi tekislik o'rtasidagi burchakdir. Old burchak old yuzanining  $NN$  normal tekisligi bilan kesishishi natijasida hosil bo'lganligi sababli, uning kattaligi vint yuzasining parametrlari orqali aniqlanadi:



**9.8-rasm.** Ariqcha vint chiziqlarining tekislikda yoyilishi.

$$\operatorname{tg}\gamma \equiv \frac{\rho}{R} \cdot \frac{\operatorname{tg}\omega}{\sin\varphi}. \quad (9.2)$$

Bu formuladan shunday xulosaga kelish mumkin, vint ariq-chasining qiyalik burchagi singari parmaning old burchagi ham asosiy tig' uzunligi bo'ylab o'zgaruvchandir va u tig'ning kashakka yaqinlashuvchi nuqtalarida kichrayadi. Parmalarning chizmalarida old burchak belgilanmaydi, chunki old yuzaning shakli N qadam va vint ariqchasining  $\omega$  qiya burchagi bilan to'liq xarakterlanadi.

Burchak  $\alpha$  parmaning orqa burchagidir (9.7-rasm). Orqa yuzaga urinma tekislik bilan parma o'qiga perpendikular tekislik o'rtasidagi burchak *orqa burchak* deyiladi. Parmaning orqa burchaklari ham o'zgaruvchandir. Ammo, agar old burchak kashakka yaqinlashgan sari kichraysa, orqa burchak esa, aksincha, kattalashadi. Parma chizmasida orqa burchak asosiy tig'ning chekka nuqtasida beriladi, chunki mazkur nuqtada uni o'lchash oson.


Kesish jarayonida parmaning aylanma va ilgarilanma harakati natijasida kesishning vint yuzasi hosil bo'ladi. Shu sababli haqiqiy (kinematik) burchaklar  $\gamma$ ,  $\alpha$  o'zgaradi (9.9-rasm). Old burchak kattalashadi, orqa burchak esa kichrayadi va ular tenglashadi:

$$\gamma_x = \gamma + \mu; \quad \alpha_x = \alpha - \mu.$$

9.9-rasmda chiziq 1 – statikdagи kesish trayektoriyasining yeyilishini ( $S=0$ ); chiziq 2 – kesishning kinematikadagi trayektoriyasi ( $S \neq 0$ )ni ko'rsatadi. Kinematikadagi kesish tekisligi 2 statikadagi kesish tekisligi 1 ga nisbatan  $\mu$  burchakka burilgan bo'lib, quyidagiga teng:

$$\operatorname{tg} \mu = \frac{S}{\pi D},$$

bunda:  $S$  – parmaning surilish tezligi;  $D$  – parma kesuvchi tig'ining mazkur nuqtasi joylashgan diametr.



**9.9-rasm.** Kesish jarayonida old va orqa burchaklar.


## 9.2. Parmalashda kesish jarayoni elementlari

Parmalash ham yo'nish kabi bir me'yordagi ikkita harakatning, (aylanma va ilgarilanma) qo'shilishiga asoslangan bo'lib, bitta prinsipial kinematik sxema bilan xarakterlanadi. Asbob yoki detal tomonidan amalga oshiriluvchi aylanma harakat kesish harakati bo'ladi. Asbobning ilgarilanma harakati surish harakatidir. Mazkur harakatning bir minutdagi tezligi minutlik surish  $S_m$  deyiladi va mm/min da o'lchanadi. Minutlik surishdan tashqari, parma yoki detalning surilishi  $S = S_m/n$ , mm/ayl, formula bilan aniqlanadi va asbob tishiga surilishi  $S_z = S/z$  (bunda  $z = 2$ ) farqlanadi.

Parmalashda kesish chuqurligi parma diametrining yarmiga teng:  $t = D/2$ . Har bir kesuvchi tishda bir nechta kesuvchi tig' borligi sababli butun kesish chuqurligini  $t = t_2 + t_n$  tarzida tasavvur etish mumkin, bunda  $t_2$  — asosiy kesuvchi tig'lar tomonidan kesilayotgan hudud chuqurligi;  $t_n$  — kashak tig'i tomonidan kesilayotgan hudud chuqurligi:

$$t_2 = \frac{D}{2} - \frac{C}{2 \sin \psi}; \quad t_n = \frac{C}{2 \sin \psi}.$$

Asosiy tig' bilan kesilayotgan qatlam qalinligi  $a_2 = \frac{S}{2} \sin \varphi$  ga teng, kashak tig'i bilan kesilayotgan qatlam qalinligi esa  $a_n = \frac{S}{2}$ .



**9.10-rasm.** Parmalashda (a) va parmalab kengaytirishda (b) kesiluvchi qatlam o'lchamlari.

Asosiy tig' bilan kesilayotgan qatlam kengligi

$$b_2 = \frac{\sqrt{D^2 - C^2} - C \operatorname{ctg} \psi}{2 \sin \phi}.$$

Kashak tig'i bilan kesilayotgan qatlam kengligi

$$b_n = t_n = \frac{C}{2 \sin \psi}.$$

Parmaning har bir tishi bilan kesilayotgan qatlam kengligi

$$b = b_2 + b_n = \frac{\sqrt{D^2 - C^2} - C \operatorname{ctg} \psi}{2 \sin \phi} + \frac{C}{2 \sin \psi}.$$

Bir aylanishda kesiluvchi qatlam ko'ndalang kesimining maydoni, yo'nishdagi kabi, surishdagi kesish chuqurligi hosilasiga teng:  $f = tS = SD/2$ . Demak, parmaning bitta tishiga to'g'ri keluvchi kesim maydoni  $f_1 = f/2 = SD/4$ .

### 9.3. Parmalashda kesish kuchlari

Yo'nish jarayoniga xos barcha asosiy hodisalar (ishlov berilayotgan materialning qayishqoq va plastik deformatsiyasi, qirindining kirishishi, kesuvchi tig'da o'simta hosil bo'lishi, issiqlik ajralib chiqishi va hokazo) parmalash jarayoniga ham xosdir. Shu bilan birga parmalash bir qator o'ziga xos xususiyatlarga ega: qirindi hosil bo'lish jarayoni ancha og'ir sharoitlarda o'tadi; qirindini chiqarish, shuningdek, moylash-sovitish texnologik muhitining berilishi ham qiyinchilik bilan kechadi. Kesish tezligining, old va orqa burchaklar qiymatining, kesish tig'inining uzunligi bo'ylab o'zgaruvchan qiymatga ega ekanligi qirindi hosil bo'lish tabiatiga kuchli ta'sir ko'rsatadi. Ko'ndalang kesuvchi tig' («kashak») 90° dan katta kesish burchagiga ega, kesish tezligi esa qariyb nolga teng, shu sababli amalda «kashakda» materialni kesish emas ezish yuz beradiki, bu parmaning kuchli yejilishiga olib keladi.

Spiral parma ko'p tig'li kesish asbobi hisoblanadi, chunki unda kesish ikkita asosiy, ikki yordamchi va bitta ko'ndalang tig'lar bilan bajariladi. Kesish paytida chiqayotgan qirindining old yuzaga, ishlov berilayotgan materialning orqa yuzasiga bosimi paydo bo'ladi, qirindining old yuzaga, orqa yuzaning kesish yuzasiga hamda parmaning silindrik yuzasida joylashgan tasmaning teshik devoriga ishqalanishi yuz beradi, parmaning ko'ndalang kashagidan aylanuvchi moment va o'q bosimi hosil bo'ladi.

Tig'larning har birida kesish kuchlarini uchta o'zaro tashkil etuvchilarga bo'lib ko'rish mumkin (9.11-rasm). Asosiy tig'da ta'sir qiluvchi kesish kuchini tig' nuqtasi joylashgan aylanaga teguvchi  $P_z$  kuchga, parma o'qi orqali o'tuvchi  $P_y$  va parma o'qiga parallel bo'lgan  $P_x$  kuchlarga bo'lib qo'yamiz. Boshqa asosiy tig'da ham xuddi shunday kuchlar tizimi harakat qiladi.

Kashakning yarmiga ta'sir qiluvchi kesish kuchi ham uchta tashkil etuvchi kuchlarga bo'lib qo'yilishi mumkin. Biroq  $P_{xn}$  tashkil etuvchidan tashqari ikkita tashkil etuvchining parmalashda kuch xarakteristikalariga ta'siri nisbatan kam bo'lganligi sababli, ular e'tiborga olinmaydi. Yordamchi tig' qirindi kesishda katta ahamiyatga ega emas.

Biroq parma faskalarida yordamchi orqa burchak nolga teng bo'lgani uchun ular bilan teshik devori o'rtasida ishqalanish bo'ladi. Kesish kuchini tashkil etuvchi urinma rasmida  $P_{zf}$  kuch bilan belgilangan. Parma o'qi bilan mos keluvchi  $X$  o'qqa ta'sir etuvchi proyeksiyalar yig'indisi quyidagini tashkil etadi:

$$\Sigma X = 2 P_z + 2 P_{xn} = P_o.$$


Proyeksiyalarning mazkur yig'indisi *parmalashdagi o'q kuchi* deb ataladi. O'q kuchi surish harakatiga qarshi harakat qiladi. Mazkur kuch bo'yicha, parmalash dastgohi surish mexanizmi detallarining mustahkamligi hisoblanadi. Quloch katta bo'lganda o'qiy kuch parmaning bo'ylama buralishini hosil qildi.

$X$  o'qiga nisbatan ta'sir etuvchi kuchlar momentlarining yig'indisi quyidagicha:

$$\Sigma M_z = 2P_{zf}P + 2P_z \frac{R}{2} = M_{ayl}.$$

Mazkur momentlar yig'indisini parmalashda kesishga qarshilik ko'rsatishning aylantiruvchi momenti deyiladi. Kesish jarayonini amalga oshirish uchun dastgohnning aylantiruvchi momenti kesishning aylantirish momentidan katta bo'lishi lozim, ya'ni,  $M_{das} > M_{ayl}$ . Surish harakatini amalga oshirish uchun sarflanayotgan quvvat juda kam bo'lganligi uchun, dastgohnning effektiv quvvatini (kesishga sarflanayotgan quvvati) faqat kesishning burovchi momenti bo'yicha aniqlanadi:

$$M_e = \frac{M_h}{9750}. \quad (9.3)$$



**9.11-rasm.** Spiral parma tig'lariiga ta'sir qiluvchi kuchlar.

Kesishning aylantirish momenti bo'yicha shpindel va dastgohning asosiy harakat mexanizmi detallarning mustahkamligi va bikrili hisoblanadi.

Parmaning har ikki asosiy tig'larida ta'sir qiluvchi va bir-biriga yo'nalgan  $P_y$  kuchlar nazariy jihatdan muvozanatlashishi kerak. Biroq parmani charxlashdagi noaniqlik ( $\phi$  plandagi burchaklar kattaligining va asosiy tig'lar uzunligining bir xil emasligi) sababli,  $P_y$  kuchlar teng emas. Shuning uchun kattaroq kuch tomonga yo'nalgan teng ta'sir qiluvchi  $\Delta P_y$  kuch paydo bo'ladi. Teng ta'sir qiluvchi kuchning ta'sirida teshikning taqsimlanishi – „razbivkalash“ yuz beradi (teshik diametri parma diametriga qaraganda kattalashadi). „Taqsimlanish“ boshqa bir makrogeometrik nuqsonni keltirib chiqaradi. Parma o'qining teshik geometrik o'qidan chetlashishi „taqsimlanishni“ keltirib chiqaradi. „Taqsimlanish“, ya'ni teshikning geometrik o'qdan chetlashishi har doim ikki tig'li spiral-simon parmalar bilan parmalashga xosdir.

Parma geometrik va konstruktiv elementlarining kesish jaryonining kuch xarakteristikasiga ta'siri turlichadir. O'qiy kuch va burash momentiga vint ariqchasining qiyalik burchagi, parmaning plandagi ikkilangan burchagi va kashakning qiyalik burchagi asosiy ta'sir ko'rsatadi. Vint ariqchasi qiyalik burchagini kattalashuvi o'q kuchini ham, burash momentini ham kamaytiradi, bunda o'q kuchi kamayishi jadalroq kechadi. Tajribada aniqlangan o burchakning o'q kuchiga va burash momentiga ta'siri shu bilan bog'liqki, o burchakning kattalashuvi parma old burchagini kattalashuviga sabab bo'ladi, bu esa asosiy tig'dagi va uning tashkil etuvchilaridagi kesish kuchini kamaytiradi. Plandagi  $2\phi$  ikkilangan burchakning parmalashdagi  $P_o$  va  $M_{bur}$  ga ta'siri  $\phi$  burchakning yo'nishdagi  $P_x$  va  $P_z$  kuchlarga ta'siri kabitdir.  $2\phi$  burchak kattalashganda  $b/a$  nisbat – kesilayotgan qatlam kengligining qalinligiga nisbatli kamayadi. Bu asosiy tig'dagi  $P_z$  kuchni kamaytirishi va, buning oqibatida, burash momentining kattaligi ham kamayishi kerak. Xuddi yo'nishdagi kabi parmalashda ham  $2\phi$  burchakning kattalashuvi asosiy tig' bilan surish harakati yo'nalishi o'rtasidagi burchakning kattalashuviga olib keladi, bu esa asosiy tig'lardagi kesish kuchlarining o'qiy tashkil etuvchilarini va o'q kuchini orttiradi.

Kashakning og'ish burchagi o'q kuchi va burash momentiga murakkab ta'sir ko'rsatadi. Bir tomondan,  $\psi$  burchakning kattalashuvi kashak uzunligining kamayishiga olib keladi, bu burash

momentini birmuncha, o'q kuchini esa ancha kamaytirishi kerak. Boshqa tomondan,  $\psi$  burchak kattalashganda asosiy tig'larning uzunligi va ularning statik old burchak kattaligi oz bo'lgan hududlari kattalashadi. Bu so'nggi hol burash momentining ham, o'q kuchlarining ham ortishiga olib kelishi kerak.  $\psi$  burchakning bunday qarama-qarshi ta'siri shunga olib keladiki, u kattalashganda o'q kuchi uzluksiz ortadi, burash momenti esa avval ozayadi, keyin esa o'sib boradi. Burash momentining eng kam miqdori  $\psi = 50...55^\circ$  ga teng bo'ladi.

Parmaning optimal geometrik parametrlari muayyan guruhdagi materiallarga ishlov berishda juda tor doirada o'zgarganligi uchun  $P_o$  va  $M_{ayl}$  ni aniqlash formulalarida qo'shimcha kuch koeffitsiyentlari tomonidan faqat ishlov berilayotgan materialning mexanik va qo'llaniluvchi moylash-sovitish texnologik muhitining xossalari hisobga olinadi:

$$P_o = C_p D^p S^p K_p; \quad (9.4)$$

$$M_{ayl} = C_m D^m K_p, \quad (9.5)$$

bu yerda  $K_p = K_m K_w$ .

Doimiylar  $C_p$ ,  $C_m$ ,  $K_m$ ,  $K_w$  va darajalar ko'rsatkichlarining kattaliklari parmalashda kesish rejimlari ma'lumotnomasida mavjud.

#### 9.4. Spiralsimon parmalarining yeyilish tabiatи

Parmalarining yeyilishi orqa yuzalarning kesish yuzasiga, qirindining old yuzaga, yo'naltiruvchi tasmalarning ishlov berilgan yuzaga ishqalanishi hamda ko'ndalang tig'ning ezilishi natijasida yuz beradi.

Spiralsimon parmalar po'latlarga ishlov berishda old va orqa yuzalar bo'ylab yeyiladi (9.12-rasm). Kashakning yeyilishi me'yoriy emas deb hisoblanadi; bu hol parma noto'g'ri charxlanganda yoki asbobsozlik materialining qattiqligi, termik ishlov berilgandan so'ng yetarli darajada emasligi oqibatida sodir bo'ladi. Orqa yuza asosiy tig' bo'ylab bir tekisda yeyilmaydi. Yeyilish maydonchasining kengligi parma kashakdan uzoqlashgan sari uzluksiz ortib boradi. Yeyilish chuqurchasi butun asosiy tig' bo'ylab hosil bo'lmaydi. U parmaning burchagi yonida, asosiy tig' yordamchi tig'ga o'tuvchi joyda paydo bo'ladi. Yordamchi orqa yuza ham yeyiladi, unda parma burchagi oldida chiziqlar hosil bo'ladi. Teshikning chuqurligi ortib borgan sari issiqlik tarqalishi yomonlashishi va ishqalanish kuchlarining ortishi bilan yeyilish kuchayadi.

Eng xavfli yeyilish – burchaklar va tasmalar bo'ylab yeyilishidir, chunki katta yeyilganda qayta tiklash uchun parmaning katta qismini charxlashga to'g'ri keladi.

Orqa qirradagi yeyilish kattaligi  $h_o$  ga kesish tezligi katta, surish esa ancha kam ta'sir ko'rsatadi. Shuning uchun katta surish va kichik kesish tezliklarida ishlash foydalidir.

Parmalashda yo'l qo'yiladigan kesish tezligi quyidagi formuladan aniqlanadi:

$$V = \frac{C_v D^m}{T^n S^y} K_v \quad (9.6)$$


Bu yerda  $D$  – parma diametri;  $T$  – parmaning turg'unlik davri;  $m$  – turg'unlik ko'rsatkichi;  $C_v$ ,  $q_v$ ,  $y_v$  – daraja ko'rsatkichlari;  $K_v$  – tuzatish koeffitsiyenti.

Parmalashda turg'unlik davri parma diametriga bog'liq holda tanlanadi. Tezkesar parmalar uchun turg'unlik davri 6...16 min (5 mm gacha diametrler uchun) va 100...210 min (60...80 mm li diametrler uchun) oralig'ida o'zgaradi.

Parmalashda yo'l qo'yiladigan kesish tezligiga asbobsozlik materialining xususiyatlari katta ta'sir ko'rsatadi. Tezkesar po'latdan tayyorlangan parmalar, asbobsozlik uglerodli yoki legirlangan po'latlarga qaraganda ikki marta katta tezlikda kesadi. Qattiq qotishmdan tayyorlangan plastinkalar bilan jihozlangan parmalar bilan ishlaganda kesish tezligi tezkesar po'latdan ishlangan parma-larga qaraganda ikki-uch marta katta bo'lishi mumkin.

Uch diametrdan ortiq uzunlikdagi teshiklarni parmalashda yo'l qo'yiladigan kesish tezligini kamaytiruvchi tuzatish koeffitsiyentini kiritish zarur.

Moylash-sovitish texnologik muhitini (MSTM) qo'llash kesish hududidagi haroratni va kesish kuchlarini kamaytiradi, parmalarning turg'unligini yoki yo'l qo'yiladigan kesish tezligini (berilgan turg'unlikda) oshiradi. MSTM ning ta'siri, ayniqsa, plastik metallarga ishlov berishda va chuqur parmalashda samarali bo'ladi. MSTM ni qo'llash detallarni parmalashda kesish tezligini 15...25% oshirish imkonini beradi. Parma ishini yengillashtirish




9.12-rasm. Parmaning yeyilish tabiatи.


va, xususan, qiyin ishlanadigan materiallarni kesishda asbob maxsus charxlanadi, bundan maqsad — ko'ndalang tig'da qulay burchaklarni hosil qilish va uni qisqartirishdan iborat. Shu tarzda ularning turg'unligini oshirish yoki kesish tezligini orttirish (turg'unlik doimiy bo'lganda) mumkin. Bunga parmalarни ikkilantirib charxlash, kashak, silindrik tasmani biroz charxlab olish va boshqa yo'llar bilan erishiladi.

9.13-rasmda parmani ikkilantirib charxlash ko'rsatilgan. Asosiy burchak  $2\phi = 116\dots118^\circ$  va ikkinchi burchak, odatda,  $2\phi = 70^\circ$ . Ikkilantirilgan charxlash qirindi kengligini orttiradi, natijada kesuvchi tig'lardan issiqlik tarqalish sharoitlari yaxshilanadi.

Tasmani charxlash (9.14-rasm, I) o'zaro urinma maydonni kamaytirish va, shundan kelib chiqib, f kenglikdagi tasma yuzasining parmalanayotgan teshikning silindrik yuzasi bilan ishqalanishini kamaytirish maqsadida o'tkaziladi. Charxlashdan keyin  $\approx 0,2D$  uzunlikdagi ensiz yo'lcha f<sub>o</sub> qoladi, uning kengligi taxminan 0,1...0,3 mm bo'lib, tasmaning qolgan qismi tekislik bo'ylab  $\alpha_t = 3\dots8^\circ$  burchak ostida charxlanadi. Parmalar har ikkala tishlaridagi tasmalarni charxlash ular turg'unligini ikki-uch marta oshiradi.



9.13-rasm. Parmalarni ikkilantirib charxlash.



9.14-rasm. Parmalarni tasmalar (I) va kashak bo'ylab charxlash (II).

Kashakni charxlash parmaning metallga kesib kirib borishiga qarshilik qiluvchi o'qiy kuchlarni kamaytirish maqsadida amalga oshiriladi (9.14-rasm, II). Har bir tishda asosiy kesuvchi tig' uzunligining kichik qismi va qo'shni tish orqasining bir qismi charxlanadi. Natijada kashak qisqaradi va shu tarzda o'qiy kuchni taxminan 70% ga kamaytirish mumkin.

## 9.5. Parmalashda kesish rejimlarining vazifasi

Kesishning oqilona rejimi teshikka ishlov berishning texnologik sharoitlaridan kelib chiqib, ya'ni talab qilinadigan aniqlik va yuza tozaligini hosil qilishni hisobga olib hamda mazkur teshikka turli asboblar bilan navbatma-navbat ishlov berishni ko'zda tutib aniqlanadi. U, asosan, kesish jarayonini eng samarali va tejamli tarzda amalga oshirishga imkon beruvchi surish va kesish tezligini aniqlashdan iborat.

Teshikni parmalashda kesish chuqurligi yaxlit materialda  $t = D/2$  mm bo'ladi. Teshishda kesish chuqurligi ishlov berishga qoldirilgan qo'yim va texnologik talablarga ko'ra belgilanadi. Teshikka xomaki ishlov berishda kesish chuqurligi bir o'tishda kesiladigan qo'yimga teng qilib olinadi. Teshikka aniq ishlov berishda butun qo'yimni ikki yoki bir necha o'tishda olib tashlash maqsadga muvofiqdir, bunda kesish chuqurligi har bir navbatdagi o'tishda kichikroq bo'lishi kerak.

Yo'l qo'yiladigan eng katta surishning miqdori tegishli ma'lumotnomalar bo'yicha ishlov berilayotgan material, asbobsozlik materiali, ishlov berish turi va sharoitlariga qarab tanlanadi yoki quyidagi formuladan aniqlanadi:

$$S_s = C_s D_s K_s, \text{ mm/ayl},$$

bu yerda:  $C_s$  – ishlov berilayotgan materialning mexanik xossalariini va texnologik omillarni xarakterlovchi koeffitsiyent;  $D_s$  – parma diametri, mm;  $K_s$  – teshik uzunligini hisobga oluvchi tuzatish koeffitsiyenti.

Parmalab kengaytirish uchun parmalashga qaraganda 1,5...2 marta katta surish qabul qilinadi.

Topilgan surish dastgoh pasporti bo'yicha tuzatiladi va hisoblab chiqilgan  $S_s \leq S_a$  ga eng yaqin kichik  $S_a$  amaldagi surish deb qabul qilinadi.

Kesishning yo'l qo'yilgan tezligi yuqorida keltirilgan formula bo'yicha (9.6), berilgan turg'unlik davri, ma'lum diametr va amaldagi surishda tuzatish koeffitsiyentini hisobga olib aniqlanadi.

Topilgan kesish tezligi bo'yicha asbobning aylanish chastotasi aniqlanadi:  $n = 1000 V/\pi D$ , ayl/min. Dastgoh pasporti bo'yicha tuzatilib, hisoblanganga eng yaqin bo'lgan amaldagi kichikroq aylanishlar soni  $n_a$  qabul qilinadi:  $n_a \leq n$ .

Asbobning topilgan amaldagi aylanishlar soni bo'yicha kesishning amaldagi tezligi hisoblanadi:  $V_a = \pi D n_a / 1000$ , m/min. Keyin kesish rejimining tanlab olingan asosiy elementlari dastgohning surish mexanizmi va asosiy harakat mexanizmining eng zaif qismining mustahkamligiga ko'ra tekshirib ko'riladi:  $P_d > P_o$ ;  $M > M_{ayt}$ .

## 10-BOB | Frezalash

### 10.1. Frezalash haqida umumiy tushuncha

Frezalash – kesish yo'li bilan mexanik ishlov berishning keng tarqalgan va samarali jarayonidir. Frezalash yo'li bilim: gorizontal, vertikal, qiya tekisliklar, profil kesimdagagi ariqcha va pazlar, turli profildagi shakldor yuzalar, aylanish jismining yuzasi hosil qilinadi. Frezalash ko'p tig'li kesuvchi asbob-freza yordamida amalgaloshiriladi. Freza aylanuvchi jism bo'lib, uning chekkalari yoki yonlarida kesuvchi elementlar—freza tishlari joylashgan.

Frezalashning o'ziga xos xususiyati uning uzlukliligidir. Frezalashning har bir kesuvchi tishi kesish jarayonida aylanishning ma'lum qismi davomidagina keyingi kesishgacha zagotovka bilan kontaktda bo'ladi. Natijada, frezalash kesish jarayonining bir me'yorda emasligi bilan xarakterlanadi, bu tebranishlar hosil bo'lishiga, tishlarning jadal yeyilishiga va boshqa salbiy hodisalarga olib keladi.

Frezalash jarayoni bir paytda ta'sir ko'rsatuvchi ikkita: aylanma va ilgarilanma harakatlarning qo'shilishiga asoslangan. Asbobning o'q atrofida aylanishi asosiy harakat bo'ladi, surish harakati esa dastgoh stoliga mahkamlangan zagotovkaning oldinga qarab siljishidir.

Freza tashqi diametri  $D$  nuqtalarining  $V$  (m/min) tezligi kesish tezligi bo'lib hisoblanadi.

Bunda  $V = \frac{\pi D n}{1000}$ ,  $n$  — shpindel aylanishlari chastotasi, ayl/min;  $D$  — frezaning tashqi diametri, mm.

Zagotovkaning frezaga nisbatan bir tekis ilgarilanma siljishi son jihatdan surish qiymati bilan beriladi, mazkur qiymat frezalashda  $S_z$ , mm/tish,  $S_o = S_z Z$ , mm/ayl, kattaliklar bilan aniqlandi,

bunda  $Z$  – freza tishlari soni,  $S_{\min} = S_o n$ , bu yerda  $n$  – frezaning aylanish chastotasi, ayl/min.

$S_z$  tishga surish qiymatlaridan frezalash bo'yicha nazariy tadqiqotlarda va kesish rejimlarini hisoblashda foydalaniлади. Ishlab chiqarish sharoitlarida minutlik surish  $S_{\min}$  dan foydalaniлади. Bu hol shu bilan bog'liqki, ko'plab frezalash dastgohlarida shpindel aylanishi va surish mexanizmi o'rtasidagi kinematik aloqa mavjud emas.


## 10.2. Frezalarning asosiy turlari va ularning vazifasi

Frezalashda standart va maxsus frezalarning keng nomenklaturasidan foydalaniлади. Turli tipdagи frezalar o'zining tashqi ko'rinishi, o'lchamlari, konstruksiyasiga ko'ra bir-biridan farq qiladi va muayyan shakl, o'lchamlardagi yuzalarga ishlov berishga mo'ljallangan.

*Silindrik* frezalar (10.1-rasm, a) gorizontal frezerlash dastgohlariga o'rnatishga mo'ljallangan bo'lib, yassi yuzalarga ishlov berish uchun xizmat qiladi. Bunday frezalar o'ng va chap vint ariqchali qilib ishlanadi. Silindrik frezalarda shponkali ariqchasi bo'lgan markaziy baza teshiklar bor. Dastgohning opravkasiga kiydirilgan silindrik frezalar halqalar o'rasiga olinib gaykani burab siqib qo'yiladi.

*Torets* frezalar (10.1-rasm, b) balandligi bo'yicha bitta va har xil yuzalarda yotuvchi yassi yuzalarga ishlov berish uchun mo'ljallangan. Standart torets frezalar  $D = 60 \dots 600$  mm diametrli bo'ladi. Katta diametrli torets frezalar bilan bir o'tishda 500 mm gacha kenglikdagi zagotovkalarga ishlov berish mumkin.

*Uchli* (konsevaya) frezalar (10.1-rasm, d) pazlar, chiqiqlar, belgi chiziq bo'yicha qiyshiq chiziqli konturlar va kopirlarga ishlov berish uchun qo'llaniladi. Uchli frezalar silindrik qismi, odatda, vint chizig'i bo'ylab joylashgan hamda yon qirralarida kesuvchi



10.1-rasm. Frezalarning asosiy turlari.

tig'larga ega bo'ladi. Uchli frezalar, asosan, vertikal frezalash dastgohlarida ishlash uchun mo'ljallangan, ammio ulardan horizontal frezalash dastgohlarida ham foydalanish mumkin.

*Burchak* frezalar (10.1-rasm, e), odatda, asbobsozlik ishlab chiqarishida profil burchak ariqchalarini frezalashda ishlataladi.

*Shakldor* frezalar (10.1-rasm, f) murakkab shaklli yuzalarga ishlov berish uchun mo'ljallangan. Shakldor frezaning profili ishlov berilayotgan detal profiliga mos bo'lishi kerak.

Frezalashda  $D = 6\dots110$  mm diametrlı diskli frezalardan foydalaniadi. Diskli frezalarning kesuvchi tishlari tashqi silindrik yuzada, hamda bir (bir tomonlama) yoki (ikki tomonlama) yon yuzalarda qilinadi. Diskli frezalar  $V = 6\dots16$  mm kenglikdagi turli vazifalarni bajarishga mo'ljallangan ariqchalarni frezerlashda foydalilaniladi.

Shlitsli, qirqib tushiruvchi, shponkali va rezbali frezalar ham keng qo'llanadi.

### 10.3. Frezalarning geometrik o'lchamlari


Silindrik va torets frezalarning geometrik o'lchamlarini ko'rib chiqib, bu ta'riflar frezalarning boshqa xillari uchun ham to'g'ri deb hisoblash mumkin.

Silindrik freza (10.2 -rasm) erkin kesish sharoitlarida ishlaydi, shuning uchun har bir tishda faqat bitta asosiy tig' bo'ladi. Freza tishlarining soni uning diametri  $D$  ga bog'liq holda  $Z = \sqrt{mD}$  formula bo'yicha tanlanadi. Bunda  $m$  – proporsionallik koefitsiyenti bo'lib, frezaning konstruksiyasi va vazifasiga bog'liq. Yirik tishli yaxlit frezalar uchun  $m = 1,05$ , mayda tishlilar uchun  $m = 2$ ; qo'yma tishli frezalar uchun  $\omega = 20^\circ$  bo'lganda,  $m = 0,9$  va  $\omega = 45^\circ$  da  $m = 0,8$ .

Po'lat zagotovkani bir tishga to'g'ri kelgan  $S_z$  surish va  $t$  qirqish chuqurligi bilan frezalashda qirindining qirindi ariqchasida erkin joylashishi uchun frezaning maksimal tishlar soni quyidagi ifodadan aniqlanadi:

$$Z = \frac{0.2D}{\frac{0.5}{A_{\max}} S_z^{\frac{0.5}{\max}}}.$$

Ifodadan kelib chiqadiki, qirqish chuqurligi va surish ortganda freza tishlari soni kamayishi kerak. Freza tishlarining soni 6...14 oralig'ida bo'ladi.



**10.2-rasm.** Silindrik frezaning geometrik parametrlari.

Freza tishlarining kesilayotgan qatlamga silliq kirib borishi va chiqishi, hamda bir paytda ishlovchi tishlar sonini ko'paytirish uchun frezalarda vintsimon qirindi ariqchalari bo'ladi. Demak, asosiy tig' vintsimon chiziqlar hisoblanadi va ularning freza o'qiga qiyaligining  $\omega$  burchagi vint ariqchasingin og'ish burchagi deyiladi.

Dastgoh shpindelining aylanish yo'nalishlariga bog'liq holda o'ng qirquvchi va chap qirquvchi frezalar bo'ladi (yoki o'ngkesar va chapkesar). Agar frezaga qaralganda u soat mili bo'ylab aylansa, u chapkesar, agar soat miliga teskari yo'nalishda aylansa, o'ngkesar freza deyiladi. Qirqish jarayonida frezaga, uning o'qiga parallel ta'sir qiluvchi kuch bikrligi yuqori bo'lgan shpindel tayanchiga yo'naltirilgani ma'qul. Shunga ko'ra, chapkesar frezalarda vint ariqchasi yo'nalish bo'ylab o'ng bo'lishi kerak, o'ngkesar frezalarda esa chap bo'lishi lozim.

Standart frezalarda vint ariqchasingin og'ish burchagi  $25\dots35^\circ$  oralig'ida bo'ladi, muayyan kenglikdagi detallarni frezalash uchun mo'ljallangan maxsus frezalarda, bir me'yordagi frezalashni ta'minlash uchun  $\omega$  burchak hisoblanadi.


Toretsdag'i ikkita tish o'rtasidagi  $t_k$  masofa *torets qadami* deyiladi:

$$t_k = \frac{\pi D}{Z}.$$

Frezaning o'qi bo'ylab joylashgan ikkita tish o'rtasidagi  $t_o$  masofa o'q qadami deb ataladi. O'q va torets qadamlar orasidagi bog'lanish

$$t_o = t_k \operatorname{ctg} \omega$$

ifoda bilan aniqlanadi. Frezani nazorat qilish va charxlash qulay bo'lishi uchun uning old burchagi, tig'ga perpendikular  $NN$  tekislikda o'lchanadi. Old yuzaga urinma tekislik bilan silindrik yuzaga



**10.3-rasm.** Torets frezaning geometrik parametrlari.

urinma tekislik o'rtasidagi burchak *old burchak*  $\gamma$  deb ataladi. Uning kattaligi ishllov berilayotgan detal materialining qattiqligi va mustahkamligiga bog'liq.

Orqa  $\alpha$  burchak *MM* tekislikda o'lchanadi. Tishning orqa yuzasiga va silindrsimon yuzaga urinma tekisliklar o'rtasidagi burchak *orqa burchak* deb ataladi.

Torets old burchak  $\gamma_m$  va normal orqa burchak  $\alpha_N$  kattaliklari quyidagi formulalardan topiladi:

$$\operatorname{tg} \gamma_m = \frac{\operatorname{tg} \gamma}{\cos \omega}; \quad \operatorname{tg} \alpha_N = \frac{\operatorname{tg} \alpha}{\cos \omega}.$$

Torets freza (10.3- rasm) korpusdan iborat bo'lib, unga tishlar qu'yilgan. Har bir tish qattiq qotishmadan ishlangan plastinka bilan jihozlangan. Freza diametri frezalanayotgan detal kengligi  $B$  ga bog'liq va  $D = (1,4...1,5)B$  ga teng. Po'latni frezalashda freza tishlarining soni agar  $D < 200$  mm bo'lsa,  $Z = (0,04...0,06)D$ , agar  $D > 200$  mm bo'lsa,  $Z = (0,04...0,06)D + 2$  olinadi. Cho'yanni frezalashda freza diametridan qat'iy nazar  $Z = (0,08...0,1)D$ .

Silindrik frezalarga qaraganda torets frezalar tishlarining soni ancha kam bo'lib, ularning soni frezalashga sarflanadigan quvvatni kamaytirib belgilanadi.

Torets frezaning har bir tishi, xuddi randalovchi keskich tig'i singari keskichdan iborat. Ularning farqi shundaki, randalovchi keskich to'g'ri chiziqli, freza tishlari esa davriy aylanma harakat qiladi. Shuning uchun freza tishlarining shakli va parametrlari keskichning shakli va geometrik parametrlaridan kam farq qiladi.

Freza tishining  $tig'$  i asosiy o'qqa perpendikular bo'lgan tekislikka nisbatan plandagi asosiy φ burchak ostida og'gan.

Yordamchi  $tig'$  o'sha tekislik bilan plandagi φ, yordamchi burchakni hosil qiladi.

$f_o = 1,5 \dots 2$  mm uzunlikdagi to'g'ri chiziqli o'tuvchi  $tig'$ ,  $\phi_o = \phi/2$  plandagi o'tish burchagiga ega.

Orqa va old burchaklar xuddi keskichda bo'lgani singari asosiy kesuvchi  $NN$  tekislikda o'lchanadi.

Tish asosiy  $tig'$ ining cho'qqisi qirqlayotgan qatlama bilan birdaniga urinmasligi uchun asosiy  $tig'$  ni λ musbat burchak ostida og'diriladi.

Hisob-kitoblar shuni ko'rsatadiki, frezalashda mavjud qirqish tezligi va surish tezligi nisbatlarida haqiqiy ish burchaklari γ, α, charxlash burchaklari γ, α ga teng va λ, freza vint ariqchasining og'ish burchagi ω ga teng.


#### 10.4. Frezalashda kesish jarayoni elementlari

Freza o'qiga perpendikular bo'lgan tekislikda amalga oshuvchi aylanma va ilgarilama harakatlarning qo'shilishi natijasida, silindrsimon freza  $tig'$ ining istalgan nuqtasi nisbiy ish harakatining trayektoriyasi cho'zilgan sikloida (traxoida) bo'ladi.

Detalning harakat tezligi bilan freza aylanish tezligining frezalashda paydo bo'luvchi nisbatlarda traxoida yoyi, o'z shakliga ko'ra, aylanma yoyidan kam farq qiladi. Shuning uchun, frezalashda qirqlayotgan qatlama o'lchamlarining matematik ifodasini sodda-lashtirish maqsadida, traxoida diametrini freza diametriga teng bo'lgan aylana bilan almashtirish mumkin. Mazkur almashinuvdan kelib chiqadigan xato 1% dan oshmaydi.

Detaldan olib tashlanayotgan material qatlaming  $t$  o'lchami, qirqish chuqurligi bo'ladi. Qirqish yuzasi aylanma silindrning bir qismidan iborat bo'ladi. Frezalashda frezaning aylanish va detalning siljish harakati yo'nalişlarini birlashtirishning ikki usuli foydalanilishi mumkin. Agar qirqish tezligi va surishning vektorlari qarama-qarshi tomonga yo'nalgan bo'lsa (I variant), bunday frezerlash qarshi-keluvchi, bir tomonga yo'nalgan bo'lsa (II variant), yo'lakay deyiladi.

Freza tishi  $p$  nuqtada ishga tushadi va  $n$  nuqtada kesilayotgan qatlamdan uzeladi (10.4-rasm, a). Shunday qilib, freza bir marta aylanganda tish ikki siklni amalga oshiradi;  $pn$  yoyiga mos keluvchi ish va  $np$  yoyiga mos keluvchi salt sikllar. Qirqish jarayonining



**10.4-rasm.** Silindrsimon freza bilan frezalashda qirqish elementlari.

davriy va uzlukli ekanligi frezalashning asosiy o'ziga xos xususiyatidir. Freza tishi ish siklining boshlanishi va tugashiga mos keluvchi  $\theta_m$  markaziy burchak kontaktdagi eng katta burchak deyiladi. Uning kattaligini quyidagi ifoda bo'yicha aniqlash mumkin:

$$\cos \theta_m = \frac{R - l}{R} = 1 - \frac{2l}{D}.$$

Kesish yuzasida freza tishi tig'i nuqtasining oniy holatini tishni kesilayotgan qatlama qatlamga kirish nuqtasidan hisoblanuvchi oniy kontakt burchagi  $\theta$  bilan aniqlash mumkin. Qirqish yuzasi bo'ylab siljish paytida freza tishi o'zgaruvchan qalinlikdagi material qatlamini kesadi. Freza o'qiga perpendikular tekislik kesimida kesilayotgan qatlam vergul shaklida bo'ladi.

Kesilayotgan  $a$  qatlamning kesish yuzasining qo'shni holatlari o'rtasidagi masofa sifatida ta'riflanuvchi oniy qalinligi 345 uchburchakdan topilishi mumkin (10.4-rasmlar, b, d). Mazkur uchburchakni taxminan tishga  $S_r$  surishga teng gi potenuzali to'g'ri burchak deb hisoblash mumkin, a katet ro'parasida joylashgan burchak esa, oniy kontakt burchagi  $\theta$  ga teng. Uchburchakdan quyidagini hosil qilamiz:

$$a = S_r \sin \theta. \quad (10.2)$$

Kesilayotgan qatlamning oniy qalinligi vint ariqchasining ω qiyalik burchagiga bog'liq emas. 10.4- rasm, d da ko'rsatilganidek, kesish yuzasining shakli frezaning to'g'ri chiziqqa (o'qqa parallel) yoki vint ariqchasiga ega ekanligi bilan bog'liq holda o'zgarmaydi. Shuning uchun vint ariqchasining istalgan og'ish burchagi ω uchun, shu jumladan, nolga teng burchak uchun ham ,bir xil oniy kontakt burchakka mos keluvchi kesilayotgan qatlam qalinligi o'sha bitta  $k_q$  kesim bilan aniqlanadi.

Ifodadan (10.2) kelib chiqadiki, tishning qirqish yuzasida siljib borishi bilan tig'ning berilgan nuqtasida kesilayotgan qatlam qalinligi uzliksiz o'zgarib boradi.  $\theta = 0$  bo'lganda,  $a = 0$ ,  $\theta = \theta_m$  bo'lganda,  $a = a_{max} = S_z \sin \theta$ . Kesilayotgan qatlam qalinligining o'zgaruvchanligi frezalashning ikkinchi o'ziga hos xususiyatidir.

Quyi proyeksiyadagi (10.4-rasm, a) tekislikda yoyilgan qatlamning kesilish yuzasi to'g'ri burchak shaklida tasvirlangan. Uning tomonlari eng katta kontakt burchakka mos keluvchi yoyilgan yoy va frezalash kengligi, ya'ni qirqilayotgan shu qatlamning kengligi B hisoblanadi. Freza tishi vint tig'inining oniy holati qirqish yuzasida to'g'ri chiziq 1/2 bilan tasvirlangan bo'lib, u freza o'qiga vint ariqchasining ω og'ish burchagi ostida og'dirilgan. Tig' qiya holatda joylashganligi sababli, oniy kontakt burchaklari  $\theta_1$  va  $\theta_2$  va ularga mos bo'lgan 1 va 2 tig'lar chekka nuqtalarining kontakt yoylari bir xil bo'lmaydi. Rasmdan ko'rinish turibdiki  $\theta_2 > \theta_1$ , shuning uchun qirqilayotgan qatlamning qalinligi nuqta 2'da  $a_2 = S_z \sin \theta_2$ , bo'lib, qirqilayotgan qatlamning nuqta 1 dagi  $a_1 = S_z \sin \theta_1$ , qalinligidan katta. Tig'ning boshqa hamma nuqtalarida qirqilayotgan qatlam qalinliklari  $a_1$  dan katta va  $a_2$  dan kichik bo'ladi. Qirqilayotgan qatlam qalinligining freza tishi tig'inining har bir nuqtasida o'zgarishi frezalashning uchinchi o'ziga xos xususiyatidir.

Tig'ning ishlab turgan /hududi tig'ning ish uzunlidigidir. Tig'ning ish uzunligi uning chekka nuqtalari 1 va 2 oniy kontakt burchaklarining qiymati bilan aniqlanadi.

$$J = \frac{D(\theta_2 - \theta_1)}{2 \sin \omega}.$$

Ifodadan ko'rinish turibdiki, tish qirqish yuzasida siljib borgan sari uning ish tig'i muayyan maksimumga qadar, keyin esa yana no'lga qadar o'zgaradi. Frezalashning berilgan kengligi uchun tig' ish uzunligining mumkin bo'lgan eng katta miqdori

$$J_{max} = \frac{B}{\cos \omega}.$$

Tig' ish uzunligining o'zgaruvchanligi frezerlashning o'ziga xos to'rtinchi xususiyatidir.

Qirqilayotgan qatlam  $F_1$  kesim maydoni 10.4-rasm,  $a$  da tasvirlangan epura maydoniga teng. Unda tig'ning elementar uzunligi  $dl$  ga mos keluvchi  $dF$  maydonni ajratamiz, ya'ni  $dF = a dl$ , bunda  $a = dl$  uzunligi chegaralarida o'zgarmas deb qabul qilinuvchi qirqilayotgan qatlarning oniy qalinligi. Ifodalardagi  $\theta_2$  va  $\theta_1$  oniy kontakt burchaklarning ixtiyoriy tanlangan farqi  $l$  ni aniqlash uchun  $\theta$  orqali belgilash mumkin. U holda

$$l = \frac{D\theta}{2 \sin \omega} \text{ va } dl = \frac{Dd\theta}{2 \sin \omega}.$$

Qirqilayotgan qatlarning oniy qalinligi  $a = S_2 D \sin \theta$ . Bu ifodalarni qo'yib

$$dF = \frac{S_2 D}{2 \sin \omega} \sin \theta d\theta$$

ni hosil qilamiz.

Epura maydonini  $dF$  elementar maydonlarini jamlash orqali topamiz, ya'ni

$$F = \int_{\theta_1}^{\theta_2} dF = \frac{S_2 D}{2 \sin \omega} \int_{\theta_1}^{\theta_2} \sin \theta d\theta.$$

Integralni yechib, quyidagini hosil qilamiz:

$$F = \frac{S_2 D}{2 \sin \omega} (\cos \theta_1 - \cos \theta_2).$$

Bu ifodadan kelib chiqadiki, qirqilayotgan qatlarning kesim maydoni ham o'zgaruvchandir.


Bir paytning o'zida bittadan ortiq tish ishlashi mumkinligi tufayli qirqilayotgan qatlarni kesimining jamlangan maydoni

$$F_{\text{tish}} = \frac{S_2 D}{2 \sin \omega} \sum_{i=1}^{Z_o} (\cos \theta_i - \cos \theta_{i+1}),$$

bunda  $Z_o$  – frezaning ishda ishtirok etayotgan tishlari soni.

Bir paytning o'zida, ishda ishtirok etayotgan freza tishlarining soni quyidagi ifodadan aniqlanadi:

$$Z_o = \frac{\theta}{360} + \frac{\beta \lg \omega}{\pi D}.$$



**10.5-rasm.** Torets frezani detal, kesish elementi va qirqilayotgan qatlam qalinligiga nisbatan o'rnatish.

Torets frezalash silindrsimondan farqli ravishda erkin bo'lmagan qirqish jarayonidir. Frezaning ishlov berilayotgan detalga nisbatan qanday o'rnatilganligi bilan bog'liq ravishda frezalash simmetrik (10.5-rasm, a) va nosimmetrik bo'lishi mumkin (10.5-rasm, b).

Har ikki holda ham qirqilayotgan qatlam qalinligi freza tishi qirqilayotgan qatlama kirdan paytda nolga teng emas. Eng katta kontakt burchagi  $\theta_m$  frezalash kengligi  $B$  ga bog'liq bo'ladi va simmetrik frezalashda

$$\sin\left(\frac{\theta_m}{2}\right) = \frac{B}{D} \quad (10.3)$$

ifoda yordamida aniqlanishi mumkin.

Torets frezalashda qirqish yuzasidan qirqib olinayotgan qatlam kesimining shakli xuddi randalovchi keskichning ishi paytidagi singari  $a$  qalinlik va  $b$  kenglikdagi parallelogrammdan iborat bo'ladi. Farqi shundaki, qalinlik o'zgaruvchan bo'ladi va tishning qirqish yuzasidagi holati bilan belgilanadi. 10.5- rasm, a dan ko'rinish turib-diki, qirqilayotgan qatlama oniy qalinligi  $a = mn \sin \varphi$ . Silindr-simon frezalar bilan frezalashdagi singari  $mn$  qirqim  $S_z \sin \theta$  ga teng va unda

$$a = S_z \sin \varphi \sin \theta. \quad (10.4)$$

Frezaning bitta tishi bilan qirqilayotgan metall qatlaming maydoni  $F = S_z t \sin \theta$  ishlayotgan freza tishlari bilan qirqilayotgan

maydonning eng katta yig'indisi  $F_{yig}$  quyidagi formula bo'yicha aniqlanadi:

$$F_{yig, \max} = S_z f \sum_1^{\bar{z}_{\max}} \sin \theta.$$

Frezaning ishlab turgan maksimal tishlari soni

$$Z_{omax} = \frac{\theta_m}{360} Z + 1.$$

Oldindagi tish qirqilayotgan qatlamdan uzilganda ishlab turgan tishlar soni birmuncha vaqt mobaynida bittaga kamayadi. Shu sababli, qirqilayotgan qatlam qirqim maydonining yig'indisi eng kam qiymatgacha kamayadi

$$F_{yig, \min} = S_z f \sum_1^{\bar{z}_{\min}} \sin \theta.$$

bunda


$$Z_{omin} = \frac{\theta}{360} Z.$$

Natijada xuddi silindrsimon frezalar bilan frezalashdagi singari torets frezaga ta'sir qiluvchi kuch va issiqlik zo'riqishlari uning ishlashi davomida davriy ravishda maksimal qiymatdan minimal qiymatgacha o'zgarib turadi.

## 10.5. Frezalashda kesish kuchlari

Frezalashda ta'sir qiluvchi kuchlar metallarga boshqa asboblar bilan ishlov berilgandagi kabi frezaning har bir tishi zagotovkadan qirindi qirqib olayotgan paytda paydo bo'ladigan deformatsiya qirindi va zagotovkada yangi yuzalar hosil bo'layotganda metall kristall strukturasining buzilishi bilan belgilanadi.

10.6-rasmda silindrsimon freza tishi qirqilayotgan qatlamga ta'sir qiluvchi kuchlar tasvirlangan. Qirqish kuchi  $P$  ning reaksiyasi, tegishlichcha, urinma bo'y lab freza aylanasiga, unga normal bo'y lab va freza o'qi bo'y lab yo'naltirilgan uchta  $P_z$ ,  $P_x$  va  $P_y$  tashkil etuvchilarga bo'lib qo'yilgan. Aylana kuchi  $P_z$  (qirqish kuchining asosiy tashkil etuvchisi) qirqishga qarshilik ko'rsatish momentini yengib o'tuvchi aylantirish momentini hosil qiladi. Freza tishining qirqish yuzasi bo'y lab harakati paytda qirqilayotgan qatlamning kesim maydoni o'zgaradi, shu sababli qirqish kuchining barcha tashkil etuvchilari, aylantiruvchi moment hamda effektiv quvvati



**10.6-rasm** Silindrsimon freza tishiga ta'sir qiluvchi kuchlar sxemasi.

ham o'zgaradi. Shuning uchun, qirqish rejimini hisoblashda, o'rtacha aylana kuchi bilan aniqlanuvchi o'rtacha aylantirish momenti va effektiv quvvat bilan ish ko'riladi

$$M_{\sigma r} = \frac{\rho D}{2000}, \quad N_{e\sigma r} = \frac{PV}{6120}.$$

$P_z$ ,  $P_x$  va  $P_y$  kuchlar o'rtasidagi nisbatlar bir xil emas va frezaning geometrik parametrlari hamda qirqish rejimiga bog'liq.  $P_z/P_x$  nisbat freza tishlari qirqayotgan qatlama qalinligiga va vint ariqchasining og'ish burchagiga bog'liq. U qirqilayotgan qatlama qalinligi kamayganda o'sadi va  $\omega$  burchak kattalashgan sari kichrayadi.  $\omega = 25\dots 35^\circ$  burchaklı frezalar uchun va tishga beriladigan surishlarda kuchlar o'rtasidagi o'rtacha nisbat quyidagi ko'rinishda bo'ladi  $P_x = (0,4\dots 0,6) P_z$ .

$P_y/P_z$  nisbat, asosan, vint ariqchasining og'ish burchagi bilan aniqlanadi va og'ish burchagi kattalashgan sari o'sib boradi. Mazkur nisbat o'rtacha  $R_u = (0,2\dots 0,4) R_t \operatorname{tg} \omega$  ga tengdir.

Frezalashda qirqish kuchi tajribada maxsus dinamometrlar bilan o'lchanadi. Qirqish kuchlari asosiy tashkil etuvchilarining tajriba orqali tadqiq etishning umumlashtirilgan natijalari quyidagi formuladan topiladi:

$$H_z = \frac{C_f t^r S_z^r Z_p B}{D^r}, \quad (10.5)$$

bunda  $t$  — frezalash chiqurligi;  $S_z$  — tishga uzatilish;  $Z_p$  — frezaning bir paytda ishlaydigan tishlari soni;  $B$  — frezalash kengligi;  $D$  — freza diametri.

LASTGOH SHPINDELIDAGI AYLANTIRUVCHI MOMENT QUYIDAGIGA TENG:

$$M_{ayt} = C_m t^r S_z Z_p BD^{r+1}. \quad (10.6)$$

$C_p$  va  $C_m$  koeffitsiyentlarning son qiyatlari va daraja ko'rsatkichlari frezalashda kesish rejimlarining me'yorlariga qarab ma'lumotnomalardan olinadi. Qirqish tezligi va freza tishlari old burchagining qiyatlari (10.5) va (10.6) tenglamalar bo'yicha hosil qilingan sonni  $K$  va  $K$ ytuzatish koeffitsiyentlariga ko'paytirib hisoblanadi.

Freza ishlayotgan paytda aylana kuchi va aylantirish momentining o'zgarib turishi frezalashning kamchiligi hisoblanadi. Qirqlayotgan qatlamining jamlangan kesim maydonining doimiy emasligi kuchlar bir xil bo'lmasligining asosiy sababi bo'lib hisoblanadi.

Frezalash kengligi freza o'qiy qadamidan butun son marta ortiq bo'lganda, bir me'yorda frezalash yoki ko'ndalang kesim  $F$  ning maydoni doimiy bo'lganda frezalashga erishish mumkin.

$$\frac{B}{t_o} = K; \quad K = 1, 2, 3\dots$$

Bu ifoda bir me'yorda frezalash tenglamasi,  $K$  soni esa bir tekislik koeffitsiyenti deb ataladi.

Frezalash kengligi har doim ishlov berilayotgan detal o'l-chamlari bilan berilganligi sababli, bir me'yorda frezalash tenglamasini tegishlichcha diametr, freza tishlari soni va vint ariqchasing og'ish burchagini tanlab amalgalash mumkin.

$$O'qiy qadamning t_o = t \operatorname{ctg} \omega = \frac{\pi D}{Z} \operatorname{ctg} \omega \quad \text{qiymatini qo'yib}$$

$$K = \frac{B_z}{\pi D \operatorname{ctg} \omega} \quad (10.7)$$

ni hosil qilamiz. Vint ariqchasing og'ish burchagi

$$\operatorname{ctg} \omega = \frac{B_z}{\pi D K} \quad (10.8)$$

ifoda bilan aniqlanuvchi frezani konstruksiyalash orqali bir tekis frezalash ancha oson.

Bir tekislik koeffitsiyenti istalgan raqam bo'lishi mumkin, ammo shunday bo'lishi kerakki, burchak  $\omega \leq 45^\circ$  bo'lsin. Vint ariqchasing og'ish burchaklari katta bo'lgan frezalar yasash tavsiya qilinmaydi, chunki bunda turg'unlik keskin kamayadi.

Tekis harakatdagi frezalash nazariy jihatdan aylana kuchi va aylantirish momentining doimiyligini ta'minlaydi. Amalda aylanish kuchi doim tishlarning aylana qadamining bir tekis bo'lmasligi

hamda tishlarning freza o'qiga nisbatan nokonsentrikligi va freza opravkasining urib turishi oqibatida tebranib turadi. Biroq tekis frezalashda kuch va moment tebranishi eng minimal bo'ladi.

Silindrsimon frezalar bilan frezalashdan farqli o'laroq, bir tekis torets frezalash mumkin emas. Har qanday sharoitlarda jamlangan aylanish kuchi va aylantirish momenti freza ishlab turganda o'zgaruvchan bo'ladi. Lekin frezalash notekisligi eng kam bo'lgan sharoitlarni tanlash mumkin.


## 10.6. Frezalarning yeyilish tabiatи

Yuqorida ta'kidlab o'tildiki, frezalashning bir-biridan farq qiluvchi xususiyatlari freza har bir tishining ish va salt sikllari almashinishing davriyligi hisoblanadi. Ish sikli davomida qirqlayotgan qatlam qalinligiga, tig' yuzalari o'rtasidagi ishqalanishga, tushayotgan qirindagi va qirqish yuzasiga proporsional bo'lgan energiya sarflanadi. Sarflangan energiyaning taxminan 95% i issiqlikka aylanadi. Tig' yuzasida harorat eng yuqori qiymatga yetadi.

Ish va salt sikllarning davriyligiga bog'liq ravishda issiqlik hodisalarining rivojlanishi, frezalashda yo'nish yoki parmalashdagidan ko'ra boshqacha tabiatga ega bo'ladi. Ish sikli davomida freza har bir tishining tig'i qariyb 400 C gacha qiziydi, bu parma va keskichdagi qizishga nisbatan taxmijnan ikki marta pastdir. Salt sikl vaqtida freza tishining tig'i soviydi, ish sikl davomida olingan issiqlik freza massasining ichiga va atrof-muhitga tarqaladi. Hatto, ish sikli davridagi harorathning ko'tarilishini hisobga olganda ham, harorat qiymati frezalar yeyilishi jadalligini sezilarli oshirish uchun yetarli darajada katta emas.

Freza tishlari tig'larining siklik harorati zo'riqishi sharoitlarida, salt siklda ularning aralashishi sodir bo'ladigan muhit muhim rol o'yndaydi. Quruq frezalashda tig'lar harorati farqi ish va salt sikllarda uncha katta emas, chunki havo muhitining issiqlik haydashga ta'siri kam. Frezaga sovituvchi suyuqlik quyish, freza tig'ini ancha jadal sovitish imkonini beradi.

Silindrsimon, uchli va disksimon frezalarning faqat orqa yuzalari yeyiladi. Orqa yuzaning yeyilish maydonchasi tig'ning ish hududi bo'y lab (10.7-rasm, a) tig'ning kirish nuqtasidan chiqish nuqta-sigacha asta-sekin kengayib borib joylashgan. Tezkesar po'latlardan yasalgan silindrsimon frezalar orqa yuzalari  $h_o$  yeyilishining yo'l qo'yiladigan kattaliklari: po'latlarga xomaki ishlov berishda 0,4...0,6



**10.7-rasm.** Silindrsimon (*a*) va torets (*b*) frezanining yeyilish sxemasi.

mm, uzil-kesil ishlov berishda 0,15...0,25 mm, cho'yanga xomaki ishlov berishda 0,5...0,8 mm, uzil-kesil ishlov berishda 0,2...0,3 mm ga teng.

Torets frezalar keskichlar kabi yeyiladi (10.7-rasm, *b*). Tezkesar po'latlardan yasalgan frezalar va qattiq qotishmadan yasalgan plastinkali frezalar po'lat va cho'yanylarga ishlov berishda orqa va old yuzalar bo'y lab yeyiladi. Tezkesar po'latlardan ishlangan frezalar, cho'yanga ishlov berishda, faqat orqa yuzasi bo'y lab yeyiladi. Frezalarning yo'l qo'yiladigan yeyilishi  $h_e$ : tezkesar po'latlardan ishlangan frezalarniki po'lat va cho'yanga xomaki ishlov berishda 1,5...2 mm, uzil-kesil ishlov berishda esa 0,3...0,5 mm; qattiq qotishmali plastinkaga ega bo'lgan frezalar bilan po'latlarga ishlov berishda 1...1,5 mm, cho'yanga ishlov berishda 1,5...2 mm.

Kesuvchi tig' mo'rt va plastik buzilishi mumkin. Mo'rt buzilish katta cho'zuvchi zo'riqishlar ta'sirida yuz beradi va yoriqlarning paydo bo'lishi va rivojlanishi oqibati hisoblanadi. Bunda kesuvchi tig'ning buzilishi, uvalanish yoki chatnash ko'tinishida bo'ladi. Uvalanish asosiy tig' yaqinida mayda zarrachalarning bo'linishida namoyon bo'ladi va ko'proq asbobozlik materialining yuza nuqsonlari, mikrostruktur asasining bir xil emasligi va qoldiq zo'riqishlar bilan bog'liq.

Chatnash asbobozlik materialining nisbatan katta hajmdagi, old yuzaning qirindi bilan kontakt chegaralarida pona hajmidan ortiq hajmda bo'linishidan iborat. Chatnash old va o'tkirlanish burchaklarining kattaligiga bog'liq.

Ancha yuqori mustahkamlik va zarbiy qovushqoqlikka ega bo'lgan tezkesar po'latlar qattiq qotishmalarga nisbatan mo'rt, buzilishga kam uchraydi.

Frezalash uchun xos bo'lgan uzlukli qirqishda termik zo'riqishlar muhim ahamiyat kasb etadi, xususan qattiq qotishmali plastinkalar bilan jihozlangan asboblar uchun ularning ahamiyati katta.

Torets frezalashda qirqish davrida tishlarning kontakt yuzalarida termik zo'riqishlar paydo bo'ladi. Tishlarning salt sikli paytida ventilatsion effektning issiqlik o'tkazuvchanligi tufayli, kontakt yuzalardagi harorat ish sikli haroratinining uchdan bir qismiga qadar pasayib ketadi. Natijada qattiq qotishmaning yuza qatlamlari ichki qatlamlarga nisbatan kamroq qiziydi va tishlarning kontakt yuzalarida siquvchi zo'riqishlar, cho'zilish zo'riqishlari bilan almashinadi. Ma'lum sikldan so'ng, zo'riqish ishorasining o'zgarishi toliqish yoriqlarini keltirib chiqarad. Yoriqlarning paydo bo'lishi ma'lum kritik tezlik va kesish haroratiga, shuningdek, qattiq qotishmalarning fizik-mexanikaviy xossalariiga bog'liq.

## 10.7. Frezalashda kesish rejimlarini tayinlash tartibi

Frezalashda kesish rejimlarini tayinlash tartibi ishlov berishning boshqa turlaridagi kesish rejimini tayinlash tartiblaridan farq qilmaydi. Kesish chuqurligi ishlov berishga qoldiriladigan qo'yimga bog'liq holda tanlanadi. DMAD tizimining bikrligi va dastgoh quvvatini hisobga olib, frezalashni bir o'tishda amalga oshirgan ma'qul. Ishlov beriladigan qo'yim 5 mm dan ortiq bo'lganda, hamda ishlov berish aniqligi, yuza g'adir-budurligiga yuqori talablar qo'yilganda qo'yimni oxirgi o'tishga 1...1,5 mm qoldirib ikki va undan ortiq o'tishda kesib olinadi.

Qirqish rejimi tayinlangandan so'ng navbatdagi ish – surishni tanlashdir. Bunda, imkoniyat boricha, eng katta surish tanlanadi. Uning kattaligi ishlov berilgan yuzaning g'adir-budurligi, freza tishining mustahkamligi, dastgoh surish mexanizmining mustahkamligi, DMAD tizimining bikrligi, ishlov berilayotgan materialning mustahkamlik xususiyatlari kabi omillar bilan cheklaniladi. Tezkesar po'latdan tayyorlangan silindrsimon frezalar bilan homaki frezalashda, po'latga ishlov berilganda tishga surishni  $S_z = 0,06 \dots 0,6$  mm/tish qilib, cho'yanga ishlov berishda  $S_z = 0,04 \dots 0,6$  mm/tish tarzida tanlanadi. O'tga chidamli va titanli qotishmalardan ishlangan zagotovkalarni frezerlashda  $S_z = 0,05 \dots 0,2$  mm/tish.

Tanlangan  $S_z$  kattalik bo'yicha minutlik surish aniqlanadi  $S_m = S_z Z_n$ , bunda  $Z$  – freza tishlari soni va  $n$  – frezaning aylanish chastotasi, so'ngra dastgoh pasporti bo'yicha  $S_m$  tuzatish kiritiladi va hisoblab chiqilganga yaqin kichik kattalik qabul qilinadi:  $S_{mr} \leq S_m$ . Tanlangan  $S_{mr}$  bo'yicha amaldagi tishga surish hisoblanadi.

Kesish tezligini frezalashdagi kesish rejimlari kartalari bo'yicha tanlanadi yoki quyidagi ifoda bo'yicha hisoblanadi.

$$V = \frac{C_v D^q}{T^m t^x S_z^y B^u Z^p} K, \quad (10.9)$$

bunda  $C_v$  – zagotovka materiali va ishlov berish sharoitlarini xarakterlovchi koefitsiyent;  $T$  – frezaning turg'unlik davri, u odatda 60...180 min chegarada bo'ladi;  $t$  – qirqish chuqurligi;  $S_z$  – tishga surish;  $B$  – frezalash kengligi;  $Z$  – freza tishlari soni;  $q, m, x, y, u, p$  – daraja ko'rsatkichlari;  $K$  – ishlov berish sharoitlarining o'zgarishini hisobga oluvchi umumiy tuzatish koefitsiyenti. Koefitsiyentlar va darajalar ko'rsatkichlarining qiymatlari ma'lumotnomalardan tanlanadi.

Hosil qilingan kesish tezligi  $V$  bo'yicha frezaning aylanish chastotasi  $n = \frac{1000V}{\pi D}$  aniqlanadi, va dastgoh pasporti bo'yicha tuzatish kiritiladi va amaldagi hisoblangan qiymatga yaqin kichik miqdor tanlanadi:  $n_a \leq n$ , va  $n_a$  bo'yicha qirqish tezligi qayta hisoblanadi. Keyin qirqish quvvati  $N_x$  ni hisoblanadi va dastgoh quvvati  $N_{dast}$  bilan qiyoslanadi:  $N_x < N_{dast}$ .

## 11-BOB | Jilvirlash

### 11.1. Jilvirlashning o'ziga xos xususiyatlari

Metallarga jilvirlash dastgohlarida abraziv asbob yordamida qirqib ishlov berish jarayoniga jilvirlash deb aytildi.

Abraziv kesuvchi asboblar ixtiyoriy joylashgan, bog'lovchi bilan mahkamlangan juda ko'p abraziv materiallar donlaridan tashkil topgan. Abraziv materiallar g'ovak jismlar bo'lib, ularning g'ovakligi asbobning butun hajmini qamrab oluvchi g'ovaklar va mikroyoriqlar tizimi ko'rinishida ifodalananadi. Abraziv asboblar ish va bo'sh yuzalarning rivojlangan mikrorelyesiga ega. Abraziv asboblar bilan jilvirlash metallarga tig'li asboblar bilan ishlov berilgandagiga qaraganda 10 va undan ortiq marta tezlikda bajariлади. Jilvirlash ishlov berilayotgan zagotovka materialini qirqish burchaklarining doimiy emasligi bilan ajralib turuvchi, ko'pincha qirqish tekisligiga nisbatan noqulay yo'naltirilgan, ko'p sonli abraziv donlar tomonidan ommaviy ravishda jadal qirqish jarayonidir.

Har bir abraziv doni bilan xuddi qirquvchi tish singari metalning yupqa qatlaminini kesish jilvirlashning o'ziga xos tomoni bo'lib, natijada detal yuzasida cheklangan uzunlikdagi va ko'ndalang kesimli juda kichik maydonga ega bo'lgan tilingan joy hosil bo'ladi. Jilvirlash orqali ishlov berilgan detal yuzasi ko'plab tilingan joylarning yig'indisidan iborat bo'lib, ular abraziv asbobning qirquvchi yuzasida joylashgan barcha abraziv donlarning qirqish izlaridir. Jilvirlashning yana bir o'ziga xos xususiyati shuki, ayrim abraziv donlarning ishlash hududida ko'pincha po'latning erish haroratidan yuqori bo'lgan yuqori kontakt haroratlar rivojlanadi, ishlov berilayotgan zagotovkaning hosil bo'lgan issiqlikning katta qismini yutuvchi yuza qatlamlari sekundning mingdan bir ulushi davomida 150...1500°C gacha qiziydi, keyin shunday tezlikda 20...350°C gacha soviydi. Jilvirlashda hosil bo'ladigan issiqlikning umumiy miqdori tig'li asboblar bilan ishlov bergandagi issiqlik hosil bo'lishiga qaraganda ancha ortiqdir.

Jilvirlash detallarga uzil-kesin ishlov berishda qo'llaniladi va  $R = 0,08 \dots 0,32$  mkm g'adir-budurlik va 6...7 kvalitetlar bo'yicha o'lcham aniqligiga ega bo'lgan yuzalar hosil qilish imkonini beradi.

## 11.2. Charxtoshlar xarakteristikalari va jilvirlash turlari

Abraziv donlar va bog'lovchidan iborat charxtoshlar keng tarqalgan abraziv asboblar hisoblanadi. Charxtosh abraziv donlar materialining sifati, donadorligi, bog'lovchi materiali, qattiqligi, strukturası, shakli va o'lchamlariga ko'ra xarakterlanadi.

Abraziv material xarakteristikasi 2.9-§ da berilgan.

Maydalangan abraziv materiallarning donadorligi jilvir donlari asosiy fraksiyasining o'lchamlari bilan aniqlanadi, xarakterlanadi va tegishli raqam bilan belgilanadi. Donadorlikning har bir raqami donning mkm dagi o'lchami xarakteristikasidir.

Abraziv donlar to'rt guruhg'a bo'linadi: jilvirlash donlari – № 200 dan № 16 gacha (donlarning o'lchami 2000 dan 160 mkm gacha); jilvirlash kukunlari – № 12 dan № 3 gacha; mikrokukunlar – M63 dan M14 gacha, yupqa mikrokukunlar – M10 dan M1 gacha. Donlarning o'lchami mazkur donlar o'tuvchi elak kataklari o'lchami bilan aniqlanadi. Mikrokukunlar donlarining o'lchamlari mikroskopik va fotoelektrik o'lhash usullarida aniqlanadi.

Olmos donlari ikki guruhg'a bo'linadi: jilvirlash kukunlari (630/500 dan 50/40 gacha) va mikrokukunlar (60/40 dan 1/0 gacha).

Elbor donlari uch guruhga bo'linadi: donadorligi LO 315/250 dan LO 200/160 gacha bo'lgan jilvirlash donlari; LO 160/125 dan LO 50/40 gacha bo'lgan jilvirlash kukunlari; LM 40/28 dan LM 5/3 gacha bo'lgan mikrokukunlar.

Olmoslar va elborning donadorligi kasr bilan ifodalanib, donlar asosiy fraksiyasingin mkm dagi eng katta o'lchami maxrajda va eng kichik o'lchami suratda beriladi.

Asosan, anorganik, organik va metall bog'lovchilar ishlatiladi. Anorganik bog'lovchilardan keng tarqalgani sopol bog'lovchilar bo'lib, ular o'tga chidamli loy, dala shpati, kvars, talk va bo'rdan tashkil topgan. Sopol bog'lovchili charxlar bir xil qattiqlikka ega bo'lib, donlari ancha ochiq (turtib chiqqan) va shuning uchun ularning ish unumi yuqori. Bundan tashqari, bunday charxlar suv, moy va yuqori harorat ta'siriga sezgir emas, bu juda muhimdir. O'ta mo'rtligi bunday charxlarning asosiy kamchiligi hisoblanadi.

Vulkanitli, bakelitli, glifstatitli organik bog'lovchilar charxlarni o'ta mustahkam va qayishqoq qiladi, natijada mazkur bog'lovchili charxlarning aylana tezligi yuqori bo'ladi. Bunday charxlarning yuqori haroratga chidamsizligi, oson siyqalanishi (bu hol tez-tez to'g'rilab turishni talab etadi) va tayyorlashning qimmatga tushishi ularning kamchiligi hisoblanadi. Metall asoslar (aluminiy, qalay, mis) va to'ldirgichlardan (kreminniy karbidi, elektrokorund) iborat metall bog'lovchilar olmos hamda elbor charxlarda qo'llaniladi.

Charxtoshlarning qattiqligi deganda, bog'lovchining tashqi kuchlar ta'sirida bog'lovchi massasidan abraziv donlarning sug'urilishiga qarshilik ko'rsatishi tushuniladi. Bog'lovchi abraziv donlarni ular o'tkir bo'lib, qirqish xususiyatiga ega bo'lgan vaqt davomida tutib turishi hamda o'tmaslashgandan so'ng charxtosh yuzasidan ajralib ketishiga imkon berishi lozim.

Charxtoshning qattiqligi soqqachani bosish, o'yiqcha parmaqlash, qum oqimi bilan ishlov berish orqali aniqlanadi. Charxtoshlar quyidagi qattiqlik toifalariga ega bo'ladi va quyidagicha belgilanadi: YU1, YU2, YU3, SYU1, SYU2, O'1, O'2, O'T1, O'T2, O'Q3, Q1, Q2, AQ1, AQ2, JQ1, JQ2. Harflar quyidagilarni bildiradi: YU – yumshoq; O'YU – o'rtacha yumshoq; O' – o'rtacha; O'Q – o'rtacha qattiq; Q – qattiq; AQ – ancha qattiq; JQ – juda qattiq. Harflardan keyin qo'yilgan 1, 2, 3 raqamlari qattiqlikning o'sib boruvchi tartibini bildiradi.

Charxtoshlar qattiqligiga ko'ra ma'lum bo'lgan umumiy qoidalari asosida tanlanadi. Qattiq materiallarga yumshoq charxlar bilan ishlov berish kerak (YU, O'YU, O'). Qovushqoq materiallarga

ishlov berganda (rangli metallar, yumshoq po'latlar) ham yumshoq charxlarni, biroq yirik donlisini tanlash lozim. Shakldor yuzalarni jilvirlashda charxtoshning shakl beruvchi profilini saqlash uchun ancha qattiq charxtoshlarni qo'llash kerak.

Abraziv donlar, bog'lovchi va g'ovaklar birlik hajmining miqdoriy nisbatlariga bog'liq ravishda silliqlovchi asbob turli strukturaga ega bo'ladi. Jami 13 ta struktura nomerlari bo'lib, 0 dan 12 gacha farqlanadi. Nolinchi struktura eng katta zichlikka ega bo'ladi (abraziv donlar hajmi 62% ga teng). Struktura nomerlari ortib borishi bilan abraziv donlar hajmi kamayadi va g'ovakligi yuqori bo'lgan charxlarda g'ovaklar hajmi 75% ga yetishi mumkin. G'ovaklikning yuqori bo'lishi jilvirlash asboblari uchun sovitish, qirindi va abraziv shlamlarni haydash yaxshi sharoitlarini yaratadi.


Olmos asboblarning samaradorligi va qiymatini belgilovchi eng muhim xarakteristika olmoslar konsentratsiyasi (miqdori) hisoblanadi. 100% li konsentratsiya sifatida  $1 \text{ sm}^3$  olmos tushuvchi qatlama (yoki  $1 \text{ mm}^3$  da  $0,878 \text{ m}^2$ ) 4,39 karat olmos bo'lishi qabul qilingan bo'lib, bu uning hajmining 25% ini tashkil etadi. Asbob 25 dan 200% gacha bo'lgan chegaradagi konsentratsiyada ishlab chiqariladi.

Jilvirlashning quyidagi turlari farqlanadi: tashqi aylanma jilvirlash; ichki aylanma jilvirlash; yassi jilvirlash; maxsus jilvirlash (tish jilvirlash, rezba jilvirlash va bosh.).

Tashqi aylanma jilvirlashda jilvirlovchi charx va ishlov berilayotgan detal bir tomonga aylanadi (11.1-rasm, a). Jilvirlovchi charx asosiy  $V_{ch}$  harakatni, detal esa aylanma surish  $V_d$  harakatini bajaradi. Bundan tashqari, ishlov berilayotgan detal charxning aylanish o'qiga parallel ravishda bo'ylamasiga siljiydi  $S_{bo'y}$ . Har qaysi bir yoki ikkita o'tish oxirida charxtosh, qirqish chuqurligiga ko'ndalang siljiydi  $S_{ko'n_s}$ . Shu sxema bo'yicha nisbatan uzun detallarga ishlov beriladi.

Tashqi aylanma jilvirlash bilan konussimon yuzalarga ishlov berish mumkin. Kesib qirquvchi jilvirlash ham mavjud. Bunday jilvirlashda surish harakati faqat bir yo'nalishda – ishlov berilayotgan detal aylanish o'qiga perpendikular tarzda ta'minlanadi. Ishlov berilayotgan yuza kengligi, odatda abraziv asbob kengligidan kichik bo'lishi kerak.

Aylanma ichki jilvirlashda (11.1-rasm, b) charxtosh va detal parallel o'qlar atrofida, tegishlicha,  $V_{ch}$  va  $V_d$  tezlikda aylanadi. Bo'ylama surish harakati  $S_{bo'y}$  va ko'ndalang surish harakati  $S_{ko'n}$  tashqi aylanma jilvirlashdagi kabitdir. Aylanma ichki jilvirlashda ichki konussimon yuzalarga ishlov berish ham mumkin.



**11.1-rasm.** Jilvirlash sxemalari.

Charxlash periferiyasi bilan yassi jilvirlashda (11.1-rasm, d) yuqori aniqlikda ishlov berishga, ishlov berilgan yuzaning yuqori sifat ko'rsatkichlariga erishiladi, bikrili kichik bo'lgan detallarga ham ishlov berish mumkin. Yassi jilvirlashda qaytma-ilgarilama bo'ylama harakat  $V_d$  ni va uzlukli ko'ndalang surish harakati  $S_d$  ni zagotovka yoki charxtosh amalga oshiradi. Qirqish chuqurligi kattaligida charxtoshni surish harakati dastgoh stolining chekka holatida butun jilvirlanadigan tekislikka ishlov berib borilgan sari amalga oshiriladi. Agar jilvirlanayotgan yuza charxtosh kengligidan tor bo'lsa, stol har gal ikki marta yurganida vertikal surish harakati bajariladi.

Tekis jilvirlash charxning (periferiyasi) bilan emas, charxtoshning toretsi bilan ham amalga oshiriladi. Yassi torets jilvirlashda, bir paytning o'zida, bir nechta qirqish elementi – donlar ishtirot etadi (katta tutashuv maydoni), natijada issiqlik ko'p ajralib chiqadi va ingichka detallar kuyishi va o'z o'lchamlarini sovish davrida o'zgartirishi mumkin.

Markazsiz jilvirlashning mohiyati shundan iboratki, zagotovka ishlov berish jarayonida markazlarga yoki boshqa siquvchi moslamalarga mahkamlanmaydi (11.1-rasm, e), balki tayanch oyoq 4 da joylashadi. Zagotovka 3 charxtosh 1 va yetakchi 2 charxlar o'rtaida joylashib,  $V_d$  aylanish va, ayni vaqtida, ko'ndalang surish  $S_{ay}$  oladi. Konstruksiyasi jihatidan yetakchi charx ham charxtosh singari, ammo qayishqoq, vulkanitli bog'lovchi moddalar asosida ishlangan bo'lib, ular amalda zagotovka bilan sirg'almasdan tutashuvni ta'minlaydi. Bunda oniy aylanma tezlik tutashuv nuqtasida zagotovka va yetakchi charx uchun bir xil bo'ladi. Zagotovkaning charxtosh o'qi bo'ylab surilishini ta'minlash uchun vertikal tekislikda yetakchi charxda charxtosh o'qiga  $0...8^\circ$  qiyalik ko'zda tutilgan.

Ana shuni hamda tutashuv joyida yetakchi charxtosh va detalning bir xil aylanma tezligini hisobga olib yetakchi charxning burchak tezligi vektorini detalga nisbatan tashkil etuvchilarga qo'yamiz: vertikal chiziqcha – detalning burchak tezligi vektori va gorizontallar – detalning o'z o'qi bo'y lab siljish tezligi vektori. Unda detalning aylanma tezligi  $V_d = V_{yech} \cos\alpha K$ , detalning bo'ylama siljish tezligi yoki bo'ylama surish  $S_{ayl} = V_{yech} \sin\alpha K$ . Bu ta'riflarda:  $\alpha$  – yetaklovchi charx o'qining qiyalik burchagi,  $K$  esa sirpanish koefitsiyenti. Detalning o'q bo'y lab jilvirlanishi o'tuvchi jilvirlash deyiladi.

Burchak  $\alpha = 0$  (bo'ylama surish  $S_{bo'y} = 0$ ) bo'lganda, kesib qirquvchi jilvirlash usulida ishlov beriladi.


Yetakchi charxning detal bilan tutashishi nuqtada emas, balki chiziq bo'y lab bo'lishi uchun (yetakchi charx o'qi burilganda) yetakchi charx bir bo'shligli ayylanish giperboloidi bilan to'g'rilanadi (11.1-rasm, e ga qarang).

### 11.3. Jilvirlash jarayoni elementlari

Jilvirlashda qirindi hosil bo'lishi tig'li asboblar bilan ishlash paytida qirindi hosil bo'lishidan uncha farq qilmaydi. Biroq, agar tig'li asboblarda kesuvchi tig'larning shakli, o'chamlari joylashishi aniqlangan, burchaklari va chiziqlarining geometrik parametrлari qiymatlari bilan belgilangan bo'lsa, abraziv donlar esa kesuvchi tishlar singari noto'g'ri geometrik shaklga ega bo'ladi va jilvirlash charxi massasida tartibsiz, tasodifiy joylashadi. Shuday qilib, abraziv donlarning kesuvchi tig'laridagi yuzalarning geometrik burchak parametrлari tasodifiy, ehtimoliy xarakterga ega bo'lib, keng chegaralarda o'zgarib turadi.

11.2-rasmda elektr korundlar va bor nitridlari abraziv donlaridan yasalgan charxtoshlar old va orqa burchaklari qiymatlarining taqsimlanish egri chiziqlari ko'rsatilgan. Old burchaklar uchun nisbiy chastota  $m$  ning eng katta qiymati  $\gamma = -75^\circ$  bo'lganda va orqa burchaklar uchun  $\alpha = 12^\circ$  da kuzatiladi. Bu va boshqa tadqiqotlar shuni ko'rsatadiki, jilvirlash jarayoni uchun qirqilayotgan qatlam qalinligining yupqa bo'lishi, abraziv don bilan zagotovka o'rtasidagi tutashuv qisqa vaqt davom etishi, katta deformatsiyalanish tezliklari, tashqi burchaklarning katta mansiy qiymatlari xosdir.

Aylanma tashqi jilvirlashda qirqish rejimining elementlari quyidagilardir: qirqish tezligi (ko'ndalang surish), bo'ylama surish, charxtosh va detalning aylanma tezligi.



**11.2-rasm.** Charxtoshlar [3] abraziv donlarining kesuvchi tig'laridagi old  $\gamma$  va orqa  $\alpha$  burchaklar qiymatlarining nisbiy bog'lanishi.

Qirqish chuqurligi  $t$  – charxtosh bir marta o'tishida qirqiladigan qatlam qalinligi. Qirqish chuqurligi, charx o'z kengligiga ko'ra detal chegaralaridan qisman chiqqanda, charxning detalga nisbatan chekka holatda amalga oshiriluvchi ko'ndalang surish kattaligiga mos keladi. Xomaki jilvirlashda qirqish chuqurligi (ko'ndalang surish  $S_{\text{ko'n}}$ )  $0,01 \dots 0,08$  mm chegarada va uzil-kesil jilvirlashda  $0,005 \dots 0,015$  mm atrofida olinadi.

Bo'ylama surish  $S_{\text{bo'y}}$  – bu ishlov berilayotgan detalning (yoki charxtoshning) bir marta aylanishi mobaynida (mm/ayl) milimetrlarda bo'ylama siljishidir. Bo'ylama surish charxtoshning  $B$  kengligidan ma'lum ulushlar tarzida olinadi. Xomaki jilvirlashda  $S_{\text{bo'y}} = (0,3 \dots 0,7)B$ , uzil-kesil jilvirlashda –  $S_{\text{bo'y}} = (0,2 \dots 0,4)B$ .

Charxtoshning aylanma tezligiga jilvirlashdagi qirqish tezligi  $V$ , deb ataladi. Odatda, m/sek da ifodalanuvchi jilvirlash tezligini quyidagi ifodadan hisoblanadi:

$$V = \frac{\pi D n}{1000 \cdot 60},$$

bunda  $D$  – charxtoshning diametri, mm;  $n$  – shpindelning aylanish chastotasi, ayl/min. Charxtoshning aylanma tezligi, odatda 30 m/sek dan oshmaydi. Bu chegara sopol bog'lovchilar assosida ishlangan charxtoshlarning mexanik mustahkamligi bilan cheklangan. Metall bog'lovchilar assosida ishlangan charxlardan foydalanilgandagina 30 m/sek dan ortiq tezlikdagi jilvirlashga ruxsat etiladi.

Detalning aylanish tezligi quyidagi ifodadan topiladi:

$$V_d = \frac{\pi D n}{1000}, \text{ m/min,}$$

bunda  $D$  – detal diametri, mm;  $n$  – detalning aylanish chastotasi, ayl/min.

Po'lat va cho'yandan yasalgan detallarning jilvirlashdagi aylanma tezligi, odatda, 20...60 m/min oralig'iда bo'ladi.

Ishlov berilayotgan metall bir marta aylanganda qirqiladigan metall qatlamining hajmi

$$Q = \pi D t S_{bo'y}, \text{ mm}^3,$$


bunda  $D$  – detal diametri, mm;  $t$  – qirqish chiqurligi, mm;  $S_{bo'y}$  – bo'ylama surish, mm/ayl.

Jilvirlashda charxning ish yuzasiga ta'sir qiluvchi normal va urinma kuchlarning teng ta'sir qiluvchisi  $P_u$ chta kuchning;  $P_x$ ,  $P_y$  va  $P_z$  yig'indisi bo'ladi (11.3-rasm). Tangensial kuch  $P_y$  qirqishning asosiy harakati yo'nalishida harakat qilganligi sababli, aynan u qirqishning effektiv quvvati qiymatini belgilaydi. Radial kuch  $P_x$  qayishqoq deformatsiyani yuzaga keltirib, ishlov berishning aniqligi va qirqish jarayonining tebranishga chidamliligiga katta ta'sir ko'rsatadi. O'qiy kuch  $P_z$  surish uzatmasining quvvatini bildiradi.

Jilvirlashda qirqish kuchining radial tashkil etuvchisi  $P_y$  doimo tangensial tashkil etuvchi  $P_x$  dan 1,5...3 marta katta bo'ladi, buning sababi manfiy old burchaklar katta, qirqilayotgan qatlam qalinligi kam va abraziv donlardagi yumaloqlanish radiuslari kattadir.

Tadqiqotlar natijasida shu narsa aniqlanganki, konstruksion po'latlar, cho'yanlar va yuqori darajada legirlangan qotishmalarni jilvirlashda tashqi va ichki aylanma jilvirlash uchun sarflanadigan effektiv quvvat ( $kVt$ ) quyidagi bog'lanish bilan ifodalanadi:

$$N_{ye\ ayi} = C_N S_{bo'y} V^{0.7} S_k. \quad (11.1)$$



**11.3-rasm.** Jilvirlashda ta'sir qiluvchi kuchlar sxemasi.

Yassi jilvirlash uchun

$$N_{yc\text{ yas}} = C_N S_k S_{bo'y}^{0.7} S_b^{0.7}. \quad (11.2)$$

Bu tengsizlikka kiruvchi  $C_N$  koeffitsiyent jilvirlash turi va jilvirlanayotgan detal diametri  $D$  (mm)ga bog'liq.

$$C_N = C_o D_g^n K_1 K_2 K_3, \quad (11.3)$$

bunda  $C_o$  – koeffitsiyent va  $n$  – jilvirlash turiga bog'liq bo'lgan daraja ko'rsatkichi;  $K_1$ ,  $K_2$  va  $K_3$  – charxning qattiqligi, kengligi  $B$ , ishlov berilayotgan material turini hisobga oluvchi koeffitsiyentlar.

Jilvirlashda qirqish kuchlari, odatda, katta bo'lmaydi. Biroq jilvirlashning effektiv quvvati katta, chunki charxning tezligi katta  $V_{ch} : N_{yc} = P_z V_{ch}$ , bundan  $P_z = N_{yc} / V_{ch}$ .

(11.1), (11.2) va (11.3) tenglamalardan foydalanib, quyidagini hosil qilamiz:

tashqi va ichki aylanma jilvirlash uchun

$$P_{z\text{ ayl}} = C_o D_g^n S_{bo'y} V^{0.7} S_k^{0.7} K_1 K_2 K_3 / V_{ch}, \quad (11.4)$$

tekis jilvirlash uchun

$$P_{z\text{ tekis}} = C_o S_k S_{bo'y}^{0.7} S_b^{0.7} K_1 K_2 K_3 / V_{ch}. \quad (11.5)$$

#### 11.4. Abraziv asboblarning yeyilish tabiatи va jilvirlashda kesish rejimlarini tayinlash

Abraziv asbobning yeyilishi, ishlov berilayotgan materialga, abraziv asbob xarakteristikasiga (abraziv donlarning materiali, donadorligi, qattiqligi, tuzilishi), qirqish (kesish) rejimiga bog'liq.

Donlar cho'qqilarining siyqalanishi, donlarning uvalanib tushishi, bog'lovchilarning siyqalanishi, donlarning sug'urilib chiqishi, g'ovaklarning ishlov berilayotgan material zarrachalari va abraziv shlam bilan to'lib qolishi – yeyilishning o'ziga xos turlari hisoblanadi.

Jilvirlash sharoitlariga bog'liq holda, yeyilishning barcha turlari yuz berishi yoki ulardan biri ustun kelishi mumkin.

Ishlov berilayotgan material qancha qattiq va uning siyqalanish xususiyatlari qancha yuqori bo'lsa, abraziv donlar shuncha jadalroq yeyiladi. Donlarning yeyilishi bilan charxning kesuvchi yuzasidan yeyilgan donlarni sug'urib oluvchi qirqish kuchlari o'sib boradi.

Yeyilgan donlarning sug‘urilishi qirqish yuzasining yangilanishiga olib keladi. Charxning pastki qatlamidagi yangi, yeyilmagan donlar qirqishga kirishadi. Abraziv asboblarning o‘z-o‘zicha charxlanish xususiyatidan foydalanish uchun siyqalanish xossalari yuqori bo‘lgan qattiq materiallarni yumshoq charxtoshlarda jilvirlanadi.

Jilvirlash jarayonida qirqilayotgan qatlam qirindilari, metall zarrachalaridan iborat shlam (kukunsimon mahsulot), abraziv donlar va bog‘lovchilarining parchalari qo‘shti donlar va jilvirovchi charx g‘ovaklaridagi berk bo‘shliqda to‘planadi. Salt sikl paytida g‘ovak hajmida to‘plangan qirindi va shlam markazdan qochuvchi kuchlar va sovitish suyuqliklari oqimi ta’sirida g‘ovakklardan chiqib ketish imkoniyatiga ega bo‘ladi. Biroq qirindi va shlamning bir qismi g‘ovak hajmlarda tiqilib qoladi va birmuncha vaqt o‘tgandan so‘ng qirqish yuzasidagi g‘ovaklar to‘lib qoladi. Bunda charxtosh umuman qirqmay qo‘yadi (charx yedirilib, to‘lib qoladi).

Yedirilib to‘lgan charx qirqish xossalarni yo‘qotadi, natijada katta miqdorda issiqlik ajralib chiqadi va charxning kesuvchi yuzasida hamda detalning ishlov berilayotgan yuzasida harorat ko‘tariladi. Oqibatda ishlov berilayotgan detal sifati pasayadi va bu hol ishlov berilgan yuzada kuygan joylar hosil bo‘lishi orqali ko‘rinadi.

Shunday qilib, yumshoq va o‘rtacha yumshoq abraziv asboblar ko‘pincha ularning o‘z-o‘zini charxlash xususiyati tufayli yeyiladi. Ancha qattiq abraziv asboblar ularning qisman qizishi va qisman ishlov berilayotgan materialning siyqalovchi ta’sirida donlar qirralarining o‘tmashlashishi oqibatida yeyiladi.

Yeyilgan sari, qirquvchi yuzalar asta-sekin o‘z shakli va o‘lchamlarini o‘zgartirib boradi. Charxtoshning yeyilishi uning kengligi bo‘ylab bir xil bo‘lmaydi: burchak o‘tishlarda ancha jadal yeyiladi. Charxtoshning yeyilishi ishlov berilgan yuza g‘adir-budurligining ortishi, ishlov berish aniqligining pasayishi, kuygan joylarning paydo bo‘lishi, tebranishlarning yuzaga kelishi, quvvatning ortishi bilan xarakterlanadi.

Qirqish xususiyati va charx profilini tiklash uchun charxni to‘g‘rilash zarur. Abraziv asbobning bir to‘g‘rilashdan ikkinchi to‘g‘rilashgacha bo‘lgan ishlash vaqt uding turg‘unlik davri deyiladi. Abraziv charxlarning turg‘unlik davri  $T = 5\dots 60$  min ni tashkil etadi.

Jilvirlashda moylash-sovitish texnologik muhiti (MSTM) muhim rol o'ynaydi.

Abraziv asbob bilan ishlov berishning barcha operatsiyalarida, vaqt birligida, ko'plab mayda qirindilar olib tashlanadi, to'xtovsiz jilvirlash shamlari hosil bo'ladi. Ishlov berishdagi mazkur barcha chiqindilarni ishlov berish hududi va dastgohning ish organlaridan uzlusiz olib tashlab turish lozim.

MSTM ning moylash ta'siri, abraziv asboblar bilan ishlov berishda kesuvchi va siquvchi abraziv donlar, bog'lovchi, material zarrachalari va asbob ish yuzasiga yopishib qolgan chiqindilarning ishqalanishini kamaytirishga hamda yedirilishning oldini olishga olib keladi. MSTM ning yuvish ta'siri material zarrachalarini, abraziv asbobning yeyilish mahsulotlarini va ishlov berishning boshqa chiqindilarini asbobning ish yuzasidan, qirqish hududidan, ishlov berilayotgan detal yuzasidan va dastgoh detallaridan yuvib olib ketishdan iborat.

MSTM funksional xossalarining amalga oshishi uchun, avvalo katta tezlikda aylanuvchi charxtoshlar tomonidan hosil qilinadigan va MSTM ning jilvirlash hududiga kirib borishiga to'sqinlik qiladigan aylanma va yon tomonidan keladigan havo oqimlari jiddiy qiyinchiliklar tug'diradi. G'ovakli tuzilish xususiyatiga ega bo'lgani uchun charx markazdan qochma nasos singari ishlaydi. Charxning g'ovaklarida joylashgan havo markazdan qochma kuch tomonidan periferiyaga surib tashlanadi, bu esa charx ichining bo'shab qolishiga sabab bo'ladi, yangi havo oqimi esa charxning yon qirralari orqali so'rib olinadi. Kuchli girdobli havo oqimlari dag'al periferiya va abraziv charxlarning yon qirralari tomonidan ham hosil qilinadi. Shuning uchun MSTM ning to'g'ri olib kelinishi abraziv asbobning ishlash xususiyatini ancha oshiradi.

Qirqish rejimlarini tanlashda, birinchi navbatda, charxtoshning xarakteristikasi (shakli, o'lchamlari, abraziv materiali, donadorligi, qattiqligi, tuzilishi, bog'lovchisi, charx sinfi) ishlov berilayotgan material xossalariga bog'liq holda aniqlanadi.

Qirqish chuqurligi  $\tau$  ni tanlash (yoki ko'ndalang surish  $S_{ko'n.s.}$ ) ikkinchi qadam hisoblanadi.

Shundan so'ng bo'ylama surish va unga asoslanib minutlik surish  $S_m = S_{bo'y.} n$  aniqlanadi. Keyin aylanma tezlik  $V$  (yoki yassi jilvirlashda stol tezligi) tanlanadi va detalning aylanish chastotasi

*n* aniqlanadi hamda u dastgohnning passport ma'lumotlariga ko'ra to'g'rilanadi. Detalning qabul qilingan amaldagi aylanish chas-totasi bo'yicha detal aylanma tezligining amaldagi tezligi aniqlanadi.

So'ngra charxtoshning aylanma tezligi  $V_{ch}$  (qirqish tezligi) tanlanadi. Bu tezlikni charx xarakteristikasida ko'rsatilgan tezlikdan oshirib yuborishga yo'l qo'ymaslik zarur.

$P$ , kuch va jilvirlash uchun zarur bo'lgan quvvat  $N_{ye}$  hisoblanadi. Bu quvvat dastgoh shpindeli quvvatiga teng yoki undan kamroq bo'lishi lozim.

---

---

## АДАБИЙОТЛАР

1. Армарего И.Ж.А., Браун Р.Х. Обработка металлов резанием. М., Машиностроение, 1977.
2. Бобров В.Ф. Основы теории резания металлов. М., 1975.
3. Верешака А.С., Третьяков И.П. Режущие инструменты с износостойкими покрытиями. М., 1986.
4. Грановский Г.И., Грановский В.Г. Резание металлов. М., 1985.
5. И н о з е м ц е в Г.Г. Проектирование металлорежущих инструментов. М., 1984.
6. П од у р а е в В.Н. Резание труднообрабатываемых материалов. М., 1974.
7. Проектирование и расчёт металлорежущего инструмента на ЭВМ. Высшая школа. 1991.
8. Л о л а д з е Т.Н. Износ режущего инструмента. М., 1958.
9. Макаров А.Д. Износ и стойкость режущих инструментов. М., 1966.
10. Р е з ник о в А.Н. Теплофизика резания. М., 1969.
11. Старков В.К. Дислокационные представления о резании металлов. М., 1979.
12. Старков В.К. Обработка резанием. Управление стабильности и качеством в автоматизированном производстве. М., 1989.
13. Технологические свойства новых СОЖ для обработки резанием (Под ред. М.И. Каушина). М., 1979.
14. Технология обработки конструкционных материалов. (Под ред. П.Г.Петрухи). Высшая школа, 1991.
15. Т р е н т Э.М. Резание металлов. М., 1980.
16. M i g b o b o u e v V.A. Konstruksion materiallar texnologiyasi. T., „O‘qituvchi“, 1991.
17. У с м а н о в К.Б., Я ку н и н Г.И. Влияние внешних сред на износ и стойкость режущих инструментов. Фан, 1984.
18. Я к у б о в Ф.Я. «Энергетические соотношения механической обработки металлов». Фан, 1985.

---

## MUNDARIJA

<b>Kirish .....</b>	<b>3</b>
<b>1-bob. Metallarni qirqib mexanik ishlov berish asoslari</b>	
1.1. Asosiy ta'riflar .....	5
1.2. Asbobning kesuvchi qismi .....	6
1.3. Asbob kesuvchi qismining geometrik parametrlari .....	7
<b>2-bob. Asbobsozlik materiallari</b>	
2.1. Asbobsozlik materiallariga qo'yiladigan talablar .....	12
2.2. Uglerodli asbobsozlik po'latlari .....	15
2.3. Legirlangan asbobsozlik po'latlari .....	17
2.4. Tezkesar asbobsozlik po'latlari .....	18
2.5. Qattiq qotishmalar .....	20
2.6. Mineral keramika .....	24
2.7. Tabiiy va sun'iy olmoslar .....	26
2.8. O'ta qattiq materiallar .....	27
2.9. Abraziv materiallar .....	28
2.10. Kesuvchi asboblarning sifatini oshirishning asosiy usullari va yo'llari .....	31
<b>3-bob. Metall kesishning fizik asoslari</b>	
3.1. Kesish elementlari va kesilayotgan qatlarning o'lchamlari .....	34
3.2. Qirindi hosil bo'lish jarayoni .....	37
3.3. Kesish jarayonining dislokatsion mexanizmi .....	42
3.4. Ishlov berilgan yuza qatlarning asosiy xarakteristikalari .....	47
3.5. Ishlov berilgan yuzanинг sifati .....	48
3.6. Qirindining kirishishi .....	51
3.7. O'simta hosil bo'lishi .....	52
<b>4-bob. Qirqish (kesish) hududidagi issiqlik hodisalari</b>	
4.1. Issiqlik hosil bo'lish manbalari .....	55
4.2. Kesish haroratig'a ta'sir qiluvchi omillar .....	61
<b>5-bob. Kesuvchi asbobning yeyilishi va turg'unligi</b>	
5.1. Kesuvchi asbobning yeyilishi .....	62
5.2. Yeyilishning vaqt bo'yicha rivojlanishi .....	69
5.3. Kesuvchi asbobning turg'unligi .....	71
5.4. Turg'unlikning fizik tabiatи .....	73

<b>6-bob. Moylash-sovitish texnologik muhitlarining kesish jarayoniga ta'siri</b>	
6.1. Muhit kesish jarayoni bilan o'zaro ta'sirlashgandagi fizik-kimyoviy hodisalar .....	77
6.2. MSM turlari.....	83
<b>7-bob. Kesish kuchlari</b>	
7.1. Kesish kuchlarini aniqlash .....	84
7.2. Kesish kuchlariga ta'sir qiluvchi omillar .....	86
<b>8-bob. Yo'nish</b>	
8.1. Yo'nishning asosiy turlari va keskichlarning tasnifi .....	89
8.2. Raqamli boshqarish dasturi bo'lgan dastgohlar uchun keskichlar .....	97
8.3. Kesish rejimlarini tanlash tartibi .....	101
8.4. Kesish jarayonini optimallashtirish .....	105
<b>9-bob. Parmalash</b>	
9.1. Parmalarning vazifasi va asosiy turlari .....	114
9.2. Parmalashda kesish jarayoni elementlari .....	120
9.3. Parmalashdagi kesish kuchlari .....	121
9.4. Spiral parmalarning yeyilish tabiatи .....	124
9.5. Parmalashda kesish rejimlarining vazifasi .....	127
<b>10-bob. Frezalash</b>	
10.1. Frezalash haqida umumiyl tushuncha .....	128
10.2. Frezalarning asosiy turlari va ularning vazifasi .....	129
10.3. Frezalarning geometrik o'lchamlari .....	130
10.4. Frezalashda kesish jarayoni elementlari .....	133
10.5. Frezalashda kesish kuchlari .....	138
10.6. Frezalarning yeyilish tabiatи .....	141
10.7. Frezalashda kesish rejimlarini tayinlash tartibi .....	143
<b>11-bob. Jilvirlash</b>	
11.1. Jilvirlashning o'ziga xos xususiyatlari .....	144
11.2. Charxtoshlar xarakteristikalarini va jilvirlash turlari .....	145
11.3. Jilvirlash jarayoni elementlari .....	149
11.4. Abraziv asboblarining yeyilish tabiatи va jilvirlashda kesish rejimlarini tayinlash .....	152
Adabiyotlar .....	156

USMONOV KAMOL BEKMUROTOVICH

**METALL KESISH ASOSLARI**

*Oliy o‘quv yurtlari uchun o‘quv qo‘llanma*

*Toshkent „O‘qituvchi“ 2004*

Tahririyat mudiri *B.Akbarov*

Muharrir *D.Abbosova*

Badiiy muharrir *F.Nekqadamboev*

Texnik muharrir *S.Tursunova*

Kompyuterda sahifalovchi *Q. Kuzayeva*

Musahihil *D.Umarova*

IB № 8316

Original-maketedan bosishga ruxsat etildi 1.06.04. Bichimi  $60 \times 90^{\prime\prime}_{\text{w}}$ . Kegli 10, 11 shponli. Tayms garniturasi. Ofset bosma usulida bosildi. Bosma t.10,0. Nashr t. 10.0. 1000 nusxada bosildi. Buyurtma № 131

«O‘qituvchi» nashriyoti. Toshkent, 129. Navoiy ko‘chasi. 30. Sharhnoma № 10-35-04.

O‘zbekiston Matbuot va axborot agentligining G‘afur G‘ulom nomida-gi nashriyot-matbaa ijodiy uyi. Toshkent, 129. Navoiy ko‘chasi. 30 // Toshkent, 128. U.Yusupov ko‘chasi., 86. 2004.

**Usmonov K.B.**

Metallarni kesish asoslari: Oliy o'quv yurtlari uchun.  
— T.: „O'qituvchi“, 2004. — 160 b.

BBK 34.642 – ya 73